


# بُرا حال ہو یا پنجاب دا

(بکھے شاہد دے زمانے دا سیاہی تے آسمانی منظر نامہ)

اکرم شیخ



# بُرا حال ہو یا پنجاب دا

نہلے شاہ دے زمانے دا سیاسی تے سماجی منظر نامہ

1680ء توں 1758ء تیکر

JALALI BOOKS

اکرم شیخ

JALALI



پنجاب انسٹیٹیوٹ آف لینگویج، آرٹ اینڈ کلچر لاہور

## فہرست

صفحہ نمبر		
9	پنجاب لوں جانن دی آرزو	-1
14	پنجاب بکھے شاہ جی اکرم شیخ	-2
24	سیاسی سوجھ بوجھ دے کارن (دیباچہ)	-3
33	بکھے شاہ داسیاسی شعور	-4
39	برا حال ہو یا پنجاب دا	-5
72	مظلاں زہریا لے پچے	-6
84	باقی احمد شاہ پدا	-7
107	کہوں تیغ بہادر غازی ہو	-8
118	اُلٹے ہو زما نئے آئے	-9
139	سنی نہ نہیں ہم شیعہ	-10
150	حمزہ سالوں سید آکے	-11
161	قصور بے دستور	-12
168	پہلوں رنگر مار	-13

## سارے حق را کھویں نہیں

براحال ہو یا پنجاب دا

اکرم شیخ

ڈاکٹر صفرا صدق

خاقان حیدر غازی

آصف رضا

اشفاق احمد بٹ

2016ء

300

ریحان بادل پر خشک پر لیس

500 روپے

ISBN: 978-969-9199-37-0

کتاب

لکھاری:

چھپائی آبرو:

پر بندہ:

پائسل:

کمپوزنگ:

پلی ڈاٹ:

تعداد:

چھاپا خانہ:

محل:



**Punjab Institute of Language, Art & Culture**


Punjabi Complex, 1-Gaddafi Stadium, Ferozpur Road, Lahore.

Ph: +92-42-99232165-70 E-mail: pilacpk@gmail.com

Website: www.pilac.punjab.gov.pk



پروفیسر ڈاکٹر نبیلہ رحمن  
تے  
پروفیسر ڈاکٹر ناہید شاہد  
دے ناں



اتہاس توں بناں کسے دی بیک داسیاسی تے سماجی مہتر نامہ نہیں دیکھیا جاسکدا  
پنجاب دے سو فی صد شاعر تے سو مہوان صرف روحانی علم دے ہی پرچارک نہیں سن۔ اپنے ویلے  
دے سیاسی سماجی تے فکری رجحانات دے دی پارکھ ہوندے سن۔ بابا فرید تے گورداس سنگھ جی تے بابا بلھے  
شاہ ہوراں سب نے اپنے ویلے دی علمی تشریح دی کیتی تے فکری اہم چمک تے سماجی فٹ بچ تے  
اودے کارناں نوں وی تنقید دانشا نہ منایا۔

بابا فرید جی نے غوریاں تے مشکولاں دے آؤن تے ہون والی تبدیلی نوں..... "وہمہ وجیا موت  
دا" کہہ کے بیان کیتا۔ گورداسی مہاراج ہوراں اپنیاں بانیاں وچ لودھیاں دے آخری زمانے تے باہر  
دے آؤن تے ہون والی تباہی دا ذکر کر کے اوس سے دی صورت حال تے رسیدی نکٹ لائی تے فیر ایسے  
طرحاں بابا بلھے شاہ نے "برا حال ہو یا پنجاب دا" کہہ کے اپنے ویلے دیاں ظاہری تے باطنی بھیریاں  
مٹے ڈراؤنیاں مورتاں دکھائیاں جہناں نوں سمجھن تے گولن دی سب نوں لوز ہے۔

اکرم شیخ لیور بیضا میرا اوہ ججن اے جھو اہر ویلے کسے نہ کسے کھوج وچ لگا رہندا تے پنجاب دی تاریخی  
صفتی تے فکری روایات تے دھیان دیندا رہندا ہے۔ تاں جے پنجاب تے بنیادیاں نوں اوہتاں دے  
اصل دل نوریا جائے۔

اکرم شیخ..... اک شاعر لکھاری ہی نہیں اک پتر کاروی ہے۔ ایس لئی اوہدی نظر صرف فکری کچھ تے  
ہی نہیں سیاسی سماجی تے ثقافتی پکھاں تے دی ہوندی اے۔ کیوں جے اوہ اخیال ہے کہ ایسے تے توں  
بناں کسے دی "بابے" دی شخصیت فکرتے پیغام نوں پوری طرحاں نہیں جانی جاسکدا۔ ایسے لئی اوہ اپنے  
برکرم وچ ایس چلن نوں پہل دیندا ہے..... بلھے شاہ تے اوہ اہر سچے کھر۔ پنجابی سو مہوان وانگوں عشق  
اے۔ ایہ کتاب وی اوہدی اوہ سے زنجیر دی کڑی اے۔ آس اے کہ اوہدی ایہ کتاب وی پنجابی فکری  
ادب تے بامیاں دی تاریخ وچ وادھا ثابت ہووے گی۔

ڈاکٹر مگر پال سنگھ سندھو

چیمبرمین پنجابی زبان پارٹمنٹ

پنجاب یونیورسٹی چندی گڑھ

12 نومبر 2016ء





## پنجاب نوں جانن دی آرزو

”برہا حال ہویا پنجاب دا“ بلھے شاہ اُتے ساڈے سوجھوان جھن اکرم شیخ دی پنجویں کتاب اے تے ایہ سلسلہ اے چالو اے جسوں تیکر مینوں علم ہے۔ بلھے شاہ دی حیاتی، فکر تے پنجاب، جنوبی ایشیاء دی ادبی، فکری، تے تہذیبی تواریخ وچ اوہناں دے مقام بارے اکرم شیخ دوہور کتاباں اُتے کم کر رہیا اے ایس ہچھوکر آس کہیتی جاسکدی ہے کہ آؤن والے دو تین سالوں وچ ایہ کتاباں دی جسران عام طور تے آکھیا جاندی ہے کہ ایہ چھاپے چڑھ کے پڑھن والیاں کول پہنچ جان گئیاں۔

بلھے شاہ نال اکرم شیخ دی ایہ لکھن، ایہ محبت تے عقیدت دا نتیجہ ہے شاید ایہدے وچ کجھ گوانڈھی ہون دے حق داوی دخل اے کیوں جے اکرم شیخ دا تعلق وی اوہی فکری نال ہے جتھے بلھے شاہ مٹی اوٹے لکھیا ہویا اے پر بنیادی طور تے ایہ لکھن اک وڈی آرزو دا حصہ اے۔ اوہ ہے پنجاب نوں جانن، سمجھن تے اوہنوں بیان کرن دی آرزو۔

پنجاب دیاں بدقسمتیاں گنتی توں باہر نیں۔ ایہناں وچوں اک ایہ بے کہ ایہدے پُتراں دھیاں نے اوہنوں بخل چھڈیا اے ایہ اج توں نہیں سگوں دکھاں بھریاں مدتاں توں اوہ اپنی دھرتی توں مکھ موزی بیٹھے نیں پتہ نہیں کیوں؟؟ حالاں پنجاب نے اوہناں نوں کیہ نہیں دتا، شناخت وی ہے من موہنی زبان وی ہے جہڑی صدیاں توں موجود ہے، ادبی، فکری، مذہبی تے

تہذیبی سرمایہ وی ہے۔ مان جوگ تواریخ وی ہے۔ تہذیب تے شائستگی دے لوازمات وی تواریخاے۔ ایہ سب کچھ دتا اے پرزن والے فیروہی نہیں مندے۔ اوہ اپنے ورثے توں منکر نہیں اوہ ایہدی زبان نوں گندی تہذیب نوں لچرتے تواریخ نوں شرم جوگ خیال کردے نہیں ایس پاروں اوہ آپ وی حقیرتے وحشی ڈھکے بن کے رہ گئے نہیں جہڑے انسان تے انسانیت لئی منحوس تے نفرت دے قابل پرچھاویں نہیں۔

پنجاب دے شاعراں دی گل کرے تاں..... ایس دھرتی نے مثال دے طور تے پچھلے اک سو سال وچ ہزاراں شاعر پیدا کیے اوہ کہڑے کہڑے مقام اُتے پہنچے یاں پہنچائے گئے پر اوہناں بہتیاں نوں اپنی زبان وچ اک شعر کہن دی توفیق وی نہیں ہوئی۔

پنجاب دے دانشوراں ول دیکھئے پچھلے سو سالوں وچ اوہناں نے کیہ کچھ نہیں لکھیا مغربی علم تے فن ایرانی تے عربی علوم و فنون ہندوستان دا علم تے فن..... ایہناں بارے لکھتاں دے ڈھیر لادتے نہیں پر جے تسمیں کتاب گھراں وچ جاؤ یا بازاراں وچ تہانوں پنجاب دی تواریخ تہذیب تے رچتل اُتے پنجابی ذہن سوچھ تے سیانف دی صورت اُتے کوئی ڈھنگ دی کتاب نہیں ملے گی۔

اکرم شیخ میرے ایس لئی نیزے ہے تے مینوں پیارا لگدا ہے کہ اونھے ایس گھپ انھیرے وچ اک چھوٹا جیہاد یو یا بالیا ہو یا اے اوہ سائنس دی تمنا تے نہ بدلے دی کوئی پروا توں بے نیاز درویش بن کے کئی سالوں توں پنجابی ورثے اُتے کھوج پرکھ کر رہیا اے تے پڑھن والیاں نوں اوہدیاں کتاباں اک لڑی وچ مل رہیاں نہیں۔ اوہدیاں لکھتاں اوہدی کھوج تے جیہی نظام وچ کجھے شاہنوں مدحلا مقام حاصل اے تے اوہدا کارن وی ہے۔

تسمیں کجھے شاہنوں پنجاب دی روح دا جسم کہہ سکدے او اوہدی فکر تے رویاں سکوں کسے حد تک اوہدی حیاتی وچ وی اوہ بہت ساریاں خصوصیات ترکیب پانگھیاں نہیں جہڑیاں پنج دریاواں دی ایس دھرتی نے بے گنت صدیاں اُتے کھلے ہوئے سماج قدرتی ماحول تے اچھے مخلص مخلص والے پیداواری عمل توں پنکھریاں نہیں۔ دور درازے توں آؤن والے

دھاڑ دیاں بدیسوں آن والے ولیاں درویشاں سو جھوٹاں تے حیاتی دیاں مڈھلیاں لوڑاں دی سلاش وچ آؤن والے مقدر راں دی جھد کرن والے محنت کشاں تے آبادکاراں نے پنجابی تہذیب پنجابی ذہن تے رویاں دی بستر وچ حصہ لیا سی۔ ایسناں ساریاں دی رلت نے کثرت پسندی نے ایس تہذیب دی عینہ رکھی سی۔ جس دا مطلب مل جل کے رہتا اک دو جے نوں برداشت کرنا اک دو جے دا آدر کرنا سی یعنی ”صلح کل“ اتے یقین رکھنا سی۔

صلح کل سی پنجابی تہذیب دا مڈھلا اصول ہے پنجابی سماج ثقافت رہن سہن زبان تے فکر اتے ہور تہذیبی مظاہر دی صورت گری ایسے ای اصول اتے ہوئی اے ایہو ای کارن ہے کہ پنجاب وچ آکے مذہب دی تصوف وچ ڈھل جاندا ہے صلح کل دے رویاں دی فلسفیانہ بستر وحدت الوجود دی صورت وچ ہوئی تے ایس علاقے وچ ایہ فلسفہ ہندوستان دے ہور علاقیاں تے باہری دنیا تک اپڑیا۔ پنجاب وچ ایہدے شروع دے نقش اتھے لکھے گئے ویداں تے اپنشدیاں دے گیتاں وچ ملدے نیں۔

عیسوی زمانے دے پہلے ہزار سال دا زمانہ پنجاب دی سیاسی مذہبی ادبی تے ثقافتی تواریخ بارے اعتماد کرن والا مواد نہیں ملدا۔ خدا جانے مقامی لڑائی جھگڑیاں اوہنوں برپا دیکھیاں یاں باہروں آؤن والے دھاڑ دیاں لہنوں ساڑ کے سواہ کر دتا سی۔ پر فیروزی دو جے ہزارے زمانے دے شروع وچ ای پنجاب دی ایہ دھرتی روشنی دے دائرے وچ داخل ہو جاندی ہے تے تواریخ دا اک نواں زمانہ شروع ہو جاندا اے۔

ایس نویں ہزارے دے شروع وچ ای اتھے مسلماناں دا عمل دخل ودھنا شروع ہو جاندا ہے۔ لبور تے اوہناں دا قبضہ ہوندا ہے تے ایہ شہر آؤن والے زمانیاں وچ جنوبی ایشیاء دی سرزمین اتے مسلماناں دے علم فن تے ثقافت دا اک وڈا مرکز بنن لگ چنیدا ہے ایس خطے نوں روحانیت دا مرکز خیال کر دے ہوئے افغانستان ایران تے وسطی ایشیاء توں بہت سارے ولی صوفی تے سو جھوٹاں آؤنا شروع کر دیندے نیں۔

تصوف دی پنجابی مسلم روایت دا آغاز یارھویں صدی دے لبور وچ ہو یا سی جدوں وسطی



ایشیاء تے مشرق وسطی دے درجناں جانے انجانے مکاں دی لمی سیر کردے ہوئے علم تے تجربے تال بھرے ہوئے غزنی دے سید علی جویری نے ایس شہرنوں اپنا مستقل ٹھکانہ بنایا۔ اوہناں دے دنیا توں چانا کرن دے کجھ چہ مگروں ایس علاقے نوں سہروردی چشتیہ سلسلے نے پھلانا پھلانا شروع کیتا تے پنجاب بابا فرید الدین گنج شکر، شیخ بہاؤ الدین ذکریا، شیخ رکن الدین ابوالفتح، مخدوم جہانیاں بہاں گشت شاہ ابوالعالی شاہ حسین لاہوری، سلطان باہومیاں محمد میر، داراشکوہ، بلھے شاہ تے ہوری سنگلز دے دو بے عالماں شاعراں تے دانشوراں اپنیاں سرگرمیاں دامرکز بنایا۔ ایہ سارے لوک کثرت وچ وحدت دی بھال کرن والے سن تے سب نوں برداشت کرن تے سب تال محبت کرن دی تعلیم دیندے سن کیوں جے اوہ "صلح کل" اتے ایمان رکھدے سن۔

چودھویں تے پندرھویں صدی دے پنجاب وچ کھلن والی بھگتی تحریک نے ایسے وچار وچارا تے اینہاں رویاں دی بھرویں وکالت کیتی۔ گورو تک بھگتاں تے صوفیاں دی انسان دوست تعلیم دے بنائے ہوئے ماحول وچ پیدا ہوئے سن اوہناں پنجاب دے مختلف مذہبی دھڑیاں وچ فاصلے گھٹ کرن دا تواریخی کردار ادا کیتا۔

بھگتی تحریک دے مشن نوں ستارھویں تے اٹھارھویں صدیاں وچ قادریہ تصوف دے ولیاں دانشوراں تے شاعراں دی چالورکھیا پنجاب تے سندھ اوہناں دیاں سرگرمیاں دامرکز سی۔ اینہاں سرگرمیاں وچ مدھلا کردار سندھ رحتل دی چچموز رکھن والے حضرت میاں میر سن۔ اوس توں مگروں اورنگ زیب دی شدت پسند پالیسی پاروں مغلان دا ہندوستان خانہ جنگی تے وکھریاں دی زد وچ آ گیا تے اوہدے رد عمل وچ ای قادری سکول آف تھٹ دے بلھے شاہ سامنے آئے تے اوہناں صلح کل دا پرچار کیتا۔ سندھ وچ پھل سر مست شاہ لطیف بھٹائی ہوراں ایسے ہی سکھشائوں اپنی شاعری داروپ دتا۔

ساڈے لکھاری اکرم شیخ نے اپنیاں لکھتاں وچ ایسے پس منظر وچ ای بلھے شاہ دیاں تعلیمات دا جائزہ لیا اے تے دو بے بزرگاں نوں وی جانن دی کوشش کیتی اے اوہ اک سماجی سائنس دان دامنوں تصوف تواریخ تے تہذیب دا مطالعہ کردا ہے ایس لئی سانوں اوہدے ہاں



معروضیت سے غیر جانبداری ملدی ہے جبکہ ساڈے سیاسی تے ثقافتی لکھاریاں دیاں لکھتاں وچ کدی کدھاری دکھائی دیندی ہے اوہدا اسلوب بیان سادہ واضح تے موثر ہے اوہدیاں لکھتاں نوں پڑھنا سوکھاتے سمجھتا آسان اے تہانوں اوہدے نال اختلاف ہو سکدا ہے پر تھیں ایہ نہیں کہہ سکو گے کہ اوہدیاں لکھتاں سمجھ نہ آؤن والیاں مبہم تے گنجھل دار نیں۔

”نہ احوال ہو یا پنجاب دا“ وچ اکرم شیخ نے ٹیٹھے شاہ دے زمانے یعنی ستارھویں صدی دے آخری حصے تے اٹھارھویں صدی دے پہلے ادھ وچ پنجاب دی سیاسی سماجی تے ثقافتی توارخ بیان کیتی تے اوس زمانے دے حالات بارے ٹیٹھے شاہ دے رد عمل دا ویرا لکھتا ہے پر جتھوں تیکر میں سمجھیا ہاں ایس کتاب دا بنیادی مقصد نہ تے جیتے ہوئے زمانے بارے نری گل بات کرتا ہے تے نہ ای ٹیٹھے شاہ دے ایہدے بارے تاثرات نوں سامنے لیاؤ تا ہے سگوں اوہ اپنیاں ہور لکھتاں دا انگوں اتھجے وی اپنے ایس پیغام دی چرچا کردا دکھائی دیندا ہے کہ اپنی دھرتی اپنی توارخ تے ثقافت نوں اپنی زبان تے اوہدے ورثے نوں پورے دل نال قبول کیتے بناں اسیں اپنی حیاتی نوں سنوار سکدے ہاں تے نہ ای اپنی قومی صورتحال نوں جھڑی رحم دے قابل تے اک ٹھنھے دا ٹنگ ہو گئی اے اوہدے توں نجات حاصل کر سکے آں۔

میں اکرم شیخ نوں ایہ بصیرت انگیز کتاب ٹکھن آتے بہت مبارکباد دیندا ہاں تے نال ای رب دا شکر ادا کرداں ہاں کہ اوہنے ایس کھڑیا کھڑی افراتفری تے لبو بھرے بے رحم ماحول وچ دی ساڈے معاشرے نوں سوجھو اتناں تے لکھاریاں توں نوازا ہے۔ جہڑے حقیقت تے سچائی دی تلاش کردے تے اوہنوں لوکاں کی جیکر پہنچاندے نیں۔

قاضی جاوید

9-4-2016

☆☆☆

## پنجاب، بلکھے شاہ تے اکرم شیخ

اکرم شیخ ہوراں دی لکھت ”براحال ہو یا پنجاب دا“ زندگی دے کئی پکھاں تال جزی ہوئی اے۔ تاریخ، ادب، رہتل، مذہب، سیکولر ازم، صوفی ازم تے ہور کئی موضوعاں نوں اپنی بکل وچ سمیٹ دے ہوئے ایہہ کتاب پنجاب، بلکھے شاہ تے مغل کہانی اُتے بھرویں جہات پاندی اے۔ ا جکل علاقائی تاریخ (Regional History) اُتے لکھن دا رواج بہت زیادہ ہو گیا اے یونیورسٹی دیاں تحقیقی لکھتاں موضوع دے اعتبار تال من کھچ لیندیاں نیں پر ورتے پھر ورتے بس پھر ورتے پھر ورتے بعد دل اگا نہہ نہیں ٹردا۔ جہڑی کمی مینوں دسدی اے اوہ ایہہ وے بھئی نوجوان چھیتی چھیتی ڈگری لین دے چکر وچ پوری طرحاں محنت نہیں کردے۔ دوسرا مسئلہ ایہہ ہے بھئی کسے موضوع دا کھوج لان لئی کھوجی نوں زبان تے ادب، ثقافت تے کل تاریخ دا پورا علم ہونا چاہی دا اے کیوں جے جُزنوں لکھن لئی کل دا پتہ ہونا ضروری اے۔ ایہہ ساریاں خوبیاں اکرم شیخ ہوراں دی لکھت وچ موجود نیں۔ ورقہ ورقہ پڑھیاں پتہ لگدا اے جو لکھاری نہ تے کسے چھیتی وچ ہے نہ اوہنوں کسے انعام یا ڈگری دا لالچ اے تے نہ ای اوہ کُل توں لاعلم ایں، ایہہ ساریاں حقیقتاں کٹھیاں ہو جان تے اکرم شیخ بند اے تے جے اکرم شیخ ہوریں ایہناں

ھیتھاں نوں قلم راہیں کاغذاں اُتے کھلار دین تے اس نوں ”براحال ہو یا پنجاب دا“ آکھدے نیں، پنجاب جہاں سوہنا ایس جی سونہی دھرتی اے اودھے نال ”براحال“ کجھ چھدا نہیں۔ پر لکھاری کیہ کرے سچ تے ایہو ای اے بھئی پنجاب نال جنے دھرو ہوئے نیں اوہنوں ایہو ناواں ہی ٹھیک لگدا اے۔ دھاڑ ویاں دے حملے لٹ لٹا، قتلہ بدیسی زبان تے ثقافتاں دے حملے غیر ملکیاں دے قبضے، فصلاں اُٹکا کے لٹوا بہنا، حکومتاں ول ویکھدیاں رہنا کہ اوہ سرحدیں دیاں حفاظتیں کرن بے آس ہو کے کواڑیاں، چھوٹیاں، نیزیاں تے ڈنڈے ڈانگاں نال ای مقابلے تے آ جانا۔ بڑی دردناک پردل دی پھٹی تے لکھن والی تے کدی نہ منن والی تاریخ اے۔

آکھیا جاندا اے باہروں حملے ہوئے پر ایہناں دے خلاف پنجابیاں نے کدی سر نہ جھکیا۔ اس گل دا ویروا کرن لئی اوس دور دے رستے تے جنگی اصول جانتا ضروری نیں۔ اک دوسڑاں جہاں اُتے فوجاں گھوڑے چل سکدے سن استعمال وچ آندیاں سن۔ پنڈاں نوں تے نہ سڑک تے نہ پل وڈی یا مین سڑک دے نال نال تباہی چلدی سی تے دارالحکومت تے حملے فتح شکست قلعہ فتح تے سارا کجھ فتح، چل فیر پیسے دیو تے اسی واپس جانیے۔ صوبیدار مقرر کر دیو جہڑے اتاج یا رقم کٹھی کر کے پہچاندے رہن گے اک میدان وچ جنگ ہوئی تے کم ختم۔ پیسے اتاج دیو ایس واپس جانیے۔ پنڈاں نوں سڑکاں نہ ہون پاروں پنجاب دیاں عزتاں تے ثقافت محفوظ رہی۔ زبان تے ثقافت ساڈے اصلی ورثہ نیں کیوں جے دھاڑوی وڈیاں سڑکاں تے فوجی پریڈ کر دے رہے جی ٹی روڈ تے سدھادی، زیادہ حملہ روٹ تے جنگی طریقہ ایہو ای رہیا۔

پنجابیاں نے ایہناں دھاڑویاں نوں فتح کدی پلیٹ وچ رکھ کے پیش نہ کیتی سگوں بڑے بڑے نامی گرامی حملہ آوراں دا غرور مٹی وچ ملا دتا۔ کئی لوکی آکھدے نیں پنجابیاں نے غیر ملکی لوکاں کو لوں امداد منگی تے اپنے ای لوکاں دے خلاف سازشاں کیتیاں۔ ایسے لوکی ریکارڈ درست کر لین کہ کسے پنجابی نے آج تک کسے غیر ملکی نوں اپنی سونہی دھرتی اُتے حملہ کرن دی دعوت نہیں دتی۔ مغل جہڑے ہندوستانی نہیں سن اوہناں نے ہی غیر ملکی حملہ آوراں نوں



دعوتیں دیتاں۔ ساڈے کول رواج ہو گیا اے جو کالونیل ازم (Colonialism) صرف انگریزاں واسطے استعمال کیتا جاندا اے، غیر ملکی حملہ آور حملے توں بعد اپنی مستقل حکمرانی قائم کر لوے اوس نوں کالونیل ازم آکھیا جاندا اے۔ پنجاب اُتے کئی صدیاں تک غیر ملکی راج رہیا۔ ایہہ سارا دور کالونیل ازم ای سی۔ اتھے ایرانی، مرکزی ایشیاء، افغان، چین تے انگریز دے کالونیل ازم مختلف شکلاں وچ قائم رہے جہاں نے سب توں چوکھا نقصان پنجابیاں دی نفسیاتی قوت دا کیتا۔ غیر ملکی حملیاں پاروں لوکاں دی نفسیات وچ گل وڑ گئی جو غیر ملکی دلیر سوئے، حکمرانی لائق لوگ ہوندے نیں تے حملہ آوراں دے مقامی لوکاں نال برے سلوک کارن اوہناں دے اعتماد نوں بہت وڈا دھکا لکھیا جبر اُج تک اثر انداز ہو رہیا اے۔ لوکاں نے اپنیاں ذاتاں بدلنیاں شروع کر دیتاں یا فیر ذاتاں نوں نسلی اعتبار نال غیر ملکی ثابت کرنا شروع کردتا۔ پٹھاناں آکھیا کہ اوہ یہودی نسل نال تعلق رکھدے نیں۔ یہودیاں دا گم شدہ قبیلہ اوہ نیں۔ حالانکہ جنوبی انڈیا وچ منڈ قبیلے داوی ایہود دعویٰ اے جو اوہ یہودی گم شدہ قبیلہ نال تعلق رکھدے نیں۔ جلاہیاں آکھیا کہ اوہ عربی نیں، اراکین، اعوان ساریاں دعویٰ کیتا جو اوہ عربی النسل نیں۔ بلوچاں آکھیا کہ اوہ نمرود دی اولاد نیں، کچھ جٹاں تے راجپوتاں آکھیا کہ اوہ ترک نسل نیں کچھ جمالی تے ڈوگراں آکھیا کہ اوہ عربی نسل نیں تے حضرت خُردی اولاد نیں جبروے کر بلا وچ حضرت امام حسینؑ دی وفاداری وچ شہید ہوئے۔ گجراں لکھیا اے جو اوہ سنٹرل ایشیاء توں آئے سن سید پہاں ای عربی نسل تے باقیاں نے وی اپنے ناواں نال رحمانی، انصاری، ایوبی، قریشی، مغل، بیک لالا کے اپنے آپ نوں غیر ملکی ثابت کر کے آپس وچ ای باعزت بنن دی کوشش کیتی، ہن کچھ سالوں توں نفسیاتی دباؤ گھٹ ہونا شروع ہو یا اے تے ہن پٹھاناں، اراکیاں وغیرہ نے اپنے آپ نوں مقامی پُتر (Son of the soil) اکھوان دا سوچنا شروع کر دتا اے۔ اک صدی توں بعد کافی حد تک ایہہ لوکی مقامی نسلاں نال جڑت بحال کر لین گے۔

ایس توں اڈ پنجاب وچ مضبوط حکومت نہ ہون پاروں ہمیشہ افراتفری رہی، پنجابی دلیل تے روحانیت نوں پسند کرن والے لوک نیں، لہذا جبر اندہی رہنما جتھے گیا دلیل دتی تے



پنجابیاں اوہنوں سرمتھے بٹھالیا۔ صوفی جتھے گئے پنجابیاں نے اوہناں نوں عزت احترام بخشیا ایہوجہ ہے کہ پنجابیاں دیاں نسلاں وچ سارے مذہب مل جانداں نیں اس توں اگے جا کے صوفیا کرام دی ذات دس دی اے جتھے مذہب دی وجہ توں مٹے ہوئے لوکی فیر جڑ جانداں نیں۔

پنجاب کدی وی مذہبی اتہار نال جنونی نہیں رہیا۔ جیوتے جین دیو دے اصول نوں پنجاب نے سوہنے انداز نال نبھایا تے حالے وی نبھارہیا اے۔ تاریخ گواہ اے بھئی پہلا ہندو مسلمان ہویا یا ہندو سکھ ہویا تے ایس اتے کسے تشدد نہ کیتا۔ سگوں اوہدے نال میل ملاپ اوے طرحاں رکھیا جیویں ماضی وچ سی۔ پنجاب دلاہیہ ”لبرل“ کچھ سانوں اج وی ملدا اے۔ اک خاندان وچ سارے فرقیاں دی موجودگی ہندو مسلمان سکھ عیسائی دا کٹھیاں کھینڈنا کاروبار کرنا ہسنا دکھ سکھ وچ مدد کرنا ایہہ پنجاب دا اصلی روپ اے۔ ثقافت دا مرکز ہمیشہ پنڈ ہوندے نیں شہر کدے وی ثقافت دا مرکز نہیں ہوسکدا۔ ایسے پاروں پنجاب دی ثقافت دا اندازہ لانا ایس تے فیر پنڈاں دی رہتل نوں کسوٹی یا معیار بنانا پئے گا۔ اج دہشت گردی دے دور وچ وی پنڈاں وچ خود کش حملے یا بمب نہیں چلداں۔ ایہہ ”نفرت“ شہراں دی رہتل اے تے جے پنڈاں دی آبادی دا ویروا کرنا ایس تے پنجاب دے 1941ء دی مردم شماری مطابق 97 فیصد لوکی پنڈاں وچ رہندے سن۔

ایس سارے تاریخی تے ثقافتی کچھ نوں مکھ رکھدے ہویاں اکرم شیخ ہوراں دی کتاب پڑھی جاوے تے دماغ روشن ہوسکدا اے۔ بلکھے شاہ تے دو جے صوفی شاعراں دے زمانے تے سوچ دے فرق دا پتہ چلدا اے۔ سکھ پنجاب دی پہچان نہیں پنجاب سکھاں توں پہلاں وی پنجاب سی پر خالص پنجاب دھرتی دا مذہب پنجاب دھرتی دے پتر گورو تے پنجابی زبان وچ گورو گرنتھ صاحب دی وجہ توں سکھاں نے پنجاب دے ناں نوں اپنے نال منسوب کرالیا اے۔ پنجاب جٹ سکھ گورو ہرے رشتہ دار لفظ نیں۔ گورو نانک دیو نے روایتی صوفی نالوں اگا نہہ ودھ کے عملی کم کیتا تے آکھیا نہ میں ہندو نہ میں مسلمان۔ اوہناں نے نہ صرف مغلاں دے ظلموں دی گل کیتی سگوں اپنی تعلیمات راہیں نویں مذہب نوں شروع کیتا بعد وچ گورو انگد نے گورو مہی

لپی کڈھ کے مسلمان بندوتے عیسائی پنجابیاں توں الگ شناخت بنائی۔ ہندو پہلاں ای دیوانا گری لپی استعمال کردے سن۔ رسم الخط نے پنجابیاں نوں اڈواڈ کرن وچ بڑا کردار ادا کیتا۔ مغل بادشاہواں نے سکھ گوروآں نوں عزت احترام دتاتے امرتسروچ اکبر بادشاہ نے زمین دتی۔ مسلماناں سکھاں دے تعلقات بڑے چنگے سن پر سکھ رہنماواں نے اوہناں دے من والیاں دے قلام نے اک کندھ اسار دتی۔ ایس نفرت دے باوجود پنجابی ثقافت ایس مذہبی نفرت اُتے چھائی رہی کیوں جو مذہب صرف عبادت گاہواں تک محدود سی۔ بادشاہواں دے درباراں چوں زیادہ تر نفرت ای ملدی اے جد کہ فقیراں کولوں محبت تے پیار۔

گورو گوبند سنگھ توں بعد بندہ سنگھ بہادر بیراگی نے پنتھ دی رہنمائی کیتی تے مسلماناں دا قلام کر کے سرہند وچ پہلی سکھ حکومت قائم کیتی۔ سرہند بندہ سنگھ دا نشانہ ایس پاروں سی کیوں جو گورو گوبند سنگھ دے دو بالاں زور اور سنگھ نے فتح سنگھ نوں مسلمان گورنر نے زندہ کندھ وچ چنوا دتا سی۔ فرخ سیرتے میرمنو نے سکھاں دا بُرا حال کیتا تے پنجاب لڑائیاں تے نفرتاں دی تصویر بن گیا۔ میرمنو بارے مشہور ہویا۔

منوں اساڈی داتری، ایس منوں دے سوئے

جیوں جیوں سانوں وڈا، ایس دن سوائے ہوئے

مغلانی بیگم نے احمد شاہ ابدال دی دھی بن کے پنجاب اُتے حملے کرن دی دعوت دتی جس نے پنجاب دی زندگی نوں بہت متاثر کیتا۔ باراں سکھ مثالاں نے رنجیت سنگھ دی شاہی تے افغانستان تے کشمیر تک پنجاب دیاں سرحدیں..... ہری سنگھ نلوادی دلیری پاروں شمال ولوں کسے دی جرات نہ ہوئی کہ پنجاب یا ہندوستان اُتے حملہ کرے۔ ایہناں پنجابی سورمیاں دا ناں جرات تے دلیری دی چمک لے کے ہمیشہ تاریخ وچ زندہ رہے گا۔ ایہہ ساریاں کہانیاں تے گلاں بدن تے جسم دی طاقت دیاں گھاں نیں جہاں نوں اکھ ویکھدی اے تے دماغ اُتے اثر کردی اے۔ چچے دماغ انگلاں نوں حکم دیندے نیں جو ایٹاں نوں اکھراں دے روپ دے کے امر کردیو۔ بلکھے شاہ نے ایٹاں سیاسی طاقتاں دیاں لڑائیاں نوں اشاریاں نال واضح کیتا تے پنجاب دانو لکھیا۔

جدوں دیس دے جٹ سردار ہوئے، گھرو گھری جاں بنی سرکار ہوئی  
اکرم شیخ ہوراں نے نہ صرف پنجاب دی تاریخ اُتے جہات ماری سگوں اوہ مرکزی  
حکومتاں دی سیاست، مرکز تے صوبے دے تعلقات تے نال نال مختلف گروہاں دی سیاست  
نوں وی نال لے کے چلدے نظر آندے نیں۔

اکرم شیخ ہوراں نے مغل زوال بارے مختلف لکھاریاں دے حوالے دتے نیں پر میرے  
خیال وچ علم با سائنسی ترقی ول دھیان نہ کرنا نالے آرٹ وغیرہ توں عام لوکائی تک پہچان دا  
سر بند نہ کرنا مغلاں دے زوال دی وڈی وجہ سی۔ مغلاں دے دور وچ جنگی سامان تے چالاں  
اوہوں پرانیاں سن۔ بادشاہ سلامت ٹانگے تے دربار آندے جاندے سن فرق صرف ایٹا سی کہ  
عام ٹانگے اگے اک گھوڑا ہوندا اے بادشاہ نے تن چار گھوڑے جو دتے سن۔

مغلاں نے عام لوکائی واسطے کچھ نہ کیہا نہ سکول نہ کالج نہ لوک بھلائی ادارہ نہ آئین نہ نظام۔  
انگریزاں توں پہلاں ایس خطے وچ کدی آئین نہیں رہیا سی ایس بد نظمی دی وجہ توں کوئی نویں ایجا  
دہ نہ ہوئی۔ دنیا دا مقابلہ کرن لئی دنیا وچ ہون والی ترقی دی جانکاری تے اس توں دو قدم اگے چلنا  
پیندا اے۔ پر ہندوستان وچ مغل دور نے روایتی پہچان توں وی اگے نہ ودھایا۔ کدی ہندوستانی  
ڈاکٹر علاج کرن لئی عرب یورپی خطیاں وچ وی گئے سن مگر مغل دور وچ ہر علم شاہی خدمت دی کھڈ  
چوں باہر نہ نکل سکيا۔ عام لوک ایرانی، ترکی، ایشیائی ماہراں دے علم توں محروم رہے اُتے غربت دی  
اگ وچ سڑدے رہے۔ دکھ جے باغی داروہ اختیار نہ کرن تے فیر اوہ بددعا بن جاندے نیں  
مغلاں دے زوال وچ دوسرا کردار باغی سوچ تے بددعا محسوس ہوندا اے۔

تعمیر، حکمت، آرٹ نوں دربار وچوں کڈھ کے سکولاں ذریعے لوکائی تک لیایا جانداتے  
ہندوستانی سماج ترقی دے اسان تے ہونا سی۔ اپنے سال حکمران رہ کے نہ ملک وچ ایکایا  
مرکزیت قائم کیتی تے نہ ہی لوکائی تک علمی، فنی تے تکنیکی تعلیم دا بندوبست کیہا۔ سگوں عام  
ہندوستانی مسلماناں نوں وی شاہی محلاں توں دور ای رکھیا۔ مغلاں بیگم دا مقامی پنجابیاں نے  
بوہت ساتھ دتا اوہنے کسے نوں جانشین نہ بنایا۔ چند سال دے بچے تے حکمرانی گدی تے



پٹھدے رہے پر کسے مقامی بندے نوں ایس قابل نہ سمجھیا گیا کہ اوہ بادشاہ بن جائے۔ بدلیسی زبانوں دفتری زبان بنا کے مقامی لوکاں نوں وفاداری دے باوجود حکمرانی توں دور رکھ کے اوہناں نوں نفسیاتی طور تے تباہ کردتا۔ مغلاںی بیگم نے اپنے خاندانے نال دیاہ کرا لیا پر کسے مقامی بندے نوں راج گدی دے وارث بنن دا موقع نہ دتا۔

ایس کتاباں وچ پڑھنے آں جو اورنگ زیب دے پتریا نے نہ ہون پاروں پیو دی لمی چوڑی سلطنت نہ سنبھال سکے۔ ایہ گل کرن توں پہلے گل ایہہ وی ہے کہ سیانف دا کجھ معیار وی تے ہونا چاہیدا اے۔ جے پیو بھراواں نوں قتل کرنا بھیناں نوں ذلیل کر کے حکومت تے قبضہ کرنا ای سیانف اے تے فیر ساڈے تاریخ دانان داوی اللہ ای حافظ اے۔ اورنگ زیب اینا سیانا بند اتے پتریاں وچوں کسے نوں حکومت کرن دے کوئی گرداء ای سکھا جاندا۔ پر اوہنے جہڑے گر آپ ورتے اوہدے پتریاں نے وی اوہو ای ”سیانف“ ورتی، مغل بادشاہ دراصل کرسی دے بھکھے سن۔ اوہناں دی سیانف تے دانائی صرف راج گدی حاصل کرنا سی۔ اصل وچ سیانف اک تعمیری سوچ دانان ایس۔ سیانف اوہناں اصولاں دانان ایس جہاں تے عمل کر کے اپنے اثر بیٹھ لوکاں کی زمین چرند پرند یعنی مخلوق خدا نوں سکھ تے ترقی دی نعمت دتی جائے۔ جس کم دا انت بھیڑا اے جس دی بہتر وچ بدیہیتی تے خود غرضی اے اوہ سیانف کسراں اکھوا سکدی اے؟ بہن تاریخ دانان نوں تاریخی واقعے ای نہیں سگوں اوہناں وچ جہڑے لفظ ورتے گئے نہیں اوہناں دے سچے تے اصلی معیار قائم کر کے نویں تشریح کرنی پوے گی۔ ورنہ مکھی تے مکھی وجدی رہے گی تے آن والیاں نسلاں نوں ایس Confusion توں علاوہ کجھ وی نہیں دے سکاں گے۔ علم Confusion نوں دور کر دا اے۔ علم معیار تے کسوٹی عطا کر دا اے انسانی فکر تے سوچ نوں نویاں نویاں راہواں دکھاندا اے۔ علم انسان وچ سچ آکھن، سچ سنن تے سچ لکھن دی ہمت عطا کر دا اے۔ جہڑا لکھاری کسے سچ نوں لکاندا اے یا سچ سن کے اوہنوں غصہ آندا اے تے فیر اوہ سمجھے کہ اوہنوں حالے وی علم دے شوہ دریا دیاں تہواں تک جان دی لوڑا اے۔ سیانف بے داغ کردار دانان ایس سماج دی بھلائی تے ترقی دانان ایس آن والے



سے لئی سکھ تے امن دے سنہڑے نوں سیانف آکھدے نیں۔ چالاکی تے مکاری سیانف نہیں ہو سکدے۔ ذاتی فائدہ لین لئی لوکاں نوں مطمئن کرن لئی نیزیاں تے قرآن چاڑھ دینا سیانف نہیں چالاکی تے مکاری اے۔ ضبط، صبر تے سچائی نوں عزت دینا سیانف ایں۔ قلمداراں نوں تاریخی کردار ایں تے ایہناں کردار اں دے پچھے فکری تے نظریاتی قوت تے معیاراں نوں اڈو اڈ کر دی لوڑ اے فیر جا کے تاریخ دا کوئی سر پیر بند نظر آئے گا۔

تاریخ دیاں کتاباں کجھ مذہبی لوکاں دیاں تحریکاں دے ہندوستان وچ اثرات دا بہت چہ چا کردیاں نیں پر حالے تک کسے نے معیار مقرر نہیں کیتا جو ایہناں تحریکاں دی وجہ توں شہنشاہ اکبر نوں کسے فیصد حکم واپس لینے پئے۔ ایہناں تحریکاں نے کئی عوامی طاقت دکھائی کئے جلے تے احتجاج کیتے کئے لکھ بندے کٹھے کر کے بادشاہ اُتے دبا پایا۔ کس بادشاہ دی بادشاہی ختم کیتی۔ پرانے تے اج دے مذہبی لوک یا تحریکاں تے بادشاہ دے تعلقات اکو طرحاں دے ای لگدے نیں۔ کسے وی حکومتی فرمان نوں غیر اسلامی آکھنا شروع کردتا جاوے تے بادشاہ یا حکومت ایس نوں عزت دے کے ایس نوں مطمئن کر دیوے۔ لودو دوچار حکم واپس لین نال بادشاہ دا کیہ وگڑیا اے؟ اوہنوں بادشاہی چاہی دی اے سو قائم ایں۔ سواد ایس گل دا اے جو کسے دی حکومت اتے وار کیتا جاوے۔ ایہہ اوکھا کم ایں تے تاریخ وی ایہو سدھی اے جو ہندوستانی تاریخ وچ نہ صرف مذہبی لوکاں سگوں صوفیاء کرام وی حکمراناں لئی کدی خطرہ نہیں بنے۔ صوفی خالق تے مخلوق دے ذکر فکرتوں باہر نہ نکلے تے علماء کرام حلال حرام تے آپسی لڑائیاں وچ ای پھسے رہے بادشاہ نے علماء تے صوفیاء دونوں نوں عزت دتی۔ پر جتھے درباریاں نے کسے وی تحریک نوں خطرہ بنا کے پیش کیتا بادشاہ نے اوہدی اٹ نال اٹ وچا دتی۔ گورو ارجن دیو نے باغی شہزادے نوں پناہ دتی تے رپورٹاں ملیاں کہ ایہہ نواں گورو پنجاب وچ حکومت لئی مسئلہ بنداجا رہیا اے تے فیر بادشاہ جہانگیر نے پنجویں سکھ گورو نوں معاف نہ کیتا۔ بادشاہی دا اصول ازلی اے جو بادشاہ داندھب ذات، فرقہ، دین ایمان اوہدی کرسی اے۔ اوہدے اصول دے مطابق کرسی دا دشمن گویا خدا دا دشمن ہوند اے۔ اوہنوں تاریخ وچ Divine Right Theory وی آکھیا جاند اے۔ پنجاب دے صوفیاں وچوں بکھے شاہ ہوراں نوں دلیر تے مونہہ آئی گل نہ رہندی اے دا

سچا کردار دنیا جاندا اے۔ اپنی شاعری وچ اوہ لفظاں دا ورتاوی اوہ سے جرات نال ای کردے  
 نیں اپنے دہنگ ہون دے باوجود اوہناں اکھراں دی وتی چوں باہر نکل کے کسے حکومت  
 مخالف تحریک نہ چلائی۔ اوہناں دا انداز روایتی صوفیاں والا سی جو مونہہ آئی اوہ کے خوف توں  
 بغیر کر دینی بھادیں اوہ حکومت دے خلاف ای کیوں نہ ہووے پر ایس سوچ نوں کے تحریک  
 نوں منظم کرن لئی استعمال نہ کیا۔ ایس عام سوچ وچ سمجھنے آں کہ اوہ سیاستدان نہیں سن بلکہ  
 صوفی سن۔ اپنی موج وچ مست رہ کے اللہ تے اوہدی مخلوق نوں پیار محبت تے ایکے دادرس  
 دینا۔ ایہہ اوہ سوچ اے جہڑا نہ کوئی سیاستدان دے سکدا اسی نہ کوئی بادشاہ۔ ہندو مسلمان سکھ تے  
 عیسائی تے اک پاسے شیعہ سنی دیوبندی بریلوی وہابی جہڑے اسلام دے فرقے نیں اوہناں  
 نوں آج تک کوئی اک نہیں کر سکیا پر صوفیاں نوں دیکھو اوہناں ہندوواں مسلماناں سکھاں  
 عیسایاں تے دوجے لوکاں نوں ایکتا عطا کردتی صوفیاء کرام تے ایہ اعتراض ہے بھئی اوہناں  
 نے بادشاہواں دے خلاف عوام نوں منظم نہیں کیا تحریکاں نہیں چلائیاں دراصل جاندار نہیں  
 لگدا کیوں جو صوفیاں داکم ایس سیانف ول اشارہ اے جو اوہناں نے دنیا نوں ہمیش لئی دس دتا  
 اے جو انساناں تے ماکاں معاشریاں دی بھلائی تے ترقی صرف اور صرف ایکے وچ اے امن  
 دی راہ صوفیاں دے کردار تے فلسفہ وچ اے۔ مغربی تے مشرقی طاقتاں دے امدادی اداریاں  
 تے پالیسیاں وچ نہیں۔ ہندوستان وچ ہر مذہبی تحریک وچ فرقہ واریت تے انسانی وٹنڈا کچھ  
 رہیا اے وڈے وڈے عالماں دے نانواں نال فرقہ پرستی جڑی ہوئی نظر آندی اے پر صوفیاں  
 دیاں راہواں فرقہ پرستی دے کنڈیاں توں صاف نظر آندیاں نیں۔

بلھے شاہ دی کافی سن کے ٹنڈا کفر اندر دا

اکرم شیخ ہوراں دی کتاب اک پیغام دیندی اے جو ساڈے ملک پاکستان وچ وی وڈی  
 گنجھل بن چکی اے۔ قومیت پرستی (Nationalism) یا مذہبی قومیت پرستی۔

1947ء توں بعد ایہہ سوال کدی حل نہ ہویا۔ ماڑی لیڈر شپ تے عوام صرف نعرے بازی  
 توں کم لیندے آرہے نیں۔ ایس سوال وچوں اک مذہلا سوال پیدا ہوندا اے کہ ساڈیاں لیڈراں



نے دونوں نظریاں وچوں کس نظریہ نوں اہمیت دتی؟ میرے خیال وچ لیڈراں تے لوکاں نے ذاتی فائدیاں تے خود غرضی یعنی ذاتی فیدے دے نظریے نوں اہمیت دتی۔ لیڈراں واسطے ملک تے عوام دی کوئی اوقات نہیں رہی۔ جدوں دل وچ محسبیاں دی تھیں غرضیاں لے لین تے فیر مندے حال ای ہوندے نیں۔ اکرم شیخ ہوراں نے پنجاب دی سیاسی تے مذہبی تاریخ وچوں خود غرضیاں تے ثقافتی تے صوفیائی محسبیاں وچوں امن تے سکھ دکھا کے آن والیاں نسلاں نوں سبق دتا اے بھئی جے مذہب تے سیاست کاروبار بن جان تے امن سکھ داناں نہیں رہندا۔

اکرم شیخ ہوراں دی ایہہ کتاب سکھ تواریخ، پنجاب تاریخ اتے سیاسی منظر نامیاں اُتے گہری تے اُمنلی لکھت اے۔

پنجاب اُتے بہت کتاباں لکھیاں گئیاں پر میں ہمیشہ اک گل کرنا واں کہ پنجاب اُتے حالے تک کوئی کتاب نہیں لکھی گئی۔ میری دلیل ایہہ ہوندی اے جو 1941ء دی مردم شماری مطابق 97 فیصد توں چوکھے لوک پنجاب دے پنڈاں وچ رہندے سن۔ ہن آپوں دسو جو پنجاب دی تاریخ دیاں کتاباں 97 فیصد لوکاں دی ترجمانی کردیاں نیں یا 3 فیصد شہری آبادی دی؟ پنجاب تے آج تک جنیاں وی کتاباں لکھیاں گئیاں اوہ تن فیصدی آبادی دی تاریخ اے۔ جدوں کوئی 97 فیصد تے تاریخ لکھے گا اوہ پنجاب دی اصل تاریخ ہووے گی۔ اکرم شیخ ہوراں تے اس موضوع نوں دی چھیڑیا کہ تاریخ نے بادشاہواں دے سہرے تے نوے بیان کیتے عام لوکاں دا کیہ حال سی؟ حلے ہوئے تے اوہناں اُتے کیہ رد عمل سی۔ اتنا ج کھس گیا تے زندگی کیوں چلدی رہی ایہہ سارا کجھ لکھنا حالے باقی اے۔ میری دعا اے جو رب تعالیٰ اکرم شیخ ہوراں نوں صحت تے ہمت دیوے کہ اوہ ایس کی نوں پورا کرن کیوں جو ایہہ کتاب دس دی اے کہ اکرم شیخ ہوراں وچ اوہ سارے جوہر موجود نیں جہاں سہارے کجی پنجاب تواریخ لکھی جاسکدی اے۔

ڈاکٹر اختر حسین سندھو

11-4-2016.

☆☆☆

## سیاسی سو جھدے کارے

پنجابی زبان وچ ہون والی شاعری دے سو مے دو طرحاں دے گئے متھے جان دے نہیں۔  
 اک اوہ..... جہاں داندھ موسیقی ہوندی ہے، جہاں وچ انسانی جذبیاں دا اظہار  
 ہوندا ہے، اوہ جذبے جہڑے آپسی مل ورتن تے غماں تے خوشیاں دا دکھالاوی ہوندے نہیں تے  
 فیر ایہ جذبے پیداواری وسیلیاں نال جڑے ہوندے نہیں پنجاب دی زمین شروع توں ہی  
 زرخیز رہی اے اتھے فصلاں دی بیجائی تے کٹائی انسانی روایاں تے وی اثر انداز ہوندی نوایاں  
 قدراں نوں وی جنم دیندی رہی اے۔

ایسے پچھو کڑو چوں ای خوشی تے غم دے سانجھے دکھالے وی ہوئے تے ایہناں  
 وچوں ای لوک گیتاں نے جنم لیا تے اوہناں دیاں وی کئی صنفاں سامنے آئیاں۔ بولیاں، ٹپے  
 مایے تے گیت..... جہڑے موسیقی نال جڑے ہوئے سن تے اج اسی لہنوں گیت تے گاؤن  
 دی شاعری وی آکھدے ہاں۔

تے فیر..... ایہو ای اوہ ”گاؤن“ دی شاعری ہے جس وچوں ”کافی“ نے جنم لیا تے  
 ساڈے سارے صوفیاں نے لہنوں اپنی فکر اپنی سوچ، اپنے نظریے تے خیالاں دے اظہار  
 تے ابلاغ دا وسیلہ بنایا۔ بھادیس سچ تاں ایہ وی ہے کہ ”کافی“ لہنی کسے اک خاص صنف نوں  
 نہیں اپنایا گیا ایسے لہنی کافی رنگ کئی صنفاں راہیں چمکاں ماردار ہیا اے۔ بہر حال حقیقت ایہو



ای ہے کہ صوفیاں نے تصوف تے علم لدنی دے سارے بھید وی ایسے صنف راہیں سامنے لیاندے جہڑے اڄ پنجابی زبان دا سب توں وڈا تے اُچا ورثہ نیں۔ سگوں ایہ وی آکھیا جاندا ہے کہ فارسی زبان توں مگروں تصوف دا سب توں بہتایان پنجابی زبان وچ ہو یا اے تے اڄ پوری دنیا وچ وسدے پنجابی ایہدے اُتے مان کر دے نیں۔

کلاسیک شاعری وچ دوجی وڈی روایت ”قصہ گوئی“ دی ہے ساڈے بہت وڈے وڈے شاعراں نے ایہنوں اظہار دا وسیلہ بنایا۔ واراں وی لکھیاں تے رومانی کہانیاں وی بیان کیتیاں سگوں اک رومانی کہانی تے کئی شاعراں نے اپنے اپنے ڈھنگ وچ لکھی۔ کیوں جے قصہ گوئی وچ ایہ سہولت وی موجود ہوندی ہے کہ کہانی دے کرداراں تے واقعات دے نال اوس زمانے دے سماج دے منظر نامے وی شامل کر لئے جاندے نیں سماجی قدراں تے اوہناں وچ آؤن والیاں تبدیلیاں نوں وی بیانیا جاسکد اے۔ انسانی روایاں رشتیاں تے تعلق وچ ہون والی مٹ بھج نوں اوہدی پچھو کڑ نال سامنے لیاند جاسکد اے تے فیر جدوں ایہدے وچ علم تے تخلیقی حسن دی سانجھ ہوندی اے تے اوہ قصے کہانیاں شاہکار بن جاندیاں نیں جس دی سب توں وڈی مثال وارث شاہ دا قصہ ہیرا، انجھا ہے بھوویں اوہناں توں پہلے ایہ قصہ دمودر تے مقبل وی لکھیا تے وارث شاہ توں مگروں وی ایس قصے دیاں لکھتاں ہوئیاں پروارث شاہ دی ”قصہ گوئی“ نوں دنیا دے وڈے ادب توں وی اُچا سمجھیا جاندا ہے۔

اک ہور سچ تاں انج وی ہے کہ ساڈے پنجاب دے ایہناں رومانی کرداراں نوں ساڈے صوفی شاعراں نے علامت دے طور اُتے وی ورتیا ہے خاص طور تے ہیر تے رانجھا ساڈے صوفیاں دے من پسند کردار رہے نیں، بکھے شاہ دے ہاں رانجھا اٹھاراں واری ورتیا گیا ہے۔ ایہ جیہڑا مقصد وی ہے تے منزل وی خواہش وی ہے تے اوہد انت وی ذکر تے فکر دی بنیاد وی ہے تے اخیر سدھروی۔

رانجھا رانجھا کردی نی میں آپے رانجھا ہوئی  
سدونی مینوں دھید ورا، انجھا ہیر نہ آکھو کوئی

جی گل تاں ایہ ہے کہ.... ساڈے صوفی شاعراں دا اصل مقصد تے منزل راہی رہیا  
اے تے اوہناں راہجھے لئی ہر دکھ ہر مصیبت تے ہر اوکڑوی برداشت کیتی اے تے لوکاں نوں وی  
ہیر وانگوں راہجھے نال عشق کرن لئی آکھیا ہے پر بلھے شاہ تے ایس پچھو کڑ ساریاں حداں وی پار کر  
جاندا ہے سگوں جتھے ہو رہت سارے صوفی احتیاط تے تدبیر توں کم لیندے نیں بلھے شاہ کسے  
احتیاط دی کوئی پروا نہیں کردا پیراں وچ گھنگھر وی بندھ لیندا ہے تے مستی وچ آکے دھمالاں  
پاؤن لگ چنیدا ہے شرعی حداں چوں باہر نکل کے ترک عبادات دا ہوکا دین لگ پیندا اے۔

ترک حلالوں کھامردار

ایہدے وچ کوئی شبہ نہیں کہ بلھے شاہ دی فکر ساڈے ہو رہت سارے صوفیاں توں  
وکھری ہے سگوں اوہنے تاں چالور سماں ریتاں توں وی انکار کیتا ہے جیہڑیاں صوفیاں دے  
ہاں پر چلت سن یاں فیر مذہبی ٹھیکیداراں نے اپنے گل وچ پایاں ہوئیاں سن۔ ایس پچھو کڑ ایہ  
وی آکھیا جاسکدا ہے کہ اوہنے چالور سماں ریتاں دی توڑ بھن کیتی تے اپنی نویں سوچ دا دکھالا  
کیتا۔ قدم قدم تے اوہدی اچیائی تے وڈیائی دے اپنے کلام تے عمل راہیں جتن وی کیتے ایہو  
ای کارن ہے کہ جنے الزام اوہدے اُتے لگے یاں فیر جنے فتویاں دا اوہنوں سامنا کرنا پیا کسے  
ہو رہو صوفی نوں نہیں کرنا پیا۔

ڈاکٹر اسلم رانا بہشتی ہو ری کہندے نیں:

”بلھے شاہ دی آواز سب توں نویں لگی اے۔ جبروی ظلم، تشدد، جھوٹھ، مکر، فریب،  
بے انصافی، طبقاتی اونچ نیچ تے سیاسی بد حالی دے خلاف بھرویں انداز وچ ابھر کے سارے  
پنجاب وچ کھل گئی جو ایں اوہدی شخصیت وچ اک نڈھرک پن تے بے باکی اے۔ اُنجے اوہدی  
شاعری دیاں سرمدی سراں وی لامحدود تے ناپید نیں اوہ کسے نوں خاطر وچ نہیں لیانداتے ہر  
بدی تے جھوٹھ دے پردے چاک کیتی جاندا اے اوہنے پنجاب دی اٹھارہویں صدی دے عہد  
نوں لہو وچ رنگیا تکیا، ذات پات دی تمیز تے تفریق دے زہری سپاں دے زہر وچ ڈبیا ویکھیا  
تے لوکاں نوں دکھ درد دے سمندر وچ غوطے کھاندیاں تکیا تے بے اختیار کر لایا اٹھیا ایہ کیرا لاٹ

سیاسی تے سماجی دوہاں سطحاں اُتے محسوس کیتی جاسکدی اے۔“

ایہ اک آواز اے۔ جہڑی بُلھے شاہ دی فکر دی ڈنکھیائی چوں اُبھر کے سامنے آئی سی پر ویلے دے جبر نے لہنوں اپنی پکی پچھان بن توں پہلے ای کھالیا۔ پر سچائی دی آواز آج وی جیوندی جاگدی اے تے اوہدی ہاں نال ہاں ملاؤن والے وی ہے نہیں تے اوہدے توں اگوائی وی لے رہے نیں۔ ایہو ای آوازاں پچھے موجود وجود دی سچائی ہوندی اے۔ آوازاں تے کناں توں دور ہو جانیاں نیں۔ پر وجود نہیں۔ بہر حال ڈاکٹر اسلم رانا ہوراں دیاں ایناں کجھ گلاں وچ پورا بُلھے شاہ لکیا ہویا اے۔ بس ذرا اوہنوں دیکھن لئی بصارت نہیں بصیرت دی لوڑ ہے۔ کوئی عینک لاؤن دی وی نہیں۔

ایہ بُلھے شاہ دی فکر، سوچ، عمل تے کردار دایاں شاہ ہے کہ بُلھے شاہ صرف مسلمان پنجابیاں دایاں نہیں ہر اوس پنجابی دا آئیڈیل اے جہڑا تصوف دامت اے۔ سگوں کجی گل تاں ایہ ہے کہ اوہ اک مسلم صوفی یاں پنجابی صوفی نہیں، جگت صوفی اے سارے مذہباں دے من والے اوہنوں اپنا صوفی سمجھدے نیں تے اوہدی وچار دھارا دی پیروی کرن اُتے مان سمجھدے نیں تے فیر ایس توں وی وڈا سچ تاں ایہ وی ہے کہ بُلھے شاہ ای اوہ کلا صوفی ہے جس دی سوچ نوں ہور زباناں دے صوفیاں نے اپنی فکر دا حصہ بنایا۔ ایہ بھادیس سائیں پکل سرمست ہووے یاں خواجہ غلام فرید.... تے آج وی بہت سارے صوفی نیں جہڑے اوہنوں اپنا آئیڈیل بناؤنا چاہندے نیں۔

بہر حال اک ہور سچائی تاں انج وی ہے کہ بُلھے شاہ نے اپنے زمانے دی سیاسی تے سماجی تواریخ تے اوہدے لوکائی اُتے ہون والے اثرات نوں بیانیاں ہے اوہد اوکھالا کسے ہور پنجابی صوفی نہیں کیتا۔

بھادیس صوفیاں بارے اک وچار دھارا انج دی وی ہوندی ہے کہ اوہ دنیا داری توں دور ہوندے نیں اوہ سیاسی تے سماجی قدراں نال جڑت نہیں رکھدے اوہناں دا مقصد تے منزل کجھ ہور ہوندی اے اوہناں دا گیان تے دھیان وی خاص ہوندا اے۔ اوہ دنیا نوں دکھاں دا



گھاروی سمجھدے نیں۔ ایس لئی اوہ دنیا نوں جان بکھ کے پروکھے رکھدے تے ایہدے لئی اپنا وقت ضائع نہیں کردے۔ پراک وچار دھارتے ایہ وی ہے کہ شاعر اپنے ویلے تے حالات دا نمائندہ ہوندا اے اوہدی سوچ اوہدی فکر اپنا سماج پروکھے نہیں کر سکی اوہ جو کجھ وی لکھدا ہے اوہ اپنے ویلے دی صورت ہوندا اے۔ جس دے رنگ ڈھنگ توں آؤن والیاں نسلاں جاکاری حاصل کردیاں نیں تے جہڑا شاعریاں لکھاری ایہ مورتاں نہیں بناؤندا کجھ چرگروں اپنی موت آپے مر جاندا اے ایس لئی مرن توں مگروں جین لئی شاعروں اپنے ویلے دے حالات نوں شاعری وچ لیاؤنا ضروری ہوندا ہے۔

ایہ کم سانوں بکھے شاہ دے ہاں سب توں زیادہ لبھدا ہے۔ بھاویں سچ تاں ایہ وی ہے کہ اوہنے نثر نگاری نہیں کیتی اوہ شاعری تے صرف شعراں وچ ای ایہدا اظہار کیتا ہے۔ اوس زمانے وچ ہون والے وقوعیاں نوں علامتاں تے استعارے بنا کے پیش کیتا ہے پر جو کجھ کیتا ہے اوہدے توں سانوں بہت کجھ سمجھن دی مدد مل جاندی اے۔ حالاں اوہدے توں مگروں سامنے آؤن والے وارث شاہ نے صرف اک مصرعے وچ پنجاب وچ ہون والی ٹٹ بچ دا ذکر کیتا تے اوہدے وچ وی صرف قصور دی بربادی اُتے ای ہرکھ دکھالا کیتا اے حالاں ایہو ای اوہ زمانہ سی جس وچ پنجاب اُتے نادر شاہ تے احمد شاہ ابدالی حملے کر رہے سن دلی داتخت دی لڑائیاں تے سازشاں د امرکز بنیا ہو یا سی تے پنجاب وچ سکھ اک نویں سیاسی تے جنگی طاقت بن کے سامنے آچکے سن پر جہڑا رنگ ڈھنگ بکھے نے اپنا یا اوہدی کوئی ہو رمثال نہیں ملدی۔

درکھلا حشر عذاب دا برا حال ہو یا پنجاب دا

بکھے شاہ دا جنم 1680ء وچ ہو یا تے اوہنے 1758ء وچ چلانا کیتا۔ ایس طرحاں ویکھیا جاوے تاں اوہدی ساری حیاتی سیاسی تے سماجی ٹٹ بچ وچ ای لنگھی اے۔ اوہدا جنم ہو یا تے ایہ اورنگ زیب ورگے مذہبی انتہا پسند دے عروج دا زمانہ سی پر ایہ وی سچ ہے کہ اوس دے زمانے وچ اک پاسے تاں کئی ریاستاں وچ بغاوت وی ہو گئی سی خاص طور تے دکنی ہندوستان وچ نابری دا سلسلہ شروع ہو گیا سی۔ پر ایہدے نال ای مرہٹاں دی طاقت وی سامنے آرہی سی



جد کہ ایدھر سکھاں دے نوویں گرو تیغ بہادر دے دلی دربار وچ ہون والے قتل دار و عمل وی چوکھا ہو رہیا سی جس دے سٹے وچ سکھ اک نابری سیاسی قوت بن کے پوری طرحاں سامنے آ گئے سن تے اوہناں مغل حکومت تے اوہدیاں فوجاں نال ٹکر لینا شروع کردتی سی۔

تواریخ دے سیانے تاں ایہ وی کہندے نیں کہ اکبر اعظم نے جہڑے سیاسی رشتے تے تعلق بنائے تے اوہدے نتیجے وچ جہڑی مضبوط ریاست دی نینہ رکھی سی جہاں گہرے شاہجہان ولوں مولویاں دے آکھے لگ کے حکومت تے ریاست نوں جہڑی شکل صورت دتی گئی اوہدا انت اورنگ زیب دے زمانے وچ کھل کے سامنے آ گیا اوہدے نال نہ صرف اکبری حکومت دی نینہ ہل گئی سگوں مغل حکومت وچ وی تباہی تے بربادی دا عمل وی شروع ہو گیا ریاست ولوں کہیتے گئے فیصلیاں توں سماجی سانجھ وی ٹٹ گئی ہندو تے سکھ وی حکومت توں ناراض ہوئے سگوں مسلماناں وچ فرقے بازی وی ہوئی خاص طور تے شیعہ تے سنی جھگڑیاں وچ وی وادھا ہو یا کئی شہراں وچ فساد وی ہوئے جہاں نوں ویکھ کے بلیھے شاہ نوں ایہ کہنا پڑیا کہ

سنی نہ نہیں ہم شیعہ

صلح کل کا مارگ لیا

ظاہر ہے کہ حکومتی ریاستی فیصلیاں تے حکمت عملی دے سماج اُتے وی اثرات ہوندے نیں تے ایہ اورنگ زیب دے مرن مگروں جدوں حکومتی گرفت کمزور ہوئی تے دلی دربار وچ موجود مختلف دھڑیاں اک دوجے دے خلاف سازشاں شروع کیتیاں تے اقتدار لئی اورنگ زیب دی روایت اُتے چلدے ہوئے بھراواں نوں قتل کردے رہے تے اوہدے اثرات سماج وچ وی سامنے آؤندے رہے پر بد قسمتی تاں ایہ وی ہوئی کہ دلی وچ اقتدار لئی ہون والیاں سازشاں وچ رُجھے ہون پاروں حکمراناں دی توجہ پنجاب ول نہیں رہی جس دے سٹے وچ پنجاب وچ افراتفری تے کھڑبا کھڑبی وچ وی وادھا ہوندا رہیا تے لہور دے تخت لئی دی سازشاں ہونیاں تے لہور دربار وی دلی وانگوں ماڑا ہوندا گیا جس دا فیدا پہلوں نادر شاہ درانی نے چکيا تے اوہ جتھوں وی لنگھیا تباہی تے بربادی کیتی انساناں دا قتل عام کیتا تے پنڈاں تے

قصیاں نوں اگاں لادتیاں تے ایہو لٹ مار کردادی تیکر چلا گیا مغل حکمران کولوں کروڑوں روپے تادان وصول کیتا تے اپنے پتر نال اک مغل شہزادی دا دیاہ دی کیتا۔ بُکھے شاہ ایسے صورت حالات نوں دیکھدے ہوئے اپنے ڈھنگ وچ آکھیا کہ

مُغلاں زہر پیالے پیتے

ایہ اوہ خود کشی سی جہڑی مغلاں نے غیر سیاسی حرکتاں تے غیر انسانی کرتوتاں دے نتیجے وچ کیتی سی تے بُکھے شاہ نوں ایہدے اُتے ہر کھوکھالا کرنا پیا۔

بُکھے شاہ دے زمانے وچ ای سکھاں نے سیاسی قوت حاصل کیتی تے فیر ایہدے وچ بندہ بیراگی دا کردار وی سامنے آیا جسے نہ صرف مغل حکمراناں تے مسلماناں توں بدلہ لین لئی فوج تیار کیتی تے پنجاب دے مختلف علاقیاں وچ لٹ مار تے تباہی دا بازار گرم کیتا۔ بھاویں مغل حکومت نے بڑی مشکل نال اوہدے تے قابو پایا تے اوہنوں انجام تیکر اپڑایا پر ایہدے وچ وی کوئی شبہ نہیں کہ اوہنے حکومت دی گرفت نوں ہور وی کمزور کردتا سی پر ایہدے نال ای سکھاں دے کجھ ہور طاقت ور گروپ سامنے آگئے سن جہاں اپنیاں چھوٹیاں چھوٹیاں بادشاہیاں تے راج گدیاں بنالیاں سن۔ جتھے اوہ اپنے فیصلے آپ کر رہے سن ایہناں دھڑیاں ای بعد وچ مثالاں داروہ دھاریا تے ایہناں مثالاں دے بہتے ٹھکانے لہور تے قصور دے نیڑے سن جتھے بُکھے شاہ دارہنا بہنا تے آؤنا جانا سی۔ جس دی اک مثال آلو والیادی مسل وی ہے جہڑا لہور تے قصور وچ کاہنے نیڑے پنڈ آلو دارہن والا سی ایہو ای اوہ آلو والیادی جہڑا بُکھے شاہ دے مرن مگروں لہور اُتے قبضہ کرن وچ دی کامیاب ہو یا سی۔ ایسے پچھوکڑاں اک ہور سچ تاں ایہ وی ہے کہ جدوں 1799ء وچ رنجیت سنگھ نے لہور نوں فتح کیتا سی تے اتھے بھنگی مسل دے سکھاں دا قبضہ سی۔ بہر حال تواریخ دا اک ہور سچ تاں انج وی ہے کہ بُکھے شاہ دی حیاتی وچ نادر شاہ درانی دے جانشین احمد شاہ ابدالی نے وی پنجاب اُتے پنج حملے کیتے تے لہور وچ اپنے جانشیناں دیاں حکومتاں وی بنائیاں۔ اوہنے سکھاں نال امرتسر وچ مقابلہ وی کیتا۔ مرہٹاں نال وی لڑائی لڑی تے دلی اُتے وی دھاڑ کیتی تے افغانی روایتاں دے مطابق لٹ مار تے قتلّام





دی کیتے پنڈاں تے شہراں نوں ساڑ کے سواہ وی کیتا۔ جدوں اوہ دلی پہنچیا تے اوس ویلے دے مغل حکمران کروڑاں روپے تاوان نال اک مغل شہزادی اوہدے پتر دے نکاح وچ دے کے اپنی جان چھڈائی۔ ایس توں بعد اوہنے دلی تے حملہ نہیں کیتا پر پنجاب وچ اوہدا فیروی آؤنا جانا رہیا تے ایتھوں دے حکمران اوہنوں ”جگائیکس“ دیندے رہے۔

ہن سوال تاں ایہ وی ہے کہ اوہ علاقہ جہڑا اپنے تے پرایاں دیاں سازشاں تے لڑائیاں داشکارسی تے اوہنوں ہر نویں سورج نال اک نویں دھاڑ وی نوں ویکھنا پیندا سی۔ لٹ مار تباہی تے بربادی دے نال انسانیت دے قتلیم دا مشاہدہ وی کرنا پیندا سی اوس علاقے دا سوجھوان اوہدے دکھ توں کسراں وکھراہ سکدا سی یاں فرایس زوال تے تباہی دے سماجی اثرات نوں کسراں پروکھے کر سکدا سی۔ تے جے اوہنے ودھ چڑھ کے اُچی آواز نال ایہدا ہرکھ وکھالا کیتا اے کچی گل تاں ایہ وی ہے کہ ایہ اوہدا فرض سی، ایہ کوئی احسان وی نہیں، ایہ دکھری گل ہے کہ ایہدے اُتے ساڈے پنجابی سیانیاں کوئی دھیان نہیں دتا۔

ہرکھ والی گل تاں ایہ وی ہے کہ جہڑی سوجھ سیانف سامنے آئی اوہدے وچ اک دھڑا اوہ سی جسے بلھے شاہ ورگے جگت صوفی تے انسانیت دی وڈیائی داہوکا دین والے نوں اپنی سوچ، فکر تے پسند وچ ڈھال کے مولوی محمد عبداللہ بناؤن دے جتن کیتے، دو جے دھڑے نے اوہنوں صوفی تے نیا پر اوہنے ایہ کوشش کیتی کہ اوہنوں اک مسم صوفی ہی ثابت کیتا جائے کسے نے اوہنوں رب دابندہ بنا کے تے سمجھ کے اوہ صوفی نہیں بنایا جہ انسانیت وچ رب دامنائندہ ہوندا اے تے رب تے بندے وچ نویں جڑت پیدا کرن داہوکا دیندا ہے۔

پر فیروی..... اک ہو ر سچائی تاں انج دی ہے کہ بلھے شاہ نوں صوفی تے آکھیا گیا پر اوہنوں اپنے ویلے دا سوجھوان نہیں بنایا گیا اوہدی سماجی سوجھ تے سیاسی سیانف نوں پروکھے ای رکھیا گیا ایہو ای کارن ہے کہ مینوں اوس زمانے دی سیاست تے سماج وچ ہون والیاں تبدیلیاں اُتے اک دکھری کوشش کرنی پئی، ایہ کس حد تک کامیاب اے یاں سارے تقاضے پورا کردی ہے، ایہ فیصلہ تے پڑھن والے ای کرن گے۔ انج دی میرا یقین ہے کہ کوئی شے پوری

نہیں ہوندی اوہدے وچ بہتری دی گنجائش ہمیشہ رہندی اے ایہ جو کجھ ہے ایہدے وچ  
چنگیائی تے بہتری ہوسکدی اے۔ میں تے صرف مڈھ رکھیا اے۔ توڑ تیکر کوئی ہو رلے جاسکدا  
اے۔ جو میرے توں یقیناً بہت چڑگا ہووے گا۔

اکرم شیخ

0300-4342018

☆☆☆



## بلکھے شاہ داسیاسی تے سماجی شعور

فرائیڈ دا خاندان تے معاشرے دی بُتر دے حوالے نال نظریہ وی اپنی تھاؤں پوراچ ہے پر اک خیال تاں ایہ وی ہے کہ انسان دیاں بے وسیاں لاچاریاں تے مجبوریاں وی آپس وچ رل کے رہن دی اوہنوں راہ وکھائی سگوں موت ایہد سب توں وڈا کارن سی جس دے پاروں رب دی بھال ہوئی تے ایسے کارن ای مذہباں دی نینہ وی رکھی گئی۔ ایہو ای اوہ غیر متوقع عمل سی جسے انسان نوں کھیاں رہن تے مجبور کیتا تے وستیاں تے وسیب بنے انسان دی اک دوجے نال سانجھ ہوئی۔ جنگل توں غاراں تے غاراں توں سانجھیاں آبادیاں بنیاں۔

انساناں دی اک دوجے نال مل کے رہن دی ضرورت نے ہی خاندان تے قبیلے بنائے۔ ایہناں قبیلیاں دی سانجھ نال معاشرے بنے تے فیر معاشرتی سانجھ نے رل کے حیاتی گذارن لئی کجھ ضابطے کجھ اصول بناؤن لئی انسانی سوچھ نوں ٹوریا۔ انسانی سوچھ دے سفر نال ترقی دیاں منزلاں وی طے ہوئیاں جس دے نال ای سماجی تے اخلاقی قدراں دی لوڑ وی ہوئی۔ پرفیرانج وی ہو یا کہ

مخت تے جتن نے کجھ طبقے وی پیدا کیتے جہاں وچوں کجھ حکمران دی بنے اوہناں ظلم تے زیادتی راہیں زمین دے قدرتی وسیلیاں اُتے قبضہ وی کیتا، آپ تے حکمران بن گئے پر ماڑیاں بے وسیلہ لوکاں نوں تسلی دے کے آؤن والے چنگے ویلے دیاں آساں تے امیدیں نال

جوڑ دتا۔ ایہوای اوہ لوک سن جہاں دی رب تے مذہباں نال نیڑتا ہوئی۔ کیوں جے مذہب ای اوہناں نوں اُمید تے آئند دینداسی۔ پردو جے پاسے اوہ طبقے جہڑے حکمران بن گئے سن اوہناں غریباں تے ماڑیاں نوں نوکر چا کر بناؤن تے رکھن لئی انسانی تے اخلاقی قدراں دا دکھالا کیتا مذہباں دے ٹھیکیداراں نوں ذاتی تے مالی فیدے دے دے کے اپنے فیدیاں دی رکھیا لئی ورتیتا تے فیر.... ایہوای قابض تے حکمران طبقے سن جہاں اپنے فیدیاں دی رکھیا لئی قنون وی بنائے تے آکھیا کہ ایہناں راہیں لوکاں کی دافیدا تے سماج دی بہتری ہووے گی۔ ایہ وکھری گل ہے کہ ایس طریقے نال سماج دی بہتری تے ترقی نہیں ہوئی اوہناں کول ای نویں جانکاری آئی اختیار تے اقتدار دے وسیلے وی کٹھے ہوئے اوہ آپ ای دنو دن ترقی کردے گئے ایس نظام نے جنہوں اج سرمایہ داری تے جاگیر داری نظام وی آکھیا جاندا ہے۔

اوس زمانے وچ زمیناں جائیداداں تے جاگیراں نوں آمدنی دا وسیلہ بنا کے اوہدے لئی غلام تے مزارعے رکھے جاندے سن تے اوہناں وچ وادھا ہو رہیا سی تے اج ایہ نظام فیکٹریاں تے کارخانیاں دے مزدوراں وچ ای وادھا کر رہیا اے۔ بھادیس نویں ٹیکنالوجی تے مشیناں آؤن نال مزدوراں دی لوڑ وی گھٹ گئی اے اک کم جہڑا ہزار بندہ کرداسی اوہ دس ویہہ بندے وی کردیندے نیس ایہوای کارن ہے کہ پوری دنیا وچ بے روزگاری وچ وادھا ہو رہیا اے تے ایہدے نال ای آبادی نوں گھٹ کرن دیاں کوششاں وی ہوندیاں نیس پر اصل کارن ول توجہ دے کے معاشی برابری معاشرتی حقان دی ساویں دند دی گل نہیں کیتی جاندی۔

بھادیس سچ تاں ایہ وی ہے کہ قدرت دے بنائے ہوئے قنون وچ موت دا پکا فیصلہ وی موجود اے جو آیا ہے اوہنے واپس وی پرنتا اے جو بنیا اے اوہنے مٹنا وی ہے۔ ایہوای عمل ہے جس پاروں اک فطری اصول راہیں آبادی وچ گھاٹ وی ہوندی اے۔ کجھ انسانی کوششاں راہیں وی ایہدے وچ گھاٹ ہوندی اے فتنہ فساد لڑائی جھگڑے اک دو جے تے لا دو ہون دی اچھیا تے جنگاں راہیں وی آبادی وچ گھاٹ ہوندی رہندی اے تے فیر کئی علاقیاں وچ مڈھلیاں سہولتاں نہ ہون پاروں بیماریاں وی آکے انساناں دیاں وستیاں برباد کر کے آبادی



وج گھاٹ کردیاں رہندیاں نیں، بھاویں اج دا بچ تاں ایہ وی ہے کہ بہت ساریاں جسمانی بیماریاں دے علاج دریافت کر لئے گئے نیں تے ایہنوں انسانی حیاتی ورگی نعمت نوں بچاؤن دا اک چنگا کم وی آکھیا جاندا اے۔ پرفیروی انسان نوں موت توں بچاؤن دا کوئی پکا کم نہیں ہويا۔ موت ہی سب توں وڈا بچ ہے، جس دا ہر صورت دکھالا ہوندا ہے تے جدوں ایہ آؤندی ہے تے ایہ جنناں دے نال دشمنان نوں وی کٹھا کر دیندی ہے جس توں پرانے رشتے نواں روپ وی دھار لیندے نیں ایسے لئی درویشاں، صوفیاں تے فقیراں نے موت نوں وصل دالمحہ وی آکھیا اے، کیوں جے ایہدے راہیں بندے تے رب وچ ٹٹا ہو یا پرانا تعلق فیر بحال ہوندا اے۔ ایہ روز میثاق دی یاد دی دلاؤندا ہے تے حیاتی دے مقصد وی سامنے لیاؤندا ہے۔

بہر حال..... آدم برسر مطلب سیاسی نظام نے اوہدیاں قدراں تے روایتاں سماج دی ہنتر وچ نہ ہلا کر دارا کردیاں نیں، جبرے ورت و بہارتے و تیرے حکومتاں تے حاکمیت وچ پرچلت ہوندے نیں اوہناں دا سماج تے اثر وی ہوندا ہے تے فردوچوں اوہناں دا دکھالا وی ہوندا ہے۔

جس دی اک مثال تاں انج وی سامنے آؤندی اے کہ برصغیر وچ کدی وی جمہوریت نہیں رہی یاں فیر اوکائی نوں کدی حکمرانی دا حصہ نہیں بنایا گیا ایسے لئی نہ تے معاشرہ جمہوری ہو یا اے تے نہ ای فرد دارویہ جمہوری قدراں وچ پھل پھل سکيا اے تے فیر انج وی کہ جدوں فرد جمہوری نہیں ہو یا تے خاندان وچ جمہوریت دی پرچلت کوں ہوسکدی اے؟ کیوں جے اتھے ہمیشہ بادشاہت رہی اے تے بادشاہ اپنی راج گدیاں تے اقتدار لئی اک دو بے نال لڑدے بھڑدے رہے نیں سگوں پیو بھراواں نوں قتل کرنوں وی نہیں ہندے رہے ایس لئی اسی اج ایہ وی ویکھدے ہاں کہ ساڈے وچ برداشت تے رواداری ہے تے نہ ای اسی اک دو بے دی آزادی تے وکھری رائے نوں وی منن لئی تیار نہیں ہوندے سگوں چھوٹے چھوٹے اختلاف رائے اُتے اک دو بے نال بھگڑدے وی ہاں تے اک دو بے نوں مرن مارن تے وی تیار ہو جانے آں۔ ایہ اوہ اجتماعی رویہ اے جیہڑا صدیاں توں چلیا آ رہیا اے تے ایہدا کارن اوہ سیاسی نظام اے جیہڑا اتھے چالو رہیا اے تے جیہے اک ایسا سماج بنایا اے جیہڑا آپا



دھاپی تے خود غری داشکار وی ہے تے کھڑبا کھڑبی روز دا معمول ہے -

ایس پچھو کڑا ج سانوں پورپ وکھرا دکھالی دیندا ہے او تھے سماجی تبدیلیاں نے انسان تے اخلاقی قدراں وی بدل چھڈیاں نیں او تھے اوہ لڑائی جھگڑے نظر نہیں آؤندے جہڑے ساڈے ہاں انسانی فطرت دا حصہ بنے ہوئے نیں۔ بھادویں اک ہو رچ تاں انج وی ہے کہ ہندوستان وچ پچھلے ستر سال توں جمہوریت چالو اے جس نے اک سیاسی نظام نوں چالو تاں کردتا ہے پر ماضی دی تواریخ دے اثرات اے وی سماج وچ دکھالی دیندے نیں کیوں جے ”سماجی تبدیلی“ راہیں اجتماعی رویے تے قدراں اک مسلسل عمل راہیں تبدیل ہوندیاں نیں تے اوہناں لئی اک لمبی مدت دی لوڑ وی ہوندی اے۔ ساڈا المیہ تے ہو روی ہے کہ ایس اے تیکر سیاسی نظام بارے کوئی پکا فیصلہ نہیں کر سکے ساڈے اندروں اے وی بادشاہی نہیں گئی ایس جمہوریت دے وی کئی نویں ڈھانچے بنائے تے اوہناں نوں لاگو کرن دے جتن وی کیے نیں ایہ وکھری گل ہے کہ اوہدے وچوں وی ”صدارتی نظام“ نوں نیڑے رکھیا کہ ایہدے وچوں وی بادشاہی دی جھلک ملدی ہے۔ ایس طرحاں اک ہو رگل تاں انج وی ہے کہ جہڑا پارلیمانی نظام بنایا تے اوہدے راہیں جہڑا سربراہ بنیا اوہنے وی ”بادشاہی“ نوں ہی پسند کیتا تے سارے فیصلے اپنے کول رکھے۔

ایہ کہانی وی اصل وچ تواریخ دے تسلسل وچ آج دا منظر نامہ ہے جس توں بہت ساری اوس سچائی نوں سمجھن وچ مدد ملدی ہے جس وچ سیاسی نظام معاشرے تے سماجی اخلاقیات دی بنیاد وچ ڈھلا کر دارا کردی تے اوہدے وچ نویاں قدراں دا کارن بن دی ہے۔

بلیے شاہ دا جنم اوس زمانے وچ ہوندا ہے جدوں مغل بادشاہی دا عروج زوال تے تباہی ول ٹر پیندا ہے تے فیر ہر لنگھدے ویلے ایہدے وچ وادھا ہوندا جاندا اے۔ کئی طرحاں دیاں لڑائیاں تے جنگاں ہوندیاں نیں کئی طرحاں دیاں سیاسی سازشاں تے ٹٹ بھج ہوندی اے کئی بغاوتاں ہوندیاں نیں کئی دھڑے نویں طاقت بن کے سامنے آؤندے نیں تے ایس دے سماج اُتے وی ڈونگھے اثر پیندے نیں آپسی خود غرضی آپا دھاپی تے کھڑبا کھڑبی سماجی سانجھ تے

نسائی بھائی چارے وچ ونڈاں پاؤندی اے۔ جس توں اپنے ویلے دایا ناتے سوچھوان کسراں دور رہ سکد اے یاں فیر اپنیاں اکھاں بند کر کے سارے حالات توں بیگانہ ہو سکد اے؟؟  
تے جے اوہ بلکھے شاہ ورگا د بنگ 'نڈر' بے باک تے پورے سچ دا ہوکا دین والا ہووے  
تاں فیر ایہ کسے وی طرحاں ممکن نہیں ہو سکد ا۔ ایہ وکھری گل ہے کہ اوہ ایس ساری صورت حال  
نوں ویکھدا تاں ہے پر اوہ صوفی دی حیثیت وچ ایہدا اصل وی اپنی وچار دھارا وچ ہی ویکھدا  
ہے یاں فریادہنوں وی قدرت دا کارا سمجھدا ہے کہ اوہدا فلسفہ تے نظریہ اوہنوں "اتحرک" نوں  
جانن تے سمجھن تے وی مجبور کردا ہے۔

در کھلا حشر عذاب دا برا حال ہو یا پنجاب دا

ایہ دکھ وی ہے رونا وی ہے جس توں اوہ بہت زیادہ مایوس وی ہے، کیوں جے آؤن  
والے سے وی اوہنوں کوئی بہتری نظر نہیں آؤندی، ایس بے بسی تے جے آسی وچ ای اوہ  
سانوں آمل یار پیار یا

دی منگ کردا اے۔ ہن سوال تاں ایہ وی ہے کہ اوہ محبوب نوں آؤن دی دعوت کیوں  
دیندا ہے تے ایہ محبوب کون ہے، جہڑا آکے اوہنوں ایس دکھ تے مایوسی توں نجات دلائے گا؟  
جے ذرا ڈنگھیائی وچ دیکھئے تاں ایہ گل وی سامنے آؤندی ہے کہ ایس ساری صورتحال  
توں اوہ نجات دا ذریعہ موت نوں سمجھدا ہے، موت جہڑی صوفیاں دے ہاں "ملاپ دالمہ"  
ہوندی ہے جہڑی زندگی دے سارے دکھاں توں جان وی چھڈا دیندی ہے تے محبوب نال  
ملاپ دا ذریعہ وی بن جاندی ہے۔

پر فیروں جو کچھ اوہنے ویکھیا ہے یاں فروقت تے حالات دے جبر نے جو کچھ اوہنوں  
دیکھن اُتے مجبور کیتا ہے اوہ وی دھیان جوگ ہے اوس توں اسی اوس زمانے دے سیاسی تے  
سماجی حالات بارے پوری جانکاری حاصل کر سکدے ہاں جہڑی ٹیٹ بھج، افراتفری تے اُتھل  
پتھل ہوندی اے اوہدی وی پوری جانکاری لے سکدے ہاں۔ پر حالاں اوہ سب کچھ حکم  
حضوروں ہی سمجھدا ہے۔ پر فیروں اوہ ایہ دعویٰ کردا ہے کہ

اُلے ہور زمانے آئے

تاں مین بھیت بجن دے پائے

اسی ہور تبصرے تجزیے تے ویروے توں بناں بلھے شاہ ہوراں دیاں اوہ کافیاں تے  
شعر لکھدے ہاں جس وچ پنجاب دی سیاسی تے سماجی صورتحال نوں بیان کیتا گیا ہے تیزی  
نال تبدیل ہون والیاں انسانی تے اخلاقی قدراں تے بھروسے تنقید کیتی گئی ہے۔ بھاویں سیاسی  
تے سماجی تواریخ دی بہت ساری تفصیل اساں ایس کتاب دے کجھ حصیاں وچ بیان کردتی ہے  
تے اوہنوں جزوی طور تے یاں فر کجھ شعراں دی پچھوکڑ وچ سامنے لیاؤن دی اتھے کوئی لوڑ  
نہیں۔ ایس لئی اوہناں دا اوہ کلام سامنے ضرور کرنے آں جس توں اوہنوں دے سیاسی تے  
سماجی شعور نوں سمجھن وچ بہت مدد مل سکدی ہے۔ سماجی منظر نامے لئی کجھ علامتاں تے  
استعارے وکھرے کرے تاں مہور وی ایہ کم سوکھالا ہو جاندا ہے۔

- .....○ اگلے جابنگاہ لے بیٹھے پچھلیاں فرش وچھائے
- .....○ جدوں اپنی اپنی پے گئی دھی ماں نوں لٹ کے لے گئی
- .....○ کال لگڑنوں مارن لگے چڑیاں جرے ڈھائے
- .....○ گھوڑے چکن اروڑیاں اُتے گدوں خود پوائے
- .....○ چڑھ سبے شینہاں تے نہن لگے وڈی پئی دھمال
- .....○ چوبیاں کن ملی ے کترے ہو ہو کے خوشحال
- .....○ کھائے خیراتے پھینے جمعہ الٹی دستک لائی
- .....○ بلھا تو تے مار باغاں تمیں کڈھے اور بن اس جائی
- .....○ دولت مندوں نے بوبیاں اُتے چوب دار بہائے
- .....○ بلھے شاہ بن کیا بتاوے جود سے سولڑا
- .....○ لت پلتی گت بکتی کوئی نہیں ہتھ پھڑدا
- .....○ کپوری ریوڑی کیونکر لڑے پتا سے نال



## براحال ہو یا پنجاب دا

ڈاکٹر غافر شہزاد لکھدے نیں۔

پنجاب دی تواریخ نوں جے گوہ نال ویکھئے تاں ایہدی پنج حصیاں وچ ونڈ کیستی جاسکدی اے۔ جس بارے ”حدود العالم“ دالیکھک لکھدا ہے کہ

1- پہلا دور وسطی ایشیاء توں آؤن والے دھاڑ دیاں دا ہے ایس دور وچ لہور بُت پرستاں دا شہر سی۔

2- دوجا دور وی وسطی ایشیاء تے افغانستان توں آؤن والے دھاڑ دیاں دا ہی اے جہاں دا مقصد ہندوستان دے مندر راں چوں لٹ مار کرنا تے سونا چاندی کٹھا کرنا سی۔ ایس وچالے انج وی ہوندا ہے کہ ڈاکو لٹ مار کر کے جاندے ہوئے حکومت تے حکمرانی کے مقامی حکمران دے حوالے کر جاندے تے اوہ اگلے پڑول ٹر پیندے۔ ایہناں وچ مغل حکمران وی شامل سن۔

3- تیسرا دور مغلاں توں بعد سکھاں دی حکمرانی دا ہے جہاں دے ظلم پاروں لہور دی ستر فیصد آبادی لہور نوں چھڈ کے ہور شہراں وچ ہجرت کر گئی سی۔ ایس دور وچ کنہیا لال ہندی دے آکھن موجب سکھاں دے جتھے ڈاکے مارن تے لٹ مارتے اڈ کجھ نہیں کردے سن۔

4- چوتھا دور انگریزاں دا ہے جہاں دا مقصد وی اتھے لٹ مارتوں اڈ کجھ نہیں سی پر اوہناں کجھ چنگے کم وی کیے۔

آثار قدیمہ دالمکھ بنایا۔ تعلیمی ادارے بنائے، میوزیم، چیف کورٹ تے جی پی او درگیاں عمارتاں وی بنائیاں سڑکاں بنائیاں ریلوے دا نظام بنایا۔ نکاسی آب تے نہری نظام وی بنایا۔ لہور وچ ماڈل ٹاؤن تے گلبرگ ورگے رہائشی علاقے امیراں لئی بنائے۔ جد کہ گوالمنڈی کرشن نگر تے محمد نگر ورگے علاقے ماڑیاں تے سفید پوشاں لئی بنائے۔

5۔ پنجواں دور 1947ء توں بعد دا ہے جنہوں ستر سال ہو رہے نیں، ایہدے وچ کیہ ہویا اوہ ساڈے سب دے سامنے ہے۔ پر ساڈا اتھ تھے مچا تے بلھے شاہ دا زمانہ ہے جدوں مغل ریاست اپنی سیاسی ساکھ گنوا بیٹھی سی تے اوہدے نئے وچ سماج وچ وی ٹٹ بھج ہو رہی سی، ایس لئی اسی وی صرف اوہ ول ای دھیان رکھدے ہاں۔

بلھے شاہ دا جنم 1680ء وچ ہوندا ہے۔ ایہ اورنگ زیب عالم گیر وی ہندوستان وچ حکومت تے اقتدار دی ٹیسی دا زمانہ ہے اوہ اورنگ زیب جنھنے بیونوں بندی خانے وچ سٹ چھڈیا جتے اوہ انھاں ہو کے مر گیا۔ اونھے اپنے سارے بھرا قتل کردتے تاں جے کوئی اوہدے اقتدار ول میلی اکھ دیکھے تے نہ ای حکومت دا دعویٰ دے، جہاں وچ داراشکوہ ورگا قادری صوفی وی شامل سی۔ ڈاکٹر غافر شہزاد اپنے اک لیکھ وچ دسدے نیں۔

اورنگ زیب شیخ احمد سرہندی ورگے مذہبی وچار رکھدا سی تے ایس گل نوں چنگا سمجھدا سی کہ اسلام دے ودھالئی غیر مسلمان نوں بے عزت کرنا جائز اے۔ اوہنے حنفی فقہ نال تعلق نہ رکھن والے سارے ٹیکس ختم کردتے تے غیر مسلم تاجراں اُتے پہلے توں وی کرڑے ٹیکس لاگو کردتے سن تے فیر 1679ء وچ اوہناں اُتے جزیہ وی لاگو کردتا جنہوں اکبر اعظم نے ختم کردتا سی تے ایہ شاہجہان دی حکومت تک ختم رہیا سی۔ ایس ٹیکس کارن مسلماناں تے غیر مسلماناں وچ پاڑا ہو روی ڈونگھا ہو گیا، بہتر تے بھیڑے یاں فر ریاست وچ اُچے تے نیویں ہون دے احساس نے آپسی بھائی چارے وچ ہو روی و تھاں پایاں۔

اورنگ زیب نے اقتدار اُتے قبضہ کرن توں اگلے سال ای نویں مندر بناؤن تے سرکاری حکم راہیں روک لادتی سی 1661ء وچ بہار دے صوبے اُتے حملہ کرن ویلے بہت

سارے مندر ڈھا دتے گئے سن کئی مندر اں اُتے مسیتاں بنادیتیاں گیاں 1669ء وچ ٹھٹھہ بنارس تے ملتان دے کئی مندر تباہ کرن دے حکم چالو کیتے گئے 1681ء وچ اجمیر توں دکن ول جان دے ہوئے راہ وچ آؤن والے سارے مندر تباہ کرن دے حکم چالو کیتے گئے تے ہندو مندر اں وچ پڑھن پڑھاؤن دا سلسلہ روک دتا گیا ہندوستان دے مذہبی تہواراں ہولی تے دیوالی اُتے پابندی لادتی گئی تے فیر 1696ء وچ دریائے جمنا وچ مردے نہوان تے وی پابندی لادتی گئی۔

بندوواں دے نال شیعہ وی محفوظ نہیں رہے 1669ء وچ اورنگ زیب نے شیعاں دے مذہبی کٹھاں تے محرم دے جلوساں اُتے وی پابندی لادتی تے بہت سارے شیعہ عالم قتل کروادے گئے۔ صوفیاں دے سروڈھ کے قوالی اُتے وی روک لادتی گئی۔ تصوف دیاں بے گنت کتاباں نوں اگ لاء کے ساڑ دتا گیا، گاؤن والیاں نوں دربار چوں کڈھ دتا گیا تے مصوری اُتے پابندی لادتی گئی، ایہ سارے تے ایس طرحاں دے ہوو حکم اورنگ زیب دی شاہی مہر تے دستخط نال لاگو ہوئے۔

1669ء وچ ای اک سرکاری حکم راہیں غیر مسلمان دیاں عبادت گاہواں تے سکول ڈھاؤن لئی آکھیا گیا جس دے سٹے سرہند دے قصبے بوریہ وچ شاہی حکم پٹھ سکھاں دا گردوارہ ڈھا دتا تے اتھے اک مسیت بنادتی سکھاں نے جواب وچ مسیت ڈھا دتی تے اورنگ زیب مقامی حاکم نال بہت ناراض ہویا۔

ایسے طرحاں مورخ خانی خان لکھدا ہے کہ جدوں اورنگ زیب نوں پتہ لگا کہ سکھاں نے پنجاب دے سارے پنڈاں وچ اپنے گردوارے بنا لئے نیں تے ایہ وی کہ سکھ گرو دے کارندے اپنے پیر وکاراں توں نذرانے اکٹھے کر کے گروآں نوں پہنچا دیندے نیں تے اورنگ زیب حکم چالو کیتا کہ گروآں دے کارندیاں نوں گردواریاں چوں کڈھ کے ایہ گردوارے ڈھا دتے جان۔

جس توں اندازہ لاؤنا اوکھا نہیں ہوندا کہ اورنگ زیب دی حکومت تے ریاست وچ غیر



مسلمان نوں کوئی رکھیا نہیں سی سگوں اورنگ زیب آپ اوہناں نوں ریاستی جبر راہیں مکاؤن دے جتن کر رہیا سی جس دے نئے سماج وچ وی کھڑا کھڑا لی ودھ چکی سی۔  
 بہر حال ایہو ای اوہ عالمگیری زمانہ ہے جس وچوں بلیھے شاہ دے زمانے دا جنم ہو یا اے کیوں جے اک عہد اک زمانہ ای دو جے یا فرآؤن والے زمانے نوں جنم دینداتے اوہدے حد نبھے بناؤندا ہے۔

اورنگ زیب عالمگیری دی موت 1707ء وچ وہندی اے جد کہ بلیھے شاہ اوس ویلے 27 سال دا جوان اے جہڑا اپنیاں فکری تے شعوری منزلاں ول تیزی نال ودھ رہیا اے تے اوہدے سامنے اورنگ زیب حکومت تے حکمرانی دے اثرات سماج وچ وی ظاہر ہونا شروع ہو جانے لگے تے اوس حکمرانی دیاں ساریاں چنگیاں تے برائیاں نتر کے سامنے آؤن لگ چنیدیاں تے ایہو ای اوہ سماجی شعور اے جہڑا اک صوفی نوں نوے لکھن تے مجبور کر دیندا ہے جہڑے کئی رنگاں وچ ساڈے سامنے آؤندے نیں۔ جہاں دا ویرا کرن لئی سانوں کتاباں ول ای جھاتی پاؤنی پیندی اے۔ پر ہرکھ والی گل تاں ایہ ہے کہ تواریخ دیاں جہڑیاں وی کتاباں ملدیاں نیں اوہ صرف بادشاہواں دیاں جنگاں حکومتاں لئی حکمراناں دے رنگ محل وچ ہون والیاں سازشاں تے اک دو جے نوں قتل کر کے تخت اُتے قبضہ کرن دیاں کھیڈاں بارے ای لکھیاں کنیاں نیں۔

جس دا اک کارن تے ایہ وی ہے کہ بادشاہواں نے اپنے اپنے درباری لکھاری رکھے ہوندے سن تے اوہ اوہناں دی مرضی تے خواہش مطابق ایہ تواریخ لکھدے سن۔ فیرانجی وی ہوند اسی بادشاہ نوں جہڑی گل چنگی نہیں لگدی سی یاں فرجہڑا اوہدی ذات حکومت دی نااہلی تے سیاست دی ناکامی دا دکھا کر اسی اوہ تواریخ وچوں کڈھ دتی جاندی سی یاں فرجہڑا بادشاہ دی خواہش موجب سودھ کے شامل کر دتی جاندی سی۔ جس وچ بادشاہواں دی دریا دلی تے رحم دیاں کہانیاں وی ہوندیاں سن بادشاہ نے خوش ہو کے اک غریب دامونہ موتیاں نال بھر دتا۔ اوہدے سارے خاندان دا نام نشان منادتا جہڑوں ایہو جی تواریخ سامنے ہووے تاں فیر۔

سماج دی نقشہ بندی، سماجی قدراں دی تصویر کشی، سماج وچ چالو رسماں ریتاں تے اخلاقیات، انسانی رویاں متے ورت ویاہار بارے کوئی پکی پیڈی گل نہیں کہیتی جاسکدی۔  
 پر ایس گل وچ وی تے کوئی شبہا نہیں کہ اوس ویلے دی سیاست تے حکومتاں وچ ہون والی ٹٹ بھج دے سماج اُتے ہی نہیں انساناں اُتے وی اثر ہوندے نیں تے اوہنوں جاجن پرکھن دا اکوای ذریعہ رہ جاندا ہے اس ویلے دا ”ادب“ یاں فر اوس ویلے دیاں اوہ لکھتاں جیہڑیاں دانشوراں، شاعراں تے ادیبوں نے لکھیاں ہوندیاں نیں کیوں جے ایہو ای اوہ لوک ہوندے نیں جہاں دی سماج نال جڑت وی ہوندی اے تے اوہ ساری ٹٹ بھج دا اپنی اکھ نال مشاہدہ کردے تے ایس مشاہدے نوں اپنی سوجھ دا حصہ بنا کے اپنیاں لکھتاں وچ پیش کردے نیں۔

ایسے پچھو کڑی وارث شاہ نوں اپنے سماج دا نمائندہ تے اوس ویلے دے کلچر دا ترجمان آکھیا جاندا ہے۔ بلکھے شاہ بھادویس ایس توں وکھرا ہے نئے اوہدی دشاوی ہو رے۔ پرفیروی اک دانشور تے اپنے ویلے دے سوجھوان ہون پاروں اوہ اپنے آل دوالے وچ ہون والی سیاسی تے سماجی ٹٹ بھج پاروں انسانی قدراں وچ ہون والی تبدیلی توں وکھ نہیں رہندا۔ اوہنوں اپنے ڈھنگ وچ بیان کردا ہے بہر حال کچی گل تاں ایہ ہے کہ علامتی نظام وچ اوس ویلے دی جہڑی تصویر ایس نظم وچ دی گئی اے اوس توں اوس ویلے دے سماج تے اوہدیاں قدراں تے انسانی اخلاقیات بارے لکھیاں چھپیاں ساریاں تصویراں سامنے آجاندیاں نیں کوئی شے وی اوہ بے نہیں رہندی بس ذرا کھلی اکھ تے جیوندے شعور نال دیکھن دی لوڑ اے۔

کپوری ریوڑی کیونکر لڑے پتا سے نال  
 تیل تلاء دے لڈونے جلیبی پکڑ منگائی  
 ڈردی ننھی قند شکر توں مصری نال لڑائی  
 کاں لگڑ نوں مارن لگے گدوں دی گھ لال  
 کپوری ریوڑی کیونکر لڑے پتا سے نال

گڑ دے لڈو غصے ہو کے پیڑیاں تے فریادی  
 برنی نوں کہے دال چنے دی توں ہیں میری باندی  
 چڑھ سیے شینہاں تے نہجن لگے وڈی پئی دھمال  
 کپوری ریوڑی کیونکر لڑے پتا سے نال  
 شکر کھنڈ کہے مصری نوں میری ویکھ صفائی  
 چڑوے چنے ایہ کرنے لگے بدانے نال لڑائی  
 چوہیاں کن بلی دے کترے ہو ہو کے خوشحال  
 کپوری ریوڑی کیونکر لڑے پتا سے نال  
 بلھے شاہ ہن کیا بتاوے جو دے سو لڑ دا  
 لت بلتی گت بگتی کوئی نہیں ہتھ پھڑدا  
 ویکھو کبھی قیامت آئی آیا فر دجال  
 کپوری ریوڑی کیونکر لڑے پتا سے نال

سماج دی ایہ تصویر ظاہر ہے کہ سیاسی اثرات دا ہی نتیجہ ہے پر ذرا سیاسی صورت حال نوں وی  
 دیکھئے تے اوہوں جہڑیاں تصویراں سامنے آؤندیاں نیں اوہ وی کوئی ایڈیاں چنگیاں نہیں اک ہور  
 نظم وچ جہڑا منظر نامہ بنایا جاندا اے اوہ وی دھیان جوگ اے جس بارے ایہ روایت وی موجود ہے۔  
 ایس روایت وچ اک انہونہ وقوعہ انج وی ہویا کہ بھوری راجے دے پتر نے پیو اتے  
 چوری دا الزام لوایا تے اوہنوں ”راج“ وچوں کڈھ دتا اوہ بھیکھ منگن اتے مجبور ہو گیا سی۔

اُلے ہور زمانے آئے.... تاں میں بھیت جن دے پائے

بھوریاں والے راجے کیتے راجیاں بھیک منگائے

اُلے ہور زمانے آئے.....

تے فیر ایسے نظم وچ سماج دی اک ہور تصویر دا دکھا لادی ہوندا ہے۔

کاں لگزنوں مارن لگے



چڑیاں جڑے ڈھائے  
 اُلٹے ہو زما نے آئے .....  
 گھوڑے چکن اروڑیاں اُتے  
 گدوں خود پوائے  
 اُلٹے ہو زما نے آئے .....  
 اپنیاں وچ الفت ناہیں  
 کیا چاچے کیا تائے  
 اُلٹے ہو زما نے آئے .....  
 بچو پتراں اتفاق نہ کائی  
 دھیاں نال نہ مائے  
 اُلٹے ہو زما نے آئے .....  
 بچیاں نوں پئے ملدے دھکے  
 جھوٹے کول بہائے  
 اُلٹے ہو زما نے آئے .....

سماج دی ایہ تصویر سیاسی عمل دا جنم وی ہے تے رد عمل وی تے اوس ویلے دی سیاست دا  
 ایہ منظرومی پروکھے نہیں کیتا جاسکدا۔

درکھلا حشر عذاب دا بُرا حال ہو یا پنجاب دا

یاں فیرانج کہ

توتے مار باغاں تھیں کڈھے اُلو رہن اس جائی

پرایہ فیصلہ تواریخ دے ذمہ ہے کہ توتے کہڑے سن تے باغاں وچ قابض ہون والے

الوکون سن تے اوہناں باغاں دے ماحول وچ کویں ہو رہتا ہی لیاندی۔

قاضی جاوید پنجاب دے صوفی دانشور وچ لکھدے نیں۔

بلھے شاہ دی حیاتی دا بہتا ویلا سیاسی تے سماجی ٹٹ بھج وچ لٹکھیا اے اوہناں دے بال پئے وچ اورنگ زیب دی حکومت سی ایہ اوہ زمانہ سی جدوں دیکھن وچ مغل سلطنت بہت سارے علاقیاں وچ کھلری ہوئی سی پر اندروں اندری توڑ بھن شروع ہو گئی سی ایس حکومت وچ بہت ساریاں آپ مہاریاں قوتاں نے سرچک لیا سی۔ غیر مسلم رعیت بدول ہو گئی سی مسلماناں دے بہت سارے دھڑے وی مطمئن نہیں سن۔

بلھے شاہ دی بھر جوانی وچ عالمگیر حکومت دا سورج ڈب گیا سی ایہدے نال ای مغل سلطنت دے زوال دی رفتار وی ترکھی ہو گئی سی۔

نویں صورت حالات وچ بھاویں مذہبی تشہدک گیا سی پر فیروزی آپ مہاریاں قوتاں نے قتل مقابلے تے بد امنی دا بازار گرم کر دتا سی پنجاب دی سیاسی تے سماجی حالت بہت بھڑی سی تے ایہ بھڑ پنجاب وچ رنجیت سنگھ دی حکومت بنن تیکر چالورہیا سی۔ ساڈے ایس صوفی دانشور دی حیاتی دا بہتا حصہ ایسے بے قانونی، خانہ جنگی، ونڈ وکھریاں تے افغانی دھاڑیاں دھاڑاں وچ ای لٹکھیا سی۔ پنجاب وچ موت، ڈر، تعصب تے تنگ نظری وچ چوکھا وادھا ہو یا سی۔

تے ایسے پچھو کڑ ہی بلھے شاہ آکھیا سی کہ

• درکھلا حشر عذاب دا براحال ہو یا پنجاب دا

بہر حال بلھے شاہ دے زمانے وچ خاص علم یاں تنگ نظری، جہالت، منافقت تے فرقے بازی دی جڑ بن گیا سی، عالم کفر دے فتوے لاؤندے تے نفرتاں نوں ہوا دے رہے سن تے دوجے پاسے اورنگ زیب دے آخری زمانے وچ ای دلی دے محلاں وچ سازشاں شروع ہو گئیاں سن تے بھاویں ایہ وی آکھیا جاندا ہے کہ شاہجہان دے بیمار ہون ویلے ای ایہ کم شروع ہو گیا سی۔ جدوں داراشکوہ نوں دلی دے تخت دا حکمران مٹھیا گیا، ایہ اوہ زمانہ سی جدوں اورنگ زیب دکن دا گورنری تے ملتان دی جاگیر داراشکوہ دے قبضے وچ سی تے اوہ تھے داراشکوہ دے بنائے ہوئے گورنر تے دیوان انتظام چلاؤندے سن۔ 1656ء وچ دلی دے تخت دی لڑائی

شروع ہوئی اورنگ زیب نے اپنے بیٹوں بندی خانے سٹ دتا جیسے اوہ انہاں ہو کے مر گیا اورنگ زیب نے اک اک کر کے سارے بھراقتل کر دتے تے آپ دلی دے تخت اتے بہہ گے حکمرانی کرن لگ پیا۔ اورنگ زیب دا ایہ زمانہ اک پاسے تے سیاسی لڑائیاں دا زمانہ ہے تے دوجے پاسے ایس ویلے سماجی ٹٹ بھج ویلے بہت زیادہ ہوئی ملائیت نوں دربار دی نیز تاحاصل ہوئی تے اوہنے خاص نظریے نوں نورادین دے جتن وی کیہتے جس دے سٹے وچ اک پاسے تاں غیر مسلمان اتے جبروی ہوئے تے دوجے پاسے مسلماناں وچ فرقے بازی نوں وی ہوا ملی ایہوای اوہ ویلا ہے جدوں پہلی واری شیعہ نوں کافروی آکھیا گیا تے مسلم سماج نوں وٹ دتے وکھریوں دا سامنا وی کرنا پیا۔ جو بعد وچ ریاست تے حکومت لئی وی خطرہ بنیا تے محال وچ دودھڑے بن گئے بہر حال اورنگ زیب دے آخری زمانے 1701ء وچ سکھاں دے ہیڈ کوارٹر آئند پور صاحب دی پہلی لڑائی ہوئی جس وچ بلاس پور دارلجہ بھیم چند تے گرو گوبند سنگھ آئے سامنے ہوئے سن بھیم چند نوں مغلاں دی حمایت حاصل سی پر فیروزی اوہ سکھاں کولوں آئند صاحب خالی نہیں کرا سکیا سی۔

1705ء وچ آئند پور صاحب وچ دوجی لڑائی ہوئی پہاڑی راجیاں نے اک واری فیر آئند پور صاحب سکھاں توں خالی کروان لئی مغلاں توں مدد منگی تے سرہند دے گورنر وزیر خان نوں خالصہ طاقت نوں ختم کرن لئی دلی ولوں حکم کیجا گیا وزیر خان تے پہاڑی راجیاں نے آئند پور نوں گھیرے وچ لے کے سارے رستے بند کر دتے گرو گوبند سنگھ نوں کھان پین دیاں شیواں دی گھاٹ پاروں آئند پور خالی کرنا پیا۔

1706ء وچ فلکسر دے نیڑے گرو گوبند سنگھ تے مغل فوجاں وچ اک واری فیر ٹاکرا ہویا جس وچ 40 سکھ سردار مارے گئے پر فیروزی سکھاں نوں جت تے مغلاں نوں ہار ہوئی۔ سجاد حیدر ہوری اپنے مضمون بابا بلیھے شاہ دی شاعری وچ عصری حوالے اندر لکھدے نیں۔

ایہ زمانہ اورنگ زیب عالمگیر دی حکومت دا آخری دور تے اوہوں پچھ، مغلیہ سلطنت



دے زوال دا زمانہ سی۔ مغل شہنشاہ اورنگ زیب 1707ء وچ وفات پا گیا۔ اس ویلے پنجاب دے علاقے وچ دو صوبے سن۔ اک صوبہ لہور تے دو جا صوبہ ملتان۔ لہور دے صوبے دیاں چھ سرکاراں سن۔ جالندھر دو آب باری دو آب رچنا دو آب چن ہاٹ دو آب سندھ ساگر تے کانگڑہ ملتان دیاں تن سرکاراں سن ملتان دیپالپور تے سکھر۔ 1720ء وچ سیوستان دی سرکاری ایس صوبے نال جوڑ دی گئی۔ ایس سارے زمانے وچ لہور دے صوبے دار سید اسلم خاں عبد الصمد خاں (جہڑا 25 سال صوبے دار رہیا) اوہدا پتر ذکر یا خاں اگوں اوہدا پتر۔ جی خاں اوہدا بھرا شاہ نواز خاں میر منو تے آدینہ بیگ سن۔

پنجاب دھرتی تے ایہہ بد امنی دا زمانہ سی۔ پنجاب دے وسنیک اپنے بھتیجنی تے بیکسی توں پنجاب صوبے وچ اپنی حیاتی دا بھار چکن توں وی اواز ارسن۔ دہلی دا تخت کمزوری تے ایس صوبے وچ افراتفری پئی ہوئی سی۔ علاقے دے زور آور مالک اک دو جے دے علاقے اتے حملے کر کے لٹ مارتے کشت و خون دا بزار گرم کرنی رکھدے سن۔ لوکاں نوں اپنا مال تے عزت بچان واسطے سر بہتھ تے رکھ کے مقابلہ کرنا پیندا سی، انج وستیاں نے وستیاں نال تے قبیلیاں نے قبیلیاں نال لڑائیاں چھوہیاں ہوئیاں سن۔ ساری مخلوق نکلے نکلے گروہاں وچ ونڈی گئی سی تے زندگی بڑی غیر محفوظ ہو گئی سی۔ لوکاں دے دل سخت ہو گئے سن۔ بھائی چارے دا جذبہ مک گیا سی، چوری چکاری و دھ گئی سی تے دھوکھا فریب، ظلم تے تشدد عام ہو گئے سن۔ اک پاسے مقامی تے مغل شہزادیاں دیاں اقتدار واسطے جنگاں توں سارا علاقہ زیر زبری تے دو جے پاسے سکھماں دی یلغار تے بیرونی حملہ آوراں احمد شاہ ابدالی تے نادر شاہ دی فوج کشی کارن پنجاب تباہ و برباد ہو رہی سی۔

جہڑوں 1712ء وچ شہر لہور اندر بہادر شاہ فوت ہو یا، اوہوں مغل بادشاہ دے پتراں وچکار تخت واسطے جنگ شروع ہو گئی۔ ایس بے اتفاقی نے سکھ شہزادہ بہادر دے ہتھ مضبوط کیتے تے اوہ اپنی پناہ گاہ توں نکل کے ساڈھورا اتے قابض ہو گیا تے اوہنے خالصہ فوج کشی کرنی شروع کر دی۔ جہڑوں جہاں دار شاہ دہلی دے تخت اتے قابض ہو گیا تے مغل فوجاں

نوں ساڈھو راتے مخلص گڑھ دیاں چھاؤنیاں بندہ بہادر کو لوں خالی کران وچ پورے اٹھ مہینے لگے۔ بندہ بہادر اوس توں پہلے سرہند اتے قبضہ کر بیٹھاسی تے اوہدے ظلم تشدد توں مسلمان آبادی تراس تراس کر انھی سی۔ سرہند توں بعد بندہ بہادر داندانہ لبورای سی تے اوہدیاں فوجاں شالامار باغ تیکر اپڑ گئیاں۔ راہ وچ سکھ فوجاں بنا لے تے کلا نور دے پرگنیاں وچ بڑی تباہی مچائی۔ سید اسلم خاں ولوں میر عطا اللہ۔ تے مہابت خاں کھرل دی کمان تھلے سکھاں دا حملہ روک دتا گیا تے اوہ سپہ بھارلی ول نس گئے۔

ملک ذوالفقار علی خان ہوری آسورن دی رنجیت سنگھ بارے کتاب دے شروع وچ لکھدے ہن۔

گرو گوہند سنگھ جنہوں گرو آں دی وراثت وچ دسویں بادشاہی وی آکھیا جاندا ہے۔ گرو گوہند جی نے اپنی حیاتی وچ ای کہہ چھڈیا سی کہ اوہناں دے نال ای گرو آں دا ایہ سلسلہ ختم ہو جاوے گا۔ پر فیروزی اوہناں دی حیاتی وچ ای سکھ قوم اک بہادر تے پر جوش قوم بن چکی سی۔ بھاویں اوہناں دی گنتی اچے بہت گھٹ سی پر آپسی جرأت تے مذہبی جوش پاروں ایہ مغل فوج جہڑی کئی محاذ اں اُتے لڑن پاروں مایوسی تے بددلی دا شکار سی دا مقابلہ بڑی دلیری نال کردے رہے سکھاں دی جنگی قسمت انج وی آکھی جاندی ہے کہ اورنگ زیب دے مرن مگروں مغل حکومت دا رعب تے دبدبہ وی گھٹ گیا سی بادشاہی دارنگ دھنگ وی مٹھاپے گیا سی ہندوستان وچ کئی صوبے آزاد تے خود مختار ہو گئے سن ایس لئی سکھاں نوں وی شاہی علاقیاں اُتے قبضہ کرن دا موقعیا بنیا تے اوہناں وی ایہدے توں چنگا فید اچکيا تے فیر انج وی ہو یا کہ گرو گوہند جی دے مرن مگروں بندہ بیرگی اوہناں دا جانشین بنیا تے اوہنے شاہی فوجاں نال ٹکر لینا شروع کردتی تے کئی تھاواں تے اوہناں نوں باروی دتی۔ پر فیر 1716ء وچ اوہ اپنے کئی ہزار فوجیاں سنے گرفتار ہو کے دلی پہنچا دتا گیا۔

اس توں مگروں نادر شاہ دے حملے تیکر سکھاں چپ وٹی رکھی تے کوئی وڈی بغاوت نہیں کیتی۔ احمد شاہ ابدالی نوں وی ایہناں نال کوئی خاص کروڑھ نہیں سی سگوں اوہ وی سکھاں نوں

اپنا سنگی بناؤ نا چاہتا اسی پر کیوں ہے اوہناں نوں مسلمان حاکماں توں بڑے دکھ پہنچے ہوئے سن  
ایس لئی اوہ احمد شاہ ابدالی اُتے کوئی خاص مہربان نہیں ہوئے۔ پر اوہناں دے دکھرے  
وکھرے جھمیاں نے کٹھے ہو کے اپنیاں مثالاں بنالیاں سن تے جہڑے اوہناں چوں دلیر تے  
بہادر سن اوہ اوہناں دے آگودی بن گئے سن جہاں توں اوہناں دی طاقت وچ چوکھا وادھا  
ہو یا سی۔ ایہناں سرداراں وکھو وکھ تھاواں تے اپنے قلعے وی بنالئے سن جس دا اک نتیجہ ایہ وی  
سامنے آیا کہ مغل صوبے دار اوہناں دے مقابلے نہیں کر سکے تے سکھاں نے امرت سروج  
اپنیاں عبادت گاہاں فیر بنالیاں۔

ملک ذوالفقار علی خان ایہ وی لکھدا ہے کہ

پنجاب دی حالت اوس زمانے وچ بڑی بھیڑی سی۔ شمال ولوں آؤن والے دخاڑ دیاں  
پاروں ایہ صوبہ دلی توں کٹ گیا سی دو جے سکھاں دی لٹ مار پاروں اتھے امن امان وی نہیں  
رہیا سی۔ تے فیر اتھے کسے خاص سرداریاں حکمران دا ایہو جیہا رعب وی نہیں سی جہڑا اپنے ویلے  
دے دو جے چھوٹے چھوٹے سرداراں نوں فتنہ فساد توں منع کردا۔ چھوٹے چھوٹے سردار اپنی  
حفاظت لئی بہادر تے مشہور سربراہاں دے گواندہ رہ کے اپنے آپ نوں چنگا سمجھدے سن۔  
ایہدے بدلے وچ لڑائی ویلے ایناں نوں اوس سردار دی حمایت کرنی پیندی سی۔ ایہ اوہ ویلا سی  
جدوں ہر پنڈ اپنی تھاؤں اک قلعہ بن گیا سی تے ہر اک ٹاٹے کھلا میدان لڑائی دیاں یادگاراں  
دے تاؤں اُتے جانیا جانداسی۔ ہر بندہ اپنی سوانی زمین تے جائیداد نوں غیر محفوظ سمجھدا اسی  
جدوں تیک اوہ آپ اپنی طاقت نہیں حاصل کر لیندا کہ اوہ اپنیاں شیواں دی حفاظت کر سکے۔

قاضی جاوید افکار شاہ ولی اللہ وچ دسدے نیں۔

اورنگ زیب عالمگیر نے اپنے اقتدار وچ توارخ لکھن اُتے پابندی لادتی سی۔ خورے  
اوہنے ایہ گل جانج لئی سی کہ بن توارخ لکھن دی تھاؤں مرثیے لکھن دی لوڑ پوے گی کیوں ہے  
ایس توں مگروں دی توارخ اک ایسی دکھانت توں اڈ نہیں ایہدے وچ وکھو وکھ کردار سامنے  
آئے اوہ اک پل لئی ابھر دے یاں ابھارے جاندے تے فیر اکھ چپکن مگروں منظر توں غائب



ہو جانڈے اوہ اپنیاں اکھاں یاں حیاتی دانڈراندہ پیش کردے تے ہمیش لئی انھیریاں وچ ڈب  
 جانڈے اورنگ زیب دی حیاتی دا انت 1707ء وچ ہو یا۔ ایہدے نال ای مغل راج دے  
 مرثیے دی لے چکی گئی۔ تواریخ نے ایہ سچ سامنے لیاندا کہ اوہ کجھ معاملیاں وچ مکافات عمل دا  
 اصول پر وکھے نہیں کر سکی۔ ایس طرحاں عالمگیر توں مگروں راج گدیاں دی جنگ مغل  
 شہزادیاں داروز داوتیرہ بن گیا، عالمگیر نے جو کجھ اپنے بھراواں نال کیتا سی اوہو ای اوہدے  
 پتراں اپنے بھراواں نال کیتا۔ بھاویں اوہنے ایس ڈرتوں بچن لئی اپنی بہت وڈی ریاست نوں  
 اپنے تن پتراں وچ ونڈ دتا سی فیروی اوہناں وچ تخت لئی خونی جنگاں ہونڈیاں رہنیاں جس وچ  
 کامیابی حاصل کر کے محمد معظم قطب الدین شاہ عالم بہادر شاہ دے ناؤں نال سلطنت دا وارث  
 بنیا جس وچ عالمگیر وری عقیل، سو جھ تے طاقت دا سوواں حصہ وی نہیں سی بھلا اوہ کسراں اپنے  
 پیو دی وڈی ریاست نوں سنبھال سکدا سی؟ دو جا بھیڑا یہ ہو یا کہ اوہ پیو دے ساہوین شیعہ  
 وچاراں نال تعلق رکھدا سی تے اوہنے اپنے تھوڑے جے حکومتی ویلے وچ سُنیاں توں شیعاں  
 نوں اگوائی دتی جس توں عالمگیر دی عظیم اسلامی ریاست وچ ہور وی بل چل تے ٹٹ بھج ہوئی  
 جس توں پیو دی بنائی ہوئی عمارت دیاں بنیاداں بل کنیاں۔ بہادر شاہ دی ایسے پنج سالہ حکومت  
 وچ بندہ بیروگی دیاں بغاوتاں نوں نپن دی ناکام کوشش وی کیتی گئی۔ ایسے زمانے وچ ای راج  
 گدیاں دیاں لڑائیاں دے اثرات سامنے آؤنا شروع ہو گئے سن۔ جس دا سب توں بھیڑا نتیجہ  
 ایہ وی نکلیا کہ صوبیاں وچ مرکز دی گرفت گھٹ دی گئی تے اوہناں وچ آزادی تے علیحدگی  
 دیاں لہراں اٹھن لگ پنیاں جد کہ شاہی دربار وچ وی دھڑے بندی شروع ہوئی۔ ایس دربار  
 دی حالت ایہ سی کہ اسد خان ناؤں دا اک وڈا تے پرانا وزیر سی جہڑا اورنگ زیب نال وی 35  
 ورہے رہیا سی ایسٹ انڈیا کمپنی دا باقاعدہ تنخواہ دار جاسوس بن گیا تے اوہنے دربار وچ  
 سازشاں دا جال وچھاؤنا شروع کردتا۔

بہادر شاہ..... پنج سال تخت اُتے بیٹھن مگروں 19 فروری 1712ء وچ مر گیا۔ بہادر

شاہ اپنے پتراں وچوں عظیم الشان نوں اپنا جانشین بناؤنا چاہندا سی جہڑا اوہدی حیاتی دے

آخری دنوں وچ حکومتی کم وی چلاؤ نڈار ہیا سی۔ بہادر شاہ دامشیر سلطنت ذوالفقار خان ایس نال سانجھ نہیں رکھدا سی اوہ جہاندار شاہ نوں راج گدی دامالک بناؤنا چاہندا سی۔ ایس لمرحاں اک ہو ر خون لڑائی ہوئی۔ اچن چیت لوکاں نے ویکھیا کہ ہاتھی نے اک اچے کنڈھے توں اپنے آپ نوں دریا وچ سنیا تے ایسی گھسن گھیری وچ پھسیا کہ فیرا بھر کے سامنے نہیں آسکیا اوہ دے نیڑے جا کے ویکھیا گیا تے دریادی مٹی تے چکر گھسن گھیری دے زور وچ اتانہ اٹھ رہی سی تے پانی وچوں ڈراؤنیاں آوازاں نکل ریاں سن ایس گھسن گھیری وچ عظیم الشان اپنے ہاتھی نے غرق ہو گیا۔

ایہ وقوعہ لہور دے نیڑے دریائے راوی وچ ہو یا۔ ہاتھی نے عظیم الشان نوں ڈوب کے جہاندار شاہ نوں پار لادتا۔ عظیم الشان دے ایس انت دی کہانی سانوں غلام حسین طباطبائی نے سیر المتاخرین وچ سنائی اے لہور تے دلی وچ ہو ر بہت سارے مغل شہزادیاں نوں قتل کرن تے امیراں وزیراں نوں گرفتار کرن مگروں جہڑے بعد وچ قتل کردتے گئے یاں پھٹے چاڑھے گئے جہاندار شاہ 1712ء وچ دلی دے تخت اُتے بیہ گیا اوس دے زمانے وچ مغل دربار بہت گھٹیا تے بازاری قسم دیاں عیاشیاں دامرکز بنیا رہیاں جیہڑا مغل حکمراناں دی روحانی پستی تے ثقافتی پسماندگی دی نشاندہی کردا ہے۔ جہاندار شاہ آپ لال کنور ناؤں دی اک کنجری دا عاشق سی جہڑی حکومتی کماں وچ وی دخل دیندی ہوندی سی ایس بارے اک کہانی انج وی بیان کیتی جاندی ہے۔

لال کنور دے اک بھرانمت خان کلاونت نوں ملتان دا صوبیدار بنایا گیا جدوں نعمت خان ذوالفقار وزیر کولوں اپنا تقرر نامہ لین گیا تے اوہنے ایہ حکم چالو کرن وچ تھوڑی جھجک دکھائی تے نعمت خان نے ایہدا کارن پچھیا تے اوہنے آکھیا۔ دستور دے مطابق کسے وی منصب داری دے کاغذ لین لئی پہلے وزیر نوں کوئی نہ کوئی تحفہ پیش کرنا پیندا اے نعمت خان نے تحفہ پچھیا تے اوہنے نعمت خان کولوں اک ہزار ستار منگے۔ نعمت خان وچ ایہی سوجھ بوجھ نہیں سی کہ اوہ ایس جگت نوں سمجھ سکدا۔ اوہنے ہزار داتھاں دو سو ستار پیش کردتے پر ذوالفقار خان اک

ہزار ستار لین تے ای اڑیا رہیا۔ ایسے ستار جدوں نعمت خان نہیں دے سکیا تے اوہنے بادشاہ کول ایہدی شکایت کیتی بادشاہ نے اوس ویلے وزیر نوں بلا کے پچھیا 'ذوالفقار خان توں ایسے ستار لے کے کیہ کراں گے؟؟' تے اوہنے ہتھ بندھ کے بادشاہ ساہوے عرض کیتی۔ جس ملک وچ گویاں تے مراٹھاں نوں صوبیاں دیاں حکمرانیاں بخشیاں جا رہیاں ہوں۔ اوہتھے شریفیاں لئی ایس توں اڈہور کھڑا رستہ رہ جاندا اے کہ تلوار نوں میان وچ پا کے کلی ننگ دین تے ستار و جاؤن داکم شروع کر دین تے میں ایہ ستار اوہناں لئی ہی کٹھے کر رہیاں۔

جہاندار شاہ گھٹ ودھ دس مہینے تیکر حکومت کیتی سی کہ عظیم الشان دا پتر پیو دا بدلہ لین لئی میدان وچ آ گیا، آکھیا جاندا ہے کہ اوہنوں ایس بدلے دی اک ول ٹورن داکم نجومیاں تے جوتھیاں کیتا سی۔ بہر حال اک واری فیر لڑائی ہوئی تے جہاندار شاہ آگرے دے نیڑے ہار گیا، جنوری 1713ء وچ اوہنوں لال قلعے وچ قتل کر دتا گیا، مہنواں بادشاہ فرخ سیر سی۔ بہر حال 1708ء وچ بہادر شاہ نے گرو گوبند سنگھ نال دوستی کر لئی۔ بہادر شاہ اوہنوں اپنے نال دکن ول لے گیا پر راہ وچ بہادر شاہ دے اک پٹھان نے گرو گوبند سنگھ دے ڈھڈ وچ چھرا مار دتا۔ جس پاروں گرو جی زخمی ہو گئے تے کچھ چر مگروں چلانا کر گئے۔

1710ء وچ ممی دے مہینے بندہ بیراگی نے سکھاں نال ہون والیاں زیادتیاں دا بدلہ لین لئی سرہند دے گورنر وزیر خان نال جنگ کیتی تے سرہند نوں فتح کر لیا۔ وزیر خان قتل ہو گیا تے شہر نوں لٹ مار مگروں برباد کر دتا گیا۔ بندہ بیراگی نے نائک شاہی سکھ ڈھلوا یا تے حکومت دلوں چالو کر دتا مآجھے تے دو آبے دے سکھ بندہ بیراگی دے جھنڈے تھلے کٹھے ہو گئے تے اوہناں نے اسر تر، قصور، بنالہ، کلانور تے پٹھان کوٹ اتے قبضہ کر لیا۔ ایہناں شہراں وچ راج کے لٹ مار ہوئی، ایہناں شہراں تے قبضہ کر کے سکھ لبورتک وی پہنچن وچ کامیاب ہو گئے۔

بھوریاں والے راجے کیتے

راجیاں بھیک منگائے

اُلے ہو رز مانے آئے، تاں میں بھیت جن دے پائے



اگلے جاہ بنگاہ لے بیٹھے

”پچھلیاں فرش و پچائے

اُلے ہو زمانے نئے تار میں بھیت جگن دے پائے

دسمبر 1710ء وچ لوہ گڑھ دی لڑائی ہوئی، مغل فوج امین خان دی قیادت وچ بندہ  
بیراگی دے سامنے ہوئی بندہ بیراگی گھیرے وچ آ گیا۔ پراوہ ایہ گھیرا توڑنا ہن دیاں پہاڑیاں  
دل نس گیا۔

1712ء وچ شاہ عالم بہادر شاہ مر گیا تے اک واری فیروز خان شہزادے تخت لئی اک  
دو بجے نال لڑن لگ پئے معز الدین جہاں دارا اپنے تار بھراواں عظیم الشان رفیع الشان تے  
شاہجہان نوں قتل کر کے بادشاہ بن گیا۔

1713ء جہانداریوں اوہدے بھتیجے فرخ سیر تخت توں لا کے پھٹے چاڑھ دتاتے آپ  
دلی دا حکمران بن گیا۔ فرخ سیر توں گمروں رفیع الدرجات تے رفیع الدولہ دو مغل شہزادے  
تخت اُتے بیٹے۔ رفیع الدولہ توں بعد محمد شاہ نے تخت سنبھالیا۔ ایسے زمانے ای سکھ اک واری  
فیروز کھٹے ہوئے۔

فرخ سیر دے زمانے وچ دو وزیراں نوں اقتدار دی بہت نیڑتا حاصل سی۔ ایہناں نوں  
ہندوستان دے تاریخ وچ سید برادران دے ناؤں تے چیتے کیٹا جاندا ہے، جہاں چوں اک  
عبداللہ خان تے دو جا حسین خان سی۔ ایہناں پاروں ای درباری وزیر تواری تے ایرانی  
دھڑیاں وچ دندے گئے سن جہڑے مذہبی لحاظ نال شیعہ تے سنی وچاراں دی نمائندگی کر دے  
سن ایہناں دوہاں دھڑیاں وچ راج گدی لئی بہت زیادہ کھج دھرو ہو گئی سی جہے مغل سلطنت  
دے زوال دے عمل نوں ہو روئی ترکھا کر دتا سی۔ ایس تے تبصرہ کر دیاں ہویاں ڈاکٹر اشتیاق  
حسین ہوری انج لکھدے ہن۔

”مسلمان امیراں وزیراں دے ایس مارو جھگڑیاں نے مسلماناں دے ایس ورثے  
نوں تباہ تے برباد کر کے رکھ دتا سی۔ جہاں لوکاں نوں ایس عظیم سلطنت نوں بچاؤن لئی اپنا

لہو دینا چاہیڈا سی۔ اوہناں دی بے انت خود غرضیاں دی اک نے اک عظیم مملکت نوں سواہ دا ڈھیر بنادتا سی۔ کجھ چنگھاڑیاں صرف اپنی خود غرضیاں یاں آزادی دی خواہش نوں تھوڑے چرلنی باقی رکھن لئی رہ گئیاں سن۔ اوس توں مگروں جسراں کہ چنگھاڑیاں دا حشر ہوندا ہے اوہ وی بجھ گئیاں سن۔

اک مرہٹے سیانے نے مغل سلطنت بارے اپنی حکمت عملی وچ بالکل ٹھیک آکھیا سی کہ لغراں نالوں کنڈھے لاؤن دا کیہ فیدا اے۔ رکھ اُتے کہاڑا مارو جدوں اوہ وڈیا جائے تے فیر لغراں آپے ای ڈگ پین گئیاں۔

پر.... مسلمان ایران وزیراں ایس سادہ جہی حقیقت نوں نہیں سمجھیا اوہناں اپنے رکھ تے آپ ای ایس اُمید تے کواڑا ماریا سی کہ جے اپنے ودھالنی لغراں دا انحصار اپنے رکھ اُتے نہ رہیا تے فیروی اوہ ودھن پھلن گئیاں۔ اوہناں اپنی ایس الٹی دلیل دی بہت وڈی قیمت ادا کیتی۔ پر اپنے ایسے وتیرے وچ اوہناں اک ایسے ورثے نوں تباہ کردتا جہز انساں دی ان تھک کوششاں نال بنایا جاندا ہے۔ انج بہت گھٹ ہو یا اے کہ کسے قوم دے سیاسی آگواں نے اوہ دے نال ایس طرحاں مکمل تے پوری غداری کیتی ہووے۔

فرخ سیر دی حکومت دے پہلے دنوں وچ شیعاں نوں بہت وڈیائی حاصل ہوئی اوہ حکومت دے ہر معاملے وچ دخل دیندے رہے۔ پر فیر اوہ ویلا دی آگیا کہ بادشاہ اوہناں توں ڈرن لک پیتا تے اوہنے شیعہ وزیراں دے اثر و رسوخ توں ڈر کے اوہناں نوں اک حد وچ رکھن دے جتن شروع کردتے جس توں ایہ وزیر تے بادشاہ اک دوجے دے سامنے آگئے تے ایہناں وزیراں نے بغاوت کر کے بادشاہ نوں تخت اتوں لاہ دتا۔ طباطبائی نے ایس موقع دا ذکر کر دے ہوئے لکھیا ہے کہ

”فرخ سیر محل دے اندر موجود سی بادشاہ دے چاہن والیاں دی ایہ خواہش سی کہ بادشاہ باہر آوے تے باغیاں دے خلاف مناسب کارروائی کرے پر اوہ اندروں باہر ہی نہیں نکلیا۔ بنگاے زور پھڑ گئے۔ امیر الامرا نے قطب الملک نوں سنبھیا گھلیا کہ بہت چھیتی اک بہت وڈا

ہنگامہ ہوں والا اے۔ چھیتی کوئی تدبیر کرنی چاہیدی اے آخر..... پہرے تے کھلوتیاں ترک تے جشی کنیراں نوں زبردستی اوہناں دیاں تھاواں توں ہٹا دتا گیا تے اوہناں نوں مارکٹ کے بادشاہ وی تھاں بارے پچھیا گیا، کیوں جے اوہ ہولے ہتھ دس لئی تیار نہیں سن۔ فرخ میر نوں بہت بے عزت کر کے تہہ خانے وچوں کڈھیا گیا۔ بھیناں روندیاں کرانڈیاں رہیاں پردادا گیری کرن والیاں نوں رحم کتھوں آوے۔

اوہناں نوں زبردستی حرم وچوں کڈھ کے اک اوپرے تھاں تے قید کر دتا گیا ایہ وقوعہ 28 فروری 1719ء نوں ہو یا قید خانے وچ شاہجہان دی یاد تازہ کر دے: دئے پہلاں فرخ سیر دیاں اکھاں کڈھیاں گئیاں تے فیر کچھ دن مگروں اوہنوں قتل کر دتا گیا۔

ایسے قید خانے وچ ہور وی بہت سارے مغل شہزادے قید سن اوہناں وچوں عظیم الشان چھوٹے پتر شمس الدین ابوالبرکات رفیع الدرجات نوں کڈھ کے تخت اُتے بٹھا دتا گیا۔ اوس ویلے اوہدی عمر 20 سال سی۔ دلی وچ ایرانی وزیراں دی ایس بغاوت نوں لوکاں پسند نہیں کیتا اوہناں ایہدی نابری کیتی کئی تھاواں تے ہتھیار بندنا کرے وی: دئے۔ باقی وزیر جہاں دی اگوائی سید بھرا کر رہے سن اوہ بہت پریشان ہوئے۔ اوہناں دی اوسے ویلے شاہی رسماں ادا کرن توں بغیر ای رفیع الدرجات نوں تخت اُتے بٹھا دتا۔ ایہ شہزادہ قید خانے وچوں تپ دق دی بیماری لے کے آیا تے موت دے نیڑے پہنچ چکیا سی۔ سارے اختیار سید بھراواں کول سن اوہنے روندے ہوئے اوہناں نوں آکھیا کہ میری تھاں میرے وڈے بھرا رفیع الدولہ نوں قید خانے وچوں کڈھ کے بادشاہ بنا دتا جائے۔ تن مہینے مگروں رفیع الدرجات مر گیا تے اوہدی تھاں رفیع الدولہ نوں شاہجہان ثانی دے ناؤں تے تخت اُتے بٹھا دتا گیا۔ نواں بادشاہ وی دائمی مریض سی اوہ وی صرف چار مہینے مگروں 7 ستمبر 1919ء وچ مر گیا۔ ایس توں مگروں سیاسی کھڈاریاں دی نظر خوبصورت تے سوہنے کھڈاری مغل شہزادے روشن اختر اُتے پئی تے اوہنوں ابوالفتح ناصر الدین محمد شاہ دے لقب نال تخت اُتے بٹھا دتا گیا۔ محمد شاہ کچھ جڑ زیادہ حکومت اُتے بیٹھا رہیا بہر حال 1716ء وچ لہور دے گورنر عبدالصمد خان جہڑا ملتان دا گورنر



دی رہی اسی۔ سکھاں نوں پنن دی کوشش کیتی، سکھاں نوں ننگل گرداس دے مقام تے ہارتوں مگروں قیدی بنالیا گیا جسہاں داسر دار بندہ بہادر گرفتار ہو یا تے فیر مار یا گیا۔

1721ء وچ لہور دے گورنر عبدالصمد خان نے لٹ مار کرن والے سکھ جنھیاں نوں ختم کرن لئی اوہناں دے خلاف جنگی اقدامات کیتے تے اوہناں دی بغاوت نوں ختم کیتا۔ عبدالصمد خان نے قصور دے جابر حکمران حسین خان نال وی چوٹیاں وچ لڑائی لڑی۔

محمد شاہ رنگیلا دی حکومت دے پہلے دنوں وچ سید برادران پوری طرحاں قبضہ ربیا۔ فیر محمد شاہ نے اپنی ماں دی صلاح نال کچھ وزیر اپنے نال ملائے تے سید برادران دے پنجے توں حکومت تے اپنے اقتدار نوں بچایا۔ ایس صورت حال بارے مارکس و تار لکھدے نہیں، حکومت تے ریاست دے غیر موثر ہون پاروں کئی علاقیاں وچوں باغی تحریکاں شروع ہو گئیاں سن، حیدر آباد دکن، اودھ، بنگال، بہار تے اڑیسہ دے علاقے مرکزی حکومت دے اثر توں آزاد ہو گئے سن، ہندوواں وچ وی آزادی دیاں خواہشاں پنگھرن لگ پئیاں سن، گروگو بند سنگھ نے سکھاں نوں کٹھا کرنا شروع کر دتا سی جد کہ سب توں زیادہ موثر زور طاقت مرہٹاں دی سی جسے جنوبی ہند وچ کارروائیاں شروع کر دتیاں سن، مرہٹاں بھاویں اورنگ زیب دے زمانے وچ ای سرچک لیا سی پر اوہ اپنی پوری کوشش کر کے وی ایہناں اتے قابو نہیں پاسکیا سی۔

وینس داوسنیک منوچی جسے اورنگ زیب دے زمانے وچ ہندوستان دی سیر کیتی سی۔ اوہ لکھدا ہے کہ جدوں بادشاہ نوں مرہٹاں دیاں کارروائیاں بارے دیا جاندا تے اوہ صرف ایہ ای کہندا سی: اکوتاں ہر تھاں موجود نہیں۔ اوہدے ایہ وچار صرف اپنی بدنامی تے بے وی چھپاؤن لئی سن۔ پرفیروی اندرو اندری اوہنوں ایہ دکھای کہ اوہ ایہناں نوں ختم نہیں کر سکیا۔

مرہٹاں دی طاقت آپ بھاری سی ایس لئی اوہدے وچ کوئی گنڈ ترپ سی تے نہ ای کوئی وچار دھارا۔ مغلاں نال نا کرے تے مغل حکمراناں دی نااہلی پاروں ایہ آپ بھاری تحریک اک وڈی۔ تے خوفناک انھی طاقت بن گئی سی جہڑی اپنے سامنے آؤن والی ہر طاقت نال ٹکراسکدی سی۔ پر اہیدے وچ کسے چنگے تے بہتر کم دی صلاحیت نہیں سی جس دا نتیجہ ایہ وی ہو یا کہ

اٹھارہویں صدی دی ایہ وڈی طاقت برصغیر وچ صرف اک "منفی طاقت" ای بن کے رہ گئی سی  
او بنے لٹ مارتے ظلم ستم نوں اپنا وتیرہ بنالیا سی۔ اک بنگالی شاعر گنگا رام نے ایہدی انج دہائی  
وی دتی اے۔

مرہٹیاں نے پنڈاں نوں لٹنا شروع کیتا تے کجھ لوکاں دے اوہناں ہتھ تک تے کن وڈ  
دے، سوہنیاں زنانیاں نوں رسیاں تال بنھ کے لے جان دے۔ اک اوہدی عزت لٹ لیندا تے  
دو جا اوہدی عزت لٹن لگ پیندا زنانیاں چیرکاں مار دیاں سن۔ اوہناں دے گھراں نوں اگ لا  
دتی جاندی۔ اوہ چار پھیرے لٹ مار کر دے پھر دے سن۔

اک ہو رتو اریخ لکھن والے لکھیا اے کہ

لوکاں کولوں ایہ گل ڈھکی چھپی نہیں رہی سی کہ مرہٹیاں دی نیت کیہ سی۔ اوہ جتھے وی قبضہ  
کر دے اوہ جتھے سب دی مخلوق لئی رزق دے سارے ویلے بند کر کے اوہناں دارخ اپنے ول  
موڑ لیندے۔ مرہٹیاں نے اٹھارہویں صدی وچ سیاسی خلاء نوں پورا کرن دی تھاؤں اوہنوں  
ہور چوڑا کر دتا سی۔

جدوں مرہٹیاں دی لٹ مارتے وڈھ تک حیدر آباد دکن تک ودھ گئی تے اوہنوں دے  
حکمران نے ای اوہنوں "شمالی ہند" ول دھاڑ کرن دی بلاشیری دتی ایس طرحاں شمالی ہندوی  
جنوبی ہند دے باغیاں دیاں کارروائیاں دامرکز بن گیا ایسے بارے دوآبدے اوس ویلے دے  
حکمران آدینہ بیگ دے مرہٹیاں تال گٹھ جوڑ دی کہانی وی بے جبر ایس دھاڑ مگروں پنجاب دا  
حکمران وی بنیا۔

نادر شاہ نے ہندوستان اُتے حملہ کیتا اوس ویلے ہندوستان اُتے محمد شاہ رنگیلا دی حکومت  
سی جد کہ پنجاب اُتے ذکریا خان دی حکومت سی جس دی زبانی نے اپنے گہنے ویچ کے لاہور  
(ہائی کورٹ نیڑے) وچ اک مسیت بنوائی۔ نادر شاہ ہندوستان اُتے ہلہ کسے خاص تے نیک  
مقصد لئی نہیں سی کیتا۔ محمد شاہ رنگیلا تے اوہدے وزیر نظام الملک وچ جھگڑا ہو یا تے کنہیا لال  
دے لکھن موجب نظام الملک نے نادر شاہ نوں خط لکھیا تے ہندوستان اُتے حملہ کرن دی ہمت

دیندے ہوئے آکھیا۔

جے تسی ہندوستان تشریف لیاؤ تے تہانوں کسے لڑائی بھڑائی توں بنال اک وڈی ہندوستانی ریاست تے پشتاں توں چلیا آؤندا وڈا خزانہ مل سکدا ہے۔

1729ء وچ دس جنوری نوں نادر شاہ دی فوج نے شالامار باغ وچ آکے ڈیرے لادتے۔ ذکریا خان نے نادر شاہی فوج نوں شہر وچ آؤن توں روکن دی بڑی کوشش کیتی پر مغل فوج ہار گئی تے ذکریا خان نادر شاہ نال صلح کرن تے مجبور ہو گیا تے آپ قلعہ بند ہو گیا۔

12 جنوری نوں ذکریا خان نے بے گنت قیمتی ہاتھی گھوڑے تے ہور تحفے نادر شاہ دی سیوا وچ پیش کیتے پر شہر وچ امن وامان لئی نادر شاہ نے 20 لکھ روپے منگے۔ جہڑے ذکریا خان نے دودن مگروں پیش کردتے، نادر شاہ نے لبور وچ سولاں دن ڈیرے لائی رکھے، کٹ مارتے قتلآم ہو یا، لوکاں وچ بے یقینی پریشانی، ڈرتے خوف کھل گیا۔ مایوسی دے بدل ہو رو کالے ہو گئے، نادر شاہ دلی روانہ ہو یا تے لوکاں نے سکھ واساہ لیا۔ دلی وچ نادر شاہ نے راج کے کٹ مار کیتی، اوہنے جامع مسجد دہلی وچ کٹھے ہوئے لوکاں دے قتلآم دا حکم دتا، نادر شاہ فوج بھتوں مرن والیاں دی کتنی چار لکھ توں وی ودھ دسی جاندی ہے۔

لوک ہارٹ لکھدا ہے کہ

قتل عام مگروں دلی دیاں گلیاں لاشاں نال بھریاں رہیاں۔ لوکاں وچ لاشاں دی مڑاند تے بدبو پاروں بیماریاں پھیل گئیاں۔ جس دی اطلاع نادر شاہ نوں دتی گئی تے اوہنے شہر دے کوتوال نوں حکم دتا کہ لاشاں کٹھیاں کر کے ساڑ دتیاں جان۔ برباد مکانات دیاں لکڑیاں کٹھیا کر کے چتاواں تیار کیتیاں گئیاں۔ شہر وچ تھاؤں تھا ئیں بنن والیاں ایہناں چتاواں وچ بند و آں تے مسلماناں دیاں لاشاں بنال تفریق ساڑ دتیاں گئیاں ایس توں اڈ کئی ہزار لاشاں جمنادریا وچ سٹ دتیاں گئیاں۔

اک ہو ر مورخ نے لکھیا ہے کہ

مارچ 1729ء وچ نادر شاہ دلی آئے حملہ کیتا۔ محمد شاہ ایس حملے نوں روکن لئی بیہانے



بازی کردار بھاتے فیرانج وی ہو یا کہ نادر شاہ نے اگے ودھ کے شہر اُتے قبضہ کر لیا۔ ایہ دن دلی والیاں لئی قیامت دادیہاڑ اسی جہز اکمن وچ ای نہیں آیا۔ سویرے اٹھدے جے توں لے کے پچھلے پہرتن وچے تیکر جہز اووی کوئی بڈھا پچھ جواں سامنے آیا اوہنوں موت دے گھاٹ اتار دتا گیا۔ گلیاں بازاراں وچ لاشاں دے ڈھیر لگ گئے۔ جہاں نوں بناؤن لئی کئی دن لگ گئے ایس قتلّام ویلے گھراں دی تماشائی لئی گئی تے جو کچھ وی ہتھ آ یا لٹ لیا گیا۔

ایہ حالت وکھ کے اوہ نظام الملک جیسے نادر شاہ نوں دلی اُتے حملہ کرن دی دعوت دتی سی اوہ گل وچ اپنی گجری پا کے ننگے پیریں نادر شاہ کول حاضر ہو یا قتلّام روکن تے امن دی بنی کیتی۔ نادر شاہ کروڑاں روپے تے لٹ مار دا سامان لے کے اپنے دیس پرت گیا پر ایہدے نال ای نادر شاہ تے محمد شاہ وچ دوستی ہو گئی سی جس دی اصل قیمت دلی تے پنجاب دے لوکاں نوں ادا کرنی پئی۔ پرفیر کیہ ہو یا محمد شاہ دی حکومت تے بچ گئی سی۔

نادر شاہ دلی جان دے ہوئے رستے وچوں ذکر یا خان دے پتر حیات خان نوں جہز ا ملتان دا گورنر سی اپنے نال لے گیا سی دلی نوں لٹ مار تے قتلّام کر کے برباد کرن مگروں جدوں نادر شاہ واپس آیا تے حیات خان نوں شاہنواز دا خطاب دے کے اک داری فیر ملتان دا گورنر بنا گیا شاہنواز نے اپنی حکومت دے وادھے لئی اپنے پیو ذکر یا خان نال لڑائی وی لڑی ایس لڑائی دا اصل میچا پنجاب اُتے اپنی حکمرانی قائم کرنا سی۔ پر ایس لڑائی وچ پتر اپنے پیو دے جنگی تجربے کولوں ہار گیا ذکر یا خان نے ایس باغی پتر شاہنواز نوں ہٹا کے زید خان سدوزئی نوں ملتان دا گورنر بنا دتا۔

بہر حال نادر شاہ دے حملے مگروں حکومت دے معاملے چلاؤ ناؤ کھا ہو گیا تن سال تک شاہی فوجاں دیاں تنخواہواں نہیں دتیاں جاسکیاں جس توں فوج وچ بے یقینی پیدا ہوئی اوہناں وچ بغاوت دے جذبات ابھرن لگ پئے کئی تھاواں تے ہلے ہوئے امیراں وزیراں دے محال دے گھیرے گھست لئے گئے اک وزیر دی لاش چار دن تک ایس لئی دفن نہیں کیتی جاسکی کہ اوہنے اپنے نوکراں نوں تنخواہواں نہیں دتیاں سن تے اوہ جنازے دی راہ ڈک کے کھلو گئے

سن۔ شا کر خان پانی پتی نے ایس دور دی جہڑی تصویر کھچی اے اوہدے توں ایہ وی پتہ لگدا اے کہ شاہی خاندان وی مالی اوکڑاں دا شکار ہو گیا سی۔ اک ویلا اوہ وی آیا کہ شاہی محالاں دے سامان دی فہرست بنا کے بنیاں دے حوالے کر دتی گئی سی تاں جے اوہناں نوں ویج کے شاہی فوجاں دی تنخواہ ادا کیتی جائے۔

پر ہر کھ والی گل تاں ایہ ہے کہ ایہناں مالی اوکڑاں دے باوجود مغل حکمراناں دیاں رنگ رلیاں ویج کوئی فرق نہیں آیا سی۔ محمد شاہ رنگیلے دے دربار ویج تن سوکسیاں ہر ویلے تنکیاں نچدیاں ہوندیاں سن جدوں ایہ تن سو تھک جاندیاں سن تے اوہناں دی تھاؤں نویاں تن سو آ جاندیاں سن۔ ہر ویلے شراب پیتی پلائی جاندی سی۔ شاہی قلعے ویج بیگماں دا چال چلن پیرس دے ناشا گاہ نال رلد املد اسی۔

ایہ بیگماں کون سن؟؟ ایہناں ویج بہتیاں ڈونیاں کسبیاں راجپوتیاں تے میواتاں سن جہاں نال کدی محمد شاہ نے پیار دا دکھالا کیتا تے فیروادہ بیگمات بن کے قلعے دی چار دیواری ویج بند ہو گئیاں۔ قلعے ویج عام طور تے ادھیاں تنکیاں زانیاں پہرے دیندیاں سن۔ یعنی ناف توں اُتے اوہناں چمکدے کپڑے پائے ہوندے سن۔ پنچے ہتھیار جسم نال لگے ہوندے سن پر ناف توں تھلے دا حصہ بالکل ننگا ہوند اسی۔

بھاویں ایہ حیرانی والی گل ہے پر انسان دی ذات دی ذلت دی بہت معمولی حالت اے تے ایہہ نوں کوئی برائی نہیں سمجھیا جاند اسی۔ (میرزا حیرت دہلوی)

محمد شاہ نے حکومت دا سارا کاروبار اپنے وزیراں مشیراں اُتے چھڈ دیا ہو یا سی تے آپ رات دن عیاشیاں ویج ای رچھار بند اسی۔ اوہدے وزیر مشیر وی اوہدے توں گھٹ نہیں سن اوہ وی چوی گھنٹے بوس پرستی ویج ای جئے ہوئے سن مزدوراں کساناں توں کٹھا ہون والا ٹیکس حکمراناں دیاں عیاشیاں ویج ضائع ہو رہیا سی شاہ عبدالعزیز نے اس ویلے دے اک وزیر قمر الدین خان دے گھار زانیاں گلاب دے عرق نال غسل کر دیاں سن جد کہ اک ہور وزیر دے ہاں تن سو روپے دا ”پھول پان“ زانیاں لئی جاند اسی۔

اودھر دلی دی ایہ حالت سی جد کہ ایدھر پنجاب وچ وی کوئی کچھن کچھن والا نہیں سی کیوں  
جے دلی وی لبور دے معاملیاں توں عملًا دور ہو گیا سی۔  
1734ء وچ سکھاں داند ہی آگو بھائی منی سنگھ ذکر یا خان تے دیوان لکھپت رائے دی  
دھونس وچ آگیا پر فیرا گلے دو تن ورہیاں وچ ذکر یا خان نوں کئی سکھ دھڑیاں دی نابری داسا منا  
کرنا پیا۔

1745ء وچ ذکر یا خان دی موت ہو گئی۔ اوہدی تھاں اوہدے چھوٹے پتر تکی خان  
نو لبور داصوبے دار بنایا گیا شاہنواز تے تکی خان وچ لبور دے تخت لئی لڑائی ہوندی رہی۔  
1746ء وچ لبور دے صوبے دار تکی خان تے دیوان لکھپت رائے دی سکھاں نال  
لڑائی ہوئی ایس لڑائی وچ ست سو سکھ مارے گئے تے تن سو قیدی بنائے گئے۔ ایسے سال ای  
شہید گنج، اوقوعہ ہو یا۔

1748ء وچ محمد شاہ رنگیلا مر گیا۔ اوہدی تھاں اوہدا پتر احمد شاہ تختے اُتے بیٹھا جہڑا  
عیاشیاں وچ پیونالوں وی چارہ تھاکے سی اوہدازیا دہ وقت زنا نہ محل وچ ای لنگھدا جہڑا چار مربع  
میل عالتے وچ پھیلیا ہو یا سی تے اوہدے وچ ہزار نو جوان کڑیاں سن جہڑیاں اک توں اک  
سو بنیاں سن۔ احمد شاہ اوہناں وچ ای رہندا تے کئی کئی مہینے کسے مرد دامونہ وی نہیں ویکھدا  
سی۔ مردانہ کھیڈاں جہڑیاں کھلے میدان وچ کھیڈیاں جاندیاں سن اوہ ایسے زنا نہ محل وچ ای  
کھیڈیاں جاندیاں جہاں وچ بادشاہ خاص طور تے رلت کردا ایہناں کھیڈاں وچ زنانیاں  
گھٹ ودھ ای لباس استعمال کردیاں سن۔

احمد شاہ دے زمانے وچ امیراں وزیراں دی آپسی کھچ دھرو بہت زیادہ ودھ گئی سی عماد  
الملک تے صفدر جنگ ایسے زمانے دے دو ٹکڑے وزیر سن جہاں اقتدار لئی مربٹیاں جٹاں تے  
روہیلیاں نوں وی اپنے نال ملا لیا سی عماد الملک نے مربٹیاں دی مدد نال جون 1754ء وچ  
احمد شاہ دیاں اکھاں کڈھوا کے قید خانے وچ سٹ دتا جہڑا ایس قید وچ ای مر گیا ایس توں مگروں  
جہاندار شاہ دے پتر نوں عالمگیر ثانی داناؤں دے کے تخت اُتے بٹھادتا گیا اوس ویلے اوس دی



عمر 55 سال سی تے اوہدی حیاتی دا بہتاویا جیل دیاں دیواراں پچھے ای لٹھیا سی، جیل دیاں اوکڑاں نے اوہنوں ذہنی مریض بنادتا سی اوہدے اُتے مذہبی وہم تے وحشت چھائی رہندی سی۔ ایس لئی اوہدا بہتاویا عبادتاں وچ ای لٹھدا۔ ایہ اوہ زمانہ سی جدوں مغل سلطنت صرف دلی تک ای باقی رہ گئی سی بہت سارے علاقے اوہدے اختیار توں آزاد ہو گئے سن شاہی آمدنی دا کوئی وسیلہ باقی نہیں رہیا سی، سیانے لکھدے نیں کہ شاہی خاندان دے دسترخوان لئی وی پیسے گھٹ گئے سن، بہت سارے ملازم بھکھے مردے ملازمت چھڈ گئے سن، کدی کدی تے انج وی ہوندا کہ شاہی سواری دے نال کوئی راکھاتے سیوک نہ ہوندا۔

ایس وچالے ایدھر پنجاب وچ ذکر یا خان دے مرن مگروں اوہدے پتراں وچ اقتدار لئی جنگ شروع ہو گئی ایہو ای اوہ زمانہ سی جدوں قصور دے لوک دودھڑیاں دی ایس لڑائی تے آپسی کھج دھرتوں بہت پریشان سن، کیوں جے دوہاں حکمراناں دی آشیر باد نال ہر فوجدار تے دیوان قصور دے لوکاں توں زبردستی ٹیکس وصول کردا سی تاں جے فوجی خرچے پورے کیسے جان۔ ایسے ٹیکس دے خلاف بلھے شاہ دی آواز چلی۔

ہو فریادی لکھ پتیاں نے لون تے دستک لائی

گلگلیاں منصوبہ بدھا پا پڑ چوٹ چلائی

بھیڈاں مار پلنگ کھپائے گرگاں برا احوال

کیوڑی ریوڑی کیوں کر لڑے پتا سے نال

1748ء وچ ای شاہنواز خان اپنے بھرتھی نان نوں جنگ وچ بار دے کے پنجاب دا

گورنر بن گیا تے اپنے بھرا ملتان دے گورنر زید خان نوں گرفتار کر کے اوہدی تھوڑ محمد اسحاق نوں گورنر بنادتا۔ پردلی دے حکمران اوہنوں قبول نہیں کیتا شاہنواز نے اپنا تخت بچاؤن لئی افغانستان دے نوں حکمران احمد شاہ ابدالی نال گٹھ جوڑ کیتا تے اوہنوں ہندوستان اُتے حملہ کرن دی دعوت دتی تے اوہ حملہ کرن آ گیا اتھے اک روایت ایہ وی ہے کہ شاہنواز اپنے وزیراں، مشیراں دیاں چالاں وچ پھس گیا تے احمد شاہ نال لڑائی دا فیصلہ کر بیٹھا جس وچ

اوہنوں بری طرحاں ہار ہوئی۔

پراصل کہانی تاں انج وی ہے کہ جدوں احمد شاہ تملہ کرن آیا تے شاہنواز دے مامے محمد لدین نے بڑی لعن طعن کیتی تے ایہدے نال ای کشمیر، لاہور، ملتان، کابل تے سندھ دی حکومت ملن دی خواہش وچ اپنا ارادہ بدل دتا تے احمد شاہ ابدالی نوں ڈکن دیاں تیاریاں وچ رُجھ گیا۔ پراوہ احمد شاہ ابدالی داہلہ نہیں ڈک سکیدا۔ لاہور وچ انت وی لٹ مار ہوئی، خون دی ہولی کھیدی گئی، اوہ لاہور اُتے قبضہ کرن مگروں اک مہینے تیکر اتھے ٹھہریا۔ 12 جنوری 1748ء نوں احمد شاہ بیگم پور، لاہور وچ داخل ہويا۔ لٹ مار تے قتل عام، احکم چالو کیتا۔ اتھوں اوہنوں بے گنت دولت ملی بہت ساریاں وڈے خانداناں دیاں زنانیاں دیاں عزتاں لٹ لئیاں گئیاں۔

ایسے وچالے و ساکھی دے تہوار اُتے سکھاں جتنا سنگھ آہلو والیا دی اگوائی وچ اپنے آپ نوں کنھیاں کیتا تے پنجاب وچ سکھاں دیاں باراں مشاں داراج ہو گیا۔ ایہناں وچوں اک بھنگی مثل دی سی جسے 1770ء وچ ملتان اُتے قبضہ کرن دی کوشش کیتی سی۔ ایس ویلے میر منو پنجاب دا حکمران بنیا۔

1748ء وچ میر منو تے جالندھر تے دوآبہ دے فوجدار آدینہ بیگ نے سکھ دھڑیاں نوں دباؤن لئی طاقت دا بھرواں استعمال کیتا تے رام دوئی دے قلعے نوں گھیرے وچ لے لیا۔ 1749ء وچ پنجاب دے گورنر معین الدین میر منو نے پنجاب دے سیاسی تے سماجی مسئلے حل کرن دے جتن شروع کیتے سن کہ احمد شاہ ابدالی نے پنجاب اُتے دو جا حملہ کر دتا۔ گورنر نے دلی توں مدد منگی پر دلی حکومت دے اک وزیر صفر جنگ نے جہڑا میر منو نال ذاتی کھج رکھرا سی مدد لئی کوئی فوج نہیں گھلے گی میر منو نے آپ ای سوہدرہ دے مقام اُتے ابدالی دا مقابلہ کیتا پر اوہنوں ایس لڑائی وچ ہار ہوئی۔

ایس وچالے او دھردلی وچ محمد شاہ دے مرن مگروں احمد شاہ نے تخت اُتے قبضہ کر لیا تے شاہنواز خان نوں اک واری فیہر ملتان دا گورنر بنا دتا۔ شاہنواز خان نے لاہور اُتے قبضہ کرن دا امتا پکایا تے ایدھر میر منو نے وی ملتان نوں فتح کرن دا فیصلہ کر لیا سی۔ ایس لڑائی وچ



1751ء وچ احمد شاہ ابدالی نے پہلوں توں وی چوکھی فوج لے کے پنجاب آتے تیجا حملہ کردتا، میرمنو نے فیر دلی توں مدد منگی، پر ایس وچالے احمد شاہ ابدالی دی فوج نے آل دوالے دے پنڈاں وچ لٹ مار کر کے تباہی مچا دتی۔

ایس حملے دا کارن ایہی کہ میرمنو نے چار محل دامالیہ ادا نہیں کیئاسی۔ ابدالی دی فوج نے چار مہینے تک لہور نوں گھیرے وچ لئی رکھیا۔ ایس سارے عرصے وچ لہور نے ابدالی فوج نال لڑ دے رہے پر ہتھیار نہیں سٹے جدوں اوہناں کول کھان چین لئی کچھ نہیں رہیا اوہناں ایہ لڑائی شہروں باہر نکل کے وی لڑی۔ اک وڈے قتلّام توں مگروں لہوریاں نوں ہار ہوئی۔ میرمنو نے سارے ٹیکس ادا کرن دا وعدہ کر کے اپنی جان بچائی تے ایس طرحاں اک واری فیر لہوریاں دی کمائی ابدالی دی جھولی وچ پادتی گئی جد کہ دوجے پاسے دلی دے حکمران پُچ وٹ کے تماشا دیکھدے رہے۔

مارچ 1752ء وچ میرمنو دی احمد شاہ دیاں فوجاں نال فیر لڑائی ہوئی جس وچ لہور دا دیوان کوڑا مل ماریا گیا تے میرمنو گرفتار ہو گیا پر اوہدی بہادری تے دلیری نوں مندے ہوئے احمد شاہ ابدالی نے اوہنوں اپنا لہور وچ گورنر بنادتا۔

ایسے سال ای میرمنو نے دلی تے افغانستان ولوں ڈرتوں نجات حاصل کر کے اپنی توجا فیر سکھاں ول کیتی۔ جہڑے لہور تے کابل دی لڑائی پاروں کچھ ہور وی ہتھیار بند تے کٹھے ہو گئے سن تے اوہناں دے جتھے لہور دے نیڑے وی آگئے سن تے اوہناں لٹ مار شروع کر دتی سی۔ میرمنو نے صادق بیگ تے آدینہ بیگ نوں سکھاں دا سر نہیں لئی گھلیاتے آپ وی بٹالہ دے مقام آتے اچن چیت اوہناں تے حملہ کیئاسی وچ بہت سارے سکھ مارے گئے پر اوہ سکھاں دی بغاوت ڈکن وچ کامیاب نہیں ہویا۔

1753ء دے اخیر وچ میرمنو مر گیا تے احمد شاہ ابدالی نے اپنے پتر محمود نوں لہور دا گورنر بنادتا تے میرمنو دے چھوٹے پتر محمد امین نوں اوہدا نائب بنادتا۔ پر اصل طاقت میرمنو دی زنانی



مغلانی بیگم کول سی، مغلانی بیگم نے اپنی حکومت وچ تن خسرے وزیر شامل کر لئے، ایہناں وزیراں دے ہتھ وچ سارے اختیار سی جس پاروں لوکاں ایس حکومت نوں خسریاں دی حکومت وی آکھنا شروع کردتا سی ایسے خسریاں دی حکومت وچ ای 1756ء وچ احمد شاہ ابدالی چوتھی وار پنجاب نوں لٹن آیا، ایس وار ایہ دعوت اوہنوں میرمنودی زمانانی مغلانی بیگم نے دتی کیوں جے دلی دے دربار نے اوہنوں منن توں انکار کردتا سی ابدالی آیا تے اوہ پنجاب وچ لٹ مار کرداتے قتل عام کردا ہو یا دلی تیکر گیا۔ کسے نے وی اوہداراہ نہیں ڈکیا اوہنے لبور تے دلی شہراں نوں تباہ کر کے رکھ دتا۔ اک روایت تاں ایہ وی ہے کہ اوہدے لشکر وچ بیٹھے دی بیماری پے گئی جس توں اوہ بچپانہ پرتن اُتے مجبور ہو گیا۔ اوہنے جاندے جاندے اپنے پتر تیمور خان نوں لبور دا گورنر تے جہاندار خان نوں اوہدا اصلا حکار بنایا۔ ایسے طرحاں نجیت الدولہ نوں دلی دا مختار بنایا تے آپ کاہل جان وچ ای بہتری کجھی۔ دوجی روایت ایہ وی ہے کہ کاہل وچ ابدالی حکومت دے خلاف بغاوت ہو گئی سی۔ حالاں ایس بغاوت دا تذکرہ 1760-61ء وچ وی ہوندا اے۔

تیمور شاہ دے راج سمے پنجاب وچ دو طاقتاں اُبھریاں سن۔ اک سکھاں دی تے دوجی شرقپور دے ارائیں آدینہ بیگ دی۔ سکھاں نال لڑائی نوں افغانیاں نے مذہبی رنگ دین دی کوشش کیتی، پرایہدے وچ اوہ کامیاب نہیں ہوئے، دوجے پاسے آدینہ بیگ نے پنجابیاں دی اک فوج بنائی تے جالندھر دے حکمران سرفراز خان نوں ہرایا، دوجی کہانی انج وی ہے کہ آدینہ بیگ دوآبہ دا گورنر سی اوہنے سکھاں نوں اپنے نال ملایا، تیمور خان نوں لبور وچوں کڈھن لئی مرہٹیاں نوں پنجاب اُتے حملہ کرن دی دعوت دتی جدوں ایہ لشکر لبور ول ودھیا تے ابدالی دے پتر افغانی گورنر تیمور خان نے لٹ مار دا سامان کٹھا کیتا تے کاہل نس گیا۔ پراک ہو رتھاؤں اوہدے مرہٹیاں نال لڑن تے ہارن دا تذکرہ کیتا جاندا ہے۔

بہر حال سچ تاں ایہ ہے کہ آدینہ بیگ سکھاں تے مرہٹیاں نے لبور اُتے قبضے دی ایس لڑائی وچ پنجاب دی اٹا نال اٹا وچا دتی، مرہٹیاں نے 75 لکھ روپے تاوان دے بدلے



لہوردی حکومت آدینہ بیگ دے حوالے کردتی اوہنوں صوبے داری تے نوابی دا خطاب وی مل گیا گورنری دا خواب وی پورا ہو گیا پر آدینہ بیگ ایسے سال ای مر گیا۔

احمد شاہ ابدالی نے ایس بھیمڑی ہار دا بدلہ لین لئی 1759ء وچ پنجواں حملہ کیا ایس واری اوہدا مقابلہ سکھ پنجابیاں نال ہو یا سکھاں نے دو ہزار افغانی مار دتے پر فیروی ابدالی فوج لہور اتے قبضہ کرن وچ کامیاب ہو گئی، ایہ بھاویں بلیھے شاہ دی موت توں بعد دا وقوعہ ہے پر فیروی سچ تاں ایہ ہے کہ بھاویں نادر شاہ سی یاں احمد شاہ ایہناں نوں لٹ مار تے دھاڑ دی دعوت مسلمان حکمراناں نے ای دتی اوہ بھاویں دلی دا کوئی وزیری تے بھاویں لہور دا گورنر..... دلی وچ ہون والیاں سازشاں آپسی لڑائیاں لہوریاں نوں باہروں مدد منگن ول نورادین دیاں رہیاں۔

پروفیسر عزیز الدین احمد کہندے نیں۔ احمد شاہ ابدالی افغانی قوم دا ہیرو تاں ہے کیوں جے اوہنے دنیا دے نقشے اُتے پہلی واری افغانستان دی نیہہ رکھی۔ لیکن وچلے ایشیا دے دھاڑ دیاں وانگوں اوہ وی پنجاب دی لوکاں لئی اک ہور لئیرا ثابت ہو یا۔ احمد شاہ ابدالی نے پنجاب دے رستے ہندوستان اُتے نو داری دھاڑ کیتی۔

ایہ اوہ صورت حالات ہے جس دے سٹے وچوں لوک دانش دا ایہ نمونہ سامنے آیا۔

کھا دا پیتالا ہے دا

باقی احمد شاہ ہے دا

بلیھے شاہ 1758ء وچ چلانا کیتا۔ ایہ اوہناں دی حیاتی دا سیاسی منظر نامہ اے جس توں پنجاب دی صورت حالات نوں ڈونگھیا ئی وچ جا کے ویکھیا پر کھیا جاسکدا ہے تے فیراہ کسراں ہو سکدا ہے کہ ویلے دا اک سو جھوان تے سیانیا اک حساس شاعر ایس مٹ بھج مار دھاڑ لٹ مار تے قتل مقابلے پروکھے کر سکدا ہووے تے اوس اُتے اوہنے ڈھانہ ماری ہووے۔

در کھلا حشر عذاب دا

برا حال ہو یا پنجاب دا

ظاہر ہے کہ پنجاب وچ یاں فیر لہور وچ ہوں والیاں سازشاں تے دھاڑاں دا سماج  
اُتے وی چوکھا اثر ہو یا اک انہونا وقوعہ انج دا وی ہو یا کہ دھی اپنی ماؤں نوں لٹ کے لے گئی سی۔  
جس دا ذکر بلھے شاہ نے اپنے ڈھنگ وچ انج دی کیتا ہے۔

جدوں اپنی اپنی پے گئی  
دھی ماں نوں لٹ کے لے گئی  
مونہ بارہویں صدی پساریا  
سانوں آ بل یار پیاریا

ایہ اوس سماج دا اک انہونا وقوعہ سی پر ایہ اوس ویلے دی آپادھاپی نفسا نفسی تے خود غرضی دا  
اوہ عکس سی جہڑا سماج دے شیشے وچ سیاست ریاست تے حکومت دے اثرات دا دکھا کر رہیا  
سی اک ہور تصویر تے انج دی وی ہے کہ

کھائے خیراتے پھائے جمعہ الٹی دستک لائی  
توتے مار باغاں تھیں کڈھے اُلو رہن اس جانی

یعنی لٹ مارتے کوئی ہور کر رہیا سی پر ٹیکساں دی شکل وچ اوہدی سزا ماڑے تے  
مریڑے لوک بھگت رہے سن تے ایہ سب کچھ نا اہل حکمراناں دی جھانٹال ہو رہیا اے۔

ایہ لبوردی صورتحال اے جہڑا قصور توں 50 کلومیٹر دے پندھ اُتے ہے تے فیر اتھے  
بلھے شاہ دے مرشد دا ڈیرہ وی ہے بھادیس اک روایت تاں ایہ وی ہے کہ بلھے شاہ 30 ورہے  
اپنے مرشد دی سیوا وچ گزارے پر تواریخی سچائی وچ ایہ گل کچی ثابت نہیں ہوندی کیوں جے  
بلھے شاہ دا جنم 1680ء دا ہے جد کہ شاہ عنایت قادری 1728ء وچ چلانا کر جان دے نیس، یعنی  
جدوں شاہ عنایت اللہ نوں پیارے ہوئے تاں اوس ویلے بلھے شاہ دی عمر 48 سال سی ہن  
سوال تاں ایہ وی ہے کہ

کیہ اوہ اٹھاراں سال دی عمر وچ ای شاہ عنایت دے مرید ہو گئے سن؟  
اوہناں بال پنے وچ ای تعلیم مکمل کر لینی سی؟





تے فیر اوہناں دا سیلائی ہونا اک سچے مرشد دی بھال وچ پھرنا پنجاب توں اڈ گوالیار تک بزرگاں دی حاضری دینا؟؟ ایس روایت دی نفی کردا اے۔

پراہیہ سچ ہے کہ 1728ء تیکر یعنی شاہ عنایت دی حیاتی وچ بلھے شاہ دالہور آؤنا جانا رہندا سی۔ پر ساڈا سوال تاں ایہ ہے کہ ایس وچالے لہور تے پنجاب اُتے ہون والیاں دھاڑاں اقتدار لئی ہون والیاں سازشی جنگاں تے دکھ دکھ دھڑیاں دی کھچ دھرو توں انجان سی؟

ایہ ٹھیک ہے کہ صوفی دنیا داری توں دور ہوندے نیں اپنے آپ نوں دکھ کر لیندے نیں تاں جے اوہناں اُتے دنیا دا کوئی گند نہ پوے تے اوہناں دے پاک لباس اُتے کوئی داغ لگے ایہ ٹھیک ہے کہ اوہ زبان نوں جند رے لالیندے نیں پر کیہ اوہناں دیاں اکھاں وی بند ہو جان دیاں نیں؟

بہر حال ایہ تاں لہور دی صورت حالات سی جہڑا ہمیشہ دھاڑ دیاں دا پہلا نشانہ رہیا اے لہور والے اپنے طور اُتے اوہناں دا مقابلہ وی کردے نیں پر دکھ والی گل تاں ایہ وی ہے کہ دلی دلوں اوہناں نوں کدی سکھ داسنہیا نہیں آیا۔ اوہناں نوں کدی مدد نہیں دتی گئی اورنگ زیب توں مگروں تے دلی دا اپنا وی بھیڑا حال سی اوہ دلی جس بارے امیر خسرو نے اک زمانے وچ آکھیا سی۔

دو جے شہر صرف شہر نیں تے اوہ صرف گولیاں تے لونڈیاں نیں جد کہ امیر خسرو دی دلی ملکہ تے رانی اے ایہ موتی اے تے باقی سب سپیاں نیں ایہ ملکہ ایہ رانی ایہ موتی مغل شہزادیاں دیاں اقتدار لئی ہون والیاں لڑائیاں تے راج محلاں وچ ہون والیاں سازشاں پاروں بے عزت ہو رہی سی ہر کوئی ایہدا اجماعا کھو رہیا سی اک ٹٹ بھج کھو توہ کھڑبا کھڑبی دلی دی زمین دا مقدر بن گئی سی۔ اک پاسے تاں راج محل تے رنگ محل ایوان تے دیوان خانے سازشاں دے گڑھ بنے ہوئے سن مغل شہزادے اک دو جے نوں قتل کر کے اقتدار اُتے قبضہ کر رہے سن ایہ اوہو ای کم سی جہڑا اورنگ زیب عالمگیر نے شروع کیتا تے اوہدے پت پوتریاں نے اگے نوریہ۔

پر دو جے پاسے ایس سیاسی اخلاقیات دے سماج اُتے وی اثرات ہوندے رہے، تخت لئی ہون والیاں لیہناں سازشاں چوں جتھے کئی طرحاں دے باغی جتھے سامنے آؤندے رہے جہڑے دلی دے تخت دے خلاف لڑدے رہے تے دلی دا تخت ماڑا ہوندا رہیا او تھے سماجی پدھر اتے کجھ ایسے انہونے وقوعے دی ہوئے جہڑے اس ویلے دی سیاست دا عکس وی سن جس دی نشاندہی ”بھوریاں“ والے راجے کیتی بکھے شاہ دی زبانی سامنے آؤندی ہے تے فیر سیاسی لٹ مار یاں فیر دھاڑ دیاں دے حملیاں وچ ہون والی کھوہ توہ دا نتیجہ وی سامنے آؤندا ہے۔

ایہ پوری نظم اصل وچ پنجاب دے اوس سماج دی صورت ہے جہڑے اپن جیت سامنے نہیں آئی جنہوں سیاسی اخلاقیات ترتیب دے رہی سی تے سماجی قدراں دی تبدیلی اوہدا مونہ مہاندرا بنا رہی سی تے جنہوں بکھے شاہ نیڑے توں ویکھ رہیا سی تے اوہدا درد وی اپنے اندر محسوس کر رہیا سی تے فیر اک ویلا اوہ آیا کہ جدوں ایہ درد برداشت توں باہر ہو گیا تے اوہ چیک بن گیا تے بکھے شاہ ایہ آکھن تے مجبور ہو گیا۔

درکھلا حشر عذاب دا

براحال ہو یا پنجاب

مکدی گل انج ہے کہ بکھے شاہ دی ساری حیاتی سیاسی ٹٹ بھج، کھج دھر وٹ مارتے وڈھ نمک ویکھ دیاں گذری ہے۔ جدوں اوہدا جنم ہو یا تے اوس ویلے دلی تے تخت اُتے اک ایسا حکمران بیٹھاسی جہڑا پیونوں بندی خانے وچ سٹ کے تے بھر اوں نوں قتل کر کے ایہ ثابت کر چکیا سی کہ اقتدار وچ کوئی رشنے داری تے تعلق نہیں ہوندا، صرف اپنی طاقت ثابت کرنا پیندی اے تے اوہدے لئی اخلاقی قدراں تے اصول کوئی معنی نہیں رکھدے ایہوای اوہ حکمران سی جہڑے دشمنان نوں پن لئی مذہب دا سہارا لیا تے دو جے پاسے اپنے مذہبی وچاراں دے غلبے لئی جہاد وی چالو کیتا تے ایس وچالے کئی صوفی تے درویش پھٹے چاڑھے۔

ایہ حکمران بکھے شاہ دی بھر جوانی وچ مر گیا پر اوس توں گروں آؤن والے حکمران وی کوئی سچے ثابت نہیں ہوئے اوہ وی اوسے دی بنائی لیہہ اُتے ای چلدے رہے جس دے سٹے وچ



دلی داتخت وی سازشاں وچ پھس گیا تے حکمران وی اک دو بے نوں مارن لگ پئے جس توں اندرونی بغاوتاں وی سامنے آئیاں تے باہر دے دھاڑ وی آئے۔ بلھے شاہ نوں پہلا باہرا دھاڑ وی نادر شاہ وی شکل وچ دیکھنا پیا، جہڑا آیا پنجاب وچ لٹ مار کیتی دلی تک گیا تے سب کجھ تباہ برباد کر دا گیا۔ نادر شاہ توں مگروں کسے وی مغل بادشاہ نے وقت تے حالات نوں سمجھن دے جتن نہیں کیے سگوں اوہناں دیاں عیاشیاں ہو رو دھ گئیاں۔ جس توں سب توں بہت فیدا احمد شاہ ابدالی چکيا جسے پنجاب تے ہندوستان اُتے 9 حملے کیے جہاں وچ چار حملے 1758ء تیکر بلھے شاہ دی حیاتی وچ ہوئے جہاں نوں اوہنے کھلی اکھ نال دیکھیا ایہناں جملیاں وچ ہون والی وڈھ ٹک لٹ مار پنجاب دی لوکائی نال ہون والی زیادتی وی دیکھی جس دا کارن اوہ آپ نہیں سن۔ ایہ سارا کجھ حکمراناں دے کیے دانتیجی۔ جہڑا نال نال اک نویں سماجی اخلاقیات دی بنائی جا رہی سی۔ بہر حال بلھے شاہ دی ساری حیاتی سیاسی تے سماجی ٹٹ بچ وچ ہی لنگھی ہے ایہ کسراں ہو سکدا اسی کہ اوہ اک شاعر تے سوجھوان دی حیثیت وچ اوس توں وکھ رو سکدا۔ اوہ دے بارے کوئی گل نہ کردا۔ یاں فیر اوہ دے اُتے اپنے اکھراں وچ احتجاج نہ کردا؟؟ یاں فیر چپ وٹ کے پاسے ہو جاندا۔ پر اوہنے انج نہیں کیتا، کھل کے اپنا وچار وکھالا کیتا۔ ایہ بھادیں اوس ویلے دیاں مذہبی رسماں ریتاں سن۔ وحدت الوجود دیاں گھنڈیاں سن تے بھاویں سیاسی تے سماجی قدراں یاں فیر..... انسانی اخلاقی صورت حالات اوہنے ہر معاملے اُتے بے دھڑک ہو کے گل کیتی کسے سماجی ڈر سامنے سر نیواں کیتا تے نہ ای کسے بھانہڑ دی پروا کیتی ہر معاملے اُتے ایہ ای آکھیا کہ..... مونہ آئی بات نہ رہندی اے۔

☆☆☆



## مغلاں زہریا لے پیتے

ہر کوئی تواریخ توں سبق حاصل کرن دی گل کردا ہے پر کوئی سبق حاصل نہیں کردا سگوں جنہوں راج تے اقتدار مل جاندا ہے اوہ آپ نوں تواریخ لکھدا ہے تے بناؤندا ہے۔ ایسے نوں ہی تواریخ دا عمل یاں فیرا و ہدا تسلسل آکھیا جاندا ہے۔

حالاں سچ تاں ایہ وی ہے کہ تواریخ اپنے آپ نوں نہیں دہرائندی۔ کجھ حادثے، کجھ وقوئے وقت تے حالات دے جبر و ج ایسے ہو جانداں نیں جہاں دی شکل صورت ماضی دے کجھ وقو عیاں نال ملدی ہے جس توں اسی ایہ کہن لگ پینے ہاں کہ تواریخ اپنے آپ نوں دہرا رہی ہے حالاں ایہ فطرت تے وقت دے مڈھلے اصولاں دے خلاف ہے۔ پر فیروئی تواریخ دا ایہ سچ وی ہے کہ مغلاں دے زما۔ نو وچ تواریخ نے اپنے آپ نوں کئی واری دہرایا ہے۔ راج گدی تے حکومت لئی بھرا بھراواں نوں قتل کر دے رہے نیں ایہ روایت اکبر اعظم دے زمانے وچ وی دکھالی دیندی ہے جدوں اوہ نوں اپنے بھرا مرزا عبدالحکیم دی بغاوت نوں ختم کرن لئی لبور آؤنا پیا سی تے فیرا بید انت اورنگ زیب دے اقتدار اُتے قبضہ دی شکل وچ سامنے آیا۔ جدوں اوہ نے اپنے تن بھرا قتل کر دتے سن جہاں وچ اک دار شکوہ ورگا عالم فاضل تے صوفی وی سی۔ اوہ دے اُتے جہڑے الزام لائے گئے سن اوہ دے لئی ملاواں نے وی اوہ نوں شرعی تعاون دتا سی۔ بھراواں نوں قتل کرن تے اقتدار اُتے قبضہ کرن دی ایہ روایت اورنگ زیب دے پتر

پوتریاں وچ وی چالور ہی جنہوں ساڈا محبوب بلھے شاہ وی اپنی اکھیں دیکھد ا رہیا تے فیر ایہ وی آکھیا کہ

”مغلاں زہر پیالے پیتے“

جے شاعری دی زبان وچ ایہ گل دیکھی سمجھی جائے تاں ایہ وی آکھیا جاسکدا ہے کہ اورنگ زیب دا زمانہ ہی مغلاں دی حکومت دا سب توں اہم زمانہ سی اورنگ زیب دیاں انتہا پسند پالیسیاں نے مغل حکومت دی زوال کہانی شروع کردتی سی جہڑی اوس توں مگروں ہر عہد وچ اپنے انت ول ٹردی گئی تے ایہ انت مغل پالیسیاں تے درباری عیاشیاں پاروں سامنے آیا۔ یعنی مغلاں نے اپنے ہتھیں آپ زہر پیالے پیتے۔

بلھے شاہ دی حیاتی تے دلی سرکار 1680ء توں 1758ء

اورنگ زیب عالمگیر

1658ء توں 1707ء

بہادر شاہ اول (شاہ عالم اول)

1707ء توں 1712ء

جہاندار شاہ

1712ء توں 1713ء

فرخ سیر

1713ء توں 1719ء

رفیع الدرجات

1719ء

رفیع الدولہ

1719ء

محمد شاہ (رنگیلا)

1719ء توں 1748ء

احمد شاہ

1748ء توں 1754ء

عالمگیر ثانی

1754ء توں 1759ء

بلھے شاہ دا جنم 1680ء وچ ہو یا اوس ویلے اورنگ زیب عالمگیر دی حکومت سی جنہوں اک مکتبہ فکر متقی تے پرہیزگار آکھدا ہے جد کہ دو جے طبقے دا خیال ہے کہ اوہ اک کٹر حکمران سی اوہدی انتہا پسندی نے امی مغل سلطنت دی تباہی دی نینہ رکھی سی اوہدے ویلے ای معاشرتی ٹٹ بچھ ہوئی مختلف مذہباں دے مانیاں حکومت لئی اوکھتاں وی پیدا کیتیاں کیوں جے اوس زمانے

اوہناں دیاں عبادت گاہاں تے عبادت دیاں رساں اتے پابندی لگی خاص طور تے بندو تے سکھ بہت متاثر ہوئے تے اوہناں حکومت دے خلاف بغاوت وی کیتی۔ جد کہ ایسے دور وچ ای مسلماناں دووڈے دھڑیاں شیعہ تے سنی وچ وی جھگڑے ہوئے۔ 1675ء وچ دہلی دے دربار وچ گورو تیغ بہادر دے قتل دا وقوعہ وی ہویا، جس نوں بُکھے شاہ غازی آکھیا اے۔ دلچسپ گل تاں ایہ ہے کہ بُکھے شاہ دا جنم وی اک عالمگیر دے زمانے وچ ہو یا دو جا عالمگیری تے اوہ چلانا کر گئے۔

بہر حال بُکھے شاہ دے مگروں تن مغل بادشاہ حکمران بنے شاہ عالم ثانی (1759ء توں 1806ء) اکبر ثانی (1846ء توں 1837ء) بہادر شاہ ثانی یاں بہادر شاہ ظفر (1837ء توں 1857ء) اوں توں مگروں دلی اُتے انگریز قابض ہو گئے جد کہ پنجاب وچ تاں بہت پہلے سکھاں دا قبضہ ہو گیا سی۔ جہڑا 1849ء وچ ختم ہو گیا سی۔

مغلاں دی زوال کہانی بیان کردے ہوئے رود کوثر دے لکھاری بہت سارے کارن لکھن دے نال ایہ وی کہندے نیں۔

○..... اورنگ زیب 25 ورہے دکن دیاں بغاوتاں ڈکن وچ رُجھا رہیا۔ ایس وچالے اوہ دہلیان پنجاب وچ نہیں رہیا جتھے سکھاں نے کٹھے ہو کے دھاڑ شروع کر دی سی۔  
○..... عالمگیر دے سارے جانشین نالائق سن جے اوہ سیانے ہوندے تے سلطنت دے ٹوٹے ایڈی چھیتی نہ ہوندے۔

○..... مغل بادشاہاں دے شخصی تے عملی کردار نے وی تباہی وچ بھرواں کردار ادا کیتا۔  
○..... جہاندار شاہ نے لال کنور کنجری نال انج عیاشیاں کیتیاں، اوہ دے رشتے داراں نوں وڈے عہدے دتے جہدے پاروں بادشاہت داسارا جلال مٹی وچ زل گیا۔ ایسے طرحاں دی کہانی احمد شاہ دی وی ہے جہدے چار میل لے حرم وچ مرداں دا داخلہ بندی۔

○..... عہد اکبری توں مگروں وڈی خرابی امیراں وزیراں دیاں فضول خرچیاں تے عیاشیاں وی سن جہدے لئی رعایا اُتے ظلم تے زیادتی کیتی جاندی سی۔ ایہ مرکز دی کمزوری





پاروں سی۔

○..... مغل فوج دی اخلاقی کمزوری تے بدکرداری وی اک کارن سی۔ فوج وچ دھڑے بندے تے اک دو بے نوں گھاٹ دین داروہیہ وی غالب سی۔ ارون کہندا ہے کہ بے ادبناں دی بہادری توں وکھو یکھیا جائے تاں قومی جرم وی ودھ گئے سن۔

○..... مغل دربار وچ فرقے بندی ہو گئی سی۔ ایرانی تے تورانی۔

○..... اورنگ زیب مگروں شاہی خزانہ خالی ہو گیا سی۔ ریاستاں خود مختار ہوئیاں تے مرکز نوں مالیہ ملنا بند ہو گیا جہدے لئی گھوڑاں تے امیراں نے لوکاں تے ٹیکس لاؤنے شروع کر دتے۔ جادو ناتھ سرکار لکھدا ہے کہ 1755ء وچ شاہی حرم دے چلھے وچ اگ نہیں بلی زنانیاں تنگ آکے بھکھیاں بھانیاں باہر آ گئیاں پروڈا دروازہ بند ہون پاروں مرداں دے کمریاں وچ بہہ گئیاں بڑی مشکل نال اوہناں نوں حرم وچ واپس لیا ندا گیا۔

○..... انتظامیہ کرپشن تے بدعنوانی وچ رُجھ گئی سی رشوت لے کے ناجائز کم وی ہو جاندا ہے سن۔

○..... شاہی نظام بادشاہ دے دوا لے گھمدا اسی۔ جدوں زمین بلی تے سارا کچھ امی مل گیا۔

○..... مغلاں وچ کوئی تخت نشینی نہیں سی۔ تخت یاں تختہ ای راج گدی دا اصول سی۔

نتائج المعانی وچ آغا محمود بیگ راحت لکھدے نیں۔

اک دن اکبر ثانی دے دربار وچ مغل سلطنت دے زوال تے گل بات ہوئی تے بخشی محمود خان نے آکھیا چار بندیاں نے تباہی وچ مڈھلا کردار ادا کیتا اے۔

1- حکیمماں نے آکھیا کہ اوہناں بادشاہواں نوں اوہ نئے کھوائے کہ اوہناں وچوں

برداشت جانندی رہی اوہ ہر ویلے مخالف جنس دی طلب وچ رہے عیاشیاں کر دے رہے۔

2- دو بے کنجراں نے اوہناں دے گھار جہڑی نویں کلی کھڑی اوہنوں لیا کے پیش کر دتا۔

رقص دیاں مخفلاں سجا کے مان تے مال حاصل کیتا بادشاہواں دیاں راتاں رنگین وی ہوئیاں۔

ڈھوم ڈھاڑی اگج ہو گئے بھیڑے لوکاں سرچکے شریفاں دربار وچ آؤنا جانا چھڈیا۔

3- زنانیاں دے نال بالاں دی کثرت پاروں خاندانی جھگڑے ودھ گئے۔

4- پیراں تے ملوانیاں دی دربار نال جڑت اوہ جدوں آؤندے جنت دیاں گلاں

کیتیاں۔ بندیاں دا خون بہان توں ڈراؤن لگ پئے تے فیر دعاواں کرن دیاں گلاں کیتیاں  
تے فیر آکھیا کہ دعاواں دا لشکر حضور دی فتح لئی کافی اے دشمن ایدھر مونہ وی نہیں کرے گا۔ پر  
دشمن آؤندے تے قبضہ کر دے رہے دعاواں دی فوج وی آؤندی رہی تے حکومت وی جاندی  
رہی بہر حال دوجی گل ایہ وی آکھی جاندی ہے کہ سولہویں تے ستارہویں صدی وچ جہڑی  
سکھاں دی سیاسی قوت سامنے آئی تے اوہنے اک پاسے تاں پنجاب دے مختلف علاقیاں وچ  
قبضہ کر لیا تے دوجے پاسے مغل حکومت تے اوہدے کارندیاں نوں انتقام تے بدلے دا نشانہ  
بنایا۔ جس دے کئی کارن بیان کیتے جاندے نیں جہاں وچ گورو اچن، گورو تیغ بہادر تے  
گورو گوہند سنگھ دے قتل وی آکھے جاندے نیں۔ ایہناں دے سٹے وچ سکھاں دی مغل حکومت  
دے خلاف بغاوت وی سامنے آئی تے فیر مسلماناں دا قتل عام وی ہو یا کئی علاقے ایسے وی سن  
جیتھے دلی سرکار دے مغل کارندے کم کر رہے سن جہاں سکھاں دا بھرواں مقابلہ نہیں کیتا سگوں  
یاں تے وکھرے ہوئے یاں فیر اپنے ہتھیں زہر پیالے پی کے ہارن نالوں مرنا پسند کیتا۔  
بہر حال مشہور تاریخ دان تے سیانے ڈاکٹر مبارک علی کہندے نیں کہ

ساڈے ملائیت دے سیانیاں دی تاریخ لکھن والی اک جماعت نے جہڑی معاشرے  
وچ مسلماناں دی اک خاص سوچ دیاں جڑاں ڈونگھیاں کرنا چاہندی سی اوہنے برصغیر دی  
تواریخ وی ایس طرحاں بیان کیتی ہے جس وچ شیخ احمد سرہندی تے شاہ ولی اللہ تے اوہناں  
دے خاندان تے سید احمد شہید ورگیاں شخصیاں نوں نینہ پتھر بنا کے تواریخ دے عمل نوں وی  
اوہناں دے آل دوالے لکھا کیتا اے۔ تے فیر تواریخ دی ایس بئرنو تواریخ دے اک خاص  
انداز نوں ہی سامنے لیانداتے دیا ہے کہ ایہ سارا عمل چنگی مذہبی سوچ تے بدعتاں وچ اک  
ناکراسی جس وچ اک پاسے تاں اوہ تو تاں سن جہڑیاں ہندوستان وچ مسلمان معاشرے دی

شناخت تے پچھان نوں ختم کرنا چاہندیاں سن تے دوجے پاسے اوہ طاقاں سن جہڑیاں خالص مذہب تے شریعت دے قیام لئی جدوجہد کر رہیاں سن۔

اوہناں دی سوچ دھارا دے مطابق شیخ احمد سرہندی 'شاہ ولی اللہ تے سید احمد شہید دیاں شخصیتاں ہندوستان دی تواریخ وچ اوہ شخصیتاں نیں جہاں اپنیاں لکھتاں اپنے عمل تے اپنی جدوجہد نال نہ صرف اپنے عقیدے اُتے کچھ ہون دا دفاع کیتا سکوں دین توں نویں سرے توں ابھار دی تحریک نوں وی جیند رکھیا۔ تے فیر ایسے پچھو کڑ ایہناں شخصیتاں نوں جھوٹھیاں روایتاں نال ودھا چڑھا کے وی پیش کیتا۔

مثلاً شیخ احمد سرہندی بارے اوہناں دے من والیاں جہڑیاں گالاں دا کھار کیتا تے آکھیا کہ صرف اوہناں دی شخصیت پاروں ای مغلاں دے زمانے وچ اسلام باقی رہیا تے اوہناں دیاں کوششاں پاروں ای جہانگیر تے شاہجہان وچ مذہبی رجحان آیا تے فیر اورنگ زیب دے زمانے وچ شریعت دے نفاذ دے سرکاری جتن وی اوہ تھریک دا ای سائن حال اک بورج تھیاں ایہ ہے کہ عالمگیری زمانے وچ تواریخ لکھن تے پابندی سی اکبر دے زمانے دی وی تواریخ اوہدے خلاف ہون دے باوجود شاہجہان ویلے سامنے آئی سی۔ فیروزی شیخ اکرام لکھدے نیں کہ مولانا ابوالکلام آزاد دے ایس فقرے نوں ہی سامنے لیاؤندے نیں۔

اکبر اعظم دے الحاد و امقابلہ صرف کلیاں شیخ احمد سرہندی نے کیتا۔

اوہناں نے لوکاں وچ تواریخ بارے گمراہی پیدا کرن وچ بہت مدد کیتی تے فیر اوہدے مگروں آؤن والے مولویاں نے ایس فقرے دے چائن وچ شیخ احمد سرہندی دی شخصیت نوں تواریخ دی اک بہت وڈی شخصیت بنان دی بھروسے کوشش کیتی۔ جس دے سٹے وچ اکبر اعظم تے شیخ سرہندی دیاں دو ایہو جہنیاں شخصیتاں سامنے آئیاں جہڑیاں اک دوجے دے بالمقابل سن۔

اکبر بندہ قومیت داحامی تے صلح کل دا پرچارک تے پیروکار، عقل پسندی تے اشتراک داحامی سی جد کہ احمد سرہندی اسلامی تشخص، خالص اسلام تے شریعت دا دعویٰ داتے اک پکی



تے جی سوچ والے سن ایس لڑائی وچ شیخ احمد سرہندی فاتح ہوندے نیں جہاں دے کارن جہانگیر تے شاہجہان دے زمانے وچ اسلامی قانون نافذ ہوئے تے اکبر اعظم دے مانت تے اوہدی سوچ دے پرچارک داراشکوہ نوں ہارتے محی الدین اورنگ زیب نوں جت ہوئی تے اوہ اقتدار اُتے قابض ہويا۔

شیخ احمد سرہندی دی شخصیت نوں اُچا کرن تے فعال بناؤن دیاں کوششاں وچ وی اکبر دے حکومتی زمانے نوں بہتے توں بہتا بھیڑا بنا کے پیش کیا جاندا اے تے ایس گل نوں ثابت کرن دی کوشش وی کیتی جاندی اے کہ او شرم توں بہتا بھیڑا بنا کے پیش کیا جاندا اے تے ایس گل نوں ثابت کرن دی کوشش وی کیتی جاندی اے کہ اوہ شرم جوگ سی تے اوہدے زمانے وچ اسلام ہندوستان وچ تقریباً ختم ہون والا سی۔ کیوں جے اسلام دا مخالف سی تے اوہنے غیر اسلامی تے غیر شرعی روایتاں نوں وادھا دتا سی ایسے لئی اوہدے زمانے وچ ہندوؤاں دا اثر و رسوخ وی ودھ گیا سی ہندو سرعام اپنے مذہبی فرائض ادا کرن لگ پئے سن جبراً کسے وی اسلامی حکومت لئی مناسب نہیں سی۔

مولانا مناظر گیلانی دا اک مضمون وی اکبر تے احمد سرہندی دے ایس مقابلے بارے موجود ہے جس وچ اوہناں اکبر دے زمانے وچ غیر اسلامی روایتاں دے وادھے دی اک تفصیل وی لکھی ہوئی اے۔ اوہناں لکھیا ہے کہ اکبر دے زمانے وچ سوڈ جوئے تے شراب نوں حلال کر دتا گیا سی۔ داڑھی رکھن توں منع کر دتا گیا تے نکاح دے قوتاں وچ وی تبدیلیاں کردتیاں گئیاں سن۔ غسل جنابت بند کر دتا گیا، بے پردگی تے زنا دی تنظیم وی کیتی گئی۔ جس لئی اوہناں اکبری دربار دے مورخ ملا عبدالقادر بدایونی دی کتاب منتخب التواریخ نوں بنیاد بنایا اے۔

جسراں واقعات نوں توڑ مروڑ کے اپنی پسند دے مطلب کڈھے گئے نیں اوہدا اندازہ بدایونی دے اصل بیانات توں ہوسکدا اے۔ مثلاً ایہ وی کہ شراب بارے جہڑیاں اصلاحات کیتیاں گئیاں سن اوہناں بارے بدایونی نے لکھیا ہے کہ شراب جسم دی بہتری لئی طبی طور تے

استعمال کیتی جاسکدی اے۔ شرط ایہ ہے کہ ایہہوں پین نال کوئی فتنہ تے فساد پیدا نہ ہووے۔ ایس طرحاں شراب پینا جائز ہے پر حد توں لکھیا ہو یا نشہ تے اوہدے کارن لوکاں دا اکٹھیاں ہو کے شور شرابا کرنا جائز نہیں۔ تے فیہر بادشاہ نوں جدوں ایہدی خبر ہو جاندی سی تے اوہ اوہناں دے خلاف سخت کارروائی کرداسی۔

مولانا لکھدے نیں کہ اکبر نے سولھاں سالوں توں پہلے کڑیاں تے چوداں سالوں توں پہلے منڈیاں دے ویاہ اُتے پابندی لادتی سی۔ کیوں جے ایسے ویاہواں مگروں ایانے کمزور پیدا ہوندے سن۔

اکبر نے ایس گل اُتے وی زور دتا سی کہ کوئی اک توں ودھ شادی نہیں کرے گا۔ اکبر اُتے اک ہور الزام زنادی تنظیم بناؤن دا وی ہے۔ جس بارے خود بدایونی ہوراں لکھیا ہے کہ شہرتوں باہر اک آبادی بنائی گئی تے اوہا ناؤں ”شیطان پورہ“ رکھیا گیا جتھے باقاعدہ محافظ تے نگران دے نال داروغہ وی ہوندا سی ایہتھوں گھار لے جان والی زنانی تے بندے بارے پوری معلومات لکھداسی۔

اکبر اُتے اک نواں دین بناؤن دے الزام دی لائے گئے۔

حالاں سچ تاں ایہ وی ہے کہ ایس نویں دین نوں دین الہی داناؤں اوہدے مرن مگروں 65 سال بعد دتا گیا تے ایہ اوہ زمانہ سی جدوں اورنگ زیب نے بھراواں نوں قتل تے پیونوں قید کر کے اقتدار اُتے قبضہ کر لیا سی۔ چیتے رہوے کہ اورنگ زیب نے 1658ء وچ اقتدار اُتے قبضہ کیتا سی۔

بہر حال پوری دنیا دے سیاسی سماجی تے ریاستی دانشور تسلیم کردے نیں کہ مغلاں وچ سب توں کامیاب تے دیر تک رہن والی حکومت اکبر اعظم دی سی، ایہہ او زمانہ سی جدوں اک پاسے تاں پورے ہندوستان اتے مغل حکومت قائم ہوئی دوجے پاسے معاشرتی سانجھ دے نال سماجی ترقی دے دروازے وی کھلے تے ایہ اکبر اعظم دیاں لبرل تے سیکولر پالیسیاں داساں، اکبر اعظم دے دربار وچ ہر سماجی تے فکری طبقے دے لوک شامل سن، پرایہناں دے بالتقابل

”ملاہیت“ نوں دربار توں دور کر چھڈیا گیا سی۔ بھاویں سچ تاں ایہ وی ہے کہ اکبر اعظم نوں ”غلّ الہی“ دا خطاب وی ”ملاواں“ نے ہی دتا سی لیکن اک ہور سچ تاں انج وی ہے کہ اکبر اعظم داصوفیاں تے درویشاں نال وی رابطہ سی شہزادہ سلیم دی پیدائش خولجہ سلیم چشتی دی دعا نال ہوئی تے فیر اوہداناؤں وی اوہناں دے ناؤں اُتے رکھیا گیا۔ اکبر اعظم دے ہور وچ قیام دے دوران اوہدے شاہ حسین ورگے ملامتی نال تعلق دیاں خبراں وی ہے۔ جس کہ گروارجن دیوناں ملاقات دی کہانی وی بیانی جاندی ہے تے ایہ وی دسیا جاند اے کہ امرتسر وچ ”مقدس تالاب“ دے آل دوالے آبادی لئی اکبر اعظم نے بی 52 ٹیکھے زمین دتی سی جتھے بعد وچ امرتسر شہر آباد ہو یا جہڑا سکھاں دا ایس ویلے سب توں مقدس شہر بنیا جاند اے کیوں جے اتھے جہڑا ہر دوارجنوں انج ”گولڈن ٹمپل“ وی آکھیا جاند اے ایس دانینہ پتھر میاں میر قادری ہوراں رکھیا سی۔

تواریخ دا سچ تاں ایہ وی ہے کہ اکبر اعظم دی موت مگروں ملاہیت اک واری فیر دربار دے نیڑے آگئی تے اوہنے جہانگیر تے شاہجہان نوں کجھ شرعی حکماں راہیں قنون بناؤن لئی آکھیا جس وچ شیخ احمد سرہندی دے وچاراں نوں سب توں زیادہ اہم سمجھیا جاند اے شیخ احمد سرہندی اپنی وچار دھارا وچ کجھ انتہا پسندی رکھدے سن اوہ ”غیر مذہباں“ دے خلاف جہاد نوں لازم وی سمجھدے سن تے شیعہ ازم نوں وی چنگا نہیں سمجھدے سن تے فیر جدوں اورنگ زیب نے 1658ء وچ حکومت تے قبضہ کیتا تے ایہ ساری انتہا پسندی کھل کے سامنے آگئی ہندوؤاں دے مندراں تے عبادتاں اُتے وی پابندی لگی تے شیعہ ازم دیاں جلے جلوساں اُتے وی روک لائی گئی۔ ایہ اورنگ زیب دیاں پالیسیاں ہی سن جس دے سنے وچ اک پاسے تاں ہندو تے سکھ گرواں وچ سانجھ ہوئی تے سکھاں وادوں بھرویں بغاوت وی سامنے آئی جس دے نتیجے وچ سکھاں تے حکومتی فوجاں وچ لڑائیاں وی ہوئیاں۔ سکھاں دے نوویں گرو تیغ بہادر دادر بار وچ قتل وی ہويا۔

بہر حال تواریخ دا سچ تاں ایہ وی ہے کہ ہندوستان وچ اکبر اعظم نے جس مغل حکومت



دی بنیاد رکھی سی اوہدی تباہی تے بربادی دی کہانی اورنگ زیب دے زمانے وچ شروع ہو گئی ہندوستان دے کئی علاقیاں وچ کئی طرحاں دیاں بغاوتاں سامنے آئیاں جہاں دے خلاف 50 سال تیکر حکومت کرن دے باوجود اوہ لڑدار بیا تے فیر اوہدی موت وی دکن وچ بغاوت نوں روکن ویلے ہوئے تے دلی وچ اوہدے پترال وی پیو وانگوں اقتدار لئی آپس وچ لڑنا شروع کردتا۔ چنانچہ اک ہور سچ تاں انج وی ہے کہ اورنگ زیب دے مرن ہ گروں 1707ء وچ بنگال، بھوپال، رام نگر، کرناٹک تے حیدر آباد دیاں ریاستاں نے اپنی آزادی دے اعلان کردتے۔ اورنگ زیب 3 مارچ 1707ء نوں چلانا کر گیا تے اوہدے مرن اُتے بہادر شاہ اول حکمران بنیا جہڑا فروری 1712ء تیکر رہیا اوس توں مگروں جہاند ار شاہ فروری 1713ء تیکر رہیا، 1713ء وچ فرخ سیر حکمران بنیا جسے سکھاں دے خلاف چوکی لڑائی لڑی ایسے زمانے وچ بندہ بیرا گئی تے اوہدے ساتھیاں نوں پھڑکے دلی دے چوکاں وچ پھاہے لایا گیا۔ فرخ سیر 1719ء تیکر حکمران رہیا ایسے سال رفیع الدرجات تے رفیع الدولت حکمران بنے تے فیر ایسے سال محمد احمد شاہ رنگیلا دلی دے تخت اُتے قابض ہو یا اوس توں مگروں نیکوسیار احمد شاہ بہادر تے عالمگیر ثانی 1757ء تیکر یعنی بلھے شاہ دی حیاتی تیکر مغل حکمران رہے۔

1739ء وچ نادر شاہ درانی نے ہندوستان اُتے حملہ کیا۔ ایہ اوہ زمانہ سی جدوں بہادر شاہ ثانی دی بادشاہی شاہجہان آباد تک ای محدود ہو کے رہ گئی سی۔ نادر شاہ توں مگروں احمد شاہ ابدالی دے پنجاب اُتے حملے شروع ہو گئے۔ اوہنے پنجاب اُتے نوں (9) حملے کیے جہاں وچوں پنج بلھے شاہ دی حیاتی وچ ہوئے ایہ اوہ زمانہ سی جدوں ایہ بولی وی لوک گیتاں دا حصہ بن گئی۔ جمہوی اجتماعی دکھ تے دانش دی سانجھ دا نمونہ اے۔

کھاد اپیتا اے دا

باقی احمد شاہ اے دا

علی عباس جلال پوری اپنی کتاب وحدت الوجود تے پنجابی شاعری وچ لکھدے نیں۔

اورنگ زیب عالمگیر دی موت 1707ء مگروں مغلاں دی ٹوہر ختم ہو گئی تے ملک دے چارے پاسے فتور پے گیا، جنوب وچ مرہٹے، وچکار لے حصے وچ جٹ تے پنجاب وچ سکھ اٹھ کھلوتے، دلی دربار وچ تورانی سنی جہاں داسر دار نظام الملک سی تے ایرانی شیعہ جہاں دا آگو سعادت علی خان سی اک دوجے دے خلاف سازشاں وچ رُجھ گئے، بادشاہ امیراں دے ہتھ وچ کٹھ پتلیاں بن گئے تے ملک دی حالت سنوارن دی بجائے عیش عشرت وچ ڈب گئے، جہاندار شاہ نے فرخ سیرنوں قتل کر دتا گیا، محمد شاہ رنگیلے دے عہد وچ نادر شاہ افشار نے حملہ کیا 1737ء تے پنجاب تے دلی نوں راج کے لٹیا اوہ مغلاں دیاں جڑاں وچ پانی دے کے چلا گیا تے فیرواحمد شاہ ابدالی دے حملے شروع ہو گئے، پٹھاناں پنجاب نوں پنج کے رکھ دتاتے مغلاں دی رہی سہی سفید پوشی وی ختم ہو گئی۔

عالمگیر ثانی دے عہد وچ پنجاب ہمیشہ لئی مغلاں دے ہتھوں نکل گیا مغلاں دے سیاسی زوال دا اصل کارن اوہناں دی اخلاقی گراوٹ سی۔ عبدی مسلماناں دے زوال بارے کہند اہے۔

نری پُری اج مسلمانی وی چادر پھریے چائی  
ہور اسلامی خوف نہیں رہ گئی وچ اساڈے کائی  
وڈیاں داناں ڈوبن والے نت نکرے جے  
اصلی مطلب کوئی نہیں لبھدا جھگڑے چھڑے نکے  
کم بُرے تے بریاں تھاواں ملیاں مسلماناں  
تھاں چنگے تے کم چنگیرے ملے ہور زماناں

بہر حال مکدی گل انج دی ہے کہ بلھے شاہ دی ساری حیاتی وچ اک پاسے تاں دلی داتخت راج گدی لئی آپسی لڑائیاں وچ بھسیار ہیا تے ایہناں لڑائیاں نے مغل حکومت لئی خودکشی تے تباہی دے رستے بنائے تے بلھے شاہ ایس تباہی نوں ویکھدے ہوئے آکھیا کہ

مغلاں زہر پیالے پیتے

تے دوجے پاسے پنجاب وچ سکھاں نے تباہی لیاندی جس دے نتیجے وچ اک پانے

اکرم شیخ

تاں مرکزی حکومت کمزور ہوئی تے دوجے پاسے ایس لڑائی جھگڑے نے سماج وچ آپسی  
 سانجھ پیارنوں وی تباہ کر کے رکھ دتا ہر پاسے آپا دھاپی تے نفسا نفسی شروع ہو گئی۔ جنہوں  
 ویلے دے سوجھوان بلھے شاہ نے اپنے رنگ وچ کئی تھواواں تے بیان کیتا تے آکھیا۔

جدوں اپنی اپنی پے گئی

دھی ماں نوں لٹ کے لے گئی

ایہ اوں سماج دی تصویر سی۔ جہڑی ٹٹ بھج، توڑ بھن تے لٹ مار دے مگروں سامنے آئی  
 تے جس وچوں اک ایسی انسانی اخلاقیات وکھالی دے رہی سی جس بارے کدی کسے سیانے  
 تے سوجھوان نے سوچیا وی نہیں پر ایہ سیاسی تے سماجی تباہی دا اک فطری نمونہ سی۔

☆☆☆



## باقی احمد شاہ ہے دا

لوک 'یت' پئے بولیاں مایے تے اکھان۔  
ایہناں دا کوئی نکھاری تے شاعر سامنے نہیں آؤندا۔ ایہ لوکاں دی سانجھی سوچ دی تصویر  
تے اوہدے ترجمان ہوندے نیں تے ایہناں دے پچھے صدیاں دے تجربے تے کئی کئی  
سالاں دے مشاہدے وی ہوندے نیں تے ایہناں نوں وقت تے حالات دے جبر دا سانجھا  
رد عمل وی آکھیا جاند ا ہے۔

کھاہد اپیتالا ہے دا..... باقی احمد شاہ ہے دا

ایس شعروں کئی لوکاں نے بلھے شاہ نال جوڑیا۔ کیوں جے نادر شاہ درانی تے احمد شاہ  
ابدانی بلھے شاہ دی حیاتی وچ ای لٹ مار کرن پنجاب تے ہندوستان وچ آئے سن سگوں تواریخی  
سچ تاں ایہ ہے کہ احمد شاہ ابدانی نے انھارے بیس صدی دے وچلے زمانے وچ پنجاب اُتے نوں  
حملے کیتے جنہاں وچوں پنج بلھے شاہ دی حیاتی وچ ہوئے۔

جس وچ تے اسیاتے ایہ وی جاند ا ہے کہ احمد شاہ ابدانی نوں لہور اُتے حملہ کرن لئی عالماں نے  
دعوت دی سی کیوں جے اوس ویلے ریاست تے حکومت وچ مذہب دی کوئی اہمیت نہیں رہی  
سی۔ پر سوال تاں ایہ وی ہے کہ اوہدے حملیاں گروں کیہ مذہب نوں وڈیائی حاصل ہوئی یاں فیر  
احمد شاہ ابدانی نے جو کجھ اتھے آکے کیتا اوہدے سٹے وچ اسلام دی پرچلتا ہوئی یاں فیر اوہدے

آؤن تے کئی واری آکے لٹ مار تباہی تے بربادی تے قتلّام دا ایتھوں دی لوکائی نوں کیہ  
فیدا ہو یا؟؟ تے جے احمد شاہ ابدالی دے حملیاں دا لوکائی نوں فیدا ہو یا ہوندا تے اجتماعی دانش  
سوچھ تے سیانف چوں ایہ شعر کیوں سامنے آؤندا۔

کھاہدا پیتالا ہے دا..... باقی احمد شاہ ہے دا

یعنی جو کچھ بچ بچا کے کھاپی لیندے او اوہو ای منافع ہے یاں غنیمت اے۔ جو کچھ بچ  
جائے گایاں فیر جو کچھ آؤن والے سے لٹی لٹکا کے رکھو گے اوہ احمد شاہ دا ہے اوہ کسے ویلے وی  
لٹ کے لے جائے گا۔

اک ہو تواریخی سچائی تے انج وی ہے کہ پنجاب اُتے جنھے وی باہروں حملے ہوئے اوہ  
اوس ویلے ہوئے جدوں فصل دی کٹائی ہو جاندی سی یعنی اوس ویلے جدوں پنجابیاں دے گھار  
خوراک تے دولت نال بھرے ہوندے سن۔

جی گل تاں ایہ ہے کہ پنجاب تے برصغیر دے حوالے نال لٹ مار دی ایہ کہانی کسے اک  
زمانے دی نہیں ایہو ای اوہ خطہ ہے جس وچ سب توں بہتے دھاڑ وی تے مہاجر وی آئے نیں  
تے ایہ سارے پنجاب وچ ای آئے نیں کیوں جے برصغیر دے نقشے ول دھیان ماریے تاں  
پتہ لگے گا کہ ایہدے اُتے کوہ ہمالیہ دے پہاڑ تے تھلے سمندر اے تے کجے پاسے یاں مغرب  
والے پاسے وی بھاویں پہاڑ ای نیں پراہناں وچ کچھ رستے ہے نیں جہڑے برصغیر نوں وسطی  
ایشیاء تے مشرق وسطی نال جوڑ دے نیں ایہو ای اوہ رستے نیں جہاں چوں مہاجر وی آئے  
بھاویں اوہ آریں سن تے بھاویں دھاڑ وی آئے۔ جہاں چوں پہلا دھاڑ وی سکندرنوں آکھیا  
جاندا ہے تے فیر ایہناں راہواں توں لنگھدے ہوئے چنگیز خان تیمور خان تے محمود غزنوی  
شہاب الدین غوری تے مغل وی ایسے رستے ہندوستان ول آئے۔ تے اوہناں پنجاب نوں ہی  
سب توں پہلے تباہ کیتا تے لوکائی نوں کئی واری ایہناں دامقابلہ کردے ہوئے قتلّام دا سامنا وی  
کرنا پڑیا۔ کیوں جے دلی دے تخت راہیں ہندوستان تے حکومت کرن لئی پہلوں پنجاب چوں  
لنگھنا تے ایہنوں فتح کر کے ایتھوں دے وسیکاں نوں دہشت تے وحشت دے گھیرے وچ

لینا ضروری سمجھیا جاندا سی۔

آرین تے سکندر توں شروع ہون والی ایہ کم لانی مغلاں تے احمد شاہ ابدالی تیکر چالو رہندی اے ایس وچالے یاں فیر ایس کہانی دے اخیر وچ انگریزاں دا آؤنا ای تھلیوں سمندر راہیں ہويا۔ ایہ وکھری گل ہے کہ اوہناں دلی تے قبضہ کرن توں مگروں سب توں اخیر وچ پنجاب اُتے قبضہ کیتا جس واسطے اوہناں نوں سازشاں وی کرنیاں پئیاں تے حکمراناں وچ آپسی وٹ تے کھچ دی پاؤنی پئی تے کجھ ”غدار“ وی بناؤ۔ نہ پئے جہڑے تواریخی روایت وچ بہت پہلے توں موجود رہے نیں تے اوہ اپنے سیاسی ذاتی تے مالی فیدیاں جاگیراں تے جائیداداں لئی دھاڑ ویاں نال ہتھ وٹائی وی کردے رہے نیں جد کہ ایہ لوکائی ہی سی جہڑی باہروں آؤن والے ایہناں دھاڑ ویاں دا مقابلہ کردی رہی اے۔ اوہ بھاویں دراوڑن یاں فیر انگریزاں دے خلاف لڑن والے دھرتی دے پُترن۔ احمد خان کھرل، فٹیان، بھگت سنگھ، نظام لوہار تے جگت سنگھ جگا..... یاں مغلاں دے خلاف لڑن والا ”دلا بھٹی“ سی جہڑا کساناں تے واپسی تیجی کرن والیاں دا نمائندہ بنیا۔ گل پنجابی نابریاں دی ہووے تاں فیر..... راجہ پورس نوں کسراں پر وکھے کیتا جاسکدا ہے یاں فیر محمود غزنوی دا مقابلہ کرن والے وچے پال نوں کوں بھلایا جاسکدا ہے۔ ایہ پنجاب دے گھبر و جوان ہی سن جہاں سکندر دی فوج نوں مونہ موڑن تے مجبور کیتا تے اوہ دلی دے خواب ادھورے چھڈ کے پچھانہ پرت گیا سی۔

پنجابیاں دی بھیرتی قسمت تاں ایہ وی ہے کہ جہڑے استھے حکمران بنے اوہناں دالوکائی نال کوئی تعلق نہیں سی ایہ اوہ جاگیردار تے سرمایہ دارن جہڑے تواریخ وچ غداری کردے رہے تے ایہناں حکمراناں نال سانجھ کیتی ایہناں لوکائی دی قربانی دے سٹے وچ بنن والے ملک تے قبضہ کر لیا تے استھے اوہ تواریخ سامنے لیاندی جس دا سچائی نال کوئی تعلق نہیں سکوں اوہ حکمران بنن والے طبقیوں دی وفاداری دا بھید لکاؤن والی تے غداراں نوں حکمران بنا کے سامنے لیاؤن والی سی بہر حال ساڈے ہاں دکھانت تاں انج دی ہوئی اے کہ اساں تواریخ نوں وی اپنے نظریے تے سوچ دی عینک نال دیکھیا ہے ایسے لئی جہڑے ساڈے ہیرو بنے اوہ بھاویں



دھاڑوی سن اوہناں دا مقصد اسلام دی تبلیغ نہیں سگوں لٹ مارتے قتلآم کرنا ای سی۔ اسی اوہناں بارے موجود تواریخی شہادتیں نوں سامنے نہیں رکھیا سگوں جان بچھ کے اوہناں نوں پردکھے کر چھڈیا اے۔

ایس پچھو کڑ..... اک نکتہ نظر تاں انج وی ہے کہ پاکستان بن مگروں جہڑے ”دوقومی نظریے“ نوں مڈھ بنایا گیا تے ایہ آکھیا گیا کہ پاکستان دی ونڈ وی ایسے لئی ہوئی سی کہ ہندوؤ آں تے مسلماناں دا وسیب ریہتل تے ثقافت وکھری سی۔ ایہ کٹھے نہیں رہ سکدے سن ایسے لئی مسلماناں لئی اک وکھرے ملک دی منگ کیتی گئی تے فیر ایہ ملک وی مذہب دی بنیاد اُتے ای حاصل کیتا گیا۔

بھاویں سچ تاں ایہ وی ہے کہ ہندوستان دی ونڈیاں پاکستان بن توں پہلے دوویں دھڑے کٹھے رہندے سن تے ایہناں وچ کوئی سماجی جھگڑے وی نہیں ہوندے سن۔ حالاں اک ہور تواریخی سچ تاں ایہ وی ہے کہ ہندوستان اُتے چھ سو سال تیکر مسلمان بادشاہ رہے نیں تے اوہناں وچوں کئی بادشاہ ایسے وی ہوئے نیں جہاں نے ملائیت دے آکھن تے ہندوؤ آں دیاں عبادت گاہواں تے جنڈرے وی لائے تے اوہناں نوں ”بت پرست“ آکھ کے پابندیاں وی لائیاں۔ ایہ لودھی سن، خلجی سن یاں فیروغی بادشاہ سن جہاں چوں اورنگ زیب عالمگیر سرکڈھویں نیں جنہوں ساڈے اک خاصے وچاردھارا دے لوک آئیڈیل مندے نیں۔

بہر حال پاکستان بن مگروں اتھے جہڑے حاکم بنے اوہناں دی اکثریت یوپی سی پی توں ہجرت کر کے آئی سی ایہ اوہ لوک سن جہڑے افغانستان توں آؤن والے بادشاہواں دے نال ہجرت کر کے اتھے آئے تے آباد ہوئے سن۔ اوہناں لوکاں نوں ایہ وی دیا کہ پاکستان مذہب دے ناؤں اُتے بنیا سی تے جہڑے اتھے افغانستان توں دھاڑوی آکے قبضہ کر دے رہے اوہناں دا مقصد وی اسلام دی تبلیغ تے اسلامی حکومت بناؤنا سی۔ ایس پچھو کڑ اوہ اپنا اصل جرم چھپاؤنا چاہندے سن جس وچ اوہناں نوں کامیابی حاصل ہوئی۔ کیوں جے اوہناں اتھے آکے سارے حکومتی وسیلیاں تے ریاستی طاقتاں اُتے قبضہ کر لیا سی۔ ایسے پچھو کڑ ای اوہناں

لیریاں تے ڈاکوؤاں نوں ہیر و بنا کے پیش کیتا تے ہور بد قسمتی تاں انج وی ہوئی کہ اوہناں دے گھیرے وچ آؤن والیاں وی اوہناں نال سانجھ کیتی کیوں جے اوہناں دے سیاسی تے ذاتی فیدے وی ایسے سن تے فیر اوہناں دے ایس مشن نال ملائیت نے مذہب دے ناؤں اُتے رلت کر لئی۔

پروفیسر عزیز الدین احمد اپنی کتاب پنجاب اور بیرونی حملہ آور وچ لکھدے نیں۔  
دھاڑ ویاں دا مقصد کدی وی اسلام دی تبلیغ تے پر چلتا نہیں سی۔ ایہناں دھاڑ ویاں نے ہندوستان دے تخت اُتے قبضہ کرن مگروں کدی اسلام دی تبلیغ لئی کوئی بھروسے تے کچے کم نہیں کیتے اوہ صرف حکومت تے بادشاہی لئی ہی ہندوستان وچ داخل ہوئے سن اوہناں دا اصل مقصد جہانگیری شاہجہانی تے عالمگیری ہی سی۔

جے محمود غزنوی ہندوستان اُتے اپنے ستاراں حملیاں دے نال اک جماعت اسلامی تبلیغ لئی لیاؤندا اے اتھے اپنیاں حکومتاں بناؤن دے نال اسلام دی تبلیغ لئی اک محکمہ وی بناؤندا۔ اسلام دی سچائی تے ہندو مذہب دے جھوٹے ہون بارے کتاباں وی لکھواندا۔ اسلام دی سچائی ثابت کرن لئی وچار و ٹاندرے دا پر بندھ کر دا۔ پراوہنے ایس طرحاں دا کوئی کم نہیں کیتا پر اوہنے اپنے زمانے وچ جہڑے علمی کم دی سرپرستی کیتی اوہ وی اسلام توں پہلے ایران دی تواریخ لکھن لئی ”فردوسی“ نوں آکھیا پر اوہنوں وی معاہدے دے مطابق رقم نہیں دتی۔

سلطان محمود غزنوی جنہوں اسی بت شکن تے اسلام دے مجاہد دے ناؤں اُتے یاد کروے ہاں۔ اوہ دے بارے تاریخی فرشتہ وچ لکھیا ہویا اے۔

ابوالحسن علی بن حسین میمنی کہندے نیں کہ اک دن سلطان محمود غزنوی نے ابوطاہر سامانی توں پچھیا کہ آل سامان نے اپنی حکومت وچ کئے ہیرے تے جواہر کٹھے کیتے سن ابوطاہر آکھیا۔ امیر نوح آسانی دی حکومت وچ ست رطل دھیا ہیرے شاہی خزانے وچ موجود سن۔ محمود نے ایہ جواب سن کے رب دا شکر کیتا تے آکھیا الحمد للہ رب نے مینوں سورطل توں دی بہتی قیمت دے ہیرے دتے نیں۔ ہیریاں تے موتیاں دا جہڑا خزانہ محمود غزنوی نے کئی تھاواں

تے جنگاں کر کے کٹھا کیتا سی اوہ اوہدے لئی بڑی اہمیت رکھدا سی اوہ مرن ویلے وی اوہناں نوں بڑے دکھ نال دیکھدا سی جس توں دکھ ہون توں اوہنوں بڑا دکھ ہو یا سی فرشتہ لکھدا ہے کہ۔  
تواریخ توں پورے سچ نال ایہ گل ثابت ہوندی اے کہ محمود غزنوی نے مرن توں دو دن پہلے اپنے سارے ہیرے موتی، پیسے دھیلے تے سونے دیاں اشرفیاں جہڑیاں اوہنے ساری حیاتی دے جتن پاروں کٹھیاں کیتیاں سن شاہی خزانے توں باہر کڈھوا کے اپنے محل دے سامنے ڈھیر کروائیاں۔ آکھیا جاندا ہے کہ لال، چنے تے کئی ہور رنگاں دے ایہناں ہیریاں موتیاں دی چمک نال سارا وسیلہ جنت دے باغ وانگوں بجیا ہو یا سی پر محمود ایہناں نوں دکھ بھریاں نظراں نال ویکھ کے ایہناں توں دکھ ہون دے غم وچ دھاڑاں مار کے روندار ہیا۔ رون چٹن توں مٹروں اوہنے ساری دولت ہیرے موتی واپس شاہی خزانے وچ جمع کرا دتے پر کسے نوں اک کوڑی وی نہیں دتی۔

ایہو جہنیاں حرکتاں توں لوکاں اوہنوں کنجوس تے بخیل سمجھدی سی۔ ایس واقعے دے دو بجے دن بادشاہ نے اک سواری تے بیٹھ کے میدان دی سیر کیتی۔ اوہدے حکم اُتے شاہی ملازماں نے اصطلح چوں سارے گھوڑے، اُوٹھ ہاتھی تے ہور جنور لیا کے اوہدے سامنے پیش کیتے۔ جہاں نوں ویکھ کے محمود پہلے تاں دل وچ کجھ سوچدار ہیا تے فیر دھاڑاں مار کے رون لگ پنیاتے فیر روند کر لاند اپنے محل وچ واپس آ گیا۔

محمود غزنوی دے دولت نال پیار دا اک ہور قصہ فرشتہ نے لکھیا اے اوہ لکھدا ہے کہ محمود غزنوی نوں آخری زمانے وچ پتہ لگا کہ نیشاپور وچ اک بہت وڈا دولت مند رہندا اے محمود نے حکم دتا کہ ایس بندے نوں غزنی بلایا جائے۔ شاہی حکم راہیں ایس بندے نوں غزنی بلایا گیا اوہ شاہی دربار وچ پیش ہو یا تے محمود غزنوی اوہنوں آکھیا کہ میں سنیا اے کہ توں ملحد تے قرامطی ایس اوہنے آکھیا بادشاہ سلامت نہ تے میں ملحد آں تے نہ ای قرامطی، میرا جرم صرف ایہو اے کہ میں بہت زیادہ امیر آں، تسی جو چاہندے او میرے توں لے لو، پر میںوں ملحد تے قرامطی آکھ کے بدنام نہ کرو، محمود غزنوی نے اوہدے توں ساری دولت لے لئی تے



اوہنوں سوہنی عقیدت دا فرمان لکھ کے دے دتا۔

فرشتہ لکھدا ہے کہ

جس زمانے وچ محمود غزنوی نے سونا تھاتے دھاڑ کیتی تے اوہدی پریم دیوناں  
لڑائی ہوئی تے محمود نوں ایہ خطرہ سی کدھرے مسلماناں دے لشکر اُتے ہندوؤ آں دا لشکر  
غالب نہ ہو جائے۔

اوس ویلے پریشانی وچ اوہ شیخ ابوالحسن خرقانی دے خرقے نوں ہتھ وچ لے کے سجدے  
وچ ڈگ پیا تے رب توں دعا منگی کہ ربا ایس خرقے دے مالک دے صدقے مینوں  
ہندوؤ آں دے مقابلے وچ جت دے۔ میں ایہ نیت کردا ہاں کہ جہڑا مال وی مینوں لٹ مار وچ  
ملیا اوہنوں میں غریباں تے ماڑیاں وچ ونڈ دیاں گا۔

تواریخ لکھن والے کہندے نیں کہ ایہ دعا منگدے ای اسماں تے کالے بدل آئے  
بدلاں دی گڑ گج تے بجلی دی کڑک توں ہندوؤ آں دا لشکر ڈر گیا۔ ایہو جیہاںھیرا ہو یا کہ ہندو آپس  
وچ ای لڑن لگ پئے جس دے سٹے وچ مسلماناں نوں ہندوؤ آں دے خلاف جت ہو گئی۔

فرشتہ لکھدا ہے کہ میں اک پکی تواریخ وچ ایہ روایت وی دیکھی ہے کہ جس دن سلطان  
محمود نے خرقانی دے خرقے نوں ہتھ وچ لے کے رب توں فتح دی دعا منگی سی، فتح مگروں  
اوسے رات سُفنے وچ شیخ ابوالحسن نوں دیکھیا اوہناں محمود نوں آکھیا۔ اوئے محمود توں میرے  
خرقے دی بے عزتی کیتی اے جے توں جت دی تھاؤں سارے غیر مسلمان دے مسلمان ہون  
دی دعا کرداتے اوہ دی قبول ہو جاندی۔

پروفیسر عزیز الدین لکھدے نیں کہ

سلطان محمود غزنوی نے آسے پاسے دیاں چھوٹیاں چھوٹیاں ریاستاں نوں ختم کر کے اپنی  
وڈی سلطنت بنائی سی پر جے اوہنوں ”اسلامی ہیرو“ بناؤن دی کوشش کیتی جائے تے اوہ روحانی  
تے اخلاقی وڈیائی دے معیار اُتے پورا نہیں لیہندا۔ دنیا نوں فتح کرن دی ہوس وچ اوہنے آل  
دوالے دے کمزور مسلمان حکمراناں نال جنگاں لڑیاں تے ایہناں وچ مسلماناں دے لہوناں



میدان لال کہتے۔

محمود دے زمانے وچ بغداد دے خلیفہ نوں اسارے مسلمان اپنا سربراہ مندے سن پر محمود نے اوہنوں وی نہیں چھڈیا۔ اوہدے کولوں خراسان دے اک حصے چوں سمرقند حکومت دی منگ وی کہیتی۔ ایہ علاقے اوس ویلے عباسی حکومت وچ شامل سن۔ محمود غزنوی نے نہ صرف خراسان اُتے قبضہ کر لیا تے فیراک دھمکی بھریا خط وی خلیفہ نوں لکھیا جس دا انت فرشتہ دے آکھن موجب کجھ انج سی۔

میں جان گیا ہاں کہ تسی لوک ایہ چاہندے ہو کہ میر ہزاراں ہاتھیاں نال تہاڈے ”دارالخلافہ“ نوں برباد کردیاں تے تہاڈی خلافت دالمبہ بہناں ہاتھیاں اُتے لد کے غزنی لے آواں۔

ظاہر اے کہ مسلماناں دی بارگاہ خلافت دالمبہ لد کے غزنی لیاؤن دا ارادہ رکھن والے حکمران دے ہندوستان اُتے ستاراں حملے کرن دا مقصد وی اسلام دی وڈیائی نہیں ہوسکدی۔ ملتان اُتے حملے دا مقصد وی مالی تے مادی مفادات سن۔ ملتان اُتے حملے نوں ”قراٹلی حکمران“ دا بہانہ بنایا گیا حالاں اصل گل تاں ایہی سی کہ اوس حکمران۔ تے سالانہ جگائیکس دین توں انکار کردتا سی جہڑا اوہدے وڈکے وی دیندے رہے سن۔ پر محمود نے، مذہب دا ناؤں لے کے ملتان اُتے دھاڑ کہیتی حکمران اوہدا مقابلہ نہیں کر سکیا اپنے انکار دی معافی منگی تے ایہ وعدہ کیجا کہ اوہ ہر سال دس ہزار اشرفیاں سلطان دی خدمت وچ گھلیا کرے گا۔ اٹھ دن دے گھیرے توں بعد صلح ہوگئی تے سلطان واپس غزنی چلا گیا۔

ہندوستان وچ محمود غزنوی نے کئی مندراں دی اٹ نال اٹ و جائی سلطان نے جہڑے وی مندر اُتے حملہ کیجا اوہدے بُت سونے دے سن تے ایہناں مندراں وچ ہیرے موتیاں دے خزانے سن سلطان نے ایسا کوئی مندر تباہ نہیں کیجا جس دے بُت پتھریاں مٹی دے بنے ہوئے سن۔ سو مناتھ دے مندر بارے فرشتہ لکھدا ہے کہ

سلطان محمود نوں ایس مندر چوں بہت ودھیا ہیرے موتی تے سونا چاندی ہتھ آیا سی اوہ ایناں سی کہ ایس توں پہلے کسے وی بادشاہ دے خزانے وچ اوہدا سواں حصہ وی نہیں سی۔

زین الماثر تاریخ وچ لکھیا ہویا اے۔

مندردی جہڑی خاص تھاؤں تے سومانہ دامندر رکھیا ہویا سی اوہ انھیری سی تے اوہ جہڑا چانش سی اوہ اصل وچ بہت ودھیا ہیرے موتیاں داسی تے ایہ ہیرے موتی سونے دیاں مشلاں وچ جڑے ہوئے سن۔ تواریخ وچ ایہ وی لکھیا ہے کہ ایسے مندرو وچ سونے چاندی دے ایسے چھوٹے چھوٹے بت سن کہ جہاں دی نہ تے کوئی گنتی سی تے نہ ای قیمت دا کوئی اندازہ سی۔

فرشتہ لکھدا ہے کہ ایس مندرو وچ پجاریاں اک نکر توں دوجی نکر تیکر سونے دی اک زنجیر بدھی ہوئی سی جس دا وزن سومن سی۔

پروفیسر عزیز الدین احمد کہندے نیں کہ

تواریخ وچ ایہ گواہیاں موجود نیں کہ کابل تے غزنی اُتے قبضہ کر کے جہڑا وی حکمران بندا سی اوہ ہندوستان نوں وی اپنی جاگیر تے ورثہ سمجھدا سی۔ غزنی تے کابل اُتے قبضہ کرن مگروں اوہ آل دوالے دے قبیلیاں نوں کٹھا کر داسی کیوں جے بہت ساریاں زنانیاں کرن پاروں ایہناں دی آبادی وچ کوئی گھاٹ نہیں ہوندی بھادویں ایہ قبیلے آپس وچ وی لڑدے رہندے سن۔ اوہناں دے سامنے دواہی رستے ہوندے سن یاں تے اوہ بھکھے مرن یاں فیر آل دوالے دے زرخیز تے زرعی علاقیاں اُتے حملے کر کے لٹ مار کرن ایہوای کارن ہے کہ ایہناں قبیلیاں دیاں فوجاں ہندوستان دے شہراں تے وسدے رسدے پنڈاں اُتے دھاڑاں کردیاں سن۔ ایہناں دی ایس مجبوری نے اکی ایہناں نوں فوجی دھاڑوی بنایا ایہ وکھری گل ہے کہ ایہناں دھاڑاں نوں اوہناں جہاد داناؤں دتا تے اوہ تہ بن والے بادشاہ نے ایہناں بھکھیاں نوں اپنے جھنڈے تھلے کٹھا کیتا۔ پر اوہناں دا ایہ جہاد عام طور تے اپنے مسلمان بھراواں دے خلاف ہوندا سی۔ جنگ دے نتیجے وچ ”غازی“ نوں لٹ داماں ہتھ آؤندا جس نال اوہ دے دو چار سال آرام نال لنگھ جاندے سن تے شہادت دے بدلے وچ اک طرح دی خاندانی منصوبہ بندی وی ہو جاندی تے کچھ سال مگروں جدوں ایہ آبادی فیرودھ جاندی تے ہر لوڑ وند دے دل



وجہ جہاد دا جذبہ ابھر پیندا۔ تے وسطی ایشیاء دے دھاڑ ویاں لئی ایہ لڑاکے شہادت لئی سستاتے موثر ذریعہ بن جاندا رہے۔ بابر نے جدوں ابراہیم لودھی توں ہندوستان دا تخت خالی کرن دی تنگ کیتی تے اوہنوں آکھیا کہ محمود غزنوی تے شہاب الدین غوری ترک سن ایس لئی ہندوستانی قانونی طور تے ترکاں دی وراثت اے تے ایہدے اُتے پٹھاناں دا کوئی حق نہیں۔ ایہو ای کارن ہے کہ بابر نے کابل اُتے قبضہ کرن مگروں اک وڈا لشکر تیار کیتا تے ہندوستان اُتے چڑھائی کیتی۔ بابر دی پانی پت دے میدان وجہ جوے لشکر نال لڑائی ہوئی اوہدے وجہ وی سارے مسلمان پٹھان سن کوئی کافر نہیں سن۔ ایہ لڑائی اصل وجہ پٹھاناں تے ترکاں دی سی ایس جنگ وجہ ابراہیم لودھی ماریا گیا تے بابر فتح دے نقارے وجہ اندادلی پہنچ گیا تے ہندوستان دا بادشاہ بن گیا ہن مسئلہ باقی ملک اُتے قبضہ وی سی ایس لئی بابر نے چھوٹے چھوٹے حکمراناں دے خلاف وی لڑائیاں شروع کیتیاں۔ ایہناں وجہ اک رانا سا نگاوی سی جنہوں فتح کرن مگروں بابر وی غازی بن گیا تے فیر اپنے وڈے چنگیز خان دی رسم دے مطابق انسانی سراں دے مینار وی بنائے تے شہرنوں اگ لوادتی بابر وی مسلمان حکمران ثابت نہیں ہو یا اوہ چنگیز خان تے تیمور دی اولاد سی۔ اوہنے شہر اباں پین دا ذکر اپنی جیونی وجہ دی کیتا ہو یا اے۔

ظہیر الدین بابر نے اپنی جیونی ترک بابر وی وجہ لکھیا ہے کہ

ہندوستان دی سب توں چنگی خوبی ایہ ہے کہ ایہ اک وڈا ملک ہے تے اتھے سونا چاندی بہت زیادہ اے۔ بابر نے پنجاب اُتے پنج حملے کیتے ایس زمانے پنجاب دے حاکم وی بابر دے سن اوہناں پنجاب دے دفاع دا کوئی پر بندھ نہیں کیتا سی بابر نے پہلا حملہ 1519ء وجہ کیتا ایہ بھیرہ شہر اُتے سی جہڑا اوس ویلے بہت وڈا تجارتی مرکز سی مقامی لوکاں نوں چار لکھ شاہ رنخی سکے تاوان دے کے بابر توں اپنی جان چھڈاؤنی پئی سی۔ ایسے سال ای بابر نے دو جا حملہ کیتا پر اوہ ترکستان وجہ لڑائی دی خبر سن کے پھچانہ پرت گیا 1520ء وجہ بابر چڑھائی کر دا ہو یا سیالکوٹ شہر تیکر آ گیا شہریاں نے ہتھیار سٹ کے اپنی جان بچائی پر سید پور والیاں لڑن دا فیصلہ کیتا اتھے بابر نے مرداں دا قتل عام کیتا زاناں تے بالائیں نوں غلام بنا کے اپنے نال لے

گیا۔ 1524ء وچ چوتھا حملہ ہو یا لہور تے قبضہ کر کے ایس سو بنے شہر نوں اک اگ کے سواہ کر دتا۔ ایسھوں بابر سدھاد پپال پور گیا اوہ قلعہ بند ہو کے لڑے پر اوہناں نوں ہار ہوئی بابر نے دیپالپور وچ وی قتل عام دا حکم دے دتا 1525ء وچ پنجواں حملہ ہو یا بابر فتح دے جھنڈے گدھدا دلی تیکر پہنچ گیا تے قبضہ کر کے مغل حکومت دی بنیہ رکھی۔

مغل دو سو سال تیکر ہندوستان اُتے حکومت کر دے رہے پر فیر اپنیاں غلطیاں تے کوتاہیاں پاروں اوہناں نوں وی زوال دا سامنا کرنا پیا۔ حکمران عیاشیاں وچ رُجھے اک دو بے دے خلاف سازشاں کر دے رہے اقتدار لئی پیو نوں قید کرنا تے بھراواں نے اک دو بے نوں قتل کرنا شروع کر دتا۔ ریاست تے حکومت کمزور ہوئی تے حکومت دا لوکاں تال رابطہ وی نہیں رہیا کئی علاقیاں وچ بغاوت ہوئی تے راجے مہاراجیاں حکومت نوں تسلیم کرن توں وی انکار کر دتا۔ ایہو ای اوہ زمانہ ہے جس وچ جنوب وچوں مرہٹے تے راجپوت نویں طاقت بن کے سامنے آئے تے ایدھر پنجاب وچ سکھاں تے حکومتی فوجاں وچ کئی تھاواں تے لڑائیاں وی ہوئیاں۔ اے ایہناں سیاسی قوتاں نوں حکومت دا تابع نہیں بنایا گیا سی کہ افغانستان ولوں نادر شاہ درانی اک ہو ردھاڑوی بن کے پنجاب ول آیا ایہ اوہ زمانہ سی جدوں دلی دے تخت اُتے محمد شاہ بیٹھا ہو یا سی جنہوں اوہدیاں عیاشیاں پاروں رگیلا وی آکھیا جاندا سی کئی امیر وزیر اوہدے نال ناراض سن۔ ایہناں وزیراں نے ای نادر شاہ نوں ہندوستان اُتے حملہ کرن دی دعوت دتی سی۔

نادر شاہ غزنی، کابل، جلال آباد تے پشاور نوں لٹن مگروں جدوں انک پہنچیا تے اوہنے محمد شاہ رگیلا نوں خط لکھیا جہڑا دھیان جوگ اے۔

عالی جناب دے چانن بھرے دماغ وچ ایگل پوری طرحاں سامنے ہونی چاہیدی اے کہ میرا کابل اُتے حملہ کرنا تہاڈی دوستی تے اسلام نال محبت دا نتیجہ سی، علی مرتضیٰ دی قسم تہاڈی یاری تے مذہبی لوڑ توں سوا میرا کوئی مقصد سی تے نہ ہے، تسی منوں یاں نہ منوں میں پہلے وی تہاڈے خاندان دا دوست ساں تے ہن وی ہاں۔

تواریخ کہندی ہے کہ انک توں جہلم تیکر آؤندے اسلام دے مجاہد نے ہر پاست تباہی پھیلا دی۔ جہلم توں لنگھیا تے اوہنوں زیادہ خوشحالی تے ہریالی نظر آئی تے چھیتی لہور پٹنن دے جتن کیتے۔ دریائے چناب نوں وی بیڑیاں دی بجائے گھوڑیاں اُتے بیٹھ کے پار کیتا۔

لہور دے اوس ویلے دے گورنر ذکریا خان نے محمد شاہ رنگیلا انوں ساری صورت حال بارے جازکاری دتی تے فوجی امداد لئی آکھیا پر بادشاہ نے جواب دینا وی پسند نہیں کیتا۔ مجبوراً ذکریا خان نے اک لشکر نادر شاہ دی دھاڑ روکن لئی ایمن آباد گھلیا۔ پر اک ای حملے وچ نادر شاہ نے ایہدا صفایا کر دتا۔ جدوں ذکریا خان نوں ایس ہار دا پتہ لگاتے اوہ قلعہ وچ بند ہو گیا نادر شاہ نے ایمن آباد نوں تباہ کرن توں مگروں راہ وچ آؤن والے ہر پنڈ ہر قصبے نوں لٹ لیا تے اوہناں دے وسنیکاں نوں موت دے حوالے کر دتا تے لہور دے سامنے آکے فوج دے ڈیرے لاد تے چار دن مگروں نادر شاہ راوی پار کر کے شالامار باغ وچ پہنچ گیا ذکریا خان دو دن قلعے وچ بند رہیا پر جدوں اوہنے نادر شاہ دی لٹ مار تے قتلّام دیاں خبراں سُنیاں تے ایہنے نادر شاہ دے دربار وچ حاضر ہو کے سیکڑے ہاتھی تے 20 لکھ روپے تاوان دے کے جان چھڈائی تاوان دا کچھ حصہ لہور دے شہریاں تے باقی رقم خزانے وچوں دتی گئی رقم لے کے نادر شاہ دلی ول چلا گیا تے دلی وچوں اوہنے چندراں توں 30 کروڑ روپیہ کٹھا کیتا جد کہ ہیرے موتی دکھرے سن ایہدے نال ای شاہجہان دا تخت طاؤس جس دا مٹل کئی کروڑی اوہ تے اوہدے نال کوہ نور ہیرا وی اپنے ہتھ وچ کر لیا۔ تے فیر محمد شاہ رنگیلے نے اپنی دھی داویاہ وی نادر شاہ دے پتر نال کر دتا جس دے سٹے وچ محمد شاہ رنگیلے دی جان بخشی ہوئی۔

پورے دو مہینے اوہ تھ لٹ مار تے تباہی لیاؤن مگروں واپس آؤندے لاہور دے حاکم توں اک کروڑ روپے ہور دین دی منگ کیتی تے فیر واپسی دا سفر اوہنے لاہور دی بجائے سیالکوٹ راہیں کیتا تاں جے جاندے جاندے اوہ تھ لٹ مار کیتی جائے۔ نادر شاہ جتھوں وی لنگھد اسڑ دیاں بستیاں پچھے چھڈ جاندا۔

ایہ..... 1717ء توں 1738ء تیکر دا زمانہ ہے جنہوں ساڈا محبوب بُھے شاہ وی کھلی



اکھیں ویکھداتے ہو کے بھر دار ہندا اے۔

تو ارنج وچ مغلاں دا آخری زمانہ اورنگ زیب توں بہادر شاہ تیکر وچ لکھیا ہے کہ صفوی بادشاہ نوں نادر شاہ قلی دی شکل وچ نجات دہندہ بن کے ملیا سی جسے 1729ء وچ افغانیاں نوں مار کے ایران چوں کدھ دتا تے 1736ء وچ اوہ تخت داما لک بن کے بہہ گیا۔ (ڈاکٹر ایس اکرام)

نادر شاہ نوں ایران دا نیولین آکھیا جاندا ہے۔ ارون دے آکھن موجب اوہ صرف اک سپاہی یا وحشی قبیلے دا سردار ای نہیں سگوں سیاسی حکمت عملی دے نال اک وڈا بہادر تلووار باز وی سی۔ اونھے 1739ء وچ ہندوستان اُتے حملہ کیتا۔ اوہدے حملے دے کئی ہو رکارناں توں اڈ اک وجھا ایہ وی سی کہ

نادر شاہ افغانیاں توں قندھار خالی کروانا چاہندا سی۔ اونھے مغل بادشاہ محمد شاہ رنگیلا نوں افغانی سرحد بند کرن لئی آکھیا تاں جے قندھار توں باغی نس کے ایدھر آ کے پناہ نہ لین۔ یاں اوہ کابل نہ آؤن۔ رنگیلے نے گلیں باتیں چنگا جواب دتا پر کوئی عملی کم نہیں کیتا۔ نادر شاہ نے رنگیلے کول اک قاصد گھلیا۔ رنگیلا اپنیاں عیاشیاں وچ رجھار بیا اک سال تیکر نہ کوئی جواب دتا نہ ای قاصد نوں واپس گھلیا جس توں نادر شاہ غصے وچ آ گیا۔ تے فیر اوہ نوں ہندوستانی خزانے وچ دولت دے ڈھیر وی یاد آئے۔ اونھے افغانستان دے رستے ہندوستان آ کے دھاڑ کرن دا فیصلہ کیتا۔ مئی 1738ء وچ اونھے غزنی جون وچ کابل تمبر وچ جلال آباد تے قبضہ کر لیا تے نومبر وچ اونھے پشاور نوں جیر لیا تے فیر جنوری 1738ء وچ اونھے لاہور تے قبضہ کر لیا۔

آنند رام نے اپنی کتاب ”تذکرہ“ وچ لکھیا اے کہ ایس وچالے ایس سوہنے ملک اتے جہڑی تباہی تے ویرانی نازل ہوئی اوہ نوں بیان نہیں کیتا جاسکدا۔ گجرات وزیر آباد تے ایمن آباد جسے ماہاتے جتے انسانی آبادی وی بہت سی سارے مٹی دا ڈھیر ہو گئے سن کے دی عزت باقی نہیں رہی کسے وی تشدد توں بچھ نہیں روکیا گیا کسے وی طرحاں دا کوئی مال ڈاکوواں وی لٹ مارتوں نہیں بچیا عورتاں دیاں عزتاں وی محفوظ نہیں رہیاں۔

نادر شاہ چڑھائی کر دیا دلی تیکر پہنچ گیا ایس وچالے کرنال وچ ہون والی لڑائی وچ مغل فوجاں نوں ہار ہوئی تے 50 لکھے روپے وچ واپسی دا سودا ہو یا نادر شاہ نے اپنیاں فوجاں دے آرام لئی دلی وچ رکن لئی آکھیا تے نال اچی 50 لکھے روپے آؤن دا انتظار کرن لگ پیا۔

نادر شاہ نے دلی اُتے قبضہ کر لیا تے فیر اوہدے ناؤں داسیتاں وچ خطبہ پڑھیا گیا۔ چیتے رہوے کہ جدوں وی اک بادشاہ دی تھاؤں دو جا بادشاہ آؤند اسی اوہدے ناؤں دا مسیتے خطبہ پڑھیا جاندا سی۔ پر بھیڑی قسمت ایہ ہوئی کہ اوس ویلے شہر وچ ایہ افواہ کھل گئی کہ نادر شاہ نوں کسے نے قتل کر دتا ہے جس توں مقامی لوکاں دی حوصلہ ددھائی ہوئی تے اوہناں کئی نہتے ایرانیاں نوں قتل کر دتا۔ اک روایت وچ ایہ گنتی 9 سو دی گئی۔ جس دے مگروں نادر شاہ دلی دے لوکاں تے عذاب بن کے نازل ہو یا اونھے قتل عام دا حکم دتا جس دے نٹے وچ 30 ہزار بندے مارے گئے توڑ پھوڑ ہوئی، اگاں لکیاں، لٹ مار ہوئی، عورتاں دی عزت محفوظ نہیں رہی نہ کوئی بڑھا بچیا نہ کوئی بال۔ کیمرج ہسٹری آف انڈیا موجب ایہ ایس عذاب دا سلسلہ 9 گھنٹے جاری رہیا۔

آنند رام دے موجب شاہی خزانے دے سارے ہیرے موتی تے دولت نادر شاہ دے حصے وچ آئی اوہنوں اندازاً 60 لکھ روپے تے ہزاراں اشرفیاں ملیاں، اک کروڑ روپے دیاں سونے دیاں پلیٹیاں تے 50 کروڑ روپے دے ہیرے موتی ہتھیں آئے ایہدے توں دکھ شاہجہان دا تخت طاؤس وی اوہدے قبضے وچ آ گیا، ہاتھی، گھوڑے تے جہڑی شے وی پسند آئی اوہ قبضے وچ کر لئی گئی۔ نادر شاہ واپس جان لگاتے اونھے بادشاہ دے سرتے مڑ کے تاج رکھ دتا۔ بادشاہ نے خوش ہو کے کشمیر سنے دریا ئے سندھ توں پار دے علاقے جہاں وچ ”ٹھٹھہ“ وی سی اوہنوں تحفے وچ دے دتے۔ پنجابی سوجھوان تے سیانے سجاد حیدر لکھدے نیں کہ

10 جنوری 1739ء نوں نادر شاہ افشار شالا مار باغ وچ آن لتھا۔ سارا دن صوبے دار ذکر یا خان اوہدیاں فوجاں نوں شہر وچ داخل ہون توڑ کد ارہیا۔ پر جدوں دلی ولوں امداد نہ ہوئی تاں ہندوستانی سپاہ وی لبور توں بارہاں میل پچھا نہہ شکست کھا گئی تے اوہنے صلح دی درخواست

کرن وچ ای اپنی سلامتی سمجھی۔ 12 جنوری نوں آپ نادر شاہ اگے جا حاضر ہو یا تے کجھ قد آور ہاتھی قیمتی تحفے تے نادر شاہ نے شہر نوں امان دین واسطے ویہہ لکھ روپے تاوان مقرر کیتا۔ جیہڑا 14 جنوری نوں صوبے دار ادا کر دتا تے شہر بچا لیا۔ نادر شاہ لاہور وچ سولہاں دن ٹھہریا۔

نادر شاہ دے حملے نال پنجاب اتے بڑی تباہی آئی۔ وزیر آباد اکیمن آباد تے گجرات جے شہر نالے سارے روڈے قصبے لٹ لئے گئے تے ساڑ دتے گئے۔ کھڑیاں فصلاں تباہ کردتیاں کنیاں تے عورتاں چکیاں کنیاں۔ نادر شاہ دیاں فوجاں دی واپسی توں کچھے وی کنا چر سارا صوبہ لٹ مارتے چوری ڈاکے دی شورش نال بالکل غیر محفوظ رہیا۔ دلی فتح کرن توں بعد نادر شاہ نے لاہور دے صوبے دار اتے ایہہ ڈن لایا سی ہر سال ویہہ لکھ روپے ایرانی فاتح دے خزانے وچ داخل کرایا کرے گا۔

1748ء وچ محمد شاہ رنگیلے دے مرن مگروں اوہدا پتر احمد شاہ دلی دے تخت اُتے بیٹھا اوہ بیونالوں وی چار ہتھ اگے سی۔ اوہ کئی کئی مہینے دربار وچ ای نہیں آؤندا سی اوہدا زنا تے محل چار میل وچ کھلریا ہو یا سی اوہدے وچ دنیا جہان دیاں سوہنیاں عورتاں کٹھیاں سن اوہ مردانہ کھیڈاں جھڑیاں میدان وچ کھیڈیاں جاندیاں نیں اوہ اپنے محل وچ ای کھیڈ داسی جہدے وچ عورتاں دے لباس نہ ہون دے برابر ہوندے سن۔

ایہ اوہ زمانہ سی جدوں بنگال، بہار تے اڑیسہ آزاد ریاستاں بن کنیاں سن، گجرات وچ مرہٹاں لٹ مار شروع کیتی ہوئی سی، مغل حکومت ختم ہو گئی سی۔ اودھ تے روہیل کھنڈ وی عملاً وکھرے ہو گئے سن دکن وچ نظام الملک نے وی آزادی دا ہوکا دے چھڈیا سی۔ بادشاہ صرف عیاشیاں وچ ای رُجھار ہندا سی۔

اوس ویلے لاہور دا گورنر میر منوسی اوہ اک پاسے تاں مرہٹاں تے سکھاں دی بغاوت دا مقابلہ کر رہیا سی ایس صورت حالات وچ احمد شاہ ابدالی حملہ کر دتا پر اوہنوں پنجابیاں کولوں ہار کھانی پئی۔ پراہیدے توں سکھاں نوں ہور پکیاں ہون دا موقع مل گیا۔ ابدالی 1748ء وچ نویں طاقت نال حملہ آور ہو یا اوہدے آؤن توں پہلے ای میر منو سارے پنجابیاں نوں لاہور





پہنچ لئی آکھیا ملتان تے جالندھر دے نائب گورنر فوجاں لے کے لاہور آ گئے۔ دوویں چمہاں دے کنڈھے تے فوجاں کٹھیاں ہو مکیاں۔ آ منا سامنا ہو یا پر لڑائی توں پہلوں ای معاہدہ ہو گیا۔ گورنر پنجاب 50 لکھ روپے تاوان دین تے راضی ہو گیا کیوں جے دہلی سرکار نے اوہدی کوئی مدد نہیں کیتی تے اوہنوں اوہدے حال تے چھڈ دتا سی۔ ایس توں مگروں پنجاب دے گورنر میرمنو نے اپنی طاقت ودھانی شروع کردتی تے تاوان دین توں انکار کردتا جس توں ابدالی تیجے حملے لئی فیر آ گیا ایہ 1751ء دا زمانہ سی احمد شاہ ابدالی نے چمہاں پار کر کے سوہدرے دے مقام اُتے ڈیرے لا دتے تے اپنا اک نمائندہ گل بات لئی فیر منو کول گھلیا۔ مذاکرات کامیاب نہیں ہوئے ابدالی سوہدرہ توں شاہدرے آ گیا۔ ایدھروی پوری تیاری شروع کی۔ پنجابیاں نے پہلے ای باہر نکل کے شاہدرے پہنچ کے خندق کڈھ لئی سی جو یں ای ابدالی سامنے آیا تے ایدھروں توپاں دے مونہ کھل گئے۔ ابدالی پچھانہ بٹن تے مجبور ہو گیا سی کہ اچانک راجہ کوڑا ل فوٹوں اک افغانی نے قتل کر کے اوہدا سرا اچا کردتا پنجابیاں دی فوج دادل ٹ گیا پر فیروی اوہناں مقابلہ جاری رکھیا ایس وچالے میرمنو دا اک ہو ر جنیل محمود بوٹی پنڈ نیڑے مار یا گیا جس توں فوجیاں دے حوصلے ٹ گئے میرمنو نے اپنی فوج فوٹوں واپسی دا حکم دے دتا تے شہر تے قلعے وچ دفاعی پوزیشن بنالئی۔ میرمنو نے اک واری فیر صلح لئی اپنا اک وزیر گھلیا خالاں ایہ وی آکھیا جاندا ہے کہ جو صلح دی درخواست نہ ہوندی تے ابدالی آپ گھیر لچھڑن تے مجبور ہو جاندا۔ پر میرمنو دے سارے وزیر صلح دے حق وچ سن۔ ایس طرحاں ابدالی تے میرمنو وچ معاہدہ ہو گیا ایہدے لئی دوواں وچ ملاقات دا بندوبست کیتا گیا۔ چھتے رہوے کہ اوس ویلے تیکر پنجاب تقریباً خود مختار ہو گیا سی جدوں اوہ احمد شاہ ابدالی دے سامنے پیش ہو یا تے اوہنے پچھیا۔

توں ایہی دیر پہلو کتھے سیس؟ جہڑا اپنے آقادی سیوا وچ حاضر نہیں ہو یا۔ منو آکھیا۔

میرا آقا رہو اے تے میں اوسے دی سیوا وچ سی۔ احمد شاہ ابدالی آکھیا۔

تے فیر اوہنے تینوں ایس تباہی توں کیوں نہیں بچایا؟ میرمنو نے جرات نال آکھیا۔

میرے آقا نوں یقین سی کہ اوہدا خادم اپنی آپ راکھی کر سکدا اے۔ ایہدے مگروں ابدالی پچھیا، فرض کر جے میں تیرے سامنے گرفتار ہو کے پیش ہوندا تے توں میرے بارے کیہ حکم دیندا؟ میر منو آکھیا۔

میں تینوں لوہے دے پنجرے وچ بند کر کے اپنے آقا کول بھیج دیندا۔ ابدالی آکھیا۔ ہن جدوں توں میرے رحم تے ہیں توں میرے کولوں کھڑے سلوک دی امید کردا ایں۔ ایہدے تے پنجاب دے گورنر آکھیا۔

جے توں سودا گراں تے مینوں وچ دے۔ جے توں جلا دایں تے مینوں قتل کر دے پر جے توں بادشاہ ایں تے فیر شاہی طریقے نال مینوں معاف کر دے۔ پنجاب دی دھرتی دے ایس وسنیک میر منو دے جواب توں احمد شاہ ابدالی بہت خوش ہو یا۔ اوہنوں اٹھ کے گل نال لایا تے آکھیا۔ فرزند خان بہادر رستم ہند دا خطاب دتا تے اوہنوں اپنے ہتھیں اک واری فیر پنجاب دا گورنر بنا دتا تے اوہدی خواہش تے سارے قیدی وی رہا کر دتے۔

اے ایہناں زخماں چوں لہور سنا بند نہیں ہو یا سی۔ احمد شاہ ابدالی 12 جنوری 1748ء نوں لہور آن اپڑیا۔ لہور دا صوبے دار شاہ نواز خان دلی ول نس گیا تے درانی بادشاہ نے قصور دے افغان سردار جہان خاں نوں اوہدی تھاں صوبے دار مقرر کر دتا۔ فیر اوہ پنجاب دے علاقے وچ 16 مارچ تیکر منو پور دے مقام اتے تے ستلج دے کنڈھے اُتے کجھ ہور لڑائیاں لڑ کے پچھانہہ افغانستان مڑ گیا۔ ایہ افغان بادشاہ او سے سال دسمبر وچ مغل شہنشاہ محمد شاہ دی موت دی خبر سن کے دوبارہ پنجاب اُتے حملہ آور ہو یا۔ لہور دے صوبے دار میر منو سوہدرے کول افغان فوجاں داراہ ڈکیا۔ پر لڑائی دی نوبت نہ آئی تے میر منو نے احمد شاہ ابدالی نوں پنجاب دے چار ضلعیاں، سیالکوٹ، ایمن آباد، پسرور تے امرتسروں تری 23 میل دور ترن تارن دے پاسے و اے ”محال“ اورنگ آباد دا لگان دین دا معاہدہ کر کے افغان فاتح نوں واپس کابل پرت جان تے راضی کر لیا۔ جہناں دتاں وچ میر منو احمد شاہ ابدالی دے حملے دا مقابلہ کرن لہوروں باہر گیا ہو یا سی، سکھاں لہور وچ وڑ کے خوب لٹ مچائی۔



بہر حال اک پاسے تان ابدالی دا آؤنا جانا ہوندا رہیا تے دوجے پاسے سکھ وی اک سیاسی قوت بن کے ابھر دے رہے۔ تے فیرانجی وی ہویا۔ سجاد حیدر لکھدے نیں۔

احمد شاہ ابدالی دی واپسی توں بعد پنجاب بڑے چر تک شدید بد امنی دا علاقہ بنیا رہیا۔ سکھاں نے فیر غریبی جی حالات دا فائدہ اٹھایا تے سارے صوبے وچ افرا تفری مچا دتی۔ میرمنو نے سکھاں دی پناہ گاہ ”لکھی جنگل“ اتے چھاپہ مروایا۔ سکھ جدوں جنگل وچوں نکل کے تلج دی اک بیٹ ول آئے تے اوہناں دا بڑا جانی نقصان ہویا۔ 1753ء وچ پالے دی رتے سکھ فیر لہور دیاں کندھاں تیکر آ گئے۔ میرمنو آپ اوہناں دی سرکوبی واسطے نکل کے راوی دے کنڈھے اتے خیمے گڈ دتے۔ فیر صوبے دار دے لشکریاں لہ لہ کے دیہاڑی دے پنجاہ پنجاہ سکھ گزراں تال مارے۔

جدوں معاہدے دی خلاف ورزی کردیاں ہوياں دہلی دربار نے لہور دا صوبہ تریہہ لکھ روپے خرچ دے بدلے آدینہ بیگ نوں دے دتا تے احمد شاہ ابدالی چوتھی واری پنجاب اتے حملہ آور ہویا۔ 1756ء دے اخیر وچ جدوں احمد شاہ ابدالی لہور دے نیڑے اپڑیا تے آدینہ بیگ شہر چھڈ کے ہانسی حصار ول نس گیا۔ دیوں پرت کے احمد شاہ نے پنجاب دی حکومت اپنے ہتھ وچ لے لئی تے اپنے بیٹے تیمور شاہ نوں لہور تے ملتان دوواں صوبیاں دا ناظم مقرر کر کے آپ قندھار ول فر گیا۔

آدینہ بیگ اپنی فوج وچ سکھ تے مرہٹے بھرتی کر کے پنجاب وچوں تیمور شاہ نوں کڈھن دا چارہ کیتا۔ اوہ 1758ء نوں اک واری فیر لہور وچ داخل ہویا۔ مرہٹیاں صوبے وچ ہر پاسے لڑائی دا بازو گرم کر دتا۔ کچھی سرانج نیڑے فوجاں دا ٹاکرا ہویا تے اوہ شکست کھا کے کابل ول نس گئے۔ مرہٹے آدینہ بیگ کولوں پچھتر لکھ روپے دے خرچ دا وعدہ لے کے دکن پرت گئے۔ علی عباس جلال پوری ہوری آدینہ بیگ خان بارے دسدے نیں۔ ایہ شرچہ پور دے اک کنکال اراکین چنوں دا پتر خنی جہد ازلدا کھلدا اک مغل امیر دا پیادہ بن گیا۔ جو اپنی عقل تے ہمت تال جالندھر صوبے دار ہو گیا۔ دینا نگر دا شہر اوسے نے ہی اپنے ناؤں اتے وسایا سی۔



آدینہ بیگ بہوں چتر چالاک سی۔ اوہ مغلاں، سکھاں، مرہٹیاں تے ابدالیاں نوں اک دو جے نال لڑا لڑا کے اپنا ٹٹھیلدا رہیا، پہلاں سکھاں نوں کٹیا فیروہناں نال رل کے ابدالیاں دے خلاف سازش کیتی فیروہ مرہٹیاں نوں لاہور بلا کے ابدالیاں نوں ایتھوں کڈھا دتا۔

احمد شاہ ابدالی اپنے پتر دی شکست دا بدلہ لین اک واری فیروہ پنجاب اتے حملہ آور ہو یا۔ آدینہ بیگ اوس ویلے بیاس دے کنڈھے جلال آباد وچ ٹھہریا ہو یا سی۔ احمد شاہ دے حملے دی خبر سن کے اوہ دریاتوں پار پہاڑاں وچ جا کے لُک گیا تے حملہ آور فوجاں دے ہندوستان توں نکل جان توں بعد ای دو آب نوں واپس آیا۔ پر او سے سے روہیلیاں تے ملیر کوٹلے دے افغاناں آدینہ بیگ دے خلاف بغاوت کردتی۔ بڑیاں خون ریز لڑائیاں ہوئیاں تے بڑے نقصان مگروں آدینہ بیگ بغاوت مکا سکيا۔ ایس کامیابی نال آدینہ بیگ دا پنجاب اتے ہتھ مضبوط ہو گیا۔ پر ہنس اوہ لہور وچ نہیں سی رہنا چاہوندا تے اوہنے بٹالے نوں اپنا صدر مقام بنا کے ملتان تے لہور وچ اپنے ناظم مقرر کر دتے۔ لہور وچ اوہ انا ب خوجہ مرزا خان سی۔ پہاڑی راجیاں وی اوہدی اطاعت قبول کر لئی تے مغلیہ دربار نے اوہنوں مظفر جنگ بہادر دا خطاب دے کے پنجاب دے آزاد حکمران دی حیثیت دے دتی۔

پروفیسر عزیز الدین احمد کہندے نیں کہ احمد شاہ ابدالی افغانیاں دا ہیرو تہاں ہے کہ اوہنے دنیا دے نقشے اتے پہلی واری افغان حکومت تے ریاست دی نینہ رکھی پر اوہ وی وسطی ایشیاء دے ہور دھاڑویاں وانگوں لیرا ہی ثابت ہو یا۔ اوہنے 22 درہیاں وچ پنجاب دے رستے ہندوستان اتے 9 حملے کیتے جو ہتھیں لگا اوہ کابل لے گیا کجھ تے اوہدی فوج نے لٹیا تے کجھ اوہ تاوان دی شکل وچ لے جاندا رہیا لوکاں دی صدیاں توں کٹھی کیتی جمع پونجی کابل دے بازاراں وچ وکدی رہی۔ اوہ جدوں وی لٹ مار کردا قبائلیاں دے جتھے اوہدے لشکر وچ شامل ہو جاندا ایہ اوہ قبیلے سن جہڑے پہاڑی تے بارانی علاقے نال تعلق رکھدے سن جتھے واہی نیجی نہیں ہوندی سی۔

نادر شاہ دے مرن مگروں اکتوبر 1747ء وچ احمد خان قندھار دے تخت اتے بیٹھا تے

اپنا ناؤں احمد شاہ رکھیا ایسے زمانے پنجاب دے صوبیدار شاہنواز خان دا اوہنوں خط ملیا کہ اتھے تہاڈا مقابلہ کرن والا کوئی نہیں۔ تسی کسے پریشانی توں بناں آسکدے او۔ تسی بادشاہ ہوو وگے تے میں تہاڈا وزیر۔

مغلاں دے آخری دور وچ لکھیا ہے کہ نادر شاہ دے جان مگروں ملتان تے لاہور اُتے ذکر یا خان دی حکومت بنی اوہدے مرن مگروں اوہدا پتر شاہنواز خان حکمران ہو یا اوہنے احمد شاہ ابدالی نال خط پتر دادا رابطہ رکھیا۔ اوہدے چاچے قمر الدین جہڑا احمد شاہ رنگیلے دا وزیر سی شاہنواز نال وعدہ کیتا کہ جے اوہ احمد شاہ نال تعلق چھڈ دیوے تے اوہنوں کابل کشمیر ملتان تے سندھ وی دے دے جان گے ایسے پچھو کڑ جدوں احمد شاہ نے ہندوستان اُتے حملہ کرن لئی اوہدی مدد تے راہ منگیاتے اوہنے انکار کردتا جس توں احمد شاہ غصے وچ آ گیا تے تن ہزار فوجی لے کے بلہ بول دتا شاہنواز نوں لاہور وچ ہار ہوئی۔

عزیز الدین احمد کہندے نیں کہ شاہنواز خان مقابلہ نہیں کر سکیا تے لوکاں نوں کلیاں چھڈ کے آپ دلی نس گیا تے احمد شاہ ابدالی نے دیوان لکھپت رائے نوں لاہور دا صوبے دار بنایا تے آپ کابل پچھانہ پرت گیا ایس توں پہلے لاہور دے آل دوائے مغل پورہ تے بیگم پورہ نوں جہڑی امیراں تے وزیراں دی آبادی سی راج کے لٹیا ایستھوں ابدالی نوں ایناں کجھ ملیا کہ اوہنوں چکن لئی اوہدے کول سواریاں ہی نہیں سن اوس دے نال ای اوہنے لاہور دے بے گناہ شہریاں توں 30 لکھ روپے تاوان وی کٹھا کیتا دو سال مگروں 1749ء وچ احمد شاہ ابدالی دوجی وار حملہ آور ہو یا ایس حملے دا بھاویں اوہدے کول کوئی بہانہ نہیں سی۔ پنجاب دے گورنر میر منو نے دلی توں امداد لئی کئی چٹھیاں لکھیاں پر کوئی مدد نہیں ملی۔ میر منو نے اپنی فوج لے کے سوہدرہ دے مقام اُتے احمد شاہ ابدالی دا مقابلہ کیتا پر اوہنوں ہار ہوئی۔ مہن اوہدے کول اپنی گورنری تے لوکاں نوں بٹ مار توں بچاؤن لئی اک ای رستاسی کہ احمد شاہ ابدالی دیاں منگاں پوریاں کرے جو ایہ سی کہ سیالکوٹ، ایمن آباد، پسرور تے اورنگ آباد دا مالیہ ہمیشہ لئی احمد شاہ ابدالی دے ناؤں کردتا جائے۔ وچارے مجبور میر منو نے ایہ مطالبہ تسلیم کر لیا۔

میر منوالیس توں مگروں دلی توں عملاً آزاد ہو گیا تے اوہنے آپ ای وزیر مشیر بنانا شروع کردتے اوہدے پنجاب وچ ڈھول و جن لگ پئے تے اوہنے احمد شاہ ابدالی نوں چار ضلعیاں دی آمدنی نہ دین دا فیصلہ وی کیا احمد شاہ ابدالی نے ایہ رقم نہ ملن دی پچھ گچھ کیتی تے آکھیا ابدالی فوج دے کئی واری آؤن نال لوکاں تباہ ہو گئی اے ایہ فوج ایہتھوں چلی گئی تاں زمینداراں کو لوں بالیہ وصول کرن دا بندوبست کیا جائے گا۔ ابدالی نوں ایہ بہانہ چنگا نہیں لگاتے فوج لے کے چڑھائی کردتی۔

1754ء وچ ابدالی نے پنجاب اُتے تیا حملہ کیا۔ ایہد اہور دے شہریاں بہادری نال مقابلہ کیا۔ ابدالی فوج نے لہور نوں چارے پاسیوں گھیرے وچ لیا ہویا سی شہر دے لوکاں چار مہینے تیکر ہتھیار نہیں سئے پر جدوں کھان پین دی کوئی شے نہ بچی گھوڑیاں دے کھان نوں وی سکے چھڑرہ گئے تے اوہناں باہ نکل کے مقابلہ کرن دا فیصلہ کیا۔ 14 اپریل 1754ء نوں محمود بوٹی نیڑے دوہاں فوجاں دا آمناسا منا ہویا سویر توں شام تیکر ایہ لڑائی ہوندى رہی انج لگداسی کہ دوویں دھڑے برابر نہیں پر اخیر میر منودی فوج نوں ہار ہوئی تے اوہ آکے شہر وچ لک گیا۔ دو جے دن اوہنے ایہ جان لیا کہ جنگ وچ کامیابی ممکن نہیں اوہنے ابدالی نوں شالا مار باغ نیڑے صلح کرن لئی سنبھیا گھلیا تے آپ اوہدا ملازم بن کے رہن دی عرض کیتی۔ ابدالی نے اوہنوں اپنے دربار بلایا تے اوہدی بہادری دی سلاہنا وی کیتی تے بہت زیادہ عزت وی کیتی ایس موقعیا تے صلح لئی نویاں شرطیں طے ہوئیاں کہ لاہور دے ناظم بادشاہ نوں 50 لکھ روپے نقد کچھ سونے دیاں کاٹھیاں والے گھوڑے تے ہاتھی وی دے گا۔ میر منو نے ایہ شرطیں من لیاں تے احمد شاہ ابدالی نے اوہنوں جالندھر لاہور تے کوہستان دی حکومت دی سند دے دتی تے کچھ دن مقبرہ جہانگیر وچ گذارن توں بعد فیر کابل پرت گیا۔

1756ء وچ احمد شاہ ابدالی پنجاب اُتے چوتھا حملہ کیا ایہ اوہ زمانہ سی جدوں میر منو چلانا کر گیا سی تے اوہدی زنانی نوں وی دلی دے دربار نے چھٹی کر ادتی تے اوہنے بدلہ لین لئی احمد شاہ ابدالی نوں خط لکھیا تے آکھیا۔



شاہجہان آباد وچ کروڑاں روپے تے مال خزانہ نیا ہو یا اے جد کہ میرمنو دے پیر  
قمر الدین خان دی حویلی وچ وی سونے چاندی دے ڈھیر نہپے ہوئے نیں جد کہ بادشاہ عالمگیر  
ثانی تے اوہدے درباریاں وچ وی بہت زیادہ کھچ دھرواے۔

ایس خط پاروں احمد شاہ ابدالی نوں اک ہور حملہ کرن دا بہانہ مل گیا اوہ 1755ء دے  
اخیر وچ قندھار توں لاہور پہنچ گیا مرزا آدینہ بیگ جنہوں دلی دے بادشاہ نے لاہور دا حکمران بنایا  
سی اوہ مقابلہ نہیں کر سکيا احمد شاہ اپنے پتر تیمور نوں لاہور چھڈ کے آپ دلی ول روانہ ہو یا تے راہ  
وچ ہر شہر تے پنڈ نوں لٹ دا تے تباہ کر دا گیا احمد شاہ نے دلی وچ داخل ہو کے خواب لٹ مار  
کیتی تے اوہ بھیڑے وقوعے جہڑے نادر شاہ دے حملے ویل ہوئے سن اک واری فیر تازہ  
ہو گئے احمد شاہ وی وحشی فوج نے شہریاں اُتے حشر نازل کیتی رکھیا، احمد شاہ ابدالی دی اپنے پتر  
بھتیجے دے ویاہ مغل شہزادیاں نال کیتے تے پچھانہ پرت گیا۔

پروفیسر عزیز الدین لکھدے نیں کہ ایہ اوہ زمانہ سی جدوں پنجاب دی راکھی کوئی دلی سرکار  
دے دس وچ نہیں رہی سی لاہور اُتے احمد شاہ ابدالی دا پتر تیمور خان حاکم تے بن گیا سی پراوہنوں  
سکھاں تے آدینہ بیگ ورگیاں پنجابی طاقتاں دا مقابلہ کرنا پے رہیا سی۔ بھاویں سچ تاں ایہ وی  
ہے کہ تیمور شاہ تے اوہدے جرنیل جہان خان نے سکھاں دے خلاف لڑائی نوں مذہبی جنگ  
قرار دتا تے افغانی فوج نے امرتسر اُتے حملہ وی کیتا قلعے نوں برباد وی کردتا، دربار صاحب  
دے پانی والے تالاب نوں مٹی نال بھر دتا گردوارے وچ گندھت کے اوہدی نکھدی کیتی۔ جس  
توں سارے سکھ کٹھے ہو کے لڑن لگ پئے تے افغانی فوج نوں شکست ہوئی تے افغانی لاہور آ  
کے قلعے وچ بند ہو گئے۔ سکھ اوہناں دا پچھا کر دے لاہور آ گئے تے اوہناں آسے پاسے دے  
پنڈاں وچ مالیہ کٹھا نہیں ہون دتا ایہ ہماری کہانی 1757ء تیکر دی ہے جدوں تیک ساڈا محبوب  
بلکھے شاہ جیوندار ہندا ہے تے ایس سارے حالات اُتے کئی کچھوں ہرکھ دکھالا کر دا ہے تے ایہ  
نوحہ وی لکھدا ہے کہ

درگھلا حشر عذاب دا بُرا حال ہو یا پنجاب دا

پر سچ تاں ایہ ہے کہ ایہ زمانہ تواریخ دا موڑی۔ ایس توں بعد پنجاب تے پنجابیاں نوں کئی  
سالاں تیکر آرام تے سکون نہیں مل سکيا۔ بلکھے شاہ ایسے منظر نامے نوں دیکھن توں پہلوں ای  
چلانا کر گیا خورے ایسے وچ ای اوہ بہتری سمجھدا سی تے اوہنے ایس سدھر دا دکھالا وی کیتا سی۔

مونہ بارہویں صدی پسار یا سانوں آمل یار پیار یا

ایس پچھو کڑاک روایت تاں ایہ وی ہے کہ چودھویں صدی نوں مذہبی وچار دھارا وچ  
چنگا نہیں سمجھیا جاندا سی پر ایہو جی صورت حال تے بارہویں صدی وچ ای سامنے آرہی سی جس  
نوں ویکھ کے بلکھے شاہ ”یار“ نوں بلایا تے وصل دی خواہش کیتی تے محبوب نے وی اوہدی  
خواہش نوں من لیا۔ بلکھے شاہ ہور تباہی تے بربادی دیکھن توں پہلوں ای چلانا کر گیا۔

کیوں جے سچ تاں ایہ وی ہے کہ اوہدے مگروں مرہٹیاں وی لہور اُتے قبضہ کیتا تے  
سکھاں نے وی لہہ نوں تباہ کرن وچ کوئی کسر نہیں چھڈی تے ایہ شہر اوہدے مرشد اوہدے  
محبوب تے اوہدے پیارے دا وی سی۔ تے ایہ پنجابیاں دی تہذیبی تے ثقافتی پہچان وی سی  
جس بارے اج وی آکھیا جاندا ہے کہ جے لہور نہیں دیکھیا اوہ جمیا ای نہیں۔

☆☆☆



## کہوں تیغ بہادر غازی ہو

انج تے ایہ گل حیران جوگ ہے کہ تیغ بہادر دا وقوعہ 1675ء وچ اورنگ زیب دے دربار وچ ہوندا ہے جد کہ بلھے شاہ دا جنم ورہا 1680ء گنیا جاندا ہے ایس طرحاں ایہ وی آکھیا جا سکدا ہے کہ جدوں تیغ بہادر نوں قتل کیتا جاندا ہے بابا ایہد اکوئی پکا عصری گواہ نہیں اوہدے کول ایس قتل دی کہانی اوس ویلے آئی جدوں اوہ آپ وی سوجھ سیانف دے پینڈے ٹر پیاسی۔ دوجی گل ایہ وی ہے کہ ایس قتل نے اورنگ زیب حکومت تے سکھاں وچ کھجج ہو روی ڈونگھی کردتی سی تے دوباں دھراں وچ کھڑبا کھڑبی ودھ گئی سی تے اوہدے پنجاب دے سماج اُتے وی چوکھے اثر پے رہے سن ایس لئی اک سوجھوان دی حیثیت وچ بلھے شاہ ایہدی آپ وی ٹوہ لائی ہووے یاں فیر ایس وقوعے دے کارن سمجھن لئی کھوج پرکھ کیتی ہووے۔ تے جہڑی گل اوہدی سمجھ وچ آئی ہووے اوہدی بنیاد اُتے اوہنے تیغ بہادر نوں غازی آکھیا ہووے۔

کہوں منبر تے بہہ قاضی ہو

کہوں تیغ بہادر غازی ہو

اک سدھاساواں ..... نکتہ تاں ایہ وی ہے کہ بلھے شاہ دے ہاں فنادا کوئی تصور نہیں ملدا۔ اوہ موت نوں وی سفر دا اک موڑ آکھدا ہے سگوں بہت ساریاں تماداں تے ایہ وصل دا ذریعہ وی ہے اوس حقیقی وصل دا جس دی خواہش وچ صوفی حیاتی دیاں



اوکڑاں برداشت کردا ہے۔

ایس لئی ہوسکدا ہے کہ بکھے شاہ تیغ بہادر نوں غازی آکھیا ہووے۔ یاں فیرموت نوں گل لاؤن دے باوجود اوہنوں جیوند اجاگدا آکھیا ہووے۔

پراہند اک سیاسی کچھ وی ہے کہ تیغ بہادر تاں مر گیا پر سماج اُتے جہڑے اوہدے اثرات ہوئے۔ گروتیغ بہادر دے ایس قتل بارے وی تواریخ وچ کئی کہانیاں سامنے آؤندیاں نیں لگدا ہے کہ اک کہانی قاتلاں ولوں۔ ہے تے دوجی مقتولاں ولوں۔ سگوں انج وی ہے کہ اک بادشاہاں ولوں لکھی ہوئی تواریخ ہے تے دوجی اوہناں مذہبی لوکاں دی تواریخ ہے۔ جہاں گروتیغ بہادر دے قتل اُتے مذہب نوں پر پھلتا دتی سگوں ایس قتل اُتے اپنی سیاسی دکانداری وی بنائی۔ کیوں جے ایہ قتل سکھ مذہب تے تہذیب دا اک موڑ سی۔ ایس قتل نے سکھ ازم نوں اک نواں موڑ دتا تے فیرایہندے وچوں ای انتہا پسندی نے جنم لیا۔ جس دے ٹے وچ مسلماناں تے سکھاں وچ نفرت دا بوٹا جوان ہو یا تے فیر سکھاں دیاں دھاڑاں شروع ہوئیاں۔ سکھاں دے آپسی اختلاف وی سامنے آئے اک دوجے دی کٹ ماروی ہوئی تے فیر ایس کھڑیا کھڑی تے کھچ دھرو وچ سکھاں دیاں مثالاں وی بنیاں تے اخیر وچ ایسے توڑ بھن تے کھچ دھرو وچ رنجیت سنگھ دی حکومت بنی جہڑی سارے راجیاں نوں ختم کر کے مہاراجہ دی حکومت اکھوائی حالاں ایس وچالے ایہ وی سچ ہے کہ جہڑے ورہے یعنی 1758ء وچ بکھے شاہ چلانا کیتا۔ اوس ویلے لہور اُتے جسا سنگھ کلال دا قبضہ سی۔ گروتیغ بہادر سکھاں دے نویں گرو نیں اوہ 1664ء وچ گرو گدی تے بیٹھے تے 1675ء تیکر مرن ویلے تک ایس گدی اُتے بیٹھے رہے۔

پراہیں توں پہلے اک گل دھیان جوگ ہے کہ گرو ناناک تاں سکھ مذہب دے موڑھی سن جد کہ اوہناں توں مگروں گرو انگد تے گرو امر داس دا تعلق گرو ناناک جی دی اولاد وچوں نہیں سی، گرو انگد ضلع فیروز پور دے رہن والے سن 1530ء وچ اوہناں دی گرو ناناک نال ملاقات ہوئی اوہ بابا جی دے وچاراں توں بہت متاثر ہوئے ”بابا جی“ دی اوہناں نوں بڑا پیار کردے سن تے بابا ناناک دے مرن مگروں اوہ گرو گدی دے حقدار بنے۔ گرو جی

نے آپ ای اوہناں نوں آپنا جانشین بنایا جس توں اوہناں دی اولاد ناراض وی ہوئی۔ انگد جی تیراں سال تک گدی اُتے رہے تے 1552ء وچ چلانا کر گئے اوہناں توں مگروں گرو امر داس ایس گدی اُتے بیٹھے۔

گرو امر داس 1479ء وچ امرتسر دے اک کھتری خاندان وچ پیدا ہوئے سن اوہناں دے وچار سکھ مذہب وچ آؤن توں پہلے ہندوؤں والے ہی سن۔ اوہ اک غریب آدمی سن اوہناں دی کل جائیداد اک ٹٹوسی جس اُتے اوہ لون رکھ کے پنڈ و پنڈ وچ دے ہوندے سن۔ ایہو ای اوہناں دارزق سہارا سی، امر داس دی گرو انگد نال ملاقات ہوئی تے اوہ اوہناں توں بہت متاثر ہوئے اوہناں نال ہمیش لئی جڑ گئے۔ اوہ اپنے گرو دے نہان لئی روز پنج میل پنڈھ کر کے دریا توں پانی لیاندے سن امر داس ساری عمر کدی اپنے گرو ول کنڈ نہیں کیتی، گرو انگد نے اوہناں نوں آپنا جانشین بنایا، گرو امر داس 22 سال گدی تے بیٹھے تے لوکاں دی مذہبی سیوا کیتی۔ 14 مئی 1574ء نوں اوہ چلانا کر گئے، گرو امر داس نے اپنے جوائی نوں آپنا جانشین بنایا جہڑا گرو رام داس دے ناؤں اُتے مشہور ہوئے۔

حیرانی والی گل تاں ایہ ہے کہ جہڑا کم گرو ناناک جی تے گرو انگد جی نے سوچ سمجھ کے نہیں کیا اوہ گرو رام داس جی ہوراں کیوں کیا۔ فیرا یہ ریت ای بن گئی۔

گرو ناناک جی مہاراج نے اپنے پتراں سری چند نے لکھی چند نوں گرو گدی نہیں دتی حالاں اوہناں گرو ناناک جی دے مرن مگروں ایس وراثت دا دعویٰ وی کیا اپنے پیو دے سامنے ہر کھ و کھالا وی کیا تے اپنے پیو کولوں ایہدا اکارن وی پچھیا۔ پراوہ چپ رہے۔ تھوڑے جد مگروں اوہناں اپنی گھوٹن والی کوٹھی روڑی اُتے سٹ دتی تے اپنے پتراں نوں کہیا ایہ کوٹھی پھڑ کے لیاؤ دوویں پتر ای سوچن لگ پئے، گرو جی ہوراں لہنا کھتری نوں آکھیا کہ اوہ کوٹھی پھڑ کے لیا۔ اوہنے حکم سرمستھے تے رکھیا تے روڑی وچوں کوٹھی پھڑ کے لے آیا۔ تے فیرو گرو جی مہاراج ہوراں دور پئے اک مردار جانور دے ماس ول اشارہ کر کے اپنے پتراں نوں کھان لئی آکھیا دوواں پتراں نے گلیا سڑیا مردار ماس کھان توں انکار کردتا۔ گرو جی ہوراں لہنا

کھتری نوں آکھیا تے اوہ ماس کھان لئی ٹر پیا۔ گرو جی مہاراج ہوراں اپنے پتراں نوں آکھیا مقصد لئی محنت دے نال خلوص تے لگن دی لوڑ ہوندى اے اپنے گروتوں پھل پاؤن لئی مانتا فرما نبرداری تے خلوص ای اصل شرط ہوندى اے۔

ایہو ای لہنا کھتری سی جنہوں گرو ناک جی مہاراج ہوراں اپنے پنانا کرن توں کجھ مہینے پہلوں ای اپنا جانشین بنادتا سی تے اوہناں نوں مقرر کرن توں کجھ مہینے مگروں اوہ آپ وی اللہ نوں پیارے ہو گئے سن اوہناں ای لہنا کھتری نوں انگد داناؤں دتا سی گرو انگد جی نوں کجھ جے وچ ای ایہ محسوس ہو گیا سی کہ ناک جی دے پتر اوہناں دے گدی نشین ہون تے راضی نہیں تے اوہ آپ ای کرتار پور چھڈ کے امرتسر نیڑے کھنور چلے گئے سن۔ گرو ناک جی دے پتراں کرتار پور وچ اک وڈی عمارت بنوائی تے گرو جی مہاراج دی گدی سنبھال لئی تے گرو انگد جی ہوراں نوں گرومن توں انکار کردتا۔ کجھ لوکاں اوہناں دا ساتھ وی دتا تے اوہناں نوں ناک جی دا اصل وارث وی منشا شروع کردتا پر گرو ناک جی دے بھتیجن والے گرو انگد جی ہوراں دے ای نال رہے۔

گرو انگد جی ہوراں وی ناک جی دی بنائی ریت نوں ہی ٹورا دتا۔ اپنے پتراں دی تھاؤں زیادہ بہتر تے مناسب چیلے امر داس نوں گرو گدی تے بیٹھن دا اعلان کردتا کہ اوہو ای ناک جی دے چیلیاں دی راہنمائی کرن گے۔

گرو امر داس ہوراں وئی ایسے روایت نوں قائم رکھیا اپنے پتراں نوں گدی دا وارث نہیں بنایا سگوں اپنے جوانی نوں اہمیت دتی۔ پرفیروی ایہ سوال ضرور سامنے آیا کہ اوہناں انج کیوں کیتا۔ ایسے کارن ای اوہ رستا بنیا کہ آؤن والے گرو آں میرٹ تے شینڈرڈ دی تھاؤں اپنی اولاد نوں ای اہمیت دتی۔

اصل وچ ایہ تھوں تیکر گرو گدی 'تریت' لیاقت تے صلاحیت پاروں چلدی رہی پر فیرو جوتھے گرو رام داس توں ایہ موروثی شکل اختیار کر گئی تے فیرو ایہ سلسلہ اک طرحاں خاندان وچ شروع ہو گیا۔ جس اُتے بعد وچ کجھ اختلاف وی سامنے آئے، جہڑے ستویں اٹھویں



گرو آں دے زمانے وچ ہو رووی کھلھ کے سامنے آئے تے ایہدے وچ دلی سرکار نوں وی ملوٹ کیتا گیا۔

بہر حال پنجویں گرو گرو دارجن مل، گرو رام داس دے پترن (1518ء توں 1606ء)، گرو رام داس دے تن پترن وڈے دانائوں مہادیوسی جہڑا فقیر سی تے اوہ دنیا داری چھڈ کے سیلانی ہو گیا سی۔ دو جا پر تھی جہڑا پکا دنیا داری، ساریاں توں چھوٹا ارجن مل سی جہڑا اپنے پیو نال بہت عقیدت رکھدا سی تے اوہنوں مذہب نال وی بڑا پیاری، لہہنوں پیو نے گرو گدی لئی چنیا۔ چھیویں گرو..... گرو ہر گوبند (1606ء توں 1645ء) گرو دارجن دے پترن۔ جدوں اوہ گدی تے بیٹھے اوہناں دی عمر صرف یار ااں سال سی۔ گرو ہر گوبند دے چاچے پر تھی چند نے اوہناں دے بال پئے نوں جواز بنا کے گدی حاصل کرن دے جتن کیتے پر سکھاں نے اوہنوں دیوان چند و شاہ داسا تھی جاندے ہوئے اوہنوں قبول کرن توں انکار کردتا۔ گرو ہر گوبند 21 سال گرو گدی تے بیٹھے رہے۔ اوہ دیاں تن رانیاں تے پنج پترن۔

ستویں گروہ گرو ہر رائے (1645ء توں 1661ء) گرو ہر گوبند دا پوتا سی۔ ایہ امن پسند تے صلح جو شخصیت دے مالک سن۔ ایہناں دے دارا شکوہ نال وی ڈونگھے تعلق سن، جدوں شاہ جہان دے پتراں وچ راج گدی لئی جنگ ہوئی، دارا شکوہ ہار کھا کے پنجاب آ گیا تے گرو ہر رائے نے دارا شکوہ دی جت لئی دعاوی کیتی جد کہ کچھ لوکاں دا ایہ وی کہنا ہے کہ گرو ہر رائے نے اوہدی اخلاقی تے فوجی مدد وی کیتی سی جس دے سٹے وچ کچھ سکھ جتھے اورنگ زیب دے خلاف وی لڑے پر اوہناں نوں ہار ہوئی۔ اورنگ زیب نے راج گدی حاصل کر کے گرو ہر رائے نوں گرنیتھ صاحب وچ کچھ اسلامی عقیدیاں دے خلاف موجود گلاں دی نکھیڑ تالئی دلی وی سدیا پر اوہناں آپ جان دی تھاؤں اپنے پتر رائے رام نوں بھیج دتا سی۔ آکھیا جاند ا ہے کہ اوہ گرنیتھ صاحب وچوں کچھ گلاں مناؤن اُتے راضی ہو گیا سی ایس لئی گرو ہر رائے نے اوہنوں اپنی وراثت توں عاق کر کے اپنے چھوٹے پتر ہر کشن نوں جانشین بنادتا سی اوں ویلے اوہدی عمر صرف سوانچ سال سی۔

اٹھویں گروہ گروہر کشن (1661ء توں 1664ء) دے گرو گدی اُتے بیٹھن دی خبر جدوں دلی پہنچی تے گروہر رائے دے وڈے پتر رام داس جنہوں پو نے عاق کر چھڈیا سی۔ اورنگ زیب بادشاہ اگے درخواست کیتی کہ میرا حق ماریا گیا اے۔ اک بال دے گرو گدی اُتے بیٹھن نال گرو دے حقیقی منصب دی اہمیت ختم ہو جائے گی اوہ ایویں کجھ چیلیاں دے ہتھ دا کھڈاؤ تائین جائے گا جہڑے گرو گھار دی آمدنی لٹ لین گے۔ ایس کارن گروہر کشن نوں دربار وچ سدیا گیا۔ اوہدی سیانف دا امتحان لین لئی بہت ساریاں زنانیاں سامنے کر کے اوہناں وچوں ملکہ نوں پہچان لئی آکھیا گیا۔ گروہر کشن نے اوہنوں پہچان لیا۔ اوہدے کولوں ہو روی سوال کیتے گئے جہاں دا اوہنے ٹھیک ٹھیک جواب دے دتا۔ ایس طرحاں اورنگ زیب نے اوہدی گدی بحال رکھی پر اوہ صرف تن سال بعد ای ماما (چیچک) پاروں چلانا کر گئے۔ نوویں گرو۔ گروتیج بہادر گرو گدی تے بیٹھیا جہڑا گروہر گوبند دی سوانی نانکی دا پنجواں پتر سی۔ جس دا 1621ء وچ جنم ہو یا تے 1675ء وچ اورنگ زیب دے دربار وچ اوہناں دا قتل ہو یا۔ خزان سنگھ کہندے نیں کہ اوہ اپنے آپ نوں تیج بہادر نہیں دیگ بہادر اکھوانا پسند کردے سن کیوں جے دیگ زمین ورگی ہوندی اے تے زمین ساری مخلوق نوں خوراک دیندی ہے ایسے لئی تیج بہادر ہو راں گرومن توں انکار کردتا سی ایسے پچھو کڑاں روایت تاں ایہ وی ہے کہ گروتا تک نے بابر نال ست نسلاں تیکر مغل سلطنت چالور بن دا وعدہ کیتا سی اوہدی نسل دے چھ بادشاہواں حکومت کیتی تے تیج بہادر ستویں تھاں اپنی جان دا نذرانہ پیش کیتا جس توں مگروں مغل سلطنت دا زوال شروع ہو گیا جد اورنگ زیب چھیواں بادشاہ سی۔

گروتیج بہادر نے اپنے لئی اک مضبوط تے بہت ودھیا قلعہ بنوایا، اک ہزار سوار ہر ویلے اوہدے نال رہندے سن گرو دے من والے اوہنوں سچا بادشاہ کہندے سن۔

اودھر گروہر رائے دے پتر رام داس نے جہڑا اورنگ زیب دے دربار نال جڑیا ہو یا سی تے اوہنے گروہر کشن دے خلاف وی اورنگ زیب نوں اُشکل دتی سی اوہ ٹھاٹ باٹھ ویکھ کے اک واری فیر سڑ بچھ گیا اوہنے اک واری فیر اورنگ زیب نوں آکھیا کہ گرو گدی تے میرا حق

اے ایہ حق میتھوں زور ازوری کھوہیا گیا اے، مینوں ایہ حق لے کے دتا جائے۔ اورنگ زیب نے گروتھ بہادر نوں دربار وچ حاضر ہون دا حکم دتا۔

اک ہو روایت تاں انج وی ہے کہ جہڑی اورنگ زیب دی وچار دھارا نال لگا وی کھاندی اے اوہ انج ہے کہ اورنگ زیب نے کشمیر دے گورنروں اک خط وچ حکم دتا سی کہ غیر مسلمان نوں زبردستی مسلمان بنایا جائے، کشمیر دے گورنر نے ایہ کم شروع وی کر دتا سی۔ جس توں کشمیر دی غیر مسلم رعایا ڈر گئی، جس دے سٹے وچ ہندو آں دے کجھ پنڈت گروتھ بہادر دے کول آئے تے اوہناں نوں آکھیا کہ اورنگ زیب ساڈے دھرم نوں تباہ کرن اُتے ٹلیا ہو یا اے اک تسی اوہ جہڑے سانوں ایس ظلم توں بچاسکدے او تے ایس ظلم دے خلاف آواز اُچی کر سکدے او۔ گروتھ بہادر نے وعدہ وی کیتا تے مدد دین دی گل وی کیتی تے ایہدے لئی دلی جا کے اورنگ زیب نوں ایہ حکم واپس لین لئی آکھن دا ارادہ وی کیتا۔

گروتھ بہادر دلی گئے، اورنگ زیب نال ملاقات کیتی پر اوہنے گروجی نوں وی اسلام قبول کرن لئی آکھیا جنہوں گروجی نے نہیں منیا تے انکار کر دتا۔ تے فیر انج وی ہو یا کہ اورنگ زیب نے اوہناں نوں آکھیا کہ جے تسی سچے گرو او تے اپنی کوئی کرامت دکھاؤ۔ پُر گروجی نے آکھیا کہ ساڈے کول رب دی یاد تے سچائی توں بناں کوئی کرامت نہیں۔ جس توں اورنگ زیب نے اوہناں نوں بندی خانے وچ سٹ دتا پر فیر کجھ چر مگروں گروجی نے اورنگ زیب نوں سنہیا گھلیا کہ میں اپنی کرامت پیش کرنا چاہناں ایہ سن کے بادشاہ نے دربار سجایا سارے امیر وزیر تے درباری کٹھے کر لئے گئے۔

گروجی آئے تے اوہناں آکھیا کہ میں اک ایہو جیہا منتر جاندا ہاں کہ جے اوہنوں کے کاغذ تے لکھ کے گردن تے بنھ لیا جائے تے اوہدے اُتے تلوار دااروی کم نہیں کردا۔ گروجی نے اوہ کاغذ اپنی گردن وچ تعویذ وانگوں بنھ لیا تے بادشاہ نوں آکھیا کہ اوہ جلا دنوں تلوار چلاؤن دا حکم دیوے۔ تاں جے حق سچ دا اتارا ہو جاوے جدوں جلا دنے تلوار چلائی تے گروجی داسر دھڑتوں وکھرا ہو گیا، جس توں سارے درباری حیران پریشان ہو گئے۔ جدوں اوس کاغذ



دے نکرے نوں کھول کے ویکھیا تے پڑھیا گیا اوہدے اُتے لکھیا سی۔

”سردتا پر سر نہیں دتا“

گرو تیغ بہادر ساڈھے تیراں سال گرو گدی تے بیٹھے، ایہ وقوعہ 1675ء وچ ہويا جتھے اوہناں داسرلیہ کے ڈگاسی اوہتھے گرو دوارہ سیس گنج بنایا گیا اے۔

ایس کہانی دے وی کئی کچھ نہیں۔

پہلی کہانی تاں اوہ ہے۔ جہڑی گرو ہر رائے دے پتر رام داس ولوں سامنے آؤندی ہے کہ اوہ گرو گدی حاصل کرنا چاہندا سی تے ایس لئی اوہنے پہلوں اپنے نکلے بھرا گرو ہر کشن دے خلاف حکومت تے ریاست نوں ملوث کیتا، تے جدوں اوہ ایہدے وچ کامیاب نہیں ہويا تے فیر اوہنے گرو تیغ بہادر جہڑے اوہدے خاندان دے وڈکیاں وچوں سن اوہناں دے خلاف وی سازش کیتی۔ گرو تیغ بہادر دربار وچ آئے۔ پر اوہناں نوں جے پور دے مہاراجہ رام سنگھ دی سفارش اُتے پھڑیا نہیں گیا۔ گرو تیغ بہادر وی کچھ چر دلی رہن گروں پٹنہ چلے گئے جتھے اوہ چھ سال رہے جتھے اوہناں اک درس گاہ وی بنائی اتھے ای اوہناں دے سپتر گرو گوہند جی دا جنم ہويا جہڑے اوہناں توں گرو گدی اُتے بیٹھے۔ ایہ 1666ء دا زمانہ ہے۔

کچھ لوک ایہ وی کہندے نیں کہ جے اورنگ زیب اوہناں نوں قتل کرنا چاہندا تے ایہ کم اوس ویلے وی کر سکدا سی پر ایہ لوک بھل جانداں نیں کہ اورنگ زیب دی حکومت اُجے مضبوط نہیں ہوئی سی۔ دکن وچ بغاوت شروع ہو گئی سی۔ لوکاں دا وی حکومت اُتے اُجے بھروسہ پکا نہیں ہويا سی اُجے راج گدی لئی ہون والیاں لڑائیاں لوکاں نوں بھلیاں نہیں سن۔

اورنگ زیب دی مذہب نال جڑت وی اوس طرحاں سامنے نہیں آئی سی جہڑی بعد وچ سامنے آئی تے اوہنے سرکاری حکم راہیں ہندو آں دے مندر تے سکھاں دے گردوارے ڈھاؤن تے دو جے مذہباں دے لوکاں نوں زبردستی مسلمان بناؤن لئی نہیں آکھیا سی۔ سگوں اُجے اوہنے شیعیاں دے جلوساں تے مجلساں اُتے وی کوئی روک نہیں لائی سی۔

تے فیر ایہ وی کہ اورنگ زیب اُجے کسے سماجی تے سیاسی بغاوت دا سامنا کرنا چاہندا سی

تے نہ ای کے، ہور بغاوت نوں ہوا دینا چاہندا سی۔ اوہدے سامنے پہلا کم حکومت دی پکیائی تے اوہدے لئی زیادہ توں زیادہ حمایت حاصل کرنا سی۔ کیوں جے ایہ اوہ زمانہ سی جدوں سماج وچ اجے داراشکوہ دی حمایت موجود سی۔ سگوں پنجاب تے ملتان وچ اوہد بہت زیادہ اثر سی جتھے اوہ گورنر بن کے وی رہیا سی۔ ایس لئی اوہ کسے وڈے پنگے وچ نہیں پیا۔ اوہنے پہلے رام داس دے کہن اُتے گروہر کش نوں وی چھڈ دتا سی تے فیر گرو تیغ بہادر نوں وی پھرن یاں قتل کرن دی کوشش نہیں کیتی۔

تے فیر ایہ اوہ زمانہ سی جدوں سکھ گرو باقاعدہ اک سیاسی طاقت بن چکے سن تے ایہناں گرواں کول مذہبی تے فوجی جتھے وی تیار ہو چکے سن۔ ایسے پھو کڑا سی گرواں دی دربار نال نیڑتا دی دیکھنے ہاں۔

شہنشاہ اکبر نال گرو امر داس دے قریبی تعلقات سن۔ جہڑے گرو ارجن دے زمانے تک چلدے رہے۔ لہور وچ جدوں شہنشاہ اکبر بیمار ہو یا تے رام داس کولوں اوہدی صحت لئی دعاوی کرائی گئی۔ بعد وچ کچھ سرکاری درباری لوکاں کارن ایہ تعلق خراب ہوندے گئے تو ارنج وچ ایہ شہادت وی موجود اے کہ امرتسر ہر دواری یعنی گولڈن ٹمپل لئی زمین دی اکبر بادشاہ نے ای گرو ارجن دے کہن اُتے دتی سی۔

بہر حال ایہ اوہ زمانہ سی جدوں سکھاں دی اک روحانی بادشاہی تے سلطنت دی نینہ رکھی جا چکی سی تے ایہوں 22ھیاں وچ دنڈیا جا چکیا سی۔ تے فیر گرو ارجن دے زمانے وچ ای اک گرو گھار بنایا گیا سی جتھے گرو نانک داہرنن والا اپنی آمدنی دادسواں حصہ جمع کراؤندا سی۔ تے ایہ آمدنی لکھاں وچ ہوندی سی۔

ایس پھو کڑا کہ ہور روایت ہے کہ اورنگ زیب نے راج گدی حاصل کرن مگروں پہلوں اپنی حکومت نوں پکیاں کرن دے جتنے کیتے تے کسے ایسے غیر سیاسی کم ول دھیان نہیں دتا جہڑا حکومت لئی اوکھت دا کارن ہووے۔ پر جدوں اوہنے اپنے سارے بھرا مار دتے راج گدی تے اپنے پیر پکے کر لئے تے فیر اوہنے اپنے نظریاتی تسلط نوں ٹورا دتا۔ ایہ اوہ زمانہ سی

جدوں ملائیت دربار نال جڑ چکی سی۔ جس وچ ملاں جیون ورگے مذہبی سیانے وی سن تے دو جے پاسے اوہنوں شیخ احمد سرہندی دے پتر خولجہ معصوم دی اگوائی وی مل گئی سی۔ جہڑے دو جے مذہباں بارے کوئی چنگے وچار نہیں رکھدے سن تے اوہ ریاستی طاقت راہیں دو جے مذہباں دے لوکاں نوں زبردستی مسلمان بناؤن دے حق وچ سن سگوں اوہ شیعہاں نوں وی کوئی چنگا نہیں سمجھدے سن۔

ایہو ای کارن ہے کہ اورنگ زیب نے جدوں طاقت حاصل کر لئی لوکاں نوں زبردستی مسلمان بناؤن دے حکم وی چالو کیتے جس دے سٹے وچ فکری تے مذہبی نا بھریاں وی سامنے آئیاں۔ گروتیج بہادر دقتل دی ایسے پچھو کڑ وچ ای ساڈے سامنے آؤندا ہے۔ جتھوں تیک گروتیج بہادر دے معجزے دکھاؤن تے نہ دکھاؤن تے اوہناں دی تعویذ نہن دے باوجود سرلتھن دی گل ہے ایہ وی تواریخ دا پورا سچ دکھائی نہیں دیندی۔ پرائس تعویذ وچ لکھے اکھر ”سردتا پر سر نہیں دتا“ دی گل چلی تے ایہ بہت دھیان جوگ ہے تے ایہدے اُتے گوہ کرن دی وی لوڑ ہے۔ کیوں جے ایس توں مگروں گروتیج بہادر مر یا نہیں ہو روی جیوند اہو گیا تے اوہدا سرلتھن نہیں ہو روی اُچا ہو گیا تے اوہنے سکھ قوم نوں متحد تے متفق وی کیتا تے بادشاہی دے خلاف نفرت تے نا بھری دی حوصلہ ودھائی وی کیتی۔

پر ساڈے سامنے سوال تاں ایہ ہے کہ بلکھے شاہ تے گروتیج بہادر دے ایس عمل دی سلاہنا کیوں کیتی تے اوہنوں اسلام دی اصطلاح وچ غازی دامتہ کیوں دتا؟۔

ظاہر ہے کہ بلکھے شاہ اک عالم سی اوہ اپنے مذہب توں دکھ کو جے مذہباں دی وی پوری جانکاری رکھدا سی تے فیر اوہ اوس ویلے دے مذہباں دیاں چالو قدریں دا وی جانوسی۔ تے فیر ایہ وی کہ اوہدے زمانے وچ سکھ مذہب اک نویں تے نویکلی طاقت بن کے سماج دا حصہ بن رہیا سی۔ لوک دھڑ دھڑ اوہدے وچ رلت وی کر رہے سن۔ اوہ اوہدے تو حیدی تصور توں وی واقف سی۔ ایس لئی ایہ وی آکھیا جاسکدا ہے کہ اوہنے ایس پچھو کڑ اوہدی سلاہنا کیتی ہووے گی۔ بلکھے شاہ اپنے ویلے دا سماجی تے سیاسی سوجھوان وی سی اوہ اپنے سماج وچ ہون دا ہر



اک ٹٹ بھیج تے وچار وکھالا کر دا ہے جس دا ادھدے کلام وچ کئی تھاواں تے وکھالا ہوندا ہے۔  
 ہوسکدا ہے کہ اوہنے ایس وقوعے چوں جنم لین والے حالات نوں پہاواں ای وکھ لیا ہووے  
 تے اوہناں دے سدھالئی تیغ بہادر نوں غازی آکھیا ہووے تاں جے سکھاں تے مسلماناں وچ  
 ودھدی ہوئی نفرت نوں روکیا جائے۔

ایہ گلاں اپنی تھاواں پر بکھے شاہ اک شاعری سی تے ہوسکدا ہے کہ اوہنے اک شاعری  
 حیثیت نال ایس وقوعے نوں اک ”تاریخی علامت“ دے طور اُتے ورت کے آؤن والے  
 ویلے وچ ایہو جے وقوعیاں توں بچن لئی اک چٹاؤنی دتی ہووے۔ پر کیہ فیر ایہو جے وقوعے نہیں  
 ہوئے؟؟

ایہو ای اوہ سوال نیں جہڑے ایس لکھ دا کارن بنے تے سانوں تواریخ وچ اک واری  
 فیر جھات پاؤن دا موقعیا ملیا تاں جے پورا سچ جانن دے لو بھ وچ وادھا ہووے۔

☆☆☆

اُلے ہو رزمانے آئے

## بُکھے شاہ دا زمانہ تے سکھاں دی چڑھت

صوفی شاعر سوجھوان اپنے ویلے دا حافظ تے عالم وی ہوندا اے تے اوہنا نقد وی۔ اوہ سماج وچ چلن والیاں سیاسی تے فکری تحریکاں دا وی جانو ہوندا اے تے اوہناں راہیں ہون والی سماجی مٹ بچ نوں ڈنگھیا کی وچ وی دیکھدا ہے۔ اوہ تہذیبی تے ثقافتی توارخ نوں وی سامنے دکھدا ہے تے آؤن والیاں تبدیلیاں وچ اوہدی نظری ہوندیاں نیں۔ تے جے گل بُکھے شاہ دی ہووے تاں فیر حیات تے سماجی دے سارے کچھ سامنے رکھنے پندے تیں تے اوہناں وچوں ای اوہدے وچاراں دا ساکڈھنا پنددا ہے کیوں جے اوہ صرف وجودی صوفی ای نہیں اک سوجھوان، فلسفی تے توارخ دا پڑھیا روی ہے۔ اسی ایس توں پہلے ایہ گل نتارن دے جتن کیہتے نیں کہ بُکھے شاہ نے گروتیج بہادر نوں غازی کیوں آکھیا حالان اوہ تاں بُکھے شاہ دے جمن توں وی پنج سال پہلے اورنگ زیب نے قتل کروا دتا سی۔

تے فیر ایہ گل وی پکی ہے کہ بھادیس سولاں جم دیاں دے ای مونہ تکھے ہوندے نیں پر فیروی ایہ گل آکھی جاسکدی ہے کہ بُکھے شاہ نے 30/25 سال دی عمر وچ شاعری شروع کیہتی ہووے گی۔ اؤں ویلے تیکر اک تاں اورنگ زیب دی مرچکیا سی تے دو جے پاسے سکھ مذہب دا اوہ فقیری روپ وی بدل گیا سی جس دی بنیاد گرو نانک جی نے رکھی تے صلح کل دا ہوکا دتا سی اوہناں توں مگروں جہڑے سکھ گرو سامنے آئے اوہناں وچوں بہتے جنگجوسن تے اوہناں سکھاں

نوں وی اپنے حقان تے فکری آزادی لئی مزاحمتی روپ اختیار کرن دی راہ پاداسی۔ جس دا اصلی تے وڈا نتیجہ بندہ بیراگی دی شکل وچ سامنے آیا جس نے اک پاسے تاں مسلمان بادشاہواں نوں اوکھت وچ پایا تے دوجے پاسے ایس لڑائی دے سماج وچ وی چوکھے اثر ہوئے۔ سکھاں دی ایس چڑھت توں بلھے شاہ وی متاثر ہویا تے اوہنوں سماج وچ ہون والی اُتھل پتھل دے نال ”براحال ہویا پنجاب دا“ آکھن توں پہلے درکھلا حشر عذاب دا وی آکھن پایا یعنی ایہ اوہ زمانہ سی جدوں زمین اُتے ویلے توں پہلے ای حشر دیہاڑا نازل ہو چکیا سی تے ہر پاسے عذاب کئی شکلاں وچ سماج نوں اپنے چھوے وچ لے چکیا سی۔ آپسی سانجھ ٹنچ بھج گئی سی ایتھوں تیکر کہ دھی ماں نوں لٹ کے لے گئی ورگی انہونی وی ہو گئی تے چنگی نسل دے گھوڑے وی روڑیاں تے خوراک دی بھال کرن تے مجبور ہو گئے تے کھوتیاں نوں خرچیاں دی تھان ساز پواد تے گئے۔

ایہناں حالاں دا ویر دا تواریخی تے سیاسی پچھوکڑ وچ کردے چلے آ رہے آں کیوں جے ایس توں بناں بلھے شاہ نوں کجھیا جاسکدا ہے تے نہ ای اوس زمانے بارے جانکاری مل سکدی ہے جہڑا بلھے شاہ نے بھوگیا ہے تے جس وچوں بلھے شاہ دے سیاسی تے سماجی وچار سامنے آئے تے اوہنوں صلح کل دا ہوکا دینا پیا۔ کیوں جے سچی گل تاں ایہ وی ہے کہ بلھے شاہ دا صلح کل۔ بابا فرید، گرو نانک تے شاہ حسین تو کھراتے نوں لکھا ہے۔ ایس لئی کہ بھاویں بابا فرید دے زمانے وچ وی دلی وچ دس حکومتاں تبدیل ہوئیاں پر ایہ تبدیلیاں مسلمان حکمراناں دی آپسی سازشاں تے لڑائیاں دا نتیجہ وی سی تے فیر ایہ ہندوستان وچ مسلماناں دی سیاسی چڑھت دا زمانہ سی سماج اوس طرحاں ٹنچ تے ونڈا شکار نہیں ہویا جسراں بلھے شاہ دے زمانے وچ سی۔

شاہ حسین دا زمانہ مغلاں دی ٹیسی دا زمانہ ہے تے اُنج وی اوس ویلے اکبر بادشاہ ورگا سیکولر حکمران سی جہڑا آپ وی مذہباں دی سانجھیاں فیر سماج دی مذہبی آزادیاں دا پرچارک سی چنانچہ ایس تواریخ وچ ایہ وی دیکھنے آں کہ ایس زمانے سکھ مذہب بھرویں طریقے نال سامنے آ رہیا سی تے حکومت ولوں اوہدے اُتے کوئی روک نہیں لائی گئی سی گروارجن تے اکبر بادشاہ



دیاں لہور وچ قیام ویلے ملاقاتاں وی ہوندیاں نیں تے فیرا یہوای اوہ زمانہ ہے جس وچ اک پاسے تاں گروارجن نیں تے دوجے پاسے قادری صوفی، میاں میر لہوری وی نیں۔ جد کہ تیجے پاسے شاہ حسین ورگا بھگت تے ملنگ وی ہے جہڑا لہور دیاں گلیاں وچ نچدا گاؤندا پھر دا ہے۔ جس توں سماجی سانجھ دا کھالا ہوندا ہے۔

پر بکھے شاہ دا زمانہ اورنگ زیب ورگے انتہا پسند تے اوہدے توں بعد دے مغل بادشاہواں دا زمانہ ہے جہڑے راج گدی لئی اپنے پیو دادے دی روایت نوں ٹورا دیندے ہوئے اک دوجے توں قتل وی کردے رہے تے عیاشیاں وی کردے رہے اوہناں دے ایس سیاسی تے اخلاقی زوال پاروں اک پاسے تاں مرہٹیاں تے سکھاں دی چڑھت ہوئی تے دوجے پاسے نادر شاہ درانی تے احمد شاہ ابدالی ورگے دھاڑ وی اتھے آؤنا شروع ہوئے احمد شاہ ابدالی پنجاب اُتے 9 حملے کیے جہاں وچوں پنج بکھے شاہ دی حیاتی وچ ہوئے۔ ایسے پچھو کڑای بکھے شاہ دی اوہ نظریاتی تربیت ہوئی جہڑی اوس ویلے دا زمانہ تے سماج کردا ہے۔

ایہوای کارن ہے کہ بکھے شاہ سانوں سارے صوفیاں توں وکھرا نظر آؤندا ہے۔

بہر حال سارے سوجھوان ایس گل اُتے سانجھ رکھدے نیں کہ بکھے شاہ دا جنم سال 1680ء ہے جد کہ نوویں گروتیج بہادر دا وقوعہ 1675ء وچ ہویا تے اوہناں دی تھاؤں دسویں تے آخری گرو گوہند سنگھ گدی نشین ہوئے جہڑے 1708ء تیکر ایس عہدے اُتے فائز رہے۔ یعنی جدوں گرو گوہند سنگھ نے چلانا کیتا بکھے شاہ دی عمر اوس ویلے 28 ورہے سی، دو جہاں ایہ کہ ایہ گرو وی اورنگ زیب دے زمانے وچ ای موجود رہیا سی۔

گرو گوہند سنگھ گروتیج بہادر دا پتر سی اوہدا جنم 1667ء وچ پنڈت وچ ہو یا سی اوہنے مذہبی تعلیم اوتھوں دے سیانے سوجھواناں تے پنڈتاں کولوں حاصل کیتی سی۔ اوہ پیو دے مرن مگروں 1676ء وچ نو سال دی عمر وچ گرو گدی تے بیٹھا۔ آکھیا جاندا ہے کہ اوس زمانے سکھ دھرم دا غلطی بحران دا شکاری سکھ دوھیاں وچ وڈے جا چکے سن جس توں اوہناں دی طاقت وی وڈی گئی تے اوہ ماڑے وی ہو چکے سن اک پاسے تاں مغل حکومت اوہناں دے خلاف رُجھی

ہوئی سی تے دو بجے پاسے اوہناں دے آپسی جتھے وی اک دو بجے دے خلاف سازشاں کر رہے سن ایسے زمانے گرو گوبند جی نے ماضی دیاں اوکڑاں تے ویلے دے جبر نوں سامنے رکھ کے سوجھ تے سیانف دا دکھالا کیتا۔ سب توں پہلے اوہناں سکھاں نوں کٹھیاں کیتا تے فیر اوہناں وچ سانجھے مقصد لئی نوں جذبے پیدا کیتے۔ ایہ اوہ صورت حالات سی جس وچ مغل ریاست تے حکومت دی طاقت نال مقابلہ نہیں کیتا جاسکدا سی ایس لئی کجھ چہ لئی آپنے آپ نوں پچھانہ رکھنا ای بہتر سمجھیا گیا۔ ایسے منصوبے وچ ای گرو گوبند نے آپنے آپ نوں لڑائی توں دور رکھیا انبالہ نیڑے پہاڑی علاقیاں وچ پناہ لے لئی تے 20 سال تک مغل حکومت دے خلاف نئی تیاریاں کر دے رہے آپنے ساتھیاں نوں فوجی تربیت وی دتی ایس طرحاں اوہ اک واری فیر نوں لڑائی واسطے تیار ہو گئے ایہ اوہ ویلا سی جدوں اوہناں دے کول اک لکھ لڑاکے بہادر تیار ہو چکے سن ایہو ای اوہ زمانہ سی جدوں گرو گوبند نے آپنے منن والیاں نوں نوں شناخت تے پچھان لئی پنج کلیاں (کچھا، کڑا، کرپان، کیس، کنگھا) دی پابندی لئی وی آکھیا تے ہر سکھ نوں سنگھ تے ہر زنانی لئی کورنوں ضروری مٹھیاں تے فیر آپس وچ ملن ویلے واہ گرو دا خالصہ تے واہ گرو دی فتح دا حکم وی دتا تے فیر آپسی سانجھ لئی سارے سکھاں نوں برابر تے اک دو بجے دا بھرا وی آکھیا جس توں اوہناں وچ معاشرتی سانجھ ہوئی تے ہر معاشرتی برائی مکاؤن لئی شراب تے تمباکو نوں منع کر دتا۔ گرو گوبند نے ایس وچالے کئی قلعے تے فوجی چوکیاں بنائیاں گرو گوبند نے 1699ء وچ امرتسر وچ وسا کھی دے موقعیاں تے سکھاں دے اک وڈے کٹھ نال خطاب کیتا تے آکھیا۔

رب نے مینوں گرونا تک دی روح بخشی اے تے میں وی رب توں ایہو دعا کیتی سی کہ اوہ مینوں گرونا تک دا فیض دیوے تاں جے میں ایس روحانی قوت نال سکھاں دی آزادی نوں رکھیا دیواں۔ رب نے میری ایہ دعا قبول کیتی جس دے سٹے وچ مینوں گرونا تک دے فیض حاصل ہوئے ایس طرحاں اک دیوے توں دو جادو واروٹن ہويا۔

گرو گوبند کول بہت ساری طاقت کٹھی ہو گئی سی ایس لئی اوہنے مغل حکومت دا مقابلہ کرن



دافصلہ کیجا کیوں جے ایس طرحاں اقلیتاں تے ظلم کرن والی حکومت دا خاتمہ کیجا جاسکد اسی تے فیر.... اوہناں پہاڑی ریاستاں توں وی مدد منگی تے ایہناں راجیاں نوں دھرم دی رکھیا لئی کٹھے ہون لئی آکھیا پر کئی راجیاں نے اوہناں دی مدد کرن توں انکار کردتا جس توں اوہناں لئی اختلاف پیدا ہو گئے تے کئی تھاواں تے ایہناں وچ لڑائیاں وی ہوئیاں جہاں وچ گرو نال اختلاف پیدا ہو گئے تے کئی تھاواں تے ایہناں وچ لڑائیاں وی ہوئیاں جہاں وچ گرو دیاں فوجاں نوں فتح ہوئی۔ تے فیر آئند پور تے فتح گڑھ وچ نویں قلعے بنائے گئے۔ پہاڑی راجیاں نے کئی وار ہون والی ہار مگروں مغل دربار توں مدد منگی ایہ اوہ زمانہ سی جدوں اورنگ زیب دکن وچ پھسیا ہو یا سی ایس لئی پہلے تے اوہنے کوئی خاص توجہ نہیں دتی پر بعد وچ اوہنے پنجاب دے حکمراناں نوں سکھاں نوں ڈکن دے حکم چالو کیتے پر کئی راجیاں نے حکومت نوں خراج دین توں انکار کردتا تے اوہ گرو گوبند دی حمایت کرن لگ پئے۔

جدوں اورنگ زیب نوں پنجاب دے حالات دا علم ہو یا تے اوہنوں پتہ لگا کہ گرو گوبند دیاں سرگرمیاں ودھ رہیاں نیں تے اوہنے لاہور دے حاکم زبردست خان تے سر ہند دے حاکم شمس الدین خان نوں گرو گوبند دے خلاف کارروائی دا حکم دتا جس دے ٹے وچ مغل تے سکھاں وچ لڑائیاں ہوئیاں شروع وچ تے سکھاں نوں کامیابی ہوئی پر 1701ء وچ آئند پور تے لکھو والی دیاں لڑائیاں وچ گرو گوبند نوں ہار ہوئی تے اوہ چمکور دے قلعے وچ بند ہو گئے 1703ء وچ اتھے بہت وڈی جنگ ہوئی ایس جنگ وچ گرو جی دے دو پتر دی مارے گئے جد کہ خود گرو جی بھیس بدل کے سن وچ کامیاب ہوئے۔ تے ضلع لدھیانہ وچ اپنے فارسی دے استاد پیر محمد کول پناہ لے لئی جتھوں کچھ دن مگروں اوہ ہٹھنڈہ تے فیر فیروز پور نیڑے مکر چلے گئے جتھے اک واری فیر سکھ اوہناں دے کول کٹھے ہو گئے، مکر وچ فیر لڑائی ہوئی جس وچ سکھاں نوں فتح ہوئی ایس جنگ وچ دوویں پاسے بڑا نقصان ہو یا۔

مکر وچ کچھ چہرہ بن مگروں گرو گوبند جی مالوہ چلے گئے تے سیاسی ہنگامہ آرائی توں دور ہو گئے مالوہ وچ رہن لئی اوہناں اپنے لئی اک تالاب بنوایا جنہوں دم دمہ داناؤں دتا گیا۔ مالوہ توں مگروں گرو گوبند سر ہند توں ہوندے ہوئے آئند پور آ گئے تے فیر باقی ویلا امن وچ لکھیا



اتھے ای گرو جی نوں اورنگ زیب ولوں اک خط ملایا ایس خط دے جواب وچ گرو جی نے اک  
 لمی نظم ظفر نامہ فارسی وچ بھیجی تے آکھیا کہ ماضی وچ جو کجھ ہو یا سی اوہ مغلاں دیاں غیر سیاسی  
 سوچاں سن۔ اسی سکھ تان ہن دی مغل دربار دے وفادار ہاں اورنگ زیب گرو دے ایس خط  
 توں مطمئن ہو گیا، اوہنے گرو جی نوں اپنے کول بلایا، گرو جی اہجے دکن دے رستے وچ ای سن  
 جتھے اورنگ زیب دے مرن دی اطلاع مل گئی تے گرو جی واپس آ گئے دلی نیڑے اوہناں دی  
 ملاقات شہزادہ معظم نال ہوئی جہڑا شاہ عالم بہادر شاہ دے ناؤں اُتے بادشاہ بن گیا سی۔ معظم  
 نے گرو جی نوں دوسرے دعویدار دے مقابلے وچ حمایت لئی آکھیا گرو جی معظم دے نال جنگ  
 وچ شامل ہوئے شہزادہ اعظم گرو جی دے تیر نال ای ماریا گیا جس توں شہزادہ معظم بہت خوش  
 ہویا تے اوہنے گرو جی نوں بہت سارے انعام وی دتے گرو جی بادشاہ دے نال دکن گئے جتھے  
 اک پٹھان نے جس دا پیو گرو جی دے ہتھوں ماریا گیا سی۔ اوہنے پیو دا بدلہ لین لئی کلیاں ویکھ  
 کے گرو جی تے خنجر نال حملہ کر دتا جس توں گرو جی زخمی ہو گئے پرایہوای زخم اوہناں دی موت دا  
 کارن بنے، بہر حال ایہوای بادشاہ بہادر شاہ سی جہڑا پنج سال لاہور وچ ڈیرے لاکے بیٹھا رہیا،  
 سکھاں دی چڑھت پاروں پنجاب دے حالات بڑے خراب ہو گئے سن اوہنے اک حکم راہیں  
 سکھاں دالا لاہور وچ آؤ تا بند کر دتا سی، سارا دن تے اوہناں دا پرچھاواں وی نظر نہیں آؤندا سی  
 انھیرا ہونڈے ای سکھ چپ چپتے، لک لک کے نکلدے تے دن چڑھدے ای راوی دریا پار کر  
 کے جنگل وچ چلے جاندے۔ ایہوای اوہ زمانہ ہے جہڑا بلھے شاہ دے عروج دا زمانہ ہے تے  
 اوہنے ایسے صورت حالات نوں بیان کر دے ہوئے آکھیا سی۔

اُلے ہو زمانے آئے، تاں میں بھیت جن دے پائے

کاں لگڑ نوں مارن لگے

چڑیاں جڑے ڈھائے

گھوڑے چکن اروڑیاں اُتے

گدوں خود پوائے

اُلٹے ہوئے زمانے آئے تاں میں بھیبت سخن دے پائے

بھوریاں والے راجے کیتے

راجیاں بھیک منگائے

تے فیر سماجی ٹٹ بھیج تے لٹ مارنوں ای سامنے رکھدے ہوئے آکھیا۔

جدوں اپنی اپنی پے گئی دھی ماں نوں لٹ کے لے گئی

مونہ بارھویں صدی پساریا، سانوں آمل یار پیاریا

تیرے دکھاں نے سانوں ماریا

درکھلا حشر عذاب دا براحال ہو یا پنجاب دا

ڈرہاویے دوزخ ماریا، سانوں آمل یار پیاریا

تیرے دکھاں نے سانوں ماریا.....

گرو نانک دی حیاتی تے تعلیمات دا ویروا کیتا جائے تاں ایس گل وچ کسے وی تھاؤں  
کوئی شہا و کھالی نہیں دیندا کہ اوہناں دی عملی زندگی تے تعلیمات اسلام دے ہی نیڑے نیس  
بھاویں اوہناں دا جنم اک برہمن دے گھر ہو یا پر اوہناں اوس ویلے دے چالو برہمن ازم دی  
بھرویں ننڈیا کیتی اونچ نیچ تے ذات پات دی نکھدی کیتی تے سارے انساناں نوں رب دے  
بندے آکھیا تے اوہناں وچ وڈیائی چنگے عملاں تے تقوے نال ای آکھی تے فیر ایہ کہ اوہناں  
بُناں تے دیوی دیوتاواں دی پوجا کرن دی تھاؤں کلتے تے سچے رب دی پوجا لئی آکھیا  
گرو نانک نے تو حید وادرس دتا۔ اوہو ای درس جہڑا اسلام دا مذہلار کن ہے۔

پر حیرانی والی گل تاں ایہ وی ہے کہ اوہناں دے منن والیاں گرو آں تے پرچارکاں دیاں  
سب توں بہتیاں لڑائیاں مسلماناں نال ہوئیاں۔ سگوں ایہ کہنا زیادہ مناسب ہے کہ سکھ ازم  
نوں اوس ویلے دیاں مغل حکومتاں نے پسند نہیں کیتا یاں فیر اوس ویلے دی حکومت نال جڑی  
ہوئی ملائیت یاں درباری ملاواں نے اوہنوں اسلام لئی خطرہ بنا کے پیش کیتا جس پاروں حکومت  
نے اوہناں دے خلاف جہد کرن نوں ضروری سمجھیا۔

حالاں تواریخ دا سچ تاں ایہ وی ہے کہ گرو نانک دی سکھشایاں فیروہناں دے منن والیاں دیاں تعلیمات نے مسلماناں دی تھاؤں دو جے مذہباں خاص طور تے ہندو ازم دے منن والیاں نوں سب توں بہت متاثر کیتا تے اوہناں سکھ ازم نوں اپنایا جد کہ مسلماناں دے سکھ ہون دی گنتی آئے وچ لون دے برابر وی نہیں سی۔

تواریخ دا اک ہور سچ تاں انج وی ہے کہ مسلمان حکمراناں نوں درباری ملاواں نے بت پرستاں دے خلاف جہاد لئی اکھیاتے کجھ سرکاری حکم وی ایس پچھو کڑ وچ چالو ہوئے جس دے نئے وچ کجھ مندر وی ڈھائے گئے تے او تھے مسیحاں وی بنایاں کنیاں جس دے شکوے شکائتاں ہندو پروہتاں تے پنڈتاں سکھ گرو آں نال وی کیتیاں تے اوہناں نوں ایس خطرے دا احساس کراؤن دے جتن وی کیتے کہ کل نوں مسلمان حکومتاں اوہناں دیاں عبادتاں تے گردواریاں اُتے وی پابندی لاسکدیاں نہیں۔

حالاں تواریخ دا سچ تاں ایہ وی سی کہ امرتسر وچ مقدس تالاب تے گولڈن ٹمپل لئی زمین شہنشاہ اکبر نے الاٹ کیتی سی تے ایس مقدس تھاؤں دانینہ پتھر حضرت میاں میر لہوری قادری نے گوروارجن دی اچھیا اُتے رکھیا سی۔

پردوجا سچ ایہ وی سامنے آؤندا ہے کہ پنجاب وچ سکھاں دی چڑھت نے سیاسی اثرات مرتب کیتے سن جہڑے اوس ویلے دے پنجابی حکمراناں لئی خطرہ بندے جارہے سن تے اوہ ایس خطرے نوں دلی دے تخت لئی سازشاں بنا کے پیش کر رہے سن۔ پر ایس توں وی وڈا سچ ایہ ہے کہ سکھ ازم پنجاب وچ ماجھے دوآبے تے مالوے دے علاقے وچ اپنا اثر و رسوخ بنا رہیا سی تے ایہ اوہ علاقہ سی جس وچ کئی کارناں توں مسلماناں دی اکثریت ہو رہی سی۔ جس دے لئی اتھے موجود ملائیت نوں خطرہ محسوس ہوئی تے اوہنے ریاست نوں ایہڈے روکن لئی راضی کیتا جس دے لئی سرہندی مکتبہ فکر نے بہت اہم کردار ادا کیتا جس دادر بار نال ڈونگھا تعلق بن چکیا سی۔ ایہو ای اوہ مکتبہ فکر سی جسے اک پاسے تاں حکومت نوں شیعہاں دے خلاف جہاد شروع کرن تے مجبور کیتا تے دو جے پاسے سکھاں دے خلاف وی لڑائی نوں ضروری منوایا۔ حالاں



ایس توں پہلے تیکر حکومت تے سکھ گرو آں دے درمیان چنگے تعلق وی دکھالی دیندے نیں۔ پر اورنگ زیب دے زمانے وچ ای گرو تیغ بہادر داقبل ہو یا جس نے سکھ ازم تے حکومت وچ ای ورو دھتا پیدا نہیں کیتی سکھوں ایس قتل دے سماج اُتے وی اثر ہوئے تاں سکھاں تے مسلماناں دے آپسی تعلق وی خراب ہو گئے سکھوں جد کہ سکھاں تے مسلماناں وچ ہون والیاں لڑائیاں نے وی ایس پاڑنوں ہو روی ڈونگھا کیتا۔

سکھاں نے گرو آں دے خلاف ہون والے سیاسی تے ریاستی جہاد دا بدلہ لین دا ہو کا وی دتا تے ایس بدلے دی خواہش وچ اپنے آپ نوں کٹھیاں وی کیتا تے زیادہ توں زیادہ طاقت حاصل کرن دے جتن وی کیتے۔ جہڑے اوہناں دے آخری گرو گرو گو بند جی تک چالو رہے۔ ایسے بدلے دی خواہش نے اک دکھری سماجی پچھان وی دتی تے فیر ایس شناخت نوں پکیاں تے مضبوط کرن دے جتن وی دتے، گرو گو بند جی توں مگروں بھاویں ایس مقصد دے ختم ہون دے امکان سن پر ایہنوں بعد وچ بندہ پیراگی دیاں لڑائیاں نے چالو رکھیا تے فیر ایسے پچھو کڑا ای سکھاں دیاں مثالاں وی سامنے آئیاں جہڑیاں آپس وچ لڑ دیاں وی رہیاں پر ایہناں دا نتیجہ رنجیت سنگھ دی پنجاب اُتے بادشاہی دی شکل وچ وی سامنے آیا۔ جہڑی پنجاہ سال تیکر قائم رہی۔ بہر حال سکھاں دی تواریخ تے سیاسی طاقت بارے لکھدے ہوئے ٹی ایس مارٹن کہند اہے کہ سکھاں دے تیجے گرو امر داس دا زمانہ ایس لحاظ نال وی بہت اہم ہے کہ اوہنے سکھاں نوں اک روحانی مرکز، یعنی امرتسر دی بنیہ رکھی جو شروع وچ تاں روحانی مرکز ای سی پر مگروں ایہ سیاسی مرکز وی بن گیا، شہنشاہ اکبر نے گرو جی نوں پنج سو بیگھے زمین دتی تاں جے ایہدے اُتے اک شہر وسایا جائے شروع وچ ایس تالاب دے کنڈھے اُتے صرف گرو جی دی کلی ہوندی سی پر فیر سکھاں نے اتھے آل دوالے آکے آباد ہونا شروع کردتا۔ پہلوں ایس جگہ نوں رام داس پور فیر گرو دچک آکھیا جاندا سی فیر ایہ امرتسر ہو گیا یعنی اوہ تھاؤں جتھے پاک پانی دا تالاب سی۔

ایہ اوہ زمانہ سی جدوں تینگ سکھ کسے مرکزی تھاؤں توں وانجھے سن پر ہن اوہناں نوں دینی تے دنیاوی معاملیاں اُتے اتھوں ہدایتاں ملن لگ پیاں سن تے اوہناں دی

قومی زندگی وچ سانجھ پیدا ہو گئی سی جنہاں دے اثر پنجویں تے چھیویں گرو دے زمانے وچ کھل کے سامنے آئے۔

گروارجن دیو دا زمانہ سکھاں دی سیاسی تنظیم دی توارنخ وچ مڈھلی اہمیت رکھدا ہے گروارجن نے نہ صرف نویں سرے توں گرنٹھ صاحب نوں کٹھیاں کیتاں سگوں اپنی آگوائی نہ صلاحیتاں نال وقت دے جانو ہون دے سوجھوان وی سن اوں زمانے وچ بہت سارے تنظیمی کم دی ہوئے۔ اوہناں سکھاں نوں مالی طور تے مضبوط کرن دے پر بندھ وی کیتے مذہبی طور تے ملن والے نذرانیاں نوں سانجھے خزانے وچ تبدیل کیتا تے فیر اپنے منن والیاں نوں تجارت تے کاروبار وچ لایا، گھوڑیاں دی خریداری لئی بلخ بخارا تے ترکی ول گھلایا یہ پہلا موقعیا سی جدوں ہندوستانیوں نے تجارت لئی دریائے سندھ نوں پار کیتا سی۔ ایس تجارت دے منافع داس فیصد حصہ مذہبی خزانے لئی مقرر کیتا یہ معاشی خوشحالی سکھاں نوں سیاسی قوت بنن وچ بہت مددگار ہوئی تے سکھاں نے پر امن زندگی نوں چھڈ کے نا بھری ول رخ موڑیا۔ بعد وچ آؤن والے گروسیاسی بالادستی دا کم کر دے رہے۔

ٹی ایس مارٹن لکھدا ہے کہ گروتھ بہادر اورنگ زیب دہانی سی اورنگ زیب اسلام دے وادھے دا زبردست جذبہ رکھن والا حکمران سی تے اوہ کسے وی طرحاں دیاں غیر اسلامی سرگرمیاں برداشت نہیں کر سکدا اسی ایدھر گروتھ بہادر نے پنجاب وچ اپنے مذہب دی بھروسہ تبلیغ شروع کردتی سی تے ایہدے لئی اوہنے ہندوآں نال سانجھ وی کیتی تے کئی تھائیں ریاستی قانون دی پروا دی نہیں کیتی جس توں اورنگ زیب نے گروتھ بہادر نوں دلی سدیاتے پچھہ گچھ دی کیتی پر اوہنے سوجھ تے سیانف دا دکھا لائیں کیتا جس توں اوہنوں قتل کر دتا گیا۔

پنجاب دی سیاسی صورت حالات اتے ایس قتل دے ڈونگھے اثر ہوئے مالوہ تے دوا بہ دے علاقیاں وچ گرو نوں بہت پسند کیتا جاندا اسی جس توں مغل حکومت دے خلاف لوکاں وچ نفرت پیدا ہوئی کیوں جے اوں ویلے حکومت بہت مضبوطی ایس لئی اوہدے خلاف کوئی وڈی کارروائی نہیں ہوئی، سکھاں نے ایس وقوعے نوں وی گروارجن تے گروہر گوبند والے وقوعیاں



دی پچھو کڑ وچ ای ویکھیا تے ایس وقوے نوں وی بدلے دی اگ آکھیا۔ پرہن کیوں جے سکھ اک واری فیر کٹھے ہو گئے سن ایس لئی اوہناں گرو تیغ بہادر دے قتل دا بدلہ لین دا فیصلہ کیتا۔ ایس وقوے توں مگروں سکھاں نے گرو گوہند سنگھ نوں اپنا گرو تے من لیا پر اوہ اے آپ ایانا تے تا تجربہ کاری تے اوہنوں اپنے آپ نوں سیانا تے تجربہ کار ثابت کرنا سی جس لئی اوہنوں ویلے دی لوڑ سی جد کہ اوہر مغل حکومت نے وی سکھاں دیاں سرگرمیاں اُتے چوکی نظر رکھنا شروع کردتی سی ایس لئی گرو گوہند اپنے من والیاں نوں نال لے کے پہاڑی علاقیاں وچ چلا گیا تے 20 سال سیاسی منظر توں دور رہیا آپ وی علم حاصل کیتا تے سکھاں دی فوجی تربیت وی کیتی اوہناں نوں اوکھتان برداشت کرن دی تربیت وی دتی تے اوہناں وچ اتحاد اطاعت جذبے تے قربانی دی تائیک وی پیدا کیتی۔ ایس طرحاں جدوں اوہ 20 سال مگروں پہاڑاں توں اتر کے میداناں وچ آیا تے اوہدے کول ایسی قوت سی جہڑی مغل حکومت نال ٹکر لے سکدی سی۔ ایس لئی ایہ کہنا وی ٹھیک ہے کہ گرو گوہند ہی اوہ شخصیت ہے جسے سکھاں نوں فکری انقلاب راہیں لڑاکا تے جنگجو بنایا تے اوہناں دے ذہن وچ ایہ گل بٹھادی کہ اپنے مستقبل لئی ہتھیار دا سہارا لینا ضروری اے۔

گرو گوہند سنگھ نے میداناں وچ آؤندے ای حکومت دے خلاف کارروائیاں شروع کردتیاں جس دے سٹے وچ سرکاری فوجاں تے سکھاں وچ کئی لڑائیاں ہوئیاں گرو گوہند سنگھ نوں کئی تھاواں توں اپنے آپ نوں بچا کے نسا پٹیا۔ اوہ ہر واری سرکاری فوج نوں چکر دے کے نکل جاندا سی۔

گرو گوہند جی دے قتل دی کہانی اسی پہلوں وی بیان کر چکے ہاں۔ ایس قتل توں پہلوں آکھیا جاندا ہے کہ بندہ بیراگی دی گرو جی نال ملاقات ہوئی سی بہت گھٹ ویلے وچ بندہ بیراگی گرو جی دے نیڑے ہو گیا تے گرو نے وی ایہدے اُتے بہت بھروسہ کیتا تے اپنا باقی کم ایہنوں پورا کرن لئی آکھیا تے فیر جدوں بندہ بیراگی نوں پنجاب وچ کئی تھاواں تے جت ہوئی تاں اوہنے ساڈھوہرہ توں رائے کوٹ ملیر کوئلہ لدھیانہ توں لے کے کرناٹ تیکر سکھ حکومت بنالئی



تے اپنے خاص ساتھی نائب مقرر کردتے پورے علاقے وچ اوس زمانے کوئی اوہدی مخالفت کرن والا نہیں سی۔ بندہ بیراگی نے حکومت اتے قبضہ کرن مگروں مغلاں دے بنائے ہوئے زمینداری نظام نوں ختم کردتا جس واسب توں بہت فیداسکھاں نوں ہو یا کیوں جے اوہناں دی چوکی گنتی وای بیجی کردی سی۔ جہڑا سکھ وی ہل چلاؤندا سی اوہ زمین دامالک بن گیا۔ جس واسارا اثر مسلماناں اُتے ہو یا جہاں دی بہتی گنتی جاگیرداراں دی سی۔ ایہناں حکماں دے نال ای بندہ بیراگی نے اپنا سکھ وی چالو کیتا تے ایہدے نال ای سرکاری حکماں لئی اپنی اک مہروی بنائی۔

مشرقی پنجاب اُتے قبضہ کرن مگروں سکھاں نے لہور اُتے وی چڑھائی کیتی ایس زمانے شاہ عالم بہادر شاہ داوڈ اپتر شہزادہ معزالدین لہور دا حکمران سی پر اوہ لہور وچ گھٹ ای رہندا سی اوہدے پچھوں سید اسلم خان حکمرانی کردا سی اوہدے ولوں سکھاں دا مقابلہ کرن لئی گرجوشی نہیں وکھائی گئی پر لہور دے عوام نے اپنے طور تے اک تنظیم بنائی جس وچ مسلماناں دے نال بندووی شامل ہوئے جس دی اگوائی اکبر بادشاہ دے رتیاں وچوں اک راجہ ٹوڈرمل دے پوترے بیرامل نے کیتی کجھ ہی دنوں وچ ایس تنظیم راہیں بہت ساری فوج کٹھی ہو گئی ایس فوج داناؤں حیدری فوج رکھیا گیا تے جھنڈا وی حیدری جھنڈا بنایا گیا جہڑا لہور دی مرکزی عید گاہ وچ لاء دتا گیا جہڑی اجکل دے گڑھی شاہا اوس زمانے وچ سی۔ ایس فوج کول جذبہ تے ہے سی پر فوجی تربیت نہیں۔

اوہر بندہ بیراگی نے جس جتھے نوں لہور فتح کرن لئی گھلایا اوہنے آؤندیاں ای آل دوالے دیاں سارے پنڈاں نوں تباہ کر کے رکھ دتا تے ٹٹ مار کردا ہو یا شالا مار باغ تیکر آ گیا تے لہور دے نیزے قلعے اُتے قبضہ کر کے اپنا اوڈھ بنالیا سکھ جتھے سارا لئیال اتھے کٹھا کر دے تے اتھے ای آکے آرام کر دے تے فیرا گلے دن کسے ہو پر پنڈ نوں لٹن چلے جاندے۔ فیر بھیرت پنڈ وچ سکھاں تے حیدری فوج وچ لڑائی ہوئی جس وچ سکھاں نوں ہار دا سامنا کرنا پیا۔

جہڑے ویلے مغل بادشاہ بہادر شاہ نوں پنجاب آؤن دی درخواست کیتی گئی اوس ویلے پانی پت توں لے کے لہور تیکر سارے علاقے وچ سکھاں دی ٹٹ مار چالوسی صرف لہور شہر ای

محفوظ سی ایس سارے علاقے وچ سکھ حکومت بن گئی سی مغل حکومت تے اقتدار عملًا مک چکیا سی جد کہ سکھاں دیاں کارروائیاں دلی دے آل دوالے تیکر شروع ہو چکیاں سن دلی دے لوکاں شہر چھڈ کے ہور علاقیاں ول ہجرت شروع کردتی سی۔ بادشاہ نے سکھاں دی ایس بغاوت نوں روکن لئی نویں پر بندھ کیتے تے پنجاب دے مختلف علاقیاں وچ نویاں سرداریاں بنائیاں ایسے وچالے سرکاری فوجاں تے سکھاں وچ کئی تھاواں تے لڑائیاں ہوئیاں جہاں وچ سکھاں نوں ہار ہوندی رہی تے اوہ اک واری فیر سرہند وچ کٹھا ہون لگ پئے جتھے مغل فوج نے حملہ کیتا۔ سرہند تے سرکاری فوج دے قبضہ مگروں سکھا اپنے مرکز لوہ گڑھ ول چلے گئے جتھے بندہ بیراگی وی پہنچ گیا تے اک لکھ سکھ فوج نے اپنے آپ نوں قلعہ وچ بند کر لیا۔ مغل فوج نے قلعے دوالے گھیرا بنالیا۔ بندہ بیراگی نے ایس قلعہ وچ کھان پین دیاں شیواں دے نال گولہ بارود وی کٹھا کیتا ہو یا سی تے آل دوالے کچھ چوکیاں وی بنائیاں ہوئیاں سن۔ جہڑیاں مغل فوج دے حملے پاروں ہولی ہولی ختم ہوندیاں کنیاں۔ سکھ قلعے وچ بند سن اوہناں لئی سنن دا موقعیا وی نہیں رہیا سی۔ قلعے نوں گھیرے وچ کئی دن لنگھ گئے کھان پین دیاں شیواں مکھن لگ پئیاں تے اوہناں توپاں تے گڈاں چھن والے جنور وی کھالے تے فیر گھوڑے وی کھانا شروع کردتے۔ جدوں سکھاں نوں اپنی ہار دا یقین ہو گیا تے اوہناں بندہ بیراگی تے کچھ ہور سرداراں نوں اوتھوں کدھن بارے سوچنا شروع کردتا تے فیر اک ادھی رات نوں اوہ اوتھوں نکلن وچ کامیاب ہو گئے۔

اودھر جدوں بادشاہ نوں سکھاں دے اوتھوں نکل جان بارے پتہ لگاتے اوہنوں بہت غصہ آیا تے ہر صورت بندہ بیراگی نوں گرفتار کرن دا حکم چالو کیتا۔ لوہ گڑھ دا ایہ وقوعہ دسمبر 1710ء وچ ہو یا سی ایس لڑائی وچ دوویں پاسیوں پنجاب ہزار بندے مارے گئے سن۔ بہادر شاہ اگست 1711ء وچ لہور آیا ایس وچالے اوہنے بندہ بیراگی نوں پھڑن لئی کئی جتھے بھیجے پر اوہ ایس وچ کامیاب نہیں ہوئے۔ ایدھر بادشاہ بیمار ہو گیا تے فروری 1716ء وچ چلانا کر گیا جس توں مگروں اوہدے پترال وچ وی اقتدار دی جنگ شروع ہو گئی تن شہزادے قتل



ہو گئے تے چوتھا جہاندار شاہ بادشاہ بن گیا اے دس مہینے گزرے سن کہ فرخ سیر نے دلی دے تخت اُتے قبضہ کر لیا۔ بہادر شاہ دے مرن مگروں دلی دربار اک سال تک بحران دا شکار رہیا۔ فرخ سیر نے راج گدی تے قبضہ کرن مگروں سکھاں نال نبرن دا فیصلہ کر لیا او بنے کشمیر تے لہور دے گورنر تبدیل کر کے سکھاں دے خلاف کارروائی دے حکم چالو کیتے۔ 22 فروری 1713ء نوں لہور دا گورنر عبدالصمد خان نوں تے اوہدے پتر ذکر یا خان نوں جموں دا فوجدار بنایا گیا ایس طرحاں سکھاں دے خلاف نویں جنگ شروع ہو گئی۔ لوہ گڑھ دی ہار مگروں بندہ بیراگی 15 مہینے تک جموں دے نیزے لکیا تے مغلاں دی حکومت ختم کرن دے منصوبے بناؤندارہیا۔ ایہ تھاؤں ا جکل ڈیرہ بندہ صاحب اکھواندی اے بندہ بیراگی فروری 1715ء وچ فیر باہر آیا تے راہ وچ آؤن والی ہر آبادی نوں تباہ کر کے رکھ دتا اوہنے مسلماناں دے قتلّام دے نال چوکھی لٹ مار کیتی۔ ایہدی اطلاع دلی سرکار نوں ملی تے بادشاہ فرخ سیر تے عبدالصمد خان گورنر نوں فوری کارروائی کرن دا حکم دتا تے دلی ولوں چوکھی مدد وی بھیجی۔ کئی تھاواں تے لڑائیاں ہوئیاں تے بندہ بیراگی بالآخر گورداسپور نیزے اک پنڈ وچ جتھے اوہنے چار پھیرے فصیلاں بنائیاں ہوئیاں سن۔ ایہ پنڈ اک قلعے ورگاسی جتھے توپاں چلاؤن لئی برج دی بنائے گئے سن تے کھان پین دیاں شیواں لئی گودام دی بنائے گئے سن۔ 17 اپریل 1715ء نوں سرکاری فوجاں ایس قلعے نوں چار پھیر یوں گھیرے وچ لے لیا، کئی واری سکھاں نے قلعے توں باہر نکلن دی کوشش کیتی پر مسلمان فوجاں نے اوہناں نوں کامیاب نہیں ہون دتا، جس توں باہروں کھان پین دیاں شیواں وی نہیں آسکیاں۔ گولہ بارود دے نال بہن کھان پین دیاں شیواں دی باقی نہیں رہیاں۔ تے اوہ اپنے جانور وی کھا گئے رکھاں دے پتے دی کھاندے رہے تے فیر جانوراں دیاں ہڈیاں پیہہ کے آٹے وانگوں کھان تے مجبور ہوئے۔ جدوں بھکھ نے ادھ موا کر دتا تے فیر قلعے دے دروازے کھولن لئی سفارش کیتی کہ بادشاہ اوہناں دی جان بخشی کر دے گا۔ بالآخر سکھاں نے 17 دسمبر 1715ء نوں ہتھیار سُٹ دتے۔ قتلّام دی ہویا جد کہ بندہ بیراگی سنے 740 سکھ گرفتار وی کیتے گئے جہاں نوں سخت پہرے وچ پہلوں لہور لیاند گیا



تے فیر دلی بھیج دتا گیا۔

25 فروری 1716ء نوں سکھاں دا ایہ جتھا دلی دے نیڑے پہنچیا۔ بندہ بیراگی تے ہور سکھاں دے خلاف باقاعدہ مقدمے چلائے گئے تے ساریاں نوں موت دیاں سزاواں سنائیاں گئیاں۔ 5 مارچ نوں ایہناں سزاواں تے عمل شروع ہو یا شہر وچ بنائیاں گئیاں اک سو پھانسیاں تے روزانہ سکھ باغی پھٹے چاڑھے جاندے۔ اٹھ دناں وچ ایہ سارے باغی موت دے حوالے کر دتے گئے جد کہ بندہ بیراگی نوں 19 جون نوں پھاہے لایا گیا۔

ایہ اوہ بندہ بیراگی سی۔ جس دا جعلی ناؤں کچھمن دیوسی تے اوبدا تعلق راجپوت خاندان نال سی کچھمن نوں شروع توں ای سیر سپاٹے دا شوق سی پڑھن لکھن ول خاص دھیان نہیں سی ایسے لئی اوہ باقاعدہ تعلیم نہیں حاصل کر سکیا سی۔ کیوں جے اوس زمانے وچ پڑھنا لکھنا وی صرف باہنساں کول ای سی۔ چھوٹیاں ناناں دے لوک ایسے کارن علم توں دور رہندے سن۔ کچھمن دیو پڑھن لکھن دی تھاؤں کھیڈاں وچ مگن رہندا۔ یاں اوہ واپسی نیجی کردایاں فیر شکار کھیڈا۔ اوہنوں جنگی کھیڈاں وچوں گھڑ سواری تے تیر اندازی بہت پسند سی۔ پر فیر اوہ اک حادثے پاروں سادھوآں تے جوگیاں دے نیڑے ہو گیا تے اک بیراگی جاکئی پرشاد دے گروہ وچ رل گیا جسنے اوبدا ناؤں مادھو داس رکھ دتا۔ 1681ء وچ قصور نیڑے رام تھمن وچ وساکھی دے میلے اُتے اوبدی ملاقات اک بیراگی رام داس نال ہوئی تے اوہ اوبدے نال رل گیا تے فیر سادھوآں دے ایس جتھے نال ہندوستان دے کئی شہراں دی سیر کیتی۔ تے فیر ناسک پہنچ گیا جتھے اوہ کئی سال رہیا اتھے ای اوبدی ملاقات اک ہور جوگی آگرناتھ نال ہوئی جس توں اوہنے یوگا دا علم حاصل کیتا تے مرن ویلے اوہنے کچھمن جہڑا بن مادھو داس یوگی سی اوہنوں اپنا وارث بنادتا۔ ایسے زمانے گرو گوہند جی وی ایدھر آئے تے اوہناں دی مادھو داس نال ملاقات ہوئی۔ مادھو داس گرو جی دا غلام بن گیا ایسے لئی بعد وچ اوبدا ناؤں بندہ بیراگی ہو یا۔ گرو جی نے وی اوہنوں سکھ پنہ لئی چنگا سمجھیا تے فیر اوہنوں اپنا جانشین بنادتا اپنے ترکش وچوں پنج تیر کڈھ کے فتح دی علامت دے طور تے اوبدے حوالے کیتے تے نال ای بہادر دا خطاب وی دتا۔ تے نال

ای اپنے پنج خاص بندے وی بیراگی دے حوالے کردتے ایہو ای اوہ پنج بندے سن جہڑے سکھاں دی تواریخ وچ پہلی واری پنج پیارے اکھوائے۔ بعد وچ ایہ پنج پیارے لازم ہو گئے جہاں سکھ لازم دی انتظامی تے مذہبی سربراہی کیتی۔ کجھ دناں گروں گرو گو بند جی چلانا کر گئے تے بندہ بیراگی پنجاب ول آ گیا۔

ٹی ایس مارٹن لکھدا ہے کہ گرو گو بند سنگھ دے قتل گروں بندہ بیراگی پنجاب آیا تے اوہنے سکھاں نوں اپنے آل دوالے کٹھا کیتا اوہناں وچوں ہار دے جذبے نوں مکایا تے پنجاب وچ ہر تھاؤں تے لٹ مار شروع کردتی، قتل عام ہو یا تے امن و امان تباہ ہو کے رہ گیا لوکاں کی بد امنی پاروں ڈرتے خوف دا شکار ہو گئی، لوکاں اپنے گھریاں چھڈ دتے تے ہجرتاں شروع کردیتیاں، بندہ بیراگی تے اوہدے ساتھیوں دے دلی وچ پھاہے لاؤن توں اٹھ دس سال تک سکھاں چپ وٹی رکھی پر 1730ء دے نیڑے اوہ اک واری فیروزی حکومت دے خلاف بغاوت کرن لئی تیار ہو گئے۔ وڈے وڈے سرداراں تھاؤں تھائیں اپنیاں اپنیاں آزاد ریاستاں بنالیاں جہاں نوں مثالاں وی آکھیا جاندا ہے ایہ باراں مثالاں سن ایہناں وچوں اک مسل بھنگی وی سی جسے لبور تے قبضہ کر لیا تے فیروزی 1799ء تک ایتھے حکمران رہی۔ ایسے نوں ہار دے کے ای رنجیت سنگھ لبور دا حکمران بنیا سی۔

ای ڈی میکلیکن تے ایچ اے روز دی کتاب ”پنجاب“ وچ ایہ ساری کہانی کجھ ایس طرحاں وی بیان کیتی گئی ہے۔

گرو گو بند سنگھ 1708ء وچ چلانا کر گئے اک سال پہلوں اورنگ زیب وی فوت ہو گیا سی، گرو گو بند سنگھ دی تھاں بندہ بیراگی نے لے لئی۔ اوہ وی اک جنگی سردار دی حیثیت سی نہ کہ گرو دی حیثیت۔ اوہ بیراگی مسلک نال تعلق رکھدا سی ”بندہ“ دا مطلب گرو دا نوکر غلام تے سیوک سی۔ گرو نے اوہنوں اپنیاں کرامتاں راہیں اپنا مانت بنالیا سی پر بندہ صرف اک بھگت توں زیادہ کجھ نہیں سی اوہ اک متعصب سپہ سالار سی۔ حقیقت تاں ایہ ہے کہ بندہ بیراگی دے مذہبی عقیدے ہندو آں دے ای رجحانات ظاہر کردے سن پر اوہدی حکومت آئینے تھوڑے

ویلی دی سی کہ اوہ سکھ ازم اتے کوئی خاص اثر نہیں پاسکی، کیوں نہ 1716ء وچ کشمیر تے پنجاب دے گورنر عبدالصمد خان نے اوہنوں پھر کے مار دتاسی۔

اوہدی گرو گوند جی نال ملاقات تے ہوئی اوہنوں پنج تیر تے ہو رہتھیا روی دتے گئے  
اوہنے گرو دی پوری بیعت وی کیتی پر اوہنوں پابل (گرو گدی) نہیں دتی گئی گرو نے اوہنوں  
اپنی روحانی قوت دیندے ہوئے پنج اصول اپناؤن لئی وی آکھیا۔

تختی نال مجرور ہیں

اپنے آپ نوں گرو نہ اکھوائیں

نواں فرقہ نہ بنائیں

سکھ گردوارے وچ دربار لاؤن توں پرہیز کریں

تے سکھاں نال پر امن طریقے نال رہنا۔ پر اوہنے ہندو آں تے مسلماناں نال کھلی  
لڑائی شروع کر دتی جس وچ سکھ وی اوہدے نال مل گئے، اوہنے گرو تیغ بہادر دے قتل تے  
پٹھاناں دی غداری دا بدلہ لینا شروع کر دتا تے گرو نال جڑت دے باوجود سادھورا تے  
قبضہ وی کیتا تے اپنے مرن توں کچھ چر پہلوں سر ہندا تے قبضہ وی کر لیا تے اوہ تھ قتل عام  
کیتا تے اوہ تھ اپنا گورنری بنایا تے دیوان وی مقرر کیتا، انتظامی معاملات وی چلائے  
تے محصول وی کٹھا کیتا۔ اس توں مگروں بہت سارے لوک خالصہ وچ رل گئے پر بندہ  
بیراگی آپ اس دی پیروی نہیں کرداسی۔

میکلیکن بندہ بیراگی تے دلی سرکار وچ لڑائیاں دا تذکرہ کردا ایہ وی لکھدا ہے کہ

1711ء وچ مغل بادشاہ آپ سامنے آیا تے بندہ بیراگی نوں نس کے پہاڑاں وچ پناہ  
لینی پئی۔ پٹھان کوٹ وچ بندہ بیراگی دا مغلاں نال اک کامیاب مقابلہ ہو یا تے اوہنے مغل  
فوج دار شمس خان تے بایزید خان نوں مار چھڈیا۔ جس توں غصے وچ آ کے بادشاہ نے حکم چالو  
کیتا کہ سارے ہندو اپنا مونہ تے سر منوان تے سارے سکھاں نوں قتل کر دتا جائے ایس دے  
نتیجے وچ ہزاراں ہندو وی شہید وچ مارے گئے۔



1712ء وچ بہادر شاہ دی موت مگروں اوہدے پتر راج گدی لئی لڑن لگ پئے جس توں بندہ بیراگی نے فیدا چکدے ہوئے اک واری فیر سر ہند اُتے قبضہ کر لیا تے سر مور بیل اس پورتے نالہ گڑھ دے راجیاں نوں اپنی بادشاہی من اُتے مجبور کیتا تے فیر رو پڑتے بہلول پور دے مسلمان جاگیرداراں نوں وی زبردستی اپنے نال ملا لیا۔

1714ء وچ اوہ اپنا طاقتور ہو گیا سی کہ امرتسر وچ اپنا دربار لاسکے تے فیر اوہ شاہی لباس پہن کے سر اُتے تاج رکھ کے لوکاں دے سامنے آیا۔

ایہ اوہ زمانہ سی جدوں لہور تے جمنا دے درمیان دا علاقہ سکھاں دے کنٹرول وچ آ گیا سی جس توں مگروں فرخ سیر نے گرو گو بند سنگھ دی بیوہ دا اثر رسوخ استعمال کرن دی کوشش کیتی بیراگی نوں اٹھ الزام لاکے سکھ مذہب چوں کڈھ دتا گیا اوہنے دو جاویاہ کیتا۔

نواں پنٹھ شروع کیتا

کھنڈا پابل دی تھاں چرن پابل نوں رواج دتا

فتح درس دانوں نعرہ دتا

بادشاہی لباس پہنیا

یار ہواں گرو بن گیا

سکھاں دے حکمران ہون داد عوی کیتا

اوہدے من والے گرو آں دے سنگھ ہون دی تھاں بندائی اکھوان لگ پئے (ایہ جنوب مغربی پنجاب وچ ابجے وی ہے نہیں) بیراگی نے ایہناں الزاماں دے جواب وچ آکھیا کہ اوہ گرو گو بند سنگھ دا من والا نہیں اک فقیر سی۔ فیرو دی بدلے دی مہم بے خالصہ دی راکھی لئی گرو دے حکماں تے عمل کردار ہیا۔

پرائس نظریاتی لڑائی دے نتیجے وچ سکھاں وچ وی اختلاف پیدا ہویا، کئی لیڈروں سامنے آئے، میکلیکین دا کہنا ہے کہ بیراگی نے گرو ہون دا ہوکا دی دے دتا سی۔

لگدا اے کہ 1739ء وچ نادر شاہ دے حملے دی آگوائی مغل حاکماں تے پہاڑی

راجیاں نے مل کے کیتی تاں جے سکھاں دی طاقت نوں ہار دتی جائے۔  
 بندہ بیراگی دی پھانسی مگروں سکھاں نے مسلماناں دے خلاف لمی لڑائی شروع کر دتی پر  
 اک باقاعدہ حکومت بناؤن دی کوشش نہیں کیتی۔ 1748ء وچ خالصہ دل نے جہانگیر کلاں  
 نوں آہلو والیہ مسل داسر براہ بنایا تے کجھ چر مگروں اوہنے لہور وچ مغلاں دی بنائی ہوئی نمکسالی  
 وچوں اپنے سکے بنائے (جہانگیر دے نمونے والے اوہنوں بادشاہ کہندے سن) خورے ایہوای  
 اوہ بچھو کڑ ہے جس توں بلھے شاہ آکھیا سی۔  
 بھوریوں والے راجے کیتے۔

چیتے رہوے کہ کلاں شراب بناؤن والیاں نوں آکھیا جاندا ہے جد کہ ”بھوری“ والے وی  
 بھنگی شرابی آکھے جاندے نیں تے اک مسل بھنگی وی سی جسے بعد وچ لہور اُتے قبضہ کر لیا  
 سی۔ کلاں لہور قصور روڈ تے کابنہ دے کول اک پنڈ ”آہلو“ دارمیں والا سی تے بلھے شاہ دالہور  
 قصور آؤنا جانار بند اسی ایس لہی اوہد ایس صورت حالات توں جانو ہونا کوئی اوپر نہیں لگدا۔  
 بہر حال 1757-58ء وچ جہڑا بلھے شاہ دی موت داسال آکھیا جاندا ہے ایسے سال  
 اسی جہانگیر کلاں جہڑے سکے بنوائے اوہناں اُتے لکھیا سی۔ خالصہ دی کرپا نال۔ احمد دے ملک  
 وچ جنہوں جہانگیر کلاں نے فتح کیتا۔

1761ء وچ جدوں احمد شاہ پانی پت وچ زبردست فتح حاصل کر کے پنجاب وچوں چلا  
 گیا تے جہانگیر کلاں نے دریائے بیاس پار کر دے ہوئے اوہدے اُتے حملہ کیتا تے 22 ہزار ہندو  
 زانیاں تے مرداں نوں رہا کر دیا۔ جس توں مگروں اوہنوں بندی چھوڑ آکھیا جان لگ پیا۔  
 اوہنے لاہور اُتے قبضہ کیتا پر سکھاں وچ آپسی کھج دھرو شروع ہو گئی ایسے زمانے اسی جنڈیالہ دا  
 مہنت سکھاں دے خلاف ہو گیا سی اوہنے سیکڑے سکھاں نوں مار چھڑیا تے اوہناں احمد شاہ  
 ابدالی کولوں مدد منگی جس دیاں فوجاں نے 1762ء وچ جنڈیالہ نوں گھیرے وچ لے لیا سکھ  
 اپنے پنڈ نوں چھڑ (جنڈیالہ وارث شاہ دا پنڈ سی) وارث شاہ دا آخری زمانہ وی اتھے اسی لٹکھیا  
 سی) کے نس گئے۔

بہر حال ساڈا شاعر تاں ایہ کہند اے کہ

بُھے شاہ ہن کیا بتاوے جو دے سولڑا

لت بلتی گت بگتی کوئی نہیں ہتھ پھڑدا

دیکھو کیہی قیامت آئی آیا خر دجال

کپوری ریوڑی کیوں کر لڑے پتا سے نال

تے فیر ایسے طرحاں :

ظالم ظلموں ناہیں ڈردے اپنے عملیں آپے مردے

بہر حال مکدی گل تاں انج دی ہے کہ بندہ بیراگی دے قتل مگروں پنجاب وچ سکھاں دی طاقت اک واری کمزور ہو گئی سی تے اوہناں دی سانجھ وی ٹٹ گئی سی پر انج دی ہویا کہ دلی سرکار وی ماڑی ہو گئی تے پنجاب وچ وی سرکاری اثر و رسوخ گھٹے وچ آ گیا تے کجھ چر مگروں سکھاں دیاں باراں مثالاں وی بن گئیاں جہاں دچوں نکئی مسل، بھنگی مسل، آہلو والیہ مسل، کنھیا مسل، رام گڑھیہ مسل، سرچکیہ مسل تے چرٹ مسل سرکدھویاں سن۔ بھنگی مسل ای سی جنہے اٹھارہویں صدی دے اخیر وچ لبور اُتے قبضہ کر لیا تے فیر اوہدے اُتے 1799ء وچ رنجیت سنگھ نے قبضہ کر لیا۔

ایہناں مثالاں اپنیاں اپنیاں علاقائی سرداریاں وی بنائیاں تے اک دوجے دیاں سرداریاں تے قبضہ کرن لئی لڑائیاں وی شروع کردتیاں جہاں اتے دلی دی مرکزی حکومت اپنی کمزوری پاروں پوری تو جانیہیں دے سکی۔ وسطی پنجاب اک پ اے تاں ایہناں مثالاں دی آپسی لڑائی دا شکار ہو رہی سی تے تیجے پاسے نادر شاہ درانی تے احمد شاہ ابدانی دے پنجاب اتے ہلے وی شروع ہو گئے سن جس توں ایہ شاوی سامنے آیا کہ اوہ پنجاب جتھے ہمیشہ باہروں دھاڑوی آئے نے مہاجر وی آ کے آباد ہونڈے رہے اوہو لوکاں نے ہجرت کرنا شروع کردتی تے بُھے شاہ آکھیا۔



اگلے جا بنگاہ لے بیٹھے  
پچھلیاں فرش و چھائے  
اُلٹے ہوو زمانے آئے  
تاں میں بھیت بجن دے پائے



## سُنی نہ نہیں ہم شیعہ

نظریاتی پھل پھلتا، پرچلتا تے ماننا وچ وادھے دے کئی طریقے تے ویسے نیں تے اوہناں نوں کئی طرحاں ورتوں وچ لیا نندا جاندا ہے پر نظریے دی سچائی تے اوہدے وچ لوکائی دی سوجھ بوجھ نال نیڑتا تے سماج وچ اوہدی ضرورت لوکائی دا اوس نظریے نال جذباتی تعلق ای مڈھ رکھدا ہے۔ تواریخ دی ایہ گواہی وی ہے کہ دنیا وچ موجود سارے مذہبی نظریے ایس پچھوکڑ وچ ای پرچلت ہوئے نیں۔ پر فیروی کسے وی نظریے لئی اوہدے پرچارکاں دا مخلص تے دیانتدار ہونا تے فیر اپنے عمل تے کردار راہیں اوس نظریے دے باطن دا اظہار تے لوکاں دا اوس توں متاثر ہونا وی ضروری خیال کیتا جاندا ہے۔

ساڈے ہاں صوفیاں نے وی اصل وچ اپنے نظریے دے اخلاص تے سچائی نوں ہی اپنے عمل تے کردار راہیں پیش کیتا ہے تے لوکائی نے وی ایس خلوص دی سلاہنا کیتی تے قبولیا..... یعنی کسے وی نظریے دی گل کرن والیاں دا اپنے نظریے نال مخلص ہونا لازم ہے تے اوس دے سنے اوہناں دی سوچ دی قبولیت راہیں اوہ نظریے ساڈے سامنے وی ہے نیں پر فیروی ایہ اک تواریخی سچ ہے کہ جس نظریے نوں ریاستی رکھیا تے حکومتی تھاپنا مل جاندی ہے اوہ بہت چھیتی ودھدا ہے تے اوہ لوکائی وچ پرچلت ہو جاندا ہے۔ خاص طور تے مذہبی نظریے ایسے ہی پچھوکڑ وچ بہت زیادہ پرچلت ہوئے تے لوکائی وچ وی ایہدی ماننا دی ترکھی ہوئی

اے ایس حوالے نال بہت ساریاں مثالاں پیش کیتیاں جاسکدیاں نہیں، کیوں جے سچ تاں ایہ ہے کہ حکومتاں تے حکمراناں نال جڑے ہوئے لوک اپنے فیدیاں لئی اپنی ضرورت تے سوچ نوں تبدیل کر دے رہندے نہیں تے فیراوبناں نال جڑے لوک وی اپنی سوچ نوں تبدیل کر دے جاندے نہیں۔

خاص طور تے جاگیردارانہ سماج وچ ایہ معاملہ لڑی توں لڑی چلدا ہے جد کہ اوہ سماج جتنے سوجھ تے سیانف دا سفر چلدا رہندا ہے لوکاں کول ویلے دا علم تے جانکاری ہوندی ہے اوہ سوجھ معاملہ دکھ ہوندا اے۔ لوکاں دی سوچ وچ تبدیلی سوجھ تے سیانف دے نال جانچ پرکھ نال آؤندی ہے ایسے تبدیلی نوں ہی سچی تے کھری آکھیا جاند اے۔ ایہو جے سماج وچ نویں سوچ تے نویں نظریے تاں بہت چھیتی آؤندے نہیں پر اوس رفتار نال عقیدے دار روپ نہیں ڈھال دے جسراں اک ان پڑھ تے کچھڑے ہوئے سماج وچ ایہ نظریے عقیدیاں دار روپ دجاردے نہیں۔ کیوں جے اک ہور حقیقت تاں انج وی ہے کہ ایس سماج وچ استحصالی رویے غالب ہوندے نہیں تے اک ایسا جابرانہ ماحول بنادتا جاند اے کہ انسان بہت ساریاں سماجی معاشی تے اخلاقی محرومیاں دا شکار ہو جاند اے تے اوہ ہر ویلے اک پناہ دی تلاش وچ رہندا ہے۔ پر ظلم تاں ایہ وی ہے کہ جس نظریے یاں عقیدے نوں اوہنے پناہ گاہ بنایا ہوندا ہے اوہ وی اوہنوں رکھیا نہیں دیندا تے اوہ نویں پناہ گاہ ول ویکھن اُتے مجبور ہو جاند اے۔

ایہو ای تواریخ دا سچ ہے جس وچ نویں نظریے آئے تے اوہناں دی مانتا ہوئی، پر دو جا سچ ریاستی تے حکومتی سرپرستی یاں قبولیت دا ہے۔ ایہو ای کارن ہے جس وچ اسی اشوک اعظم دا زمانہ ویکھدے ہاں جس وچ بدھ ازم نوں وادھر املیا تے فیر بندوستان وچ مسلمان حکمراناں دیاں حکومتاں نے وی اسلام دے وادھے وچ اپنا حصہ پایا تے فیر ایہ وی ویکھن وچ آیا کہ حکمران دی مخصوص سوچ تے عقیدے دی پرچلتا وی ہوئی، شیعہ ازم دی بندوستان وچ پرچلتا دی کہانی وچ وی ایہ پچھو کڑ موجود ہے۔

ایس حوالے نال جہڑیاں تواریخی روایاں نہیں اوہ انج وی ہے نہیں۔



بھاویں خلفائے راشدین دے زمانے وچ ای مسلماناں دی فکری وند ہو گئی سی پر کربلا دے وقوے نے ایس وند نوں ہو رڈ ونگھا کر دتاسی تے ایس دے سٹے وچ بنو امیہ دی جہڑی حکومت بنی اوہدے جبر تے ظلم توں وی لوکائی بہت تنگ ہوئی سی۔ ایسے کارن ایس زمانے وچ اک پاسے تاں صوفی ازم سامنے آیا تے دوجے پاسے بہت سارے مسلمان ہجرت کر گئے سن۔ جہاں وچوں بھتے تاں وچلے ایشیا، بخارا، سرقتدے کا شغریول چلے گئے تے او تھے تبلیغ داکم وی کیتا۔ ایسے طرحاں کجھ قافلے ہندوستان ول وی آئے جہاں وچ بہتی گنتری شیعان علی دی سی۔

اک ہو ر سچائی تاں ایہ وی ہے کہ جدوں محمود غزنوی ملتان تے حملہ کیتا تے اتھے اسماعیلی حکمران سن جہاں بارے ایہ وی آکھیا جاندا ہے کہ ایہ مصر توں آئے سن تے ایہ فاطمی کہلان دے سن، ایہ گل پکی ایس لئی نہیں لگدی کہ مصر توں ہجرت لئی ہندوستان بہت دور ہے تے ایہدے لئی یورپ زیادہ مناسب سی۔

تواریخ ایہ وی دسدی ہے کہ جدوں بارہویں صدی وچ منگولاں نے وچلے ایشیاء نوں پیراں تھلے مدھیائے لوکاں دے سراں دے مینار بناؤندے ہوئے بغداد تیکر پہنچ گئے تے او تھے مسلماناں دی حکومت تے تہذیب نوں ملیا میٹ کر دتے ایہناں دوہاں علاقیاں وچوں مسلماناں دی وڈی گھنٹی وچ ہجرت ہوئی تے ایہناں وچ جتھے اہل سنت نال تعلق رکھن والے صوفی درویش تے بزرگ شامل سن او تھے اوہناں وچ شیعہ فکر نال تعلق رکھن والے لوک وی شامل سن۔ ہندوستان وچ بخاری سید ایسے لئی بخاری اکھواندے نیں کہ اوہ بخارا توں ہجرت کر کے آئے نیں حالاں اصل وچ اوہ نقوی نیں۔ آکھیا جاندا ہے کہ ایہ ”شیعہ فکر“ نال تعلق رکھدے سن جہاں وچوں اک قافلہ کشمیر وچ ٹھہر گیا سی تے دو جا جنوبی پنجاب وچ اُچ شریف۔ آیتاں ایہناں دے کارن بی ایہناں علاقیاں وچ شیعہ ازم دی پر چلتا ہوئی پر سندھ وچ شیعہ ازم ایران دی ہمسائیگی چوں آیا جس دے تہذیبی تے ثقافتی رابطے موجود سن۔

ایہ تاں تہذیبی تے ثقافتی سانگے ہن جہاں چوں نظریاتی وادھاں دیاں پر اصل سچ تاں

ریاست تے حکومت دی تھا پنا ہے، ظہیر الدین بابر دی بنائی ہوئی مغل حکومت دی اوہدا پتر نصیر الدین ہمایوں بہتا چر رکھیا نہیں کر سکيا شیر شاہ سوری نے نہ صرف دلی دے تخت اُتے قبضہ کر لیا سگوں اوہنوں ہندوستان چھڈن تے مجبور کر دتا۔ پراوہنے ہمت نہیں ہاری چار پنج سال مگروں ہی ایرانیوں دی حمایت نال فیر بلہ کیتا تے دلی دا تخت کھوہ لیا۔

ایہو ای وقت اور حالات دا اوہ موڑ ہے جس وچ نظریاتی تبدیلی دا امکان وی سامنے آیا کیوں جے ہمایوں دے نال جہڑے ایرانی فوجی آئے سن اوہناں وچ بہتی گنتی شیعاں دی سی تے ایہناں وچوں بہت سارے فتح تے حکومت بنن مگروں اتھے ای رہ گئے سن تے اوہ نہ صرف حکومت تے ریاست دے نیڑے سن سگوں اوہناں نوں دربار وچ وڈیائی وی ملی تے اوہ بہت سارے عہدیاں تے مرتبیاں توں وی نوازے گئے۔

ظاہر ہے کہ انسان بھادویں کسے وی مقام اُتے ہووے یاں فیر ماڑا تے غریب ہووے اوہ اپنے عقیدے دا پکا وی ہوندا اے تے اوس دا دکھالا وی کردا ہے ایہ اوہ اپنی تسکین لئی کردا ہے۔ ایرانیوں دے حکومت تے ریاست دے نیڑے ہون پاروں شیعہ ازم نوں اک رکھیا وی ملی تے فیر ایہ وی آکھیا جاندا ہے کہ اوس ویلے ای اوہناں اپنیاں رسماں ریتاں وچ عبادت وی کیتی تے اپنے عقیدے دا دکھالا وی شروع کیتا۔ ایس طرحاں اوس ویلے دے امیراں وزیراں تے اوہناں دے نوکراں چاکراں، تعلق داراں تے ملن گلن والیاں دی فکری سانجھ دے دروازے کھلے تے ایہدے نال ای تبلیغ دا کم وی شروع ہو گیا۔ جہڑا فطری سی کیوں جے ہر کوئی اپنے عقیدے دی پھل پھلتا چاہندا ہے۔ اکبر دی سیاسی حکمت عملی اج دی زبان وچ سیکولر ازم تے اُسارت سی تے فیر اوہ کسے وی نظریاتی یاں عقیدیاں دی لڑائی نوں نہیں مند اسی اوہ تاں سارے مذہباں دی سانجھ دامنیت سی۔ اک پاسے تاں اوہنے مختلف مقامی زمانیاں نال دیاہ کیتا ہو یا سی تے دو جے پاسے فوج وچ وی مقامی بھرتیاں کیتیاں ہوئیاں سن اوہنے ہمایوں دی بنائی حکومت وچ وی کوئی وڈی توڑ بھن نہیں کیتی سی، کجھ ایسے وزیر مشیر وی سن جہڑے ہمایوں نال جڑے ہوئے سن پر فیروزی اوہدے خاص نورتن ای مشہوری رکھدے سن۔ کجھ لوک تاں ایہ

وی کہندے ہیں کہ اوہ کسے نظریے تے عقیدے نوں نہیں مندا سی اوہنے اپنے ای اصول بنائے ہوئے سن جہاں نوں اوہدے مرن مگروں پہلوں دین اکبری تے فیر اوہنوں اکبر دے دین الہی داناؤں دتا گیا۔ بہر حال اوہدے زمانے دا اک وقوعہ تاں انج وی ہے کہ اکبر نے چار توں ودھ زنانیاں نال ویاہ کیتا ہو یا سی۔ لوکاں آکھیا کہ اسلام وچ اک ویلے چار شادیاں یاں فیر چار زنانیاں رکھن دی اجازت اے۔ اکبر نے ایہ ناجائز کیتا ہو یا اے بھادیس ایہ رولا اوہناں عالماں پایا سی جہاں نوں اکبر نے دربار توں دور کر کے اوہناں دے وظیفے بند کردتے سن۔ کیوں جے ایہ مذہبی مسئلہ سی ایس لئی اکبر نے کجھ عالماں نوں سدیا تے اوہناں نال صلاح مشورہ کر کے وچلا رستہ کڈھن دا آکھیا۔ اوہنوں آکھیا کہ تسی ”متاع“ کرلوو تے فیر اک کتابی روایت تاں ایہ وی ہے کہ اوہنے ”متاع“ تے کر لیا پر ایہ رستہ وکھاؤن والے عالماں نوں وی دربار چوں کڈھ دتا۔

ایس توں ایہ گل وی نتر کے سامنے آجاندی ہے کہ دربار وچ شیعہ ازم نوں من والے موجود سن سگوں ایہ نظریہ اوس ویلے اک سماجی حیثیت اختیار کر چکیا سی۔ پر فیروہی ایہ گل پکی طرحاں آکھی جاندی ہے کہ شیعہ ازم نوں سب توں زیادہ رکھیا نور الدین جہانگیر دے زمانے وچ ملی تے ایس دا کارن ملکہ نور جہاں سی جس دا تعلق ایران نال سی تے اوہ شیعہ وچار رکھدی سی اوہ نہ صرف شیعہاں نوں سماجی وڈیائی دیندی سی سگوں اوہناں نوں رکھیا وی دیندی سی ایہ وی اک تواریخی سچائی ہے کہ جہانگیر دے زمانے وچ ای پہلی واری کشمیر وچ شیعہ سنی جھگڑے ہوئے سن تے دلی توں ملکہ نور جہاں نے شیعہاں دی حمایت کیتی سی۔

اک پاسے تاں حکومت تے ریاست دی رکھیا تے نیز تا دی ایہ کہانی ہے جہڑی اورنگ زیب دے زمانے تیکر چلدی ہے اورنگ زیب بھادیس سنی عقیدے نال تعلق رکھدا سی پر فیروہی اوہدے دربار وچ شیعہاں دی کوئی گھاٹ نہیں سی پر اوہ اورنگ زیب دے ڈرتوں پُچھنے ای رہندے سن پر فیروہی ایہ اوہ زمانہ سی جدوں شیعہ سنی فکری لڑائی کھل کے سامنے آگئی سی تے ایہ محفلاں مجلساں دا خاص موضوع بن گیا سی شیخ احمد سرہندی ورگے انتہا پسنداں دے وچار وی



سامنے آچکے سن، جبرے غیر مسلمان نوں قتل کرنا جائز سمجھدے سن تے شیعیاں بارے وی اوہناں دے وچار کوئی چنگے نہیں سن، جس توں اک سماجی دکھریاں کھل کے سامنے آ گیا سی، ایہو ای اوہ زمانہ اے جہدے وچ پہلی واری شیعیاں نوں کافر آکھیا گیا۔ عالمگیر دے مرن مگروں مغل شہزادیاں وچ راج گدی دیاں لڑائیاں شروع ہو گئیاں، ایہناں شہزادیاں عالمگیر دی روایت نوں ہی نورادتا تے بھراواں نوں قتل کر کے تخت اُتے قبضہ کر دے رہے پہلی واری بہادر شاہ جبرہ اشیعہ مسلک نال تعلق رکھدا سی اقتدار حاصل کرن وچ کامیاب ہو گیا اوہ بھادیس تھوڑا چرای حکومت وچ رہیا پر اوہدے زمانے شیعہ ازم نوں سنیاں توں اُتلے ہتھ رکھیا گیا، بہادر شاہ توں مگروں فرخ سیردی حکومت وچ دربار دو دھڑیاں وچ ونڈیا گیا سی، ایرانی تے تورانی، ایرانیوں دی اگوائی دوسید بھرا کر دے سن۔ فرخ سیردے شروع دے زمانے وچ شیعہ وزیراں نوں بہت زیادہ اہمیت حاصل ہوئی سی فیراک ویلا اوہ وی آیا کہ بادشاہ ایہناں وزیراں دے اثر سوخ توں ڈر گیا اوہنے اوہناں نوں کینڈے وچ رکھن دی کوشش کیتی تے ایہ شیعہ وزیر بادشاہ دے خلاف ہو گئے ایہو ای اوہ وزیر سن جہاں پہلوں سازش کیتی تے فیر بغاوت کر کے بادشاہ نوں تخت اتوں لاہ دتا سی۔

بہادر شاہ جنہوں شاہ عالم وی آکھیا جاندا سی، اوہ اورنگ زیب عالمگیر دا پترسی۔ اوہدی خاص علمی تربیت وی ہوئی سی۔ اوہدی عالماں، فاضلاں نال محبت تے صحبت وی سی، فقہ تے حدیث بارے اوہدا علم سارے مغل بادشاہواں توں بہت سی، اوہ عالماں نال ایس معاملے اُتے مناظرے وی کردا سی، اوہنوں اپنی جستجو تے پریتیت پاروں شیعہ ازم نوں چنگا کجھیا تے فیر ایہدے نال اوہدی جڑت وی ہو گئی، جدوں اوہنے لاہور وچ ڈیرے لائے تے اوہنے ایہتھوں دے سارے عالماں دا کٹھ لکیتا جس وچ بے خفی سنی سن۔ اوہنے عالماں دے سامنے حضرت امیر المومنین علی علیہ السلام بارے حقیقت کجھی ساری جُت پوری کرن مگروں اوہھے خطبے وچ علی ولی اللہ وصی یا رسول اللہ شامل کرن اپنی آکھیا۔ جس دی اوہدے بھراواں عظیم الشان تے جُستہ اختر تے جبرے کٹھن سنی سن ورو دھتا کیتی۔

ایس توں مگروں اونھے شہزادے عظیم الشان دے نال اک شیعہ عالم نوں مسیت بھیج دتا، حالاں شہزادہ شیعہ عالم نوں نال لے جان لئی تیار نہیں پر پیو دے آکھن تے اوہنوں نال لے گیا۔ پر جدوں اوس عالم نے اپنے عقیدے دا پرچار کرنا چاہیا تے اوہنوں مجھے وچ ای قتل کر دتا گیا، مسیت وچ اوس ویلے بستے خفی سنی سن اوہ بادشاہ دے ایس ارادے نوں پورا ہوندا یا نہیں دیکھنا چاہندے سن، شہزادہ دیکھ دا ای رہ گیا اوہنے کسے دا ہتھ نہیں ڈکیا۔

ایس وقوے توں مگروں اک ہور وقوے وی سامنے آیا، سنی عالم جہڑے فقہ حدیث تے چوکی پہنچ رکھدے سن، اوہ مسیت وچ کٹھے ہو گئے تے اوہناں ساریاں نے مل کے بادشاہ نوں صحیح فرقے وچ رلت کرن لئی آکھیا بادشاہ نے اوہناں دی کسے گل دی کوئی پرواہ نہیں کیتی تے اپنی حیاتی دے باقی دن شیعہ ازم دی چھاپ وچ پورے کردار ہیا تے سنی عالماں نال بحث و مباحثہ وی کردار ہیا حالاں اوہدا کدی کوئی چنگا سنا سامنے نہیں آؤندا سی، فیروزی ایہ سلسلہ چالو رہیا، بہر حال بہادر شاہ توں شروع ہون والی ایس کہانی دادر باری سیاست دا سانجھ وی سامنے آیا کہ دربار وی دو فرقاں وچ ونڈیا گیا۔

خانی خان تے دربار دی صورتحال بارے لکھدے ہوئے کہند اے، اورنگ زیب تے اوہدے پتر بہادر شاہ دے زمانے وچ جے کوئی بادشاہ نوں ملن جاندا سی تے اوہ اپنے گھر والیاں نال آخری ملاقات کر کے جاندا سی خورے پرت کے آؤنا نصیب ہووے یاں نہ۔

محمد شاہ رنگیلا دی حکومت تیکر سید برادران دا اقتدار اُتے پورا قبضہ رہیا، فیروز شاہ نے کجھ وزیراں نال جوڑ توڑ کر کے تے اپنی ماں دی صلاح نال اوہناں نوں ہولی ہولی بے اثر کیتا تے اوہناں دے پیچھے توں نجات حاصل کیتی، جس توں شیعہ وچاراں دی پرچلتا بارے ریاستی تھاپنا وچ گھاٹ وی آئی تے اوہنوں اک روک وی ملی، پر اوس ویلے تیکر ایہ معاشرتی ونڈ دے نال مذہبی وکھریوں نوں جنم دے چکیا سی، پر سچ تاں ایہ ہے کہ اوس ویلے تیکر شیعہ ازم امیراں وزیراں تے سماج دے اُتلے طبقے وچ اپنی پہنچ بنا چکیا سی تے ایہدے اثرات تھلے تیکر وی آؤنا شروع ہو گئے سن، چیتے رہوے کہ نظریاتی تبدیلی ہمیشہ یاں تے اُتلے طبقے وچ آؤندی ہے تے

یاں فیر پٹھلے طبقے وچ' کیوں جے اک پاسے مفادات دی رکھیا تے دوجے پاسے اوہناں نوں حاصل کرنا ہوندا اے بہر حال قاضی جاوید لکھدے نہیں کہ

شروع توں ای برصغیر وچ اہل سنت دی گنتی چوکھی رہی اے پر مغلاں دے زمانے وچ بہت سارے ایرانی شیعہ عالم تے امیر لوک استھ آکے آباد ہوئے جس توں استھ شیعہ ازم نوں بڑھوتری ملی۔ اکبر دی سیاسی حکمت عملی نے وی ایہدے اثرات اپنے وچ جذب کرن دی راہ پدھر کیتی پر فیروزی ایس عہد وچ شیعہ سنی عالمین وچ بحث تکرار شروع ہو گئی سی۔ جنہوں شیخ احمد سرہندی نے ہو روی کرزا کیتا اوہناں دی وچار دھارا وچ شیعہاں نوں مشرک آکھیا جاندا سی تے اوہ مسلم سماج وچ شیعہاں دے ودھدے ہوئے اثر نوں اسلام لئی خطرہ سمجھدے سن۔

ایس لئی شیعہاں ولوں شیخ احمد دے خلاف بھرواں احتجاج وی کیتا گیا۔

ایس معاملے اتے شیخ احمد سرہندی اپنے کرڑے سن کہ جدوں اک واری عید دے خطبے وچ امام نے خلفائے راشدین دا ناں نہ لیا تے اوہناں شہر دے حکمراناں نوں اوہدے خلاف سخت کارروائی کرن لئی آکھیا، شیخ احمد سرہندی دے سپتر خواجہ محمد معصوم نے وی برصغیر وچ شیعہ سنی جھگڑے نوں نکھاکرن وچ اہم کردار ادا کیتا سی۔ آکھیا جاندا ہے کہ اورنگ زیب عالمگیر ایہناں دا ای مرید اے۔

خواجہ معصوم نے شیعہاں نوں قتل کرن دی بلا شیری دیندے ہوئے عالمگیر نوں لکھیا سی کہ حضور نبی کریم ﷺ نے آپ ایہدے لئی آکھیا اے۔ ایس خط وچ اوہناں اک حدیث دا حوالہ وی دتا، جہڑی کجھ انج ہے۔

ابوداؤد وچ لکھیا ہے کہ ابن عباس نے روایت کیتی ہے کہ آخری زمانے وچ ایسے لوک ہون گے جہاں نوں روافض آکھیا جائے گا۔ ایہ اسلام دی توہین کرن والے تے مشرک ہون گے۔ ایہناں نوں قتل کر دینا۔

اورنگ زیب دے زمانے وچ فرقہ پرستی دودھڑیاں دی کھڑبا کھڑبی دے باوجود زیادہ نہیں ہوئی۔ انج وی ایس زمانے وچ شیعہاں دا اثر رسوخ بہت ودھ گیا سی۔ مورخ ہالسن نے



تے ایہ وچار پیش کیے نہیں کہ اورنگ زیب دے وزیراں دی اک وڈی گنتی شیعہ نظریہ رکھدی سی پر ایہ لوک بادشاہ دے خوف توں اپنے خیالاں دا کھل کے دکھالا نہیں کر دے سن اپنے عقیدے نوں اوہلے رکھ دے سن۔

کچھ تواریخی سیانے ایہ وی کہندے نہیں کہ اورنگ زیب عالمگیر نے بیجا پور تے احمد پور اتے حملے ایس لئی نہیں کیے سن کہ اوہناں دے بادشاہ شیعہ سن سگوں اصل گل تاں ایہ ہے کہ اوہناں ایرانی بادشاہ نال مل کے مغل حکومت دے خلاف سازش شروع کر دتی سی جہڑی پھڑی گئی سی۔

عالمگیر دے مگروں شیعہ اثر رسوخ ہو رو دھ گیا سی ایہتوں تیک کہ بادشاہ نے جمعے دے خطبے وچ ”علی ولی اللہ وصی یا رسول اللہ“ دے اکھر شامل کرن دا حکم چا لو کر دتا اس توں کئی شہراں وچ اہل سنت دلوں بھرواں احتجاج کیتا گیا کئی شہراں دے نال لہور وچ وی ہنگامے ہوئے ایہ رولا ایناں ودھیا کہ ”دلی سرکار“ نوں ایہ فرمان واپس لینا پینا۔ ایہ اوہ زمانہ سی جدوں بلھے شاہ حیات سی اوہدا مرشد راہیں لہور نال گوہڑا تعلق سی تے اوہدا اتھے آؤنا جانا وی رہندا سی ایہ کسراں ہو سکد اسی کہ اوہ ایس سارے روئے گوئے توں وکھر بندا۔ بہر حال تاریخی تے تہذیبی وکھریاں تے ٹٹ بھج ای بلھے شاہ ورگے حساس شاعر نے اک پاسے تاں اپنے شیعہ نہ سنی ہوں داہوکا دتا سگوں صلح کل دی وچار دھار انوں ٹور دتا تے آکھیا کہ ایہو ای اوہ رستہ تے طریقہ ہے جس اتے چل کے نہ صرف ایس معاشرتی ونڈ نوں ختم کیتا جاسکد اے سگوں ایس دن بدن مردے ہوئے معاشرے نوں اک سانجھی فکر دے کے بچایا جاسکد اے۔

سُنی نہ نہیں ہم شیعہ

صلح کل کا مارگ لیا

ایہ تاں اک جزوی ونڈ ہے جہڑی مذہبیاں عقیدے دے حوالے نال سامنے آؤندی ہے پر فیروی کیوں ہے ایہ نہ صرف سماج دی ونڈ دا کارن بنی سگوں ایہدے نال اک مذہبی وکھریاں دی سامنے آیا ایس لئی بلھے شاہ نے ایہدی بھرویں ننڈیا کیتی تے صلح کل داہوکا دتا۔ پر

چچی گل تاں ایہ وی ہے کہ بُلھے شاہ دا صلح کل تاں مذہباں دی سانجھ دا پرچارک ہے اوہ اک  
انسان دی ہوند دا چاہیوان ہے جس دی مذہباں دی ونڈ توں اگیرے براہ راست رب نال  
جزت ہووے ایسے لئی جتھے اوہ ایہ کہندا ہے کہ

رام رحیم تے مولا کیہ

گل سمجھ لئی تے رولا کیہ

یعنی رب تاں اک ای ہے بھاویں اوہنوں رام آکھو یاں رحیم۔ ملوک داس وی ایہ گل انج  
آکھی ہوئی اے۔

ملوک داس توں ایویں بھلیکھے وچ پنیا ہو یا ایں رام تے رحیم کو کجھ نہیں

جدوں رب اک ہے تے فیر اوہدے منن والیاں نوں وی اک ای ہونا چاہیدا ہے  
اوہناں وچ کسے طرحاں ونڈ تے وکھریاں نہیں ہونا چاہیدا۔ ایسے لئی بُلھے شاہ آکھیا کہ


ہندو نہ نہیں ہم مسلمان

بھٹے زرنجن تہج ابھیمان

میں ہندویاں مسلمان ہوں دے مان تکبر توں آزاد ہو کے صرف رب دی معرفت تے  
گیان دا خاش مند ہاں۔ مینوں کسے اک نظریے نال جزن دی کوئی لوڑ نہیں۔ مس کسے  
وکھریویں نوں نہیں منداتے میں چاہتا ہاں کہ سارے انسان رب نال اوہدے بندے اوہدی  
مخلوق ہون دی حیثیت وچ پیار کرن تے جہڑی ہو مخلوق ہے اوہنوں وی عزت احترام تے  
محبت دی اکھ نال دیکھن۔ تاں جے ایہ دنیا انسانیت لئی امن تے شانتی دا اک ایسا گھار بنے  
جس وچ سارے انسان رل مل کے وسن۔ اک دوجے دے دکھ ونڈن اک دوجے نال پیار  
کرن کوئی ہندو ہووے نہ کوئی مسلمان کوئی سنی تے نہ کوئی شیعہ۔ اوہ صرف انسان ہوں  
جہاں نوں رب نے اپنے روپ تے پیدا کیتا ہے، گل اتھے ای نہیں مکدی بُلھے شاہ تاں مومن  
کافروالی کسے تفریق نوں نہیں مند اوہ تاں ایسے تسلیم توں چارہ تھاکے ودھ کے کہندا ہے کہ

مومن کافر مینوں دوویں نہ دسدے وحدت دے وچ آکے

ایس بُکھے شاہ دی اوڑتاں اک ایسا انسان ہے جہڑا نہ تے شیعہ اے نہ سنی نہ ہندو اے نہ  
مسلمان تے نہ ای مومن تے نہ ای کافر۔ جہڑا صرف تے صرف رب دا بندہ ہووے تے اوہ  
رب دے ایس سنسار وچ موجود ہر طرحاں دی مخلوق نال پیار کرے اوہدی رکھیا دا سامنا  
کرے۔ اوہ جنگل نئیں، پہاڑ نئیں، زمین اے آسمان اے چن ستارے نئیں، یاں فیر انسان اوہ  
انسان جہڑا رب داروپ ہے۔





## جہڑا سانوں سید آکھے.....

ایہ تاں ہر کوئی تسلیم کردا ہے تے ایہدے وچ کوئی شبھا وی نہیں کہ بُلھے شاہ اک وجودی صوفی سی تے اوہنے وحدت الوجود دے پکے پیڑے صوفیانہ فلسفے نوں اپنے کلام راہیں لوکائی دے ذہناں وچ اوہناں دی اپنی زبان راہیں لے آنداسی۔ وحدت الوجود دا اوہ فلسفہ جس تے گل بات تے وچار وماندرا کردے ہوئے وڈے وڈے صوفی وی اپنے آل دوالے وکھے لیندے تے احتیاط توں کم لیندے سن۔ پر بُلھے شاہ اپنے ویلے دا اک صوفی ای نہیں سماجی تے سیاسی سوجھوان وی سی جس دیاں بہت ساریاں گواہیاں اوہدے کلام وچ ملدیاں نیں ایسے لئی اوہنوں اک وکھرا تے انوکھا صوفی وی آکھیا جاند اے۔

دو جا سچ تاں ایہ وی ہے کہ ساڈے کسے ہور صوفی انج دنگ تے بھرویں لہجے وچ چالو سماج بھیڑیاں قدراں تے استحصالی روایاں دی ننڈیا کیتی ہے تے نہ ای اوہناں دی ورودھتا نوں عملی جہاد دا حصہ بنایا اے۔

.....۰ بُرا حال ہو یا پنجاب دا

.....۰ بھوریاں والے راجے کیتے

.....۰ مغلاں زہر پیالے پیتے

تے فیر سماجی اُتھل پُتھل دے ایہ نمونے وی دیکھن جوگ نیں جہاں وچ سماج تے

سیاسی اثرات وی دکھالی دیندے نیں۔

..... اُلٹے ہو رزمانے آئے

..... گھوڑے چکن اروڑیاں

..... دھمی ماں نوں لٹ کے لے گئی

..... کپوری ریوڑی لڑے پتا سے تال

ایہو جہیاں ہو روی بہت ساریاں شہادتیاں نیں جہڑیاں بُلھے شاہ دے کلام وچ ملدیاں  
نیں پراک ایہو جہیا شعروی ہے جہڑا اوہدی مذہبی استحصالی رویاں دی ورودھتا دی نشاندہی وی  
کر دا ہے۔

ہندو نہ نہیں ہم مسلمان

بھٹے نرنجن تاج ابھیمان

یعنی بُلھے شاہ وحدت الوجود توں وی اگے وحدت ادیان دامانی سی اوہ مذہبی بنیاداں تے  
انسان دی ونڈ دا نہیں انسان دی اُچیائی دا پرچارک سی اوہنے مسلماناں وچ نظریاں پاروں ہون  
والی ونڈ نوں وی ایسے پچھو کڑ ویکھیا تے اوہدے خلاف بانہہ اُچی کر کے آواز بلند کیتی۔  
ایہ بُلھے شاہ دا ای زمانہ سی جدوں مغل بادشاہ جہاندار شاہ نے شاہی فرمان جاری کر دتا سی  
کہ جمعہ دے خطبے وچ علی دلی اللہ تے وصی یا رسول اللہ وی آکھیا جائے گا۔ دوجی روایت اذان  
وچ ایہ اعلان کرن دی ہے جس توں شیعہ سنی فساد شروع ہو گئے سن ایہ فساد کئی شہراں توں علاوہ  
لہور وچ وی ہوئے لہور جہڑا بُلھے شاہ دا دو جا شہر تے اوہدے مرشد دا ٹھکانہ سی اُنج وی لہور تے  
قصور دا اک تاریخی تے تہذیبی تعلق وی سی تے ایہناں وچ بہت دُعا پندھ وی نہیں سی۔ بہر حال  
لہور نال تعلق دی نشاندہی اوہنے اُنج وی کیتی ہوئی اے۔

عرش منور بانگاں ملیاں سُنیاں تہنت لہور

بہر حال ایہ صورت حال نوں ویکھ کے ای بُلھے شاہ نے

سُنی مذہب ہم شیعہ صلح کل کا مارگ لیا

کہہ کے اپنے دوہاں توں دور ہو کے انساناں دی سانجھ ول ٹرن دا ہوکا دتا۔ ایہ گل سارے لکھاری، سوجھوان تے سیانے جاندے نہیں کوئی اک حادثہ کوئی اک وقوعہ کسے وی شعر یاں کہانی، اکارن بن جانداتے اوہ علامت، تمثیل یاں استعارہ بن کے سامنے آ جاند اے تے فیروہ تواریخی شہادت وی بن جاند اے بلھے شاہ دے زمانے وچ پنجابی ادب وچ قصہ گوئی تاں تے پر کہانی تے افسانہ نہیں سی کہانی وی شعراں راہیں بیان کیتی جاندی سی جنہوں قصہ گوئی آ رہی جاند اسی جس وچ کسے اک وقوعے نوں بیان کرن دی روایت کھل کے سامنے آئی حالانکہ روایت بابا فرید جی دے ہاں پہلوں وی موجود ہے پر فیروہ بلھے شاہ دے ہاں کجھ انھیں وچ پورے پورے وقوعے وی بیانے گئے نہیں۔

براحال ایہ شعر یاں نظماں امی اج سماجی تے سیاسی تواریخ دا سہارا نہیں تے ایہناں توں ہن ویلے دے حالات نوں جانیا تے سمجھیا جاند اے چیتے رہوے کہ اوں ویلے دے زمانے اپنے کارنامیاں تے جنگاں دی تواریخ آپ لکھواندے سن تے ایہدے لئی اوہناں قلم رکھتے ہوندے سن جد کہ سماج تے وسیب دی تواریخ، لکھاریاں تے شاعراں دیاں کتابتاں تے استعاریاں راہیں ہی سامنے آؤندی اے میری جاچے بلھے شاہ اک صوفی ہی نہیں ہینا تے سوجھوان وی سی سیاسی تے سماجی شعور وی اوہدے ہاں بھروس روپ وچ ملدا اے یے لئی اوہدے کلام دیاں کئی پرتاں نہیں جنہوں ہر کوئی اپنی سوچ تے سوجھ نال پرکھ سکدا اے پر ویکھن والیاں نوں اوہدے ایہ دعویٰ وی سامنے رکھنا چاہیدا اے۔

اساں پڑھیا علم تحقیقی اے

تے فیروہ بنے ایویں تے ایہ گل نہیں آکھی سی کہ

عالم فاضل میرے بھائی

ایس لئی اوہدے کلام نوں صرف ظاہری اکھ نال پڑھیا جاسکدا ہے تے نہ ای

اوپرے کناں نال سُڈیا جاسکدا اے اوہنوں پڑھن تے سنن لئی دو چار ہتھ اگانہ ہو کے

بیٹھنا ضروری اے۔



آکھیا تے ایہ وی جاندا ہے کہ کیوں جے اوہنے اک ”سید“ نو کے ارا نہیں نوں مرشد من  
لیا سی ایس لئی اوہنے طعنے مہنے سننے تے سہنے پئے جس دا اوہنے آپ وی اعتراف کیتا ہے۔

بُکھے نوں سمجھاوَن آئیاں بھیناں تے بھر جائیاں

آل نبی اولاد علی نوں توں کیوں لیکاں لائیاں

ایہ بظاہر تاں اک سیدیاں فیر اُچی ذات دے بندے دے اک کمی دامرید ہون دی گل  
اے ہوسکدا ہے بُکھے نوں وی سماجی پچھو کڑ کارن بھیناں بھر جائیاں کولوں ایہ طعنے سننے پئے  
ہون۔ ایہ سچ وی لگدا ہے کیوں جے جس سماج وچ بُکھے شاہ رہندا سی اوہ وی ”برہمن ازم“ دا ہی  
تسلل سی۔ ایس برہمن ازم وچ اک پاسے تاں رب نال تعلق وی صرف ”برہمن“ دا ای  
ہوسکدا سی کوئی ہو رقوم رب نال تعلق نہیں بناسکدی سی برہمن ازم دے ایسے دتیرے چوں ای  
بھگتی تحریک نے جنم لیا سی برہمنوں دے مندر تے عبادت گاہاں وی دکھریاں سن تے برہمن  
چھوٹیاں قوماں دے بندیاں نوں ودیا توں دور رکھدے سن بھانویں اوہ کئے ای ”گیانی“  
ہوندے سن تے رب نال اوہناں دی نیڑتا وی ہوندی سی۔ جد کہ مسلمان تہذیب وچ اک ہو ر  
سچ تاں ایہ وی ہے کہ باہروں آؤن والے ایس مان وچ وی سن کہ مقامی قوماں نوں اساں ای  
مسلمان بنایا ہے نہیں تے ایہناں کافر ای رہنا سی تے کفر وچ ای مرنا سی ایہو ای کارن ہے کہ  
اج وی ساڈیاں بہت ساریاں قوماں اپنی اصل عرباں نال جوڑ دیاں تے اپنے آپ نوں  
وڈیاؤندیاں نیں حالاں اصل جڑ تے زمین دی ہوندی اے۔

بہر حال بُکھے شاہ نوں طعنے معنیاں دی گل سچی ہے کیوں جے ذات پات تے چھوت  
چھات دے سماج وچ اک سید دا کمی ارا نہیں دامرید ہونا اک نویر تے انہونی گل سی جس  
دی بُکھے شاہ کوئی پروا نہیں کیتی سگوں ایہدے اُتے کرڑا تے سخت رد عمل ظاہر کیتا۔ اپنی نسلی  
ذات توں انکار کردتا تے اوہنوں ماضی دے حوالے نال دیکھن والے نوں وی ”دوزخی“  
قرار دے دتا۔

جہڑا سانوں سید آکھے دوزخ ملن سزائیاں

جہڑا سانوں رائیں آکھے بہشتیں پینگاں پائیاں

ایہ اوہ سماجی منظر نامہ اے جس وچ بلھے شاہ دے ایس عمل نوں پسند نہیں کیتا گیا تے اوہنوں احتجاجی رویہ اختیار کر کے کرڑا رد عمل ظاہر کرنا پیا پر کچی گل تاں ایہوای ہے کہ شاعر کے وقوعے کے حادثے نوں سامنے رکھ کے ای اپنے نظریے اپنے خیالات تے اپنی سوچ نوں اُچا کرن لئی وسیلہ بناؤندا اے کیوں جے اوہ آپ وی تے او سے سماج دی تصویر دا مونہ مہاندرا ہوندا اے تے ایہ مونہ مہاندرا کوئی دو چار دناں وچ نہیں بندایہدے وچ پورا تواریخی پچھوکڑ وی ہوندا ہے جس نوں گولن دی لوڑ ہوندی اے۔ ایہوای ایس لیکھ دا مقصد ہے۔

ذرا گوہ کرے سچائی تے دانائی نال دیکھنے تاں ایہ گل کھلھ کے سامنے آؤندی ہے کہ ہندوستانی سماج دی بُتر۔ ہندو متھالوجی وچ موجود چار قوماں برہمن، کھشتری، دیش تے شودر نال بنی ہے ایہوای اوہ سماج اے جہڑا ہزاراں سال گذرن دے باوجود ابے تیک چل رہیا اے بھاویں اتھے جین مت بدھ مت تے اسلام دے نظریے وی سامنے آئے تے اخیر وچ سکھ ازم نے وی ایس سماج وچ موجود انسان دی ایس ونڈ دی نکھدی وی کیتی تے آپسی بھائی چارے دا ہوکا دی دتا پر فیروئی ایس سماج نوں ختم نہیں کر سکے۔ سگوں اج نویں تعلیم تے نظریے جدید ٹیکنالوجی نال وی آگے پر فیروئی چنگے نتیجے سامنے لیاؤن وچ پوری طرحاں کامیاب نہیں ہوئے۔

شہراں وچ بھاویں کجھ تبدیلی نظر آؤندی ہے پر پینڈو وسیب ابے تیکر صدیاں پرانے وسیب نال ای جڑیا ہویا اے ہندو متھالوجی دیاں چار قوماں ابے وی کئی شکلاں وچ موجود نیں۔ ایہناں نوں مسلماناں دیاں چھ سو سال تے انگریز دی دو سو سال تیکر رہن والیاں حکومتاں وی تبدیل نہیں کر سکیاں سگوں اوہناں دی ایس ونڈ نوں ہور ہلاشیری دتی اے۔ انگریز دے زمانے وچ بعض قوماں دی بھرتی اتے پابندی رہی اے جس دی پچھوکڑ وی ایہو اے اک نظریہ تے فوج وچ خاص طور تے افسراں لئی جہڑا انفسیاتی تجزیہ کیتا جاندا ہے اوہدی پچھوکڑ وی ایہو اے۔

ہندو متھالوجی وچ جہڑیاں چار قوماں سامنے آؤندیاں نیں اوہناں وچ برہمن بارے  
 آکھیا جاند اے کہ ایہ پر ماتما یاں برہما دے سرتوں پیدا ہوئی اے۔ ایہدے وچ حکمران طبقے  
 تے اشرافیہ دے نال پنڈت تے برہمن ای ہوندے نیں جہڑے شاستراں دی ودیا رکھدے  
 تے اوہدی تعلیم دیندے نیں۔ ایہناں برہمنوں وچ ای سیانے تے سوجھوان ہوندے نیں۔  
 دوجی قوم سکھشتری اے۔ جس وچ سپہ سالار تے فوجاں دے آگو ہوندے نیں، ایہ  
 لڑاکے تے جنگجو ہوندے نیں کیوں جے ایہناں دا جنم پر ماتما دے ناف توں سینے تک دے حصے  
 چوں ہوند اے جس وچ دل، جگر تے سینہ ہوند اے جہڑا طاقت دے نال دلیری، بہادری تے  
 جرات دا مرکز ہوند اے۔

تیسری قوم ویشی اے جہڑی ناف توں گوڈیاں تک دے حصے چوں پیدا ہوئی اے، ایہدے  
 وچ کاروباری، تاجر تے دنیا داری دے ہور کم کرن والے لوک شامل ہوندے نیں۔ کھیتی باڑی  
 تے واہی نیکی والے لوک وی ایہدے وچ ای شامل کیے جاندے نیں۔  
 چوتھی قوم ”شودر“ اے جہڑی پر ماتما دے گوڈیاں توں پیراں تیکر دے حصے چوں پیدا  
 ہوئی اے تے ایہ نہ صرف وڈیاں قوماں دے پیراں وچ بیہندی اے سگوں اوہناں دی سیوک  
 تے خدمت گار پیدا کیٹی جاندی اے۔

ایہناں چارے قوماں دیاں اگے بے گنت ذاتاں وچ ونڈ ہوئی اے، خاص طور تے شودر  
 قوم نوں اوہناں دے کماں دے حوالے سیکڑے ذاتاں وچ ونڈیا گیا اے۔ موچی، تیلی، نانائی،  
 چوہڑے، چمیار تے ہور کمی ذاتاں۔

استھہ اک ہور تواریخی سچ تاں ایہ وی ہے کہ برہمن، جی حکمران تے پنڈت سن ایس لئی  
 اوہناں دی آپس وچ فکری سانجھ وی ہوئی، جہاں سماج دے نال فکری تحریکاں اُتے وی اپنی  
 گرفت تے قبضہ رکھیا۔ ایہو ای کارن ہے کہ جنوبی ہند ایہد اگڑھ بنیا رہیا اے جنہوں اشوک  
 دے زمانے وچ صرف بدھ ازم نے چیلنج کیتا پر فیبر برہمن تے کھشتری دی سانجھ نے اوہدے  
 نال اوہ سلوک کیتا کہ اوہنوں دیس نکالا لینا پئیا، آپنا گھرتے جنم استھان چھڈ کے آسے پاسے



دے مکاں وچ پناہ لینی پئی۔ جس توں سماج وچ پرچلت اونچ نیچ تے چھوٹ چھاٹ دے نظام نوں ہوو حوصلہ ودھائی تے پکیائی ملی۔

بھادیر سچ تاں ایہ وی ہے کہ جنوبی ہندوستان وچ سماج پاٹ لنی آپسی جھگڑے تاں رہے اوہ اقتدار تے وسائل لنی اک دو بے نال لڑدے رہے پر اوہناں نوں کسے باہر دے دھاڑ وی نال واسطہ نہیں پینا، صرف انگریز ہی اوہدھروں دی آئے سن ایہ سارے حملے پنجاب اُتے ای ہوئے اوہدے اُتے ای سارے پھٹ لگے سگوں چندر گپت موریہ تے اشوک نے وی پنجاب چوں لنگھ کے گندھارا تے قبضہ کیتا سی جس دا دار الحکومت اج دا چارسدہ سی۔ اشوک راہیں بی کشمیر تے گندھارا وچ بدھ ازم پھیلایا سی۔ چندر گپت موریہ دا پوتر اشوک تے اشوک دا پوتر اکنشک گندھارا دا حاکم بنیا جد کہ ایس توں پہلے سکندر دے مرن مگروں 39 یونانی بادشاہ وی گندھارا تے حاکم رہے سن، اوہناں دا دار الحکومت افغانستان دو سو سال تیکر رہیا ایہناں نوں باختری یونانی گندھارا یونانی تے ہندی یونانی آکھیا جانداسی، ڈاکٹر سیف الرحمن ڈار ہوراں ایہناں نوں دریائے سندھ دے یونانی آکھیا ہے۔ ایہناں دی حکومت ٹیکسلا توں پرلے پاسے گندھارا وچ سی۔ 150 قبل مسیح وچ لکھی گئی اک کتاب ”ملاندہ کے سوالات“ وچ اک یونانی بادشاہ فیاندرتھ دے دار الحکومت داناؤں ”سکالہ“ لکھیا ہو یا اے جنہوں تواریخ دے بیانے اج داسیا لکوٹ کہندے نیں۔

بہر حال یونانی، ایرانی، پارٹھین، سیتھین، کشان تے ہن وی ایہنوں ای نشانہ بناؤندے رہے تے پنجابی ہی ایہناں دا مقابلہ کردے رہے تے فیر شمالی چین دے منگول تے وسطی ایشیاء دے لڑاکے چنگیز خان، بلاکو خان تے تیمور دیاں اولاداں وی ایسے اُتے دھاڑ کردیاں رہیاں اوہناں دیاں وحشی روانیتاں نے وی سماج اُتے اثر پائے۔ ماڑیاں تے نتانیاں دی حیاتی ہوو جگ ہوئی۔ جبر، ظلم تے زیادتی، لٹ مار تے قتل و غارت دی مجبوری وچوں رواداری تے برداشت نے وی جنم لیا پر فیروہی سماجی زندگی دے مڈھلے اصول تبدیل نہیں ہو سکے۔

اک ہوو سچ تاں ایہ وی ہے کہ آریں دا پہلا پڑاوی پنجاب سی تے اوہناں دراوڑاں

کولوں حکومت کھوہی سی تے فیر بند و ازم دی بنیاد بنن والے "وید" اتھے ای لکھے گئے سن پر فیر بند و ازم دے تہذیبی تے ثقافتی سوے وی گزگا جننا دل چلے گئے ایس لئی اوہ دے مڈھلے اصول وی کوئی خاص تبدیل نہیں ہوئی ساریاں علمی تے فکری تہذیبی تے ثقافتی تبدیلیاں باہر دے حملیاں پاروں دلی تک دے علاقے وچ ای ہونداں رہیاں 'گزگا جننا دیاں تہذیبیاں اپنے مذہبی تے فکری رویاں اُتے قائم رہیاں۔ ایس دے باوجود جنوبی ہند دے سوجھواناں یونان دے سکندر نوں یون یعنی وحشی آکھیا بھاویں اوہناں دا اوہ دے نال کوئی ٹاکرا نہیں ہو یا سی اوس زمانے اوہ دنیا فتح کرن نکلیا سی جدوں یونان وی نویاں فکر اں نال ترقی دیاں پوڑیاں چڑھ رہیاں سی تے اوہ دے نقش صرف گندھارا تے پنجاب وچ ای باقی رہے سن۔

ایہدے وچ کوئی شبہ نہیں کہ باہروں آؤن والے حملہ آور اپنی تہذیب اپنی ثقافت اپنا علم تے گیان اپنا مذہب تے اپنیاں رسماں وی نال لے کے آؤندے تے اوہناں دے نقش وی مفتوحہ علاقیاں وچ سامنے لیاؤندے نیں۔ علی عباس جلال پور تاں ایہ وی کہندے نیں کہ ایہناں تہذیبی تے ثقافتی حملیاں نال جبری مقامی تے باہروی سانجھ بنی اوہ دے نال مثبت فکری تحریکاں نے جنم لیا اوہ دے کارن پنجاب وچ رواداری تے برداشت دے نال نویں فکری رجحان پیدا ہوئے۔ پر فیروزی حیرانی والی گل تاں ایہ ہے کہ اوہ سماج دیاں پرچلت مڈھلیاں قدراں تبدیل کر سکیاں تے نہ ای چھوت چھات تے اونچ نیچ دے نظام دیاں جزاں کھوکھلیاں کر سکیاں۔

اک ہو رتواری نیچی تیج تاں ایہ ہے کہ محمد غزنوی نے اتھے جہڑے اپنے نائب تے گورنر بنائے اوہناں وی صرف حکومتاں کیتیاں تے ایہتھوں "جگائیکس" ای وصولی سماجی اخلاقیات نوں تبدیل کرن دا کوئی جتن نہیں کیا کیوں جے اوہدا مقصد کجھ ہو سی۔ حالاں جہڑے اتھے نائب مقرر کیے گئے سن اوہ وی افغانی سن جہاں دا پچھا کر دا ہو یا شہاب الدین غوری آیا سی جہدے خاندان نوں محمود غزنوی تباہ برباد کر کے رکھ دتا سی۔ شہاب الدین غوری پہاڑی کیتا تے لہور وچ محمود غزنوی دے گورنروں مارن تے اوہ دے کولوں حکومت کھوہن لئی سیالکوٹ

دے بندورا جے نال سانجھ کیتی تے فیرو جے حملے وچ اوہنے ملتان توں بنارس تیکر جانہ ے  
جہڑی لٹ مار تے قتلّام کیتے شہراں تے پنڈاں نوں اگاں لائیاں اوہدے اُتے ساڈے  
”غوری میزائل“ بناؤن والیاں نوں تھوڑا جیہا سوچن دی لوڑاے۔

بہر حال ایہدے وچ کوئی شبہ نہیں کہ شہاب الدین غوری نے ہندوستان وچ سلاطین دیا  
ں حکومتاں دی بنیاد رکھی تے اپنے اک وفادار غلام نوں حکمران بنایا اوس توں مگروں خلجی، تغلق  
تے لودھی کئی ہور خاندان حکمران بنے تے انت وچ تیمور خاندان دی اولاد ظہیر الدین بابر نے  
پنجاب تے چار حملے کرن مگروں دلی اُتے قبضہ کر کے مغل حکومت دی بنیاد رکھی جہڑی 1857ء  
تیکر باقی رہی۔ ایس وچالے ساڈے ایہناں مسلمان حکمراناں بت پرستی نوں بنیاد بنا کے  
ہندو آں نوں مسلمان بناؤن دے جتن تاں کیتے پر سماجی اخلاقیات تے استحصالی رویاں نوں  
تبدیل کرن لئی کوئی کم نہیں کیتا اوہناں حکومتاں دی حمایت وچ وادھا کرن لئی مقامی اشترافیہ نوں  
جاگیراں تے جائیداداں تے دتیاں پروڈے عہدے تے حکمرانی، گورنری تے صوبیداری  
اپنے نال آئے افغانیاں تے ترکاں دے ذمے ای رکھی۔ اک مغل بادشاہ اکبر ای ہے جسے  
”مان سنگھ“ نوں اک فوجی جتھے واسپہ سالار بنایا سی باقی سارے مسلماناں نے مقامی لوکاں نوں  
صرف جائیراں دے کے اک خاص اشترافیہ نوں جنم دتا تے مزدوراں تے مزارعیاں دی ونڈ  
نوں بلاشیری دتی ایہناں جاگیرداراں کا مے تے کمی کمین بنا کے ظلم تے زیادتی دے نویں سلسلے  
شروع کیتے ایہو ای اوہ زمانہ ہے جہدے وچ پنج ہزاری تے دس ہزاری دیاں اصطلاحواں  
سماٹنے آئیاں تے ماڑیاں تے نتائیاں نے اوہناں نوں قبولیا۔ بد قسمتی والی گل تاں ایہ وی ہے کہ  
ایس زمانے وچ سرکار دربار نال جزئی ملائیت نے وی ہندو متھالوجی دی ونڈ دی ہتھ ونڈائی کیتی  
تے ایہہ نوں قدرت دی مرضی بنا کے پیش کیتا۔ حالاں اسلام نے کالے تے گورے، عربی تے  
غیمی، امیر تے غریب دی ہر اک ونڈ، نی نکھدی کیتی اے تے سارے مسلماناں نوں اک دو جے  
دا بھرا سارے انساناں نوں برابر تے تھیا اے۔

ایہ سلسلہ انگریز دور وچ وئی چلدا رہیا اے۔ اوہناں وی حکومت دی پکیائی لئی اوہو ای



ہتھیار ورتے تے اپنی معاشی لٹ مار لئی بھادویں ترقی وی کیتی تے انصاف تعلیم تے لوکاں نوں سہولتاں دین لئی کجھ بندوبست وی کیتے پر سماجی نظام وچ موجود اونچ نیچ، چھوٹ چھات نوں ختم کرن دے پکے پر بندھ نہیں کیتے سگوں شودر قوم دیاں نیویاں ذاتاں نوں عیسائیت وچ پناہ لین لئی پریریا۔ پر جاگیرداری نظام دے ظلم تے زیادتی نوں ختم کرن دی کوئی کوشش نہیں کیتی سگوں اوہنے وی مسلمان حکمراناں وانگوں نویں اشرافیہ تے پیدا کیتی پر امیراں تے غریباں، ظالماں تے مظلوماں وچ کھلوتی کندھ نوں ڈھاؤن دی تھاں ہوتا اچا تے پکا کیتا لیکن جے ایہ کندھ اوہدی حکومت تے حکمرانی لئی مسلماناں وانگوں ضروری سی کیوں جے ایہوای اوہ سماجی نظام سی جبر اوہنوں رکھیا تے سرکاری کماں لئی مزدوراں دی ہراک لوڑ پوری کر رہی سی۔

اک ہور تواریخی سچ تاں ایہ وی ہے کہ ساڈی ملائیت نے وی برہمن ازم تے پنڈتاں دے پیراں تے پیر رکھ دے ہوئے ایہدے خلاف کوئی بھرویں آواز نہیں چکی، حکومت تے حکمراناں دی نیزتا تے حاصل کیتی اوہناں نوں بت پرستی دے خلاف جہاد کرن لئی وی آکھیا تے ایہ فلسفہ وی پیش کیا کہ عبادت اُتے کوئی پابندی نہ ہووے تاں حکومت دے خلاف کوئی قدم نہیں چکنا چاہیدا۔ پر حکومت تے حکمراناں نوں اسلامی سکھشا دے مطابق اونچ نیچ تے چھوٹ چھات تے ذات پات تے سماج وچ موجود نظام نوں ختم کرن لئی نہیں آکھیا۔ ایہ کم صرف صوفیاں تے درویشاں نے ای کیا اوہناں اپنے کول ہراک نوں بٹھایا، ہراک نوں برابر دی عزت تے مان دتا بھادویں اوہدا کسے وی مذہب کسے وی نسل یا قبیلے نال تعلق سی اوہناں نہ صرف اپنی سماجی قوم تے ذات توں انکار کیتا سگوں اپنے آپ نوں روایاں تے ٹھکرانیاں ہونیاں ذاتاں نال جوڑیا۔ شاہ حسین نے ڈھڈی راجپوت ہو کے اپنے آپ نوں جولابا اکھوایا تے بلیھے شاہ نے سید ہو کے اپنے آپ نوں اراٹھیں اکھواتا پسند کیتا۔ یعنی برہمن ہو کے وی دیش ہون نوں وڈیائی دتی۔ چیتے رہوے کہ برہمن نوں پر ماتما دے سرچوں جنم لین پاروں جبروی وڈیائی ملی اے اوہ وڈیائی نوں مسلم رہنہتل وچ سید نے آل نبی اولاد ملی ہون پاروں حاصل کیتا جس دی بلیھے شاہ نے نکھدی کیتی تے ایہدے نال ای کجھ قوماں دے ظلم زیادتی تے

استحصالی رویاں نوں وی علامت بنا کے اوہناں نوں مارن دی گل کیتی اے۔

کافر چھڈ کے پہلو رنگھڑ مار

یعنی کافر ہونا کوئی برائی نہیں؛ واجب القتل تے استحصالی رویہ اے۔ جہڑا انسان تے انسانیت تے ظلم دا کارن تے سماج وچ ونڈاں بناؤندا تے نفرت تے تعصب نوں پیدا کردا ہے انصاف نوں انصاف توں دور کردا تے اک دوجے وچ فاصلے پیدا کردا اے۔ ایہہ توں قومی شناخت تے ذاتی پہچان نوں پچھے سٹ کے صرف انسان تے انسانیت نوں اچھائی تے وڈیائی دے کے ای مکایا جاسکدا اے۔ ایہو ای اوہ عمل؛ کردار تے رستہ اے جہڑا سماج نوں اونچ نیچ، ذات پات تے چھوت چھات نوں پاک کر کے محبت؛ رواداری تے برداشت دے رنگاں بھرے سماج وچ تبدیل کر سکدا اے۔ پرايہدے لئی ایہ ہوکا دینا ضروری اے کہ

جہڑا سانوں سید آکھے دوزخ ملن سزائیاں

تے بلھے شاہ بانہہ اُچی کر کے ایہدا ہوکا دتا؛ ایہ وکھری گل ہے کہ سماج دیاں پرانیاں قدراں دے رکھوالے اوہدے خلاف کٹھے ہو گئے؛ اوہدے اُتے فتوے لائے تے حکمراناں اوہنوں کئی واری شہر چھڈن تے مجبور کیتا تے اوہنوں قصور نوں بے دستور وی آکھنا پینا۔ قصور جہڑا اوس ویلے دے سماجی نظام دا اک نمونہ سی تے ایہدے حکمران استحصالی رویاں تے چالو قدراں دے رکھوالے سن جہاں راہیں انسان دی ننڈیا تے نکھدی ہو رہی سی۔

☆☆☆

## قصور بے دستور

بکھے شاہ میرا ہی نہیں، ساری دنیا دے سو جھوان عاشقاں دی طلب تاہنگ تے جستو ہے، جہڑی ہر زمانے، ہر سماج تے ہر ماحول وچ پہلے نالوں دُون سوائی ہوندى رہندی اے۔ کوئی مذہب، کوئی نظریہ روک نہیں بند اسگوں کچی گل تاں ایہ ہے کہ جس انسان وچ تھوڑی جہی وی انسانیت ہے تے اوہ انسانیت دی اچیاں تے وڈیاں چاہندا ہے اوہد البکھے شاہ ہیرو وی ہے راہر تے راہنما وی۔ اوہ سارے انسان اوہنوں آپنا سمجھدے تے اوہدے نال پیار کر دے نیں۔

بکھے شاہ سو جھواناں لئی اوہ عجائب خانہ اے۔ جس دے بوہے تے جہڑا اک واری آن کھلووے اوہدے لئی کئی ہو ردروازے آپے ای کھلن لگ پیندے نیں، اوہ اگے ودھدا جاندا ہے۔ اوہدے کول پچھانہ پرت کے دیکھن دی کوئی گنجائش نہیں رہندی، ایہ اوہ جادوگری ہے جہدے وچ قدم قدم تے نویں حیرت سامنے آؤندی ہے تے اکھاں کھلیاں رہ جانیاں نیں۔ پر بے علم تے بے یقین، ایس حیرت خانے وچ پتھر دے ہو جان دے نیں، نہ اونھاں دیاں اکھاں رہندیاں نیں تے نہ ای جسم۔ ایسے لئی انھیاں نوں ایس حیرت خانے دے بوہے تے وی کھلون نہیں دیندا اسگوں دوروں ای دھرکار دیندا تے کہندا ہے۔

کُتے تیں تھیں اُتے



ایس حیرت خانے وچ داخل ہون لئی کالی نیلی ہری عینک دی لوڑ نہیں، بس نیک نیتی، خلوص،  
غیر جانبداری تے کھلی اکھ دی لوڑ ہے، دل دی اکھ دی جھڑی ہر ویلے کھلی رہندی اے، او تھے نیند  
ہے تے نہ غنودگی۔ ایسے لئی او نھیں علم تے سیانف دی گل کیتی ہے تے فیر ایہ وی آکھیا۔

بلیھا چل او تھے چلے جتھے سارے ہوون انھے  
کیوں جے انھے رولے گولے وچ نہیں پیندے اوہناں کول کجھ ہوو ویکھن دی نہیں  
عرف کجھن دی گنجائش ہوندی اے۔

گل سمجھ لئی تے رولا کیہ

رام رحیم تے مولا کیہ

جی گل تاں ایہ ہے کہ بلھے شاہ اپنی شاعری دے علامتی نظام توں کئی گنا ودھ اپنے فکری  
نظام چوں کھل کے سامنے آؤندا ہے تے ایہو ای اوہ فکری نظام ہے جہڑا اوہنوں اک مسلمان  
صوفی توں ودھ جگت صوفی بناؤندا تے ساری دنیا اوہدی مانی ہے، اوہدے ”صلح کل“ دے پیغام  
پاروں مسلماناں توں بہتے دو جے مذہباں دے پیروکار اوہدے فکری نظام دے سامنے متھا  
ٹیکدے نیں۔ ایس پچھو کڑ بھاویں اک وچار دھار تے انج وی ہے کہ بلھے شاہ لکھاری توں بہتا  
حال مست ملا متی سی جہڑا ساوے تے سوہے چولے پاکے پیریں گھنگھر و بنھ کے نجد اگاؤندا  
پھر داسی اوہنوں اپنے وچار جہڑے اوہ شعراں راہیں بیان کرداسی اوہ لکھن تے سنبھالن دی کوئی  
پروا نہیں سی۔ لوکاں، سنکیاں، ساتھیاں جو کجھ اوہدے کولوں مستی وچ سُندا اوہنوں یاد رکھیا، سنبھالیا  
ایہو ای کارن ہے کہ اوہدی کوئی ہتھ لکھت نہیں ملدی۔ پر مینوں ایس پچھو کڑ اک ہوو رشیما ہے  
جس دی کھوج ہونی چاہیدی اے۔

بلھے شاہ دا فکری نظام ہر طرحاں دی اسٹیبلشمنٹ دے خلاف سی۔ اوہ بھاویں برہمن ازم  
سی تے بھاویں ملائیت

بلھا دھرم سالہ وچ ناہیں، جتھے موہن بھوگ پوائے

وچ مسیتاں دھکے ملدے ملاں تیوڑی پائے

تے فیراوہ بھاویں ریاستی نظام سی تے بھاویں معاشرتی نظام چیتے رہوے کہ بلھے شاہ دی حیاتی دا زمانہ اٹھارہویں صدی دا ہے جس وچ مغلاں دا زوال شروع ہو گیا سی، دلی دا دربار سازشاں دا گڑھ بنیا ہو یا سی۔ مغل شہزادے دلی دے تخت لئی اورنگ زیب دی بھراواں نوں قتل کرن دی روایت نوں نور الدین دے ہوئے اک دوجے نوں قتل کر رہے سن، مرہٹاں تے سکھاں نے بغاوتاں شروع کر دتیاں سن تے اوہدے اثرات تھلے تیکر آؤن لگ پئے سن، حکمراناں مقامی سطح اُتے وی اپنی وکھری حفاظت اُتے مجبور ہو گئے سن اوہناں اپنے محلاں دے باہر تے چوہدر بٹھائے سن پر لوکائی غیر محفوظ ہو گئی سی اوہناں دی رکھیا دا کوئی آہر نہیں کیتا جا رہیا سی۔ ایسے اُتے ہر کھوکھالا کر دے ہوئے بلھے شاہ نے صوفیانہ رنگ وچ آکھیا۔

دولت منداں بوہیاں اُتے چوہدر بٹھائے

پکڑ دروازہ رب سچے دا جتھوں دُکھ دل دامت جائے

ظاہر ہے کہ فقیر دے ہاں سارے دُکھاں دا علاج رب ول دھیان اے تے اوہ اوہ دی گل کر دا ہے پر فیروی بلھے شاہ جہڑا معاشرتی منظر نامہ بیان کر دا ہے اوہنوں کسے دی طرحاں پروکھے نہیں کیتا جاسکدا۔

بلھیا قصر نام قصور ہے او تھے موہنوں نہ سکں بول

او تھے سچے گردن ماریئے جھوٹے کرن کلول

ایہ اوہ شہر سی۔ جتھے افغانی حکمران سن۔ جہڑے اج نہیں کئی صدیاں توں دلی تخت دے گماشتہ پٹھان سن اوہناں دے محل وی سن تے اوہدے آل دوالے فصیلاں وی سن۔ اج وی اندرون شہر کئی کوٹاں وچ وٹھیا ہو یا اے تے ایہ کوٹ جہاں نوں ”قلعہ“ وی آکھیا جانداسی۔ ایہ کوٹ اے وی پٹھان حکمراناں دے ناؤں تے آباد نیں اوہ اوس زمانے آپ تے چوہدراراں دی راکھی وچ بیٹھے ہوئے سن پر اوہناں دی حکومت تے حکمرانی وچ کسے نوں ”سچ بولن“ دی اجازت نہیں سی۔ جہڑا ایہو جیہی کوئی جرات کر دا بلھے شاہ دے آکھن موجب اوہدی گردن ماردتی جاندی سچ تے سچائی دوہاں نوں قتل کر دتا جاند اجد کہ جہڑے ”جھوٹے“ سن اوہ قصور وچ کلولاں

کردے پھر دے سن۔ بلھے شاہ وی جج دا ہوکا دیندا پھر داسی تے فیرایہ کسراں ہو سکدا اسی کہ جھوٹھ  
وی ایس حکمرانی وچ اوہنوں برداشت کیتا جاندا۔  
گل اتھے ای نہیں مکدی بلھے شاہ معاشی جبر عدم مساوات تے استحصال دی نشاندہی  
کردے ہوئے بلھے شاہ کہند اے۔

• کھائے خیراتے پھائیے ”جمعہ“ الٹی دستک لائی  
پر فیروی کیوں جے قصور اوہدی مٹی اوہدی دھرتی تے اوہدی بچپن، جوانی تے تعلیم دا گواہ  
وی سی، اوہدیاں نجسجاں اوہدیاں سنکٹاں دا جانو وی سی۔ ایس لئی ایہ اوہدی مجبوری وی سی اوس  
مجبوری دا اظہار اوہ انج وی کردا ہے۔

بلھیا قصور بے دستور اتھے جانا بنیا ضرور  
نہ کوئی پن، نہ کوئی دان ہے نہ کوئی لاگ دستور  
ایہ قصور شہر دا منظر نامہ ہے، جتھے بلھے شاہ دے آکھن موجب، کوئی حاصل حصول نہیں، کوئی  
قاعدہ اے نہ کوئی اصول، کوئی پابندی اے نہ قانون۔ فیر کہدی اخلاقیات جنم لے سکدی اے۔ پر  
فیروی اتھے جانا بلھے شاہ دی مجبوری اے۔

حالاں ریاستی تے معاشرتی جبر نے اوہدی زندگی تنگ کر چھڈی سی ریاست دی تھا پنا وچ  
ملانیت نے اوہدے خلاف فتوایاں دیاں تلوواراں تنکیاں کیتیاں ہوئیاں سن۔ بھیڑی گل تاں ایہ  
وی ہے کہ مقامی اشترافیہ وی جہڑی اسٹیل شمنٹ دی ہمیشہ توں ساتھی ہوندی اے اوہ وی بلھے شاہ  
نوں کوئی چنگا نہیں سمجھدی سی، اوہنوں گٹ ماروی ہوندی تے کئی داری اوہنوں ہجرت وی کرنی  
پئی۔ اوہنوں ہور ندہاں دے لوک پناہ دیندے۔

بلھا تو تے مار باگاں تھیں کڈھے اُلو رہن اُس جائی  
ایہ اُلو کھڑے سن، ایہدا فیصلہ تسی آپ کرو، ایہ منظر نامہ اوس قصور شہر دا ہے، جہڑا بلھے شاہ  
دے زمانے دا ہے، جس وچ اُلو وسدے سن پر بلھے شاہ اوچ نیچ، ذات پات، چھوت چھات دا  
مخالف سی تے ایس معاشرتی نظام دا رکھا جاگیر داری نظام وی اوہدا مخالف سی، ایسے ریاستی



مذہبی تے جاگیرداری، سیاسی تے معاشرتی نظام دی سانجھ نے ای اوہدی میت مٹی دے سپرد کرن توں روکی رکھی سی تے فیر اوہدے استاد نے اوہدا جنازہ وی نہیں پڑھایا تے ایہ ذمہ داری تن دن مگروں اک ہور درویش نے نبھائی۔ اوہ وی مرادی بائی دے منت ترلے پاروں دوجی روایت وچ ایہ فرض وی پورا نہیں ہویا، آخر کیوں؟ کدھرے ایہ تاں نہیں کہ ریاستی تے معاشرتی ظلم نے اوہنوں مرن دے باوجود معافی نہ دتی ہووے۔

میرے لئی ایس پچھوکڑ اطمینان جوگ گل ایہ وی ہے کہ چنگیز خان، ہلاکو خان تے تمرنگ دیاں اولاداں اپنے پیو دادے دی روایت لاشاں شہراں دے دروازاں وچ ٹنگن نوں جویں ٹورا دتا ہویا سی، اوہ قصور وچ سامنے نہیں لیاندی گئی تے ساڈے بلھے شاہ نال ایہ سلوک نہیں کیجا گیا جے سرد نال ایہ سلوک ہو سکد اسی تے بلھے شاہ نے وی فکری پدھر اُتے ایہو جے کئی موقع دتے سن، اورنگ زیب نہیں تے اوہدی نسل دے ہور پٹھان وی ایہ کم کر سکدے سن۔

پر میرے ذہن وچ ایہ سوال ضرور آؤندا ہے کہ بلھے شاہ دی سوچ تے فکر جہڑی ارج وی ہر طرحاں دی اسٹیبلشمنٹ دے خلاف ہے، کدھرے انج نہ ہویا ہووے ظلم تے جبر نے بلھے شاہ دی سوچ تے فکرنوں اپنے ہتھیں ساڈے سواہ کر دتا ہووے۔

تاں جے اوہدے نابری وچار لوکاں دی سوجھ داحصہ بن کے سارا استحصالی نظام ای تباہ کر کے نہ رکھ دین، تے کجھ وی باقی نہ بچے، کیوں جے قصور نوں تے اوہنے اپنی حیاتی وچ ای ”بے دستور“ کہہ کے لوکاں لئی اک راہ تے پدھر کردتی سی تے حکمراناں لئی وی اک چیلنج کھڑا کردتا سی، تے فیر ایہ کہ جہڑا بندہ آپ وی پڑھیا لکھیا اے اپنے ویلے دے سماجی تے مذہبی علماں دا جانو ہے، معاشرتی تے سیاسی شعور وی رکھدا ہے، ایہ وی دعویٰ کردا ہے۔

عالم فاضل میرے بھائی

پاء پڑھیاں میری عقل گنوائی

اوہ کوئی فکری مغالطہ تسلیم کرن لئی تیار نہیں، ہر کنفیوژن دا انکاری ہے۔ اوہ اپنے فکر تے سوچ وچ پوری طرحاں واضح ہے تے اوہنوں سارے منظر بھادیں اوہ کسے دی فکر

دے ہون، کھل کے نظر آؤندے نیس تے فیر اوہ پورے یقین دی گل کردا ہو یا اچی بانہہ نال ہو کا دیندا ہووے۔

ایہ کسراں ہو سکدا ہے کہ اوہنے اپنے وچار ”قوالاں“ دے حوالے کر چھڈے ہون، کوئی ہتھ لکھت نہ چھڈی ہووے تے فیر اوہ کوئی انپڑھ بندہ تے نہیں سی اوہ آپ وی عالم فاضل سی تے ایہ وی کہندا اسی کہ

عالم فاضل میرے بھائی

ایہ ٹھیک ہے کہ بکھے شاہ اک حال مست فقیر سی اوہ اپنی ”ملا مت“ تے ملا متی روپ وچ لگیا۔ ایس بے دستور قصور وچ نجد اگاؤندا دھمالاں پاؤندا۔ ساریاں بدنامیاں تے رسوائیاں طعنے مہنے تے برائیاں اپنے نال لئی پھردا سی۔

پر فیرو جیرانی والی گل ہے کہ اوہدے مرن دی اوہدے استاد ولوں کوئی خبر ہوندی اے تے نہ ای اوہدے لاڈلے شاگرد وارث شاہ نوں اوہدی کوئی پروا ہوندی اے۔ اوہ وی ساری عمر اوہدے توں انجان رہندا اے۔ استاد دی گل تاں سمجھ آؤندی ہے کہ حکمراناں دے مدرسے نوں ملن والے فنڈز نے اوہدی زبان تے مہر لا چھڈی سی یاں فیر اوہدے پیریں سرکاری امداد دیاں زنجیراں پٹیاں ہوئیاں سن۔ وارث شاہ ورگا سماجی سوجھوان جبراً چھیریاں کوہاڑیاں پھڑکے، سماجی برائیاں دے خلاف کھلوتا ہووے اوہدی ایس سماجی جبر دے خلاف چپ مجرمانہ وی لگدی ہے تے حیران جوگ وی۔

میںوں تے بکھے شاہ دے خلاف ایہ سارا منظر نامہ اک سازش لگدی ہے جبری اج وی اوہدے خلاف چالو اے۔ تے جبے بکھے شاہ نوں حاجی محمد عبداللہ بناؤن دے جتن چالور کھے نیس۔ حالاں ہو رکے نوں ایہ جرات نہیں ہوئی کہ بانہہ اچی کر کے کہندا۔

حاجی لوک کئے نوں جان دے اساں جانا تننت ہزارے

بہر حال سچی گل تاں ایہ ہے کہ بکھے شاہ کل وی ”چالو نظام“ تے اوہدے راکھیاں لئی خطرہ سی تے اج وی جے کوئی خطرہ ہے تے اوہ صرف بکھے شاہ ای اے۔ ہو رکے کوئی پیر بزرگ نہیں۔

ایس لئی بکھے شاہ نوں لہجہ کے بچاؤن دی لوڑ ہے۔

کیوں جے قصور دی پہچان ایتھوں دے پٹھان حکمران یاں مولوی غلام مرتضیٰ نہیں۔  
کوئی سیٹھ عابدیاں ساڈا یار چودھری منظور نہیں۔

بڑے غلام علی خان، برکت علی خان، نور جہان یا افشاں نہیں۔

ایہ شہر دنیا وچ بکھے شاہ پاروں جانی پچھانیا جاند اے۔ ایہ شہر بکھے شاہ دا ہے، بکھے شاہ پاروں  
ہی جیند اجا گدار ہوئے گا اوہدے لئی بھادیں ایہ بے دستور رہیا اے۔

☆☆☆



## پہلوں رنگھڑ مار

پنجاب وچ ذاتاں دے انسائیکلو پیڈیا..... وچ لکھیا ہے کہ  
 رنگھڑیاں رنگھڑ..... مسلمان ہو جان والے راجپوتاں دی اک ذات ہے۔ ڈکسٹری  
 وچ ایہدے معنے 'ست الوجود' واپی نیجی توں نسن والے 'شیخی خورے' تے آکڑ رکھن والے  
 بندے دے نیں۔ جد کہ 'رنگھڑ پنا' شیخی مارن دی حالت 'آکڑ' تے اڑ پنا۔  
 رنگھڑاں دے مجموعی مزاج وچ ایہ وی شامل ہوندا ہے کہ اوہ پیٹے ہو کے وی شیخی مارن توں  
 باز نہیں آؤندے۔ ایسے طرحاں آکڑ پنا وی اوہناں دے مزاج دا حصہ اے۔  
 رنگھڑ 'راؤ' رائے تے رانے وی اکھواندے نیں۔ یاں فیرانج وی ہے کہ پنڈاں وچ رنگھڑ  
 ای ہوندے نیں شہراں وچ آکے راؤ تے رانے ہو جاندے نیں یاں فیر جہڑے ذرا ترقی  
 کر کے خوشحال ہو جاندے نیں اوہ اپنی کاسٹ نوں وی ترقی یافتہ شکل وچ ڈھال لیندے نیں  
 تاں جے ارد گرد دے ماحول وچ اوہناں دا وی 'ٹوہر پنا' بن جائے..... ایہ صرف رنگھڑاں دا  
 ہی نہیں ہور وی بہت ساریاں ذاتاں دا ہے ایہ انسانی فطرت اے۔  
 پر ایہہ نوں اک ہور کچھوں وی دیکھیا جاسکدا ہے۔ جتھے دولت آجاندی ہے او تھے عزت  
 احترام تے وقار وچ وی واہدا ہو جاندے لوک وی اوہنوں عزت دار سمجھن لگ پیندے نیں جس  
 دی مثال ساڈے اپنے گوانڈ وی ہے۔ جس دے ناؤں تے اک پنڈ آباد اے۔

اس مایا کے تین ہیں نام  
 پرسو ' پرسا ' پرس رام  
 جدوں غریب سی اوہ پرسو سی جدوں تھوڑی خوشحالی آئی تے اوکاں اوہنوں پرسا آکھنا  
 شروع کردتا تے جدوں اوہدے کول زمین جائیداد آگئی اونھے حویلی تے محل بنالیا۔ اوکاں  
 اوہنوں "پرس رام" بنالیا۔ پرسوال ایہ ہے کہ کیہ اوہدی فطرت وی تبدیل ہوئی یاں فیر جہزیاں  
 عاداتاں تے مزاج نسل چوں آئیاں سن جہزیاں اکھڑ پنا تے آکر نسل چوں ملی سی کیہ اوہدے وچ وی  
 کوئی بدل ہوندا ہے ایہو ای پس منظر ہے جنھے بلھے شاہ راہیں ساڈے سامنے سوال کھڑا کردتا  
 ہے۔ بلھے شاہ کہندا ہے۔

رنگھڑ نالوں کھنگر چنگا جس پر پیر گھسائی دا  
 بلھا شوہ نوں اوہو پاوے جہزیاں کرا بنے قصائی دا  
 مینوں فنی لحاظ نال ایہدی جانچ نہیں ہوندی۔ ایہ شعر ہے یاں دوہڑا شعر ویکھاں تے  
 ایہ بلھے شاہ ورگے فنکار دے فن دی گواہی نہیں دیندا کیوں جے دوویں مصرعے اک دو جے نال  
 سانجھ کر کے مضمون نوں ٹورا نہیں دیندے۔ دوویں وکھو وکھ لگدے نیں۔  
 پر ایس توں وی پہلے ایس دوہڑے یاں اشلوک وچ دو مصرعے ہو روی نیں۔  
 رل فقیراں مجلس کیتی بھورا بھورا کھائیدا  
 بلھے نالوں چاہا چنگا جس تے طعام پکائیدا  
 بن جے ایہناں چارے مصرعیاں وچ فنی وحدت ویکھئے تاں ایہناں وچ قافیے تاں اکو  
 جے مل جاندا ہے نیں پر فکری وحدت تے سانجھ تلاش کرنا اوکھا کم اے۔ جہڑی دوہڑے یاں  
 اشلوک دی بنیادی ضرورت اے۔ ایہ دو وکھرے شعریاں قطعے تاں ہوسکدے نیں کیوں جے  
 ایہناں وچ دو داری تخلص ورتیا گیا اے۔  
 ایس طرحاں ایہ اک دوہڑا نہیں بندا۔ دوہڑے وچ چارے مصرعیاں دے قافیے تاں آ  
 بنے ہوندے نیں پر ایہدے نال فکری سانجھ وی ہوندی اے۔ پر فیروہی جے اسی پہلوں لکھے

دوہے یاں اشلوک نوں اکو دیکھئے تاں فیرو دی ایہدے چار حصے بندے نیں، یعنی دو مصرعے وی دو دھیاں وچ ونڈے جانداں نیں۔

رنگھڑ نالوں کھنگر چنگا، جس پر پیر گھسائی دا

بُلکھا شوہ نوں اوہو پاوے جہڑا بکرا بنے قصائی دا

ایس طرحاں جے دیکھئے تاں دو دھیاں دی یاں اک مصرعے دی سانجھتاں ہے پر دو مصرعیاں دے چار دھیاں نوں معنیاں نال کٹھا کرنا اوکھا کم اے۔ پر بہن کجھ ہو رسوال نیں رنگھڑ نوں کھنگر دی تشبیہ اوہنوں پیر گھساؤن لئی چنگا تاں قرار دے دتا گیا ایس دا اک پورا عمل وی سامنے آ گیا پراگلا حصہ فیر اک سوالیہ نشان ہے۔

بُلکھا شوہ نوں اوہو پاوے جہڑا بکرا بنے قصائی دا

ایہدے وچ کوئی شبہ نہیں کہ ایہ دوہے یاں پورا مصرعے معنے دے لحاظ نال پورا ہے پر فیر وی ایہ سوال ہے کہ ایہدے پہلے مصرعے یاں فیرو دوہڑے دے پہلے دھیاں نال کیہ جڑت اے؟؟

ہن ایسے مضمون دے دو جے شعر تے دھیان ماریے تے اوہ فنی لحاظ نال پورا نظر آؤندا ہے، یعنی اوہدے وچ مقصد وی پورا ہوندا ہے تے سنیہا وی بُلکھے دے کنیں پے جاندا ہے۔

بُلکھیا جے توں غازی بننا تائیں لک بنھ تلووار

پہلوں رنگھڑ مار کے پچھوں کافر مار

دوہے بارے مولا بخش کشتہ کہندے نیں۔

دوئیاں چار مصرعیاں دا شعر

حمید اللہ ہاشمی ہوراں دا خیال ہے کہ ایہ

اک چو مصرعے ہوندا اے جس وچ غیر فانی خیالات پائے جانداں نیں۔

عبد الغفور قریشی لکھندے نیں۔

ایہ ہندی تے سنسکرت دی بحر اے۔ ایس وچ دوئیاں چار مصرعے ہوندے نیں۔ دو جے



دے پہلے مصرعہ دا خیال دو جی سطر وچ سمو یا ہوندا اے۔ ایس طرحاں مضمون نوں دہرا کے مینقل  
 کیتا گیا ہوندا اے دوہے دیاں بے شمار بحر ایں۔  
 ایس وچ عام طور تے دوہی مصرعے ہوندے نیں۔  
 آصف خان ہوری کہندے نیں۔

دوہڑے وچ دو مصرعے ہوندے نیں ہر مصرعہ دو چرناں وچ ونڈیا ہوندا ہے۔  
 ایس پچھو کڑ دھیان ماریے تے بابا فرید، گردناک، گردا مرداس، گردوارجن دے  
 دوہڑیاں نوں دیکھئے تے ایہناں دے دوویں مصرعے اک دوہے نال جڑے ہوئے نیں  
 معنیاں دی سانجھ دیندے نیں۔

فرید ایس جانا دکھ مجھی کوں دکھ بھائے جگ  
 اُچے چڑھ کے دیکھیا تاں گھر گھرا ہواگ  
 گردوارجن دادوہڑا ہے:

فرید اخلق خلق مانہ خلق و سے رب مانہ  
 مندا کس نوں آکھے جاں تس بن کوئی مانہ  
 ایس طرحاں دمودردا اک دوہڑا اے۔

جہاں تکیہ رب دا تنہاں رزق ہمیش  
 پلے خرچہ نہ بنھ دے پنچھی تے درویش

بہر حال جے بابا فرید جی نوں پنجابی دا پہلا شاعر من لیا جاوے تے پنجابی دی ایس  
 صنف نوں وی پرانا منیا جاسکدا اے تے ایہ مذہب توں ای پنجابی شاعری نال جڑی ہوئی اے پر  
 جہڑا دوہڑا چار مصرعیاں والا ہے تے چار ایں مصرعیاں وچ اکو قافیہ تے اکو ای مضمون نوں چار  
 حصیاں وچ ونڈ کے یاں فیرا دیاں چار شکلاں بنا کے کٹھا کیتا جاندا ہے ایہ اوہ دوہڑا اے جہڑا  
 رباعی توں ادھار لیا لگدا اے۔ ساڈا مسناہ صنفی بحث وچ پینا نہیں اصل مسئلہ تے ساڈے لئی لکھے  
 شاہدے اوں دوہڑے دا ہے جس وچ آکھیا گیا ہے کہ

رنگھڑ نالوں کھنگر چڑگا جس پر پیر گھسائی دا

تے ایسے دوہڑے دا دوسرا مصرعہ ہے۔ جہڑا ایس توں بالکل وکھرا ہے اک نوں سماجی  
روپ آکھیا جاسکدا ہے تے دوہڑے نوں تصوف تے روحانیت دی خالص روح جانیا تے سمجھیا  
جاسکدا اے۔

بُلکھا شوہ نوں اوہو پاوے جہڑا اکبر اپنے قصائدا

میرے جے گھٹ عقل والے لئی ایہناں نوں آپس وچ جوڑنا اوکھا اے۔ حیران جوگ گل  
تاں ایہ وی ہے کہ بُلکھے شاہ کہندا ہے کہ

جے توں جہاد کرنا اے۔ تیری اولین ترجیح کافر نہیں۔ رنگھڑ مارن دی ہونی چاہیدی اے  
یعنی کافر مرے نہ مرے رنگھڑ ضرور مرنا چاہیدا ہے۔ فیرای توں غازی بن کے پر تیں گایاں فیر  
تیری غازی بن دی خواہش پوری ہووے گی۔ کجھ سیانے کہندے نیں کہ ایہ میں نوں مارن دی  
گل ہے۔ جے ایہ اندر دی گل اے تے فیرایہ سوال وی سامنے آؤندا ہے کہ جے اندر کوئی کافر  
ڈیرالائی بیٹھا ہے یاں فیر جے کفرنوں جنم دتا ہے اوہنوں پر وکھے کر کے میں نوں پہلوں مارنا  
ضروری اے یاں فیرایہ کہ کافر یاں کفر نہیں ”میں“ انسان دی وڈی دشمن ہے تے ایس ”میں“  
دے ای سارے فساد نیں۔ حقیقت تاں ایہ ہے کہ کسے وی سو جھوان دے اک جملے یاں کسے  
مہان شاعر دے اک مصرعے نوں اوہدی وچار دھارا دے مجموعی تاثر وچ ویکھیا۔ پرکھیا جانا  
چاہیدا اے۔ ایس طرحاں بُلکھے شاہ ورگا اوہ شاعر جہدے سامنے تواریخ، تہذیب تے ثقافتی  
ورثے دے نال مذہبی، سماجی دانش دا شیشہ وی ہووے اوہدا کوئی شعر صرف اکھراں دے  
معنیاں وچ پوری طرحاں جانیا نہیں جاسکدا۔

ایسے لئی شاعری وچ تلمیہدی ورتوں ہوندی اے۔ اوہ سماجی تے تواریخی حوالہ جہدے  
پچھے پوری داستان ہووے تے شاعر نے اوہنوں اجو کے حالات نوں سامنے رکھ کے بیانیا  
ہووے۔ اوس نوں ماضی تے حال نوں جوڑ کے دیکھنا ضروری اے ایس طرحاں جے کوئی  
عالم استعارے یاں تلمیہ دی ورتوں بُلکھے شاہ ورگے سو جھوان تے فلسفی نے کیتی ہووے تاں

اوہدی جان پر کھ صرف اوپری تے اتلی سطح تے نہیں ہونی چاہیدی، اوہنوں ڈنگھیائی وچ دیکھن تے گوہ کرن دی لوڑ ہوندی اے۔ بلکھے شاہ دے کول اک پورا فکری نظام ہے تے اوہ شیواں نوں اپنے وکھرے تے نویں ڈھنگ نال ویکھدا ہے ایس لئی اوہدے وچاراں دی تشریح یاں فیر پچھان تے نکھیرنا وی ایسے پچھو کڑ وچ ہونی چاہیدی اے پر فیروڈی ایہ سوال ہے کہ اوہنے اک خاص قوم نوں علامت کیوں بنایا؟؟ حالاں بلکھے شاہ اک ایسا صوفی دانشور ہے جہڑا اونچ نیچ ذات پات تے چھوٹ چھات دا مخالف ہے اوہدے نیڑے سارے رب دے بندے نیں اوہ تاں سماجی عدم مساوات، مذہباں تے نظریاں پاروں انساناں دی ونڈ دا وی ورودھی اے۔ اوہدی جاچے تاں سارے رستے اکو منزل ول جاندے نیں، اوہ تاں ”وحدت ادیان“ تے صلح کل دا پرچارک اے، اوہدے نزدیک کوئی کافر نہیں، سب رب دے منن والے نیں تے اوہناں دی انسان دی حیثیت وچ عزت ہونی چاہیدی اے۔

بلکھے شاہ اک ایسا وجودی ہے جہڑا انسان دی وڈیائی تے اُچیائی دا مانی ہے تے ایس دا اُچی بانہہ کر کے ہو کا وی دیندا ہے۔

دھیان دھرو ایہ کافر ناہیں، کیا ہندو کیا ترک کہاوے  
جب دیکھوں تب اوہی اوہی بلکھا شوہ ہر رنگ سماوے

اوہ تاں مذہباں دی بنیاد تے انساناں دی سماجی ونڈ دا کارن ملائیت نوں کہندا ہے  
بھادیں اوہ کسے وی مذہب دی ہووے۔

ٹھا کر دوارے ٹھگ بسیں پھاہی دوار مسیت  
ہر کے دوارے بھکھ بسیں ہمیری ایہ پر تیت

یاں فیر انج کہ

دھرم سالہ دھڑوائی وسدے ٹھا کر دوارے ٹھگ  
وچ مسیت کوستیر ہندے عاشق رہن الگ

تے فیر اوہ بندہ جہڑا کفرنوں گل نال لاؤندا ہووے، کفر دے الزام نوں سینے نال لا کے



”آہو آہو“ آکھدا ہووے جہڑا ابن عربی تے منصور حلاج دا مافی ہووے اوہناں دے پیراں تے پیر رکھن دا دعویٰ دے۔ جہدا یقین ہووے کہ ہر مذہب وچ رب موجود ہے۔

تے فیر جدوں ایہ وی جاندا ہے کہ ابن عربی ایہ وی آکھیا اے کہ رب ہی ہر مذہب دی بنیاد اے۔ تے فیر ایہ وی آکھیا ہووے کہ سارے انسان رب دے بندے نیں تے اوہ رب دی صورت وچ ای پیدا کیتے گئے نیں۔

فیر بکھے شاہ دے آکھن موجب جو گھٹ ویکھو کھول کے گھٹ گھٹ دے وچ سمایا آپ اک لازم شرط ادب دہی ہے۔

سانوں معلوم حقیقت سب دی اے

ہر ہر وچ صورت رب دی اے

کتے ظاہر کتے چھپندی اے

ابن عربی دا کہنا ہے کہ بے دین تے بت پرست وی اصل وچ رب دی ہی عبادت کردے نیں۔

منصور حلاج کہندا ہے۔

سارے دین اپنی حقیقت دے اعتبار نال اک ای نیں۔

تے فیر منصور ایہ وی آکھیا ہے کہ سارے مذہباں دا مرکز تے اوہناں دی جڑ خدا ای ہے۔ تے فیر ابن عربی دا ایہ وی کہنا ہے کہ

سچے صوفی نوں خدا ہر مذہب وچ مل جاندا اے جد کہ ”کتابی مذہب“ والیاں دا خدا بڑا محدود ہوندا ہے۔ ایہو ای کارن ہے کہ اوہ اپنے مسلک والیاں دی تے سلاہنا کردے نیں پر دوجے مسلک والیاں نوں بھیڑا چنگا کہندے نیں، ایہ جہالت ای نہیں بے انصافی وی ہے ایسے لئی اوہ ہوکا دین لگ پیندا ہے۔

ہر ہر دے وچ آپ نمایا

گیتا وچ لکھیا اے سارے انسان رب دے پیدا کیتے ہوئے نیں ایس لئی اوہ ہر

خاندان دا حصہ نہیں۔

مولانا حالی کہندے نہیں۔

یہ پہلا سبق ہے کتاب ہدی کا  
کہ ہے ساری مخلوق کنبہ خدا کا  
ایہ اوہوای سبق ہے جہڑا بکھے شاہ وی پڑھیا سی۔

سب اکورنگ کیا ہیں دا

چونسی پینسی کھدر دھوتر، ملل خاصہ اکا سوتر  
پونی وچوں باہر آوے بھگوا بھیس گوسائیں دا  
سب اکورنگ کیا ہیں دا

تے فیرا و بنے ایہ وی تے بانہہ اچی کر کے ہو کا دتاسی کہ

نہ میں مومن وچ مسیت آں

نہ میں وچ کفر دی ریت آں

اوہ تے ساریاں ونڈاں توں باہر ہو کے صرف انسان ہون دا دعویدار ہے تے انسانیت  
دی وکھری کلی پا کے بیٹھا ہو یا اے۔ ایہ اک ہور عجیب گل اے۔

بکھے شاہ اوس مدرسے چوں تعلیم حاصل کیتی جس دے استاد مولوی غلام مرتضیٰ  
پراوہناں دی کدی بکھے شاہ نال نہیں بنی تے فیر مولوی غلام مرتضیٰ نے بکھے شاہ دا جنازہ بے  
پڑھایا۔ کیہ ایہ فکری مغالطے سن یاں فکری اختلاف؟ یاں سیاسی دباؤ؟ بہر حال استاد کولوں  
وارث شاہ وی تعلیم حاصل کیتی۔ پر دو قدم دا فاصلہ ہون دے باوجود نہ تے استاد دی اے۔ اگر  
نال صلح ہوئی تے نہ ای وارث شاہ نے اپنے استاد بھرا نال ملاقات کیتی تے نہ ای وارث شاہ  
وچ جھگڑا مکاؤن دے جتن کیتے۔ نہ کوئی کردار ادا کیتا۔

پر کیوں جے ساڈے ہاں۔ باقاعدہ بزرگاں دی تواریخ موجود نہیں ساریاں گاں سنیاں  
سنائیاں میں ایہوای وجہا ہے کہ بہت سارے سوال آج ساڈے ذہناں وچ ابھر رہے نہیں۔

پر اصل سوال تاں اوہ ہے جسے سانوں ایس راہے پایا سی تے وچوں کجھ ہور سوال ساڈے سامنے آ گئے۔ جہڑا بندہ کافرنوں وی کافر نہیں سمجھدا۔ سگوں اپنے اُتے لگن والے کفر دے الزاماں نوں تسلیم وی کردا ہے تے اپنے کافر ہون تے مان وی کردا ہے۔

میتوں کافر کافر آکھدے توں آہو آہو آکھ

پراوہ جدوں کافر چھڈ کے رنگھڑ مارن دی گل کرے تے فیر بہت کجھ گولن دی لوڑ ہے۔ ایہ گل تاں کھلھ کے سامنے آ جاندی ہے کہ اوہ کافرنوں نظر انداز کرن وچ کوئی برائی نہیں سمجھدا۔ سگوں ایہ دعویٰ کردا ہے جے کسے نوں قتل کرن لئی پہل دینی چاہیدی اے تے اوہ رنگھڑ اے۔ یاں فیر انج کہ کافرنوں قتل کرنا ضروری نہیں ”رنگھڑ“ نوں قتل کرنا لازم اے۔ میرے لئی ایہ حیران کر دین والی گل اے۔

ایہ گل اوہ صوفی کہہ رہیا اے جہڑا ذات پات تے اونچ نیچ، چھوٹ چھات تے یقین نہیں رکھدا اوہ صرف انسان دی اچپائی تے پک رکھدا اے تے فیر جہڑا ایہ وی کہندا ہے۔

جہڑا سانوں سید آکھے دوزخ ملن سزائیاں

تے فیر اوہنے کسے اک ”ذات“ نوں یاں فیر اوس ذات دے بندے نوں ختم کرن دی گل کیوں کہتی؟؟ اوہ بندہ جہڑا اک ”غیر مسلم“ تیغ بہادر دے اک مسلمان دے ہتھوں قتل تے احتجاج وی کردا ہے۔ اوہنوں غازی قرار دیندا تے اوہدی موت نوں تسلیم نہیں کردا۔

”جو تیغ بہادر غازی ہو“

تے جس دا قتل وی اوہدے جنم توں 5 سال پہلے ہو یا ہووے چیتے رہوے کہ گردو بہادر دا وقوعہ اورنگ زیب عالمگیر دے دربار وچ 1675ء وچ ہو یا سی، بلھے شاہ دا جنم 1680ء وچ ہوندا اے۔ بلھے شاہ اوہدے اُتے احتجاج کردا ہے پر فیروزی اوہ ”رنگھڑ“ مارن دی گل کردا ہے تے کیوں؟

اک ہور کہانی نال دے پنڈ دفتوہ دی ہے جتھے رنگھڑاں سکھاں نوں بیدردی نال ماریا سی جس نوں ایس پچھو کڑ بیان کر کے بلھے شاہ نوں سکھاں دا حمایتی ہون دا اشارہ دتا جاند اے۔



ساڈے اک ڈاکٹر جہاں بہت سارے صوفیاں دے کلام دا اردو ترجمہ تے تشریح کر کے لوکاں نوں اپنی سوجھ دے پچھے لاؤن دے بڑے جتن کیتے نیں اوہناں ایس پچھو کڑا یہ کہانی بیانی اے کہ بکھے شاہ بھل پئے وچ پیغمبری رسم دے مطابق ڈنگر چار دے سن تے اوہناں دا پنڈ دے چودھریاں نال جھگڑا ہویا۔ اوہناں نوں پنڈ وی چھڈنا پیا ایسے لئی رد عمل وچ اوہناں ایس شعروچ اپنا موقف پیش کیتے آکھیا۔

کافر چھڈ کے پہلوں رنگھڑ مار

سگوں انج کہ

جے توں غازی بنائیں پہلوں رنگھڑ مار

کھتے تیغ بہادر غازی تے کھتے رنگھڑ مارن والا غازی؟؟ کجھ تاں سوچ سمجھ کے گل ہونی چاہیدی اے، ہن اک نقطہ نظر تاں انج دی ہے کہ  
جمدیاں سولاں دے مونہ تکھے ہوندے نیں، بکھے شاہ شروع توں ای جلالی طبیعت دے مالک سن، ایس لئی اوہناں دا سخت مزاج ہونا کوئی انوکھا نہیں لگدا، پر اصل گل تاں اک انسان نوں مارن یاں قتل کرن دی ہے کہ ایہ اک فقیر تے درویش دے نظریے تے سوچ وچ جائز ہے؟؟ اوہ وی جہڑا صلح کل دا پرچارک ہووے۔

سچ تاں ایہ وی ہے کہ

کلاسیکل شاعری وچ کسے وی تھان ایہ گل واضح نہیں کہ کہڑی شاعری کہڑے ویلے تے کہڑے ماحول وچ ہوئی ایہ اندازہ ہے کہ ایس شعر دے پچھے پانڈ وکی دی ووں ہے۔  
اسی تھے اک ہور سوال دی ہے۔ آسورن تاں کہندا ہے کہ بکھے شاہ دا جنم دی پانڈ وکی وچ ہو یا سی جتھے اوہناں دے والد صاحب پنڈ دے مالک ”پانڈ و بھٹی“ دی خواہش تے ملک وال (ساہیوال) توں چل کے آگئے سن پر بہت ساریاں روایتیاں وچ بکھے شاہ دی عمر اوس ویلے چھ سال دی سی۔ اوہ اپنے گھر وچ ای تعلیم حاصل کر دے تے فیر بھٹیڈاں بکریاں چارن جنگل نیلے جانڈے سن۔ پر فیر اوہ قصور وچ تعلیم حاصل کرن چلے گئے۔

ظاہر ہے کہ بچپن دا منظر نامہ ساری عمر ایں نہیں بھل دا۔ ایس لئی ایہ وی آکھیا جاسکدا ہے کہ اوہ وقوعہ شہر دے ماحول وچ آکے وی بکھے شاہ ہوری پروکھے نہ کر سکے ہون۔ پرفیروی اک سوال عجیب ہے کہ بکھے شاہ دی شاعری وچ پینڈو دوسوں ہور کئی کوو کھالی دیندی ہے۔ جتھوں تیکر زبان دی گل ہے تے اوہ وی اوس ویلے دی ترقی یافتہ زبان لگدی ہے ادبی زبان ہوندی وی دکھری ہے تے فیر بکھے شاہ دے ہاں جہڑا علامتی نظام سامنے آؤندا ہے اوس دی بنیاد وی چرخی ہے کیوں جے اوس زمانے آپے اپنا لباس تیار کرن تے جسم نوں ڈھکن دار وچ وی سی سگوں جہڑے کپڑا بناؤندے سن اوہ ایہدا ہور جنساں نال ”بارٹ“ وی کردے سن جہاں وچ کنگ تے چاول سب توں زیادہ اہم سن تے ایہناں راہیں ڈھڈا دوزخ بھریا جانداسی۔

بہر حال اصل گل دل پرندے ہاں۔

کفر دے نعرے تے فتوے تاں ملائیت دے نیں؛ ایہدے نال ای اوہناں دیاں دکانداریاں چلداں نیں جس دی نندیا بکھے شاہ انج دی کردا ہے۔

دھرم سالہ دھڑوائی وسدے ٹھا کر دوارے ٹھگ

وچ مسیت کوستے رہندے عاشق رہن الگ

یعنی ایہ ساری ٹھگی اے تے ایہ اوہ ٹھگ نیں جہڑے دن دیہاڑے لوکاں نوں لٹی جاندے نیں پر صوفیاں دے ہاں مذہب تے ہے پرکار و بار نہیں؛ فقیر کول تاں جو کجھ وی ہوندا اے اوہ وی ونڈ دیندا ہے اوہ تاں اپنے عشق وچ مست ہوندا تے اپنے محبوب دے تصور وچ ای مگن رہندا اے۔

عشق حقیقی نے مٹھی کڑے ہن گئی گواتی میں

تے فیر کیہ سانجھنا تے کیہ سنبھالنا۔ بس ہر اک لئی محبت؛ پیار؛ رواداری تے برداشت..... صرف تے صرف انسان دی دڈیاں..... نہ ذات پات؛ نہ اونچ نیچ۔ کوئی سوچ دی حد تے نہ ای نظریے دی رکاوٹ؛ صرف رب دی مخلوق تے فیر کفر کیا؟؟

صوفیاں دے ہاں ”کافر“ نہیں ہوندے۔ صرف انسان ہوندے نیں۔

ایہ وتیرہ تے برہمن ازم تے ملائیت وچ ہوندا اے۔ تے اوہ ایہدے لئی قدم قدم تے جال وچھاؤندی ہے ملاں تے پنڈت مذہب نوں اڈدے پکھیاں لئی دانہ بناؤندا ہے تاں جے اوہ قیدی بن کے اوہدے پنجرے وچ رہن۔

آزادی تال کجھ سوچن تے نہ دیکھن۔

اوہ پنجرے وچ ای حیاتی دے دن پورے کرن تے فیر

اوہ ویلا وی آجاوے کہ اوہناں دے پراں وچوں اڈن دی طاقت ای ختم ہو جاوے۔  
اوہ عمر قید دے قیدیاں وانگوں حیاتی دے دن پورے کرن۔ اوہناں کول آزادی دی خواہش ہووے تے نہ ای کوئی آس اُمید..... اوہ بس آؤن جین تے مرجان۔

ملاں قاضی سانوں راہ بتاون دین بھرم دے پھیری

ایہ تاں ٹھک جگت دے جھیور لاون جال چو پھیری

کرم شرع دے دھرم بتاون سنگل پاون پیری

ذات مذہب ایہ عشق نہ پچھدا عشق شرع دا دیروی

تے فیر سچائی تاں انج وی ہے کہ کفر تاں کے ویلے وی انکار دارستہ چھڈ کے اقرار ول آ  
سکدا ہے کوئی اک حقیقت اوہداریخ موڑ سکدی ہے اوہنوں ادھے پونے سچ توں پورے سچ  
ول نورادے سکدی اے ایس پچھو کڑ جے اج وی دنیا دیکھی جائے تاں کوئی انسان وی رب دا  
منکر نہیں رہیا ساری انسانی سو جھ اج کلتے ان دیکھے رب تیکر پہنچ چکی اے۔ رب دی بھال دا  
سفر ختم ہو چکیا اے سارے مذہب وی ایسے سٹے اُتے پہنچ چکے نیں ہن ایس راہے ویلا ضائع  
کرن دی لوڑ نہیں ہن ظلم تے استحصال نوں ختم کرن دی لوڑ ہے جہڑا انساناں دے لوبھ لالچ  
تے اک دوجے دے وسیلیاں اُتے قبضہ کرن دا نتیجہ ہے ایس نوں ختم کرن تے ایہدے  
خلاف جہاد کرن دی لوڑ ہے۔ ایسے لئی بکھے شاہ آکھیا سی۔

بگھیا جے توں غازی بنائیں لک بنھ تلوار

پہلوں رنگھڑ مار کے پچھوں کافر مار



یعنی کفر نہیں، ظلم تے استحصال تیری پہلی ترجیح ہونی چاہیدی اے ایس لئی کہ استحصالی قوتاں مذہب نوں وی ہتھیار دے طور تے ورتدیاں آرہیاں نیں، مکدی گل انج ہے کہ بکھے شاہ اک ایسی سوسائٹی دا حقوہ شندسی جہڑی مذہباں توں آزاد ہووے جہدے وچ انسان دی وڈیائی ہووے، عدم مساوات ہووے نہ کوئی رنگھڑ ہووے نہ کوئی سید۔

کوئی ظالم کوئی جابر کوئی ڈاکو چور لٹیرا ہووے نہ کوئی دھی ماں نوں لٹ کے لے جاوے تے سماجی قدراں دی کوئی ٹٹ بچھ ہووے تے نہ ای ایہ اکھان سامنے آوے کہ کھاد اپیتالا ہے دا باقی احمد شاہ ہے دا

ایہ اکھان اجتماعی سماجی دانش دا اک نمونہ ہے، جہڑا اوس ویلے دے حالات دے جبر وچوں سامنے آؤندا ہے تے اوہنوں وی بکھے شاہ نال جوڑ دتا جاندا ہے پر انج دی تحقیق ایس نوں ثابت نہیں کردی۔ ایسے طرحاں دی اک ہو رگل وی ہے جنہوں رنگھڑ مارن دے تسلسل دی ثقافتی تے سماجی وچار وھارا وچ رکھ کے دیکھیا جاسکدا ہے جہڑی اک ردعمل وی لگدی ہے ہو سکدا ہے کل نوں کوئی لہنوں وی کسے ہو ر شاعر دے کھاتے پا دیوے۔

گجر نالوں اُجڑ چنگی اُجڑ نالوں اُجڑ  
جیتے دیکھو گجر او تھے دیو مار

اصل گل ایہ ہے کہ ساڈے ہاں جہڑا تحقیق تے پرکھ پڑچول دا کم ہو یا اے اوہ بھاویں بڑی سو جھ سیانف نال بھریا ہو یا اے پر فیروڈی اوہدے وچ جھول نظر آ جاندی اے میری جاچے رنگھڑاں والے دوویں دوہڑے یاں اشلوک بکھے شاہ دے نہیں کسے ہو ر دے نیں تے ایہناں نوں کسے ہو ر دے سمجھ کے دیکھا پڑھنا چاہیدا اے۔

ایہ دوہڑے..... بکھے شاہ دی فکری توہین اے۔

اوہ بکھے شاہ جہڑا جگت صوفی اے سارے مذہباں ساریاں ذاتاں دے لوک، جس دی فکر ساہویں متھائی کدے تے اوہنوں اپنا گرو مندے نیں۔

اوہنوں اوہدے فکری نظام وچ دیکھن دی لوڑ اے۔ اوہنوں کسے ملاں داگوں نہیں۔

اک صوفی وانگوں جانچیا پرکھیا جانا چاہیدا اے۔

نویں سرے توں..... نویں سُدھاتے نویں سُو جھ نال۔

میں کے کھوجی یاں سودھی دی ذات تے سُو جھ اُتے تنقید نہیں کر رہیا پر کجھ چیرانی والیاں  
گلاں ضرور نہیں جہاں نوں پروکھے نہیں کیئا جاسکدا۔ رانجھے نال جدوں سیال وعدہ خلافی  
کردے نیں تے اوہ جٹاں دے کردار اُتے تنقید کردا ہے جنہوں اک دُکھی دار دُعل آکھیا  
جاسکدا ہے۔

یارو جٹ دا قول منظور ناہیں گوز شتر ہے قول روستائیاں دا  
پتاں ہون اکی جس جٹ تائیں سوئی اصل بھرا ہے بھائیاں دا  
جویں بہن اروڑی تے عقل آوے جویں کھوڑا ہووے گسائیاں دا  
سروں لاہ کے چُتریاں بیٹھ دیندے مزہ آوے تَدوں صفائیاں دا  
اتجھے دھیان جوگ گل تاں ایہ ہے کہ رانجھاوی جٹاں دی اک قوم اے تے سیال وی  
جٹاں دی ای سب کاسٹ اے پر سوال تاں ایہ ہے کہ وچ ڈوگر کتھوں آجاندا تے گالھ  
مندے دے حقدار بن جاندا تے نیں۔ وارث شاہ اوہناں بارے وی اپنا غصہ کڈھدے نیں۔

ڈوگر جٹ ایمان نوں وچ کھاندے دھئیاں مار دے تے پاڑ لاوندے جے  
ترک قول حدیث دے نت کردے چوری یاریاں بیاج کھاوندے جے  
جے آپ تھیون تہیاں عورتاں نیں بیٹے بیٹیاں چوریاں لاوندے جے  
جہڑا چور تے راہزن ہووے کوئی اوس دی وڈی تعریف سناوندے جے  
جہڑا پڑھے نماز حلال کھائے اوہنوں مہنا متقی لاوندے جے  
مونہوں آکھ کڑمائیاں کھوہ لیندے ویکھو رب تے موت بھلاوندے جے  
وارث شاہ میاں دو دو خصم دیندے نال بیٹیاں ویر کماوندے جے  
لہنوں ایس سماجی منظر نامہ تے اوہدے وچ موجود قدراں تے اک ذات دا عمل تے  
آکھ سکے آں پر ایہ سوال تاں فیروی ساڈے سامنے رہندا اے کہ لڑائی تاں رانجھیاں تے

سیالاں دی ہونڈی اے۔ یاں فیر چو چک سیال دھید ورا نچے نوں اپنی دھی دارشتہ دین توں انکار کردیندا ہے تے اوہ سیالاں راہیں مجموعی طور تے جٹاں بارے چنگیاں مندیاں گلاں کردا ہے یعنی جٹ بھاویں اوہ کسے وی قوم یاں ذات دا ہووے اک جٹ دی حیثیت وچ تنقید کردا ہے۔ جنہوں جائز وی آکھیا جاسکدا ہے۔ پر اوہ دے وچ کسے خاص کاسٹ نوں لیا کے اوہدیاں برائیاں سامنے لیاؤنا کسے وی طرحاں مناسب نہیں لگدا تے فیر ایہہ توں وارث شاہ ورگے عالم فاضل تے سماجی دانشور نال جوڑنا زیادتی اے میری جاچے ایہ وی کسے ہو ردالم ہے جسے اپنا دکھ کڈھیا اے کیوں جے ہزاراں دی گنتی وچ مصرعیاں دی رلتی وارث شاہ نوں وکھن لئی ہوئی اے۔

بہر حال مکدی گل ایہو ای ہے کہ ساڈے کلاسک شاعراں نال وپاریاں نے اپنے فیدے لئی بڑے ہتھ کیتے نیں، اوہناں پاروں نہ صرف ساڈے وڈکیاں دی سوچ، سیانف تے وچار دھارا آتے بہت سارے حملے ہوئے نیں اوہناں نوں اپنے ہی مجموعی وچاراں تے سوچ دا دشمن بنا دتا گیا اے سگوں اوہناں دی شخصیت نوں وی گنجھلدار بنا دتا گیا اے ایہو ای کارن ہے کہ اوہناں نوں نویں سرے توں پڑھن تے گولن دی لوڑ آج دی لوڑ بندی جا رہی اے۔ امید اے کہ ساڈے پنجابی پیارے کھوجی تے سودھی لہنوں ذمے واری سمجھ کے قبولن گے تاں جے آؤن والیاں نسلاں نوں پنجابی کلاسک شاعر پورے سچ تے اپنے پورے چہرے نال دکھالی دین، اوہ ذات پات تے چھوت چھات دے مانی تے متعصب انسان نہیں منکھ دی وڈیائی تے منکھتا دی اچیائی دے پرچارک نظریں آؤن جہڑا کہ ہر صوفی شاعر ہوند اے۔

☆☆☆



## کتابیات

- ... پنجاب کے بیرونی حملہ آور  
○ ... افکار شاہ ولی اللہ  
○ ... مغلوں کا آخری دور  
○ ... تاریخ پنجاب  
○ ... "پنجاب"  
○ ... پانچ دریاؤں کا دیس  
○ ... سکھ مذہب  
○ ... تاریخ ہند  
○ ... سائیں بکھے شاہ  
○ ... کلام بکھے شاہ  
○ ... گروتا تک  
○ ... سکھاں دی تواریخ  
○ ... پنجاب کے صوفی دانشور  
○ ... پنجاب کی فکری تحریکیں  
○ ... ذاتوں کا انسائیکلو پیڈیا  
○ ... وحدت الوجود تے پنجابی شاعری  
○ ... گندھارا کی تہذیب  
○ ... ہندو متھالوجی  
○ ... سکندر یونانی کے حملے

کسے وی زمانے دی معاشرت، معیشت تے فکری رجحان نوں جانن پرکھن لئی اوس دور دی سیاست دا تاریخی ویرہ کرنا ضروری ہوندائے۔ صوفی شاعر سماج دے حقیقی کلچرل ہیرو ہوندے نیں ایس لئی اوہناں دا ہر اکھر تے عمل کلچر دے رنگاں جگھیا ہوندائے۔ اوہ بڑے کمال نال ویلے دیاں مقبول داستاناں وچ دانش تے سوجھ دے موتی پروکے لوکاں دی فکری تربیت کردے نیں۔ وجدان آلی اکھ اوہناں تے حیاتی دے سارے پکھاں نوں انج کھول دیندی اے کہ جیون، تاریخ، ثقافت تے کائنات دی نبض پڑھ کے اندر دا حال دس دیندے نیں۔ پہلاں توں تاریخ دے متھے تے اُلکے علمی، ادبی، تے ثقافتی ورثے نال جڑ کے مشاہدے تے گیان نوں اُگے نور دے نیں۔ اوہناں دے ہر مصرعے وچ ویلے دی اک کہانی لکھی ہوندی اے۔ بلیھے شاہ دا اک مصرعہ اوہناں دے عہد دا منظر نامہ بن کے سامنے آکھلوندائے۔ بلیھے شاہ دا زمانہ کئی حوالیاں نال لوکاں لئی غذا ہاں تے اوکڑاں دا ویلا سی۔

در کھلا حشر عذاب دا، بُرا حال ہو یا پنجاب دا

مغلاں دے زوال مگروں سکھاں دی ہلہ شیری نال پیدا ہون آلیاں سماجی تے سیاسی آزمائشاں بڑا چر ہنیری وانگوں انسانیت دے سر تے لوبھ دی مٹی پاندیاں رہیاں۔ اکرم شیخ بڑا نچلا لکھاری اے۔ ہر گھڑی ویلے دی جانکاری حاصل کرن لئی کسے نہ کسے فنی اسٹریجی گیان دیاں اکھاں رکھ کے سُوہ لان دا آہر کردار ہندائے۔ صوفیاں دے کلام دے نال نال انسان دی حیاتی تے واپرن آلیاں اوکڑاں اوہدا موضوع نیں۔ ایس کتاب ج اوس تاریخی، سیاسی تے سماجی پیچھو کڑ راہیں سوجھ دے نویں ذروا کیہتے نیں۔

ہر آفاقی فکر رکھن آ لے وانگ اکرم شیخ نوں وی بلیھے شاہ نال گوڑھی محبت تے عقیدت اے۔ پلاک اوہناں دی پہلوں وی اک کتاب ”کافر کافر آکھدے“ چھاپ چکیا اے جنہوں مسعود کھدر پوش ایوارڈ دی مل چکیا اے۔ مَن فیر اوہناں ساڈے کہن تے بلیھے شاہ دے زمانے دا سیاسی تے سماجی منظر نامہ ”برا حال ہو یا پنجاب دا“ دے سرناویں بیٹھ اکٹھا کیتا اے۔ پلاک نے لہنوں پنجاب، پنجابی زبان تے صوفی ورثہ نال پیار کرن والیاں لئی چھاپن دا آہر کیتا اے۔ اُمید اے تہانوں پسند آوے گا۔

(ڈاکٹر صغرا صدف)



پنجاب انسٹیٹیوٹ آف لینگویج، آرٹ اینڈ کلچر



978-969-9199-37-0